







Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6003/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6003/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6003/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
6003/A

6003 / A

EXV. 2

16

WELLCOME
HIST. MED. MUSEUM

R.I

From Mrs

A xxix. Sol

Genl. Parker

1713

8 Libens ^{*} Delaine

Feb 17-1818

40 789
REINERISO-
LENANDRI BV.
DERICENSIS MEDI-
CI CONSILIORVM

Medicinalium,

107. 30. 1 * * *
1641
Sectio prima.




LVGDVN.


Apud Ioannem franciscum de Gabiano.

1558.

Cum priuilegio. L



Re
n



est infir
no sine a
arbitram
fina que
tibi de
compen
colleat
mam
mister
tor pe
tor ex
fiam
medic
frum e
utare ob
fetur qu
prolixu
nam hoc

Reinerus Solenander

M E D I C I N Æ S T V.

diōsis salutem.



Incet, studiosi, illud Hesiodi
verissimum agnoscamus, Τῆς
ἀρετῆς ἡμεῖς θεοὶ προπάγοι-
μεν ἑθναὶ Ἀθάνατοι, & quæ
sequuntur: tamē naturā hoc
est insitum, vt omnes in quolibet propo-
sito fine consequendo, media quæramus, quæ
arbitramur quam facilima, quam breuis-
sima, quam expeditissima. Hinc sunt (vt
nihil de cæteris dicam) in medicina tot
compendia excogitata: hinc illa Methodi-
ca secta vniuersam artem, licet difficilli-
mam, arroganter semestri spatio pro-
mittens: Inde tot consilia medica scripta,
tot practicorum, vt vocant, libri diuulgati,
tot experimenta ædita, quæ omnia ita pas-
sim amplectimur, quasi his cognitis statim
medici futuri simus. Quotusquisque no-
strum est, qui Hippocratis lectionem, bre-
uitate obscuram & imperfectā, non auer-
setur? quis Galeni plus æquo explicata &
prolixa scripta, non fastidit? quis Auicen-
nam hoc tempore, licet breuitate non sit

ā 2

admo

admodum obscurus, nec multum prolixitate molestus, in manus sumit? In oculis potius habemus Aëtiū, Aeginetam, Trallianum: & quia ignari rerum iudicamus hos, Grecis, non autem nostris hominibus medicinam scripsisse: his posthabitis confugimus etiam ad nostros homines, Gordonium, Cattinariam, Valescum, & id genus alios innumeros: ex quorum libris passim non admodum cōmodè ægros curare nitimur: tamen hi æquiore animo ferendi sunt: verum qui ita se comparant, vt abruptis quibusdam ex Galeno desumptis sententijs, illisque sæpe non intellectis, de euacuatione, eiusque speciebus, de calido nativo, de facultatibus aut id genus similibus, & varijs receptis (sic apud medicos vocant) vndique congectis medicinam faciunt, maius detrimentum Reipub. inferunt: vt qui solidi iudicii, sinceræ eruditionis (vtrumque ex artis fundamentis & primis principijs deductum esse debet) nihil ad opus medicum adferant: vnde fit, si morbus forte paulo sit difficilior, nō cognoscatur ab ijs, vt qui axiomatis illis, quæ edidicerunt, non comprehendatur: aut curare nequeant, quoniam in Receptorum arculis nullum eo curando morbo remedium inueniant. Interim dum

dum ego multos annos in Italia partim
disco, & doceo, partim medicinam facio,
obseruavi penè innumeros adolescentes
Medicinæ studiosos, quibus satis fuit salu-
tasse solùm Italiam, & Recebras (lubet ita
vocare) varias collegisse, statimque ad suos
pro Medicis rediisse. Quod ego non po-
tui non vehementer improbare. Si res Re-
ceptorum multitudine & varietate agere-
tur, pharmacopola quemuis Medicum fa-
cile vinceret: is enim magna ex parte non
minus, atque artis studiosus nouit, quod
cuique morbo medicamentum ascribit me-
dicus. Quapropter ego studiosam iuuen-
tutem admonitam volo aliter de suis stu-
dijs statuatur, atque ea ita comparet, vt &
Reip. sine incommodo vsui esse possint,
& sibi honori & vtilitati queant: quod sa-
ne potest, si studia ritè instituantur, non
magno negotio fieri. Nam quæ ad finem
medici consequendum faciunt, sanè pau-
cis continentur: etenim in curando mor-
bo, hæc duo solùm requiruntur, nimirum
vt, Studiosi, morbū exactè cognoscatis, &
remedij adhibendi ad morbi curationem,
vires & naturam diligenter perspectam ha-
beatis: equidem horum duorum cognitio-
nem satis superq; esse & abundè arbitror:
quandoquidem huc totius medicinæ co-
gnitio

gnitio tendit. Verum non debet hæc levis
& superficialia esse cognitio: etenim ad
morbi cognitionem varia requiruntur. Si
enim morbum exquisitè quolibet tempore
cognoscitis, statim effectus eius, causasque
perspectas habere debetis: hoc enim vul-
gus etiam nouit, prudentibus tamen pri-
mum docentibus, scire esse per causas rem
cognoscere. Huc pertinet motus causæ
morbi cognitio, unde morborum tempo-
ra statim se vobis produnt: quæ ut pluri-
mum occasionem quandam remedij ali-
cuius exhibendi suppeditant. Præterea ut
morbus ex arte cognoscatur, necessum est
naturam & vires egroti emensas habeatis.
Nam si morbus est, quando constituitur
corpus præter naturam, necessarium est,
ut naturalem constitutionem cognosca-
tis quo ipsius contrariam compositionem
rectè assequamini: ex contrariorum natu-
ra. Hic temperamenta inuestiganda co-
rumque gradus distinguendi: partium de-
nique omnium constitutio & vsus tam si-
miliarum, quam earum, quæ ex non sibi
similibus constant, tenenda. Quæ omnia
sciri nequeunt, nisi prius humores, unde
geniti, alimenta & elementa perspecta fue-
rint. Hæc & pauca quædam alia, ad mor-
borum sinceram cognitionem, sunt scitu
necessaria

necessaria. Remedij item, quo morbum
statuitis impugnandum, vires & naturam
nisi noueritis, nihil profecto dignum ve-
stra arte effeceritis. Nam non satis est sci-
re, exempli gratia, adianthum vel betoni-
ca calculosos iuuat, sed intelligere oportet,
quid quodque faciat in corpore, quo fa-
cto calculosi iuuentur: Nam multa sunt
calculosis proficua, eaque longe diuersa,
quædam quod incidant & attenuant, qua-
lia Gal. dicit calculum cōterere: alia quod
atterant nonnihil: nonnulla quod mea-
tus, in quibus hæret, & per quos deducen-
dus est, laxant: aliqua quod molliant, & lu-
bricos reddant: præter hæc quædam quod
talia sunt, curât: quædam etiam, quod ma-
teriam ad lapidis generationem aptam è
corpore educunt: nam & ea per accidens
calculosos iuuant. Hæc distincta cogno-
scere & intelligere decet, alioqui quid in
quolibet casu exhiberi oporteat, ignora-
tur: vbi nihil ex arte, sed omnia casu fiunt,
neque vlli sanitas promitti ea ratione pos-
set, cum omnia fortuito & administraren-
tur & effectus suos producerent. At ea sim-
plicia & composita medicamenta (quæ
vulgus ferè remedij nomine intelligit) ex
animalibus, plantis, metallis desumpta,
non suffecerit cognouisse. Sed omne il-

Iud quod assumitur: quod fit: quod retine-
tur aut vacuatur: quodq; exterius incidit:
in quibus quatuor tanquam locis & sedi-
bus omne remedij genus facile cōtinetur.
Et ut hoc exempli loco vobis addam. Po-
namus vacuandum esse corpus: hoc ipsum
multis modis, ut didicistis, fieri potest, ve-
næ sectione, cucurbitulis, scarificatione, hi-
rudinibus, purgatione, inedia, balneis, exer-
cizio, frictione, & id genus alijs. hūc cogno-
scere conuenit, quædam æqualiter ut in-
edia, venæ sectio, quædam inæqualiter, ut
purgatio, vacuare: alia manifestò, alia in-
sensibiliter: nonnulla subito & confertim:
quædam paulatim: aliqua parum: quædam
multum, & similes id genus differentias,
ut ubi humor demendus æqualiter, sensi-
biliter & cōfertim, sciatis venæ sectionem
egregium esse remedium. Non possum hūc
omnia prosequi: prolixior sum quàm vole-
bam, quare breuibus expedio. Hæc sunt &
his similia, studiosi adolescentes Medicinæ
cādidati, quæ assiduo studio & labore in-
defesso inuestigare debetis: hæc ea quæ ve-
rè secreta sunt in arte, nec omnibus, qui
pro Medicis habentur, cognita: nam qui ea
cognorit, vbique facile sibi remediū com-
pararit, nullo præsentē Pharmacopola, &
libris omnibus exoletis, caricæque exes-
arculis

arculisque Receptorum (ut ita dicam) igne
cōsumpris. Vos igitur Medice artis studiosi
ingenio acri & assiduo labore, Minerva
non reluctāte, operā navabitis, quò ea ritè
assequamini, & methodo, que paulo ante
dixi. In rationibus rerum naturalium in-
veniendis & dijudicandis vos plurimū
exercebitis: quod multo feliciter facietis si
Scriptorum autoritatibus non tantum tri-
bueritis, quin lubentes rationi aliud do-
centi concesseritis. Ea omnia postquā, quò
ad eius fieri potest, satis diligenter perce-
peritis: tum demū date vos alicui docto
& exercitato Medico, qui preceptor vos ve-
luti manu ducat, & artis quasi fores ape-
riat: hunc tum temporis diligenter obser-
uare vos decet, conferentes quotidie quæ
ad præsentēs agrotos spectant in utrāque
partem plurima: Et si quæ is habeat, quæ
longo usu cognovit hunc vel illū morbum
curare, maxime si id faciant, non suis ma-
nifestis primis aut secūdis qualitatibus: sed
quia talia sunt, ea diligēter annotare pro-
fuerit, quo ijs in casu simili aliquādo, si res
tulerit, empiricè utamini: hunc diutius co-
lite, si manu is medetur (nam & eam par-
tem arti reddere decet) Etenim ea quæ
Chirurgus facit, si is exercitatus & do-
ctus fuerit, feliciter ex usu, quā libris discū-
tur

ā s tur

tur: quandoquidem hic morbus ipse oculis
se conspiciendum obijciat. Præstat & hunc
mutare, atque eo doctiorem, si detur con-
sequi. Dum extrema hæc manus studijs
imponitur, ceteris omnibus probè perco-
gnitis, eo tempore ex usu fuerit, & practi-
cos libros, & consilia medica, & remedia
quæ scribuntur experta, operi cum iudicio
adhibere. Nam tum temporis iuuare pos-
sunt, multa in memoriam reuocando, &
breuibz limitibus comprehendendo, quæ
in vniuersa arte passim & vbiq; tradun-
tur. In hoc negotio licet & practicorum li-
bri, quibus exercitati in arte viri, omnem
morbum ferè comprehēdunt, & pruden-
tum cōsilia in varijs morbis data, egregiè
iuvant: tamen mihi semper visa sunt con-
silia magis proficua, magisque necessaria.
Quādoquidem quæ in practicorum libris
sunt, omnia prope ex Galeni libris de mor-
bis & symptomatis, & de cōpos. medicam.
sunt trāscripta: atque omnia ita tractata,
vt nulli priuato, huic aut illi hæc applicari,
nisi cum magno negotio possint. Quod
omniū est semper iudicatum difficillimum
in medicina: nimirum vt ea que vniuersa-
liter in ea explicantur, possint particulari
vnicuique applicari. At in consilio medico
hic primus scopus est: vt hic priuatus cure-
tur

tur, non semper ab vno morbo, sed sæpe
complicatis multis, atque ijs subinde con-
trarijs vel oppositis. Dum ea inuestigan-
tur, subinde quæ de temperamentis fiunt
disputationes, omnes explicantur: sæpe &
multum de grauissimis quæstionibus de-
terminatur: aliquando effectuum admi-
rabiliū causæ traduntur: item omnia &
pleraque expertissima & exquisitissima
remedia in medium adferuntur. Vt nihil
dicam, de victus ratione varia varijs vario
modo præscripta: quæ omnia sane longe
inferiora sunt in practicum libris. Ego
sane interim dum medicinam facio (facio
autem iam multos annos) legi quidã pra-
cticorū aliquādo libros, non sine fruge: sed
tamen, vt verum fatear, longè maiorem
precepi utilitatē ex medicorū consiliorum
observatione, quàm practantium libris.
Quapropter cum Ioannes Franciscus de
Gabiano vt Remp. Med. suis impēsis iuua-
ret, in animo haberet Mōtani nostro tem-
pore doctissi. medici consilia, commodiori
forma studiosis impressa cōmunicare, at-
que ex me petijset, vt sibi mei exemplarie
perlecti, & sicubi opus erat, correcti copiā
facere, sane non potui viro humanissimo
& mei amantissimo in hac honesta peti-
tione deesse. Perlegi ea igitur omnia, mul-
ta con

ea contuli cum scripto exēplari, quod mē
cum ex Italia detuleram: plurima correxi,
maximē in secundo tomo, quæ non ani-
maduerſa hætenus à multis doctis Medi-
cis, qui eandem operam præſtiterāt Reip.
omnes ſumus admirati. vtrorūque collata
exemplaria fidem rei facient. Quæ in ſe-
cundo tomo habentur, item multa in pri-
mo, talia ſunt, quod ſi Montanus in viuos
rediret nollet proſectò pro ſuis agnoſcere,
talem hominē nouimus dum in viuieſſet.
Tamē qualiacunque ſunt ex ijs ſane ſem-
per aliquid capiet emolumenti Medicinæ
ſtudioſus. Quæ in prima parte ſecundi to-
mi ſunt, non ſimpliciter conſilia medica
ſunt: ſed de ægrotis conſabulationes quæ-
dam, quales in viſendis ægrotis ſolent in-
ter medicum & diſcipulos haberi: qui Ita-
liam vidit, nouit morem hunc laudatiſſi-
mum, quo ſane cunctas alias nationes in
ſtudio medico antecedit. Verū cum iam
hæc Mōtani quæ extant cōſilia typis con-
ſcripta eſſent nec ſecūduſ tomus ita excre-
ſceret, vt ſtudioſis vſui eſſe poſſet, inſtitit
apud me, vt pauca illa quæ forte habebam
conſilia, his annecterem, ita facturum me
ſtudioſis rem vtilem & gratā, & futurum
vt liber excreſceret in magnitudinē con-
ueniētem. Qua ratione factū eſt, vt Mon-
tani

tani mea hæc adiecerim, pleraque obiter
exarata, alia inter consulendū, vt fit, dicta-
ta & excepta, non sane ea ratione, vt pu-
blicam lucem viderent: nam si mihi id in
animo fuisset, præterquam quod ægri sa-
lutē in his procurassem (vt diligenter pro-
curaui) semper in vnoquoque consilio
explicare conatus fuissē rem aliquam
in medicina difficilem, vel male cognitam
aut intellectam: quod promitto vobis me
post hac facturum, si intellexero hæc pau-
ca placuisse, vel inde vos vtilitatē aliquam
percepisse. Ita etiam fiet, vt qui mihi egro-
tus curandus proponetur, diligentius per-
curetur: cum non solum priuatam ipsius
salutem in ea curatione desiderem, sed pu-
blicum commodum quærā. Quapropter
etiam hæc, prima sectione distinxī, conti-
nuò alias additurus, his magis elaboratas,
magisque, quo ad eius fieri potest,
doctas, quasque ad editionem
conscriptas. Valete & la-
borem meum æqui
bonique con-
sultite.

LVGV D V N I.

CATALOGVS

CONSILIORVM

*Medicinalium contentorum
prima sectione.*

*



CONSILIVM In defluuio capillorum ex nimia cutis raritate: in quo latius disputatur, quod defectus nutrimenti, non sit habēda causa defluuij pilorum, ad Ioannem Sohetium Eburo-
nem Medicum. j.

In vertigine à frigida & humida cerebri intemperie, pro ciue Lucensi ad Antonium Minutolū Medicū Lucensem. ij.

In sonitu in auribus ob sensus audiendi exquisitam acrimoniam pro Ciue Vefontino. iij.

Pro mercatore Argentinensi surda astro & aurium tinnitu laborante. iij.

Pro illustrissima quadam Comitissa laborante dolore capitis, dolore & leni stupore brachij sinistri, & defluxu humorum in fauces & gingiuas. v.

Pro eadem illustrissima Comitissa. vj.

In asthma pro Augustano mercatore. vij.

In quo victus ratio p̄scripta nobili viro in ven

15
in ventriculi affectu cum totius corporis
siccatate & extenuatione, in quo de exhi-
bendo lacte asinino, Consilium. viij.

In affectu hypochondriaco pro ciue Lu-
gudunensi. jx.

In imbecillitate ventriculi, catharro, ob-
structione primorum viscerum, atque in
principio hypochondriacæ melancholiæ
datum clarissimo viro Augustano. x.

In hepate & renibus calidis, ventricu-
lo frigido & capite destillationibus obno-
xio, pro nobili & docta muliere Lugudu-
nensi. xj.

In obstructione hepatis & lienis, nec nō
huius duritiæ. pro ciue Cremonensi. xij.

In obstructione & duritiæ splenis, in
quo de viribus aquæ Balnei Villensis in He-
truria ad Medicos Cremonenses. xiiij.

Datum honestæ mulieri Lugudunensi,
patienti frequentes abortus & profluum
sanguinis à matrice. xiiij.

In calculo renum ad Abbatem D. Ioan-
nis Laudanvi. xv.

In calculo renum, cum insigni eorum
calore in muliere grauida: in quo multa de
abortu ad Fabricium Nobilem, Medicum
Lucensem. xvj.

In calculo renum pro eadem. xvij.

In vrinæ difficultate & quadam inter-
mea

inciendum interceptione, in quo etiam de
vfu thermarum. Pro mercatore Florenti-
no. xvij.

In arthritide & tumore scyrrhofo circa
vteru pro nobili Laudunæa ad Abbatem
D. Ioannis Laudunæi. xix.

In arthritide & nephritide ad magnificu
ciuem & mercatore Nurnburgensem. xx.

In febre tertiana pro integerrimo viro
ciue Lucensi, habitum cum Medicis Ge-
neuenfibus. xxj.

In quartana febre datu Ioanni Lœue-
nicio legum ftudiofo Biturigibus. xxij.

In varice finiftri cruris cum eiusde tu-
more circa talos & fub genu quadam du-
ritie, ad ciuem Geneuenfem. xxiiij.

In ganglio in fuma finiftra manu pro
mercatore Colonienfi. xxiiij.

In cutis defœdatione, & principio ele-
phântiafis & aliquot alijs affectibus, datum
honestæ mulieri Lugudunenfi. xxv.

Reineri Solenandri

*BYDERICENSIS MEDICI
Consiliorum Medicinalium sectio prima*

Consilium primum in defluuio capil-
lorum ex nimia cutis raritate: in quo
latius disputatur, quòd defectus nutri-
menti non sit habenda causa defluuij
pilorum. Ad Ioannē Sohetium Ebu-
ronem Medicum.



*Con*questus es mihi aliàs Ioan-
nes Soheti in vulgari colloquio,
te ex nimia cutis raritate vix
capillos retinere, atq; meum in
ea dispositione consilium pe-
tisti, vel quod forte me pro ata-
te paulò te doctiorē iudicares vel quod arbutareris
nostra viriusque collata industria facilius huic af-
fectui posse succurri. Equidē tum temporis sumpta
ab ipso affectu indicatione, attuli illa, quæ ratio
iudicabat conuenientia, adiungens interim ea,
quibus in simili malo aliàs feliciter vsus eram. ve-
rū his non contentus domum reuersus statim
cum Galeno meo consilium inij, non quod diffi-
cultas rei id exigeret, sed vt tibi solidè, & sincerè
consulerē, quem & in rarijs, & studiōrū similitu-
d. iam

iam à multis annis amicissimum reddidit. Quapropter etiam non graue mihi fuerit hoc tempore ad te perscribere, quæ apud Galenum inuenerim, eaque longiori paulo disputatione Medicus Medico explicare: quod & communia studia admittunt, & affectus tui capitis, quod mihi charissimum est, requirit. Inuenio itaq; Galenum cum diuersis in locis, tum præcipuè libro primo de compositione medicamentorum secundum locos, & postremo decimo quarto libro suæ methodi ex professo de hac re agere, in quo statim ab initio in hac serè scribit verba. Quemadmodum plantæ aliquæ ob humeris inopiam resiccatæ corrumpuntur, aliquæ verò ob humoris alieni ab ipsarum natura attractione: eodem modo & capilli, aut propter humorum ex quibus nutriri consueuerunt inopiam, aut propter eorundem vitiationem corrumpuntur. Et propter inopiam sanè humorum, caluities contingit: propter vitiatos verò humores alopecia, & ophiasis. Præterea secundo eiusdem libri capite, Defluuium (inquit) capillorum est alia pilorum affectio, quæ ad raritatem cutis, inopiamque substantiæ pilos generantis consequitur. Hæc Galenus & omnes ad unum medici, qui eum sequuti sunt. Cum his eadem sunt quæ in methodo curatiua: in aphorismis, & alijs innumeris locis commētatus est. Quæ sanè cum diligentius perpendo, nescio an probare debeam, etiamsi hoc ipsum ante eum Aristoteles cum alibi item decimo octauo problemate sectionis quartæ

quarta manifestè scripserit. Nam si diligenter consideras naturalem pilorum ortum, quo modo, in qua cute, ex qua materia primum erumpant, firmentur, paulatimque succrescendo augeantur, non profecto difficile fuerit, causas etiam inuenire, quare aut omnino non pulluent, enascantur, & proveniant: aut enati excidant, atque corrumpantur. Pilorum enascentiam, non libenter generationis, neque eorum additamentum, auctiois, & nutritionis (hæc enim eadem specie existunt) vocalis dignor. Illorum enim (ut scis) nullum regimen est, nulla vita: sed ex postremis alimenti concoctionibus recrementa quadam, trudente & se expurgante natura, ad cutem secedunt, quorum alia in sudorem resolvuntur, alia in sordes abeunt, alia ita ut sensus non percipiat, diffillantur: ex his quadam, nimirum quæ fuliginosa magis sunt, terrestriatamē, viscida, & limosa glutinosaque materiam pilis præbent. Ea enim, exiles cutis nostræ meatus penetrantia, quia glutinosa sunt, hærent: neque prius meatum, quem subierant, relinquunt, quam natura eius generis alia agglutinando priora extrudat, quibus sua natura siccis ambiens nos aër, eam formam confirmat, & tuetur, quam in ipsius meatus angustijs assumpserunt. Agnosce materiam pilorum, scis etiam ubi hæc multa est, pilos frequentes esse: raros, ubi pauca: ubi nulla (quod tamen vix potest accidere.) nullos oriri pilos. Atque hac in re ut in alijs multis naturam

a 2

suspicio

4 REINERI SOLENANDRI

suspicio, maximisq[ue] eff[er]ro laudibus, quod fruga-
 lis egregie, reitrimen[tu]m etiam in vsum conuer-
 rit, ornament[um]q[ue] & vtilitati corpori addiderit,
 Restat, vt videamus, qua in cute pili efflorescant,
 non enim qualibet (etiamsi materia oportuna exi-
 tum querit, & molitur.) apta videtur vt pilos
 emittat. Atque h[ic] Galeni analogia vtar, etiam
 si in comparatis non sit admodum prompta propor-
 tio. Planta non in omni solo nascuntur, humidissi-
 ma terra & limosa plantas non emittit: Siccissima
 & duritie rara itidem nullas alit. Tantum illud
 solum quod in ea compositione temperatum est, aut
 non multis gradibus a mediocritate distat, plantis
 virescit. Imaginare tibi aliud magis simile. In sic-
 cissima terra, & solidissima minimè, aut nisi cum
 magna difficultate palum figis, in limosa, humida
 aut aqua subacta terra nullus est meatus, qui eun-
 dem suscipiat, & si fortè fixeris, in hanc, aut illam
 partem inclinatio[n]e sidit, & labitur. Solum ea hu-
 mus, quæ inter has media quodammodo est, com-
 modâq[ue] spiramenta obtinet, promptè palum ad-
 mittit, admissum amplectitur, amplexumq[ue] re-
 tinet, quoad eadem humus, aut siccitate rarescat
 nimia, & rimas ducat, aut humido subacta emol-
 liatur, spiraculaq[ue] cõcidant, ac veluti oblimata
 claudantur: nam in harum utraq[ue] neque bacu-
 lus figitur, neque fixus persistit, sed excidit: idem
 pilis v[er]su venit: nunquã enim etiam presente mate-
 ria sub plantis pedis, pilus enascitur, neq[ue] unquam
 palma

CONSILIA MEDICIN. S

Palma manus eo vestitur, loci desitas repugnat, ut
 sepe in alijs siccitas: licet hoc videre in cancrijs, lo-
 custis, pinnis, musculis, denique omnibus illis, qua
 aut crusta, aut testa integuntur animalibus. Hu-
 mida cutis eodem modo nullos pilos emittit, constat
 hoc ex pilis post genitis barbae, axillarum, & pu-
 bis: quae eo tempore tandem erumpunt, cum earum
 partium cutis, aut propter aetate, aut aliquam infi-
 gnem humidi euacuationem, ut menstruorum, ha-
 morrhoidarum, & coitus, siccior, & magis rara ef-
 ficitur. Sic effeminatis hominibus gena tardius
 pilis vestiuntur: ita per uniuersum corpus pilis non
 statim efflorescunt: sed paulo post, quando ambitus
 corporis, & aetate, & externo aere siccior paulo,
 & rarior euadit: atque hoc absque ordine enascen-
 tes pilos & loco non circumscriptos inter post geni-
 tos habeo, etiamsi ab Aristotele non enumerentur.
 Est tertia inter has cutis dispositio, rara scilicet,
 non tamen vehementer: sed ut excrementi transi-
 tus requirebat, mediocriter: haec facile pilum ad-
 mittit. Sic Hippocrates noster quinto aphorism.
 LXXIX. inter caetera, cutis rara, inquit, indicio est
 pilus. Ita conuascuntur nobis pilis, quod ea cutis
 partes a prima constitutione etiam in materno ute-
 ro eam raritatem, & siccitatem adeptae sint, quae
 pilis extrudendis conueniens erat, & apta. Eadem
 de causa videntur mihi exteriores crurum, & cu-
 bitorum partes, hirsutiores potius quam interna.
 quod ea cutis rara magis est quam interna, &

6 REINERI SOLENANDRI

spiramentis frequentibus peruia. Habes solsetā
 materiam convenientem & pororum aptam
 dispositionem, causam geminam egressus pilorum,
 quæ utraque necessario ad eorum productionem
 concurrat, ut ubi ea adsit, necessario ibi pilus sit
 (non reclamante tamen facultate recrementorum
 expultrice) atque ubi una ex his desit, nullus
 etiam pilus exire possit: scis quoque quæadmodum
 ad harum causarum differentias in ipso effecta
 discrimen inueniatur: unde tam varij, cum qua-
 litate, tum quantitate pili visuntur. His ita con-
 stitutis, unde pilorum defluuium, corruptio, atque
 caluitium oriatur facile patet. Si enim pili emer-
 gere debent, debita pororum raritas adsit necesse est:
 nimia enim humiditas & huic contraria siccitas
 cum duritie, poros labefactando, eorum exitum in-
 tercipiunt. Materia quoque pilorum defectus fa-
 cit, ut nullus omnino pilus nascatur, atque ita na-
 turale caluitium imaginamur. Verum non omni-
 no eodem modo se habent pili iam enati & semel
 progeneriti. Nam in his defectus alimentum pilos au-
 gmentantis incusari non potest, tanquam causa ali-
 qua sit, quare defluuium eorum subsequatur. Non
 enim pili excidunt, quia alimentum eorum prorsus
 perijt, ut Galenus inquit, sed quia aut pororum
 dispositio naturalis male affecta est, aut quod ali-
 mentum vitiosum redditum est, & corruptum.
 Hæc partim ophiasis, partim alopecia pro diuersa
 figura quam exprimit: illa solum simplicis capillo
 rum

rum defluuij causa est. Nam cum n poris se commo-
de habuerint, pulchre firmentur & haerent: neque
impedit, quod nihil alimenti ex parte in qua pili
sunt, aut corpore eleuatu eis agglutinetur & ap-
ponatur: non enim ob eam causam decidunt, etiam
si non excrescant. Etenim pilus cum non augea-
tur, uel protrudatur absentia sui ipsius alimenti,
neceſse non est ut iam genitus, & sua uelut radi-
ce fixus alieque in meatu suo haerens excidat, &
elabatur. Nam cum solu n protrusione nascatur,
& ui succedentis alimenti eleuatus longior eua-
dat, non video quare defluere possit poris se recte
habentibus: cum nihil intus sit quod illum more
sui alimenti paulatim extrudat, aut aliquid aliud
quod violentia per fas, & nefas excutiat. Vides
ne quam aegre, & quam non sine labore extrahan-
tur poris adhuc bene constitutis? At quod ibi tum
temporis subest alimentum quod eum retineat, &
trahenti reluctetur? nullum profecto. Sed sola est
naturalis illa spiramenti constitutio: quae ita com-
parata est, ut inferiorem pilum apte circumdet
& cingat, cinctum foueat, fortius firmet, firmatum-
que conseruet. Quis quaso alimentum subministrat
pilo in pellibus animalium iamdiu excoctis &
detractis? At his pili non excidunt, nisi teredines,
tineae & id genus alia insecta poros infesto den-
te deuastari, aut meatum constructio humido ali-
quo labefactata fuerit, uel putredine demolita. Sed
adferet mihi de plantis exemplum, quas exarescere
a 4 conspic

8 REINERI SOLENANDRI

conspicimus, ubi aut nullum alimentum habent,
aut proprio destituuntur. Concedo, imo quod fo-
lijs euenire videmus pilus magis respōdet, (ea enim
arboris comam quodammodo referunt) quæ au-
tumni initio languere incipiunt, flaccescunt, ac
sponte sua tandem decidunt, non aliam sane ob
causam quàm quòd alimento destituantur, ac
humidum quo fouebantur ac vigeant depastum
sit: argumento esse possunt, ea plantarum folia,
quæ aut propter multitudinem humoris, aut eius
lentorem non decidunt: sed perpetuo virore
sunt insignia & conspicua. Analogia hæc Ga-
leni egregia est: sed ad pilos collata omnino nullæ
proportionem seruat. Atque ob eam causam Ga-
lenum miror, qui sui-ipsius oblitus, hæc voluerit
comparare, cum in naturalibus passim asserat, non
plantarum modo pilos nasci: & tamen eundem vo-
trisq; interitus modum voluerit præscribere. Plan-
ta animam habent, radicibus terram undique
complectuntur: ex hac sibi conueniens alimentum
sugunt ac omnibus suis partibus transmittunt: sic
foliorum etiam extrema partes, interim dum in
arbore virent, alimentum suscipiunt: neque folio
opponitur, sed per totam eius substantiam pul-
chre distribuitur. At pilorū non ea est natura,
nulla eis vita, radicibus cutem, aut ei subiectam
membranam non complectuntur: eique sese varijs
implexibus non insinuant: sed vt vallis terra
infigitur, ita pilus cuti insertus hæcet: non nutri-
tur

CONSILIA MEDICIN.

tur, sed paulatim ei aliquid materiae accrescit, & allinitur, quod per totum pili corpus non secedit, nec distribuitur, sed in radice haeret exitumque molitur, atque ita pilum protrahit, quare ratione fit, ut quod iam extremum in eo est, ante aliquot dies in meatu pro radice haerit. Hic obiter te volo communes factum, non album illud, quod in extremis nigris pilis circumnastum vides radicem esse, non enim hoc extruditur: sed in ipso poro haeret, pituitosum quoddam, ac veluti pilo transeunti viam, & comitatum praebet. Percurre animo varias vasorum in corpore nostro diuersiones, quibus diligens & sollicita natura semper aliquid apponit, glandulas, pinguedinem, aut simile quiddam, quo huiusmodi vasorum diuersiones tuas abscedant. Eodem modo haec viscositas pili adnata videtur: scio quod eundem usum non praebet, neque natura dedita opera eò seponit: attamen meatus non nihil offarcit ac pilum magis, ne excidat, retinet, & firmat. Quod verò radix non sit, sic agnosces, non in omnibus pilis reperitur, neque in quolibet corporis loco, sed solum ubi cutis rarsiuscula est. Praeterea in exanthematibus, psoriasis, fauo, manantibusque capitis ulceribus, si pilum extrahas stipatam admodum eius imam partem inuenies hac materia, conspiciensque statim subsequi & emanare, humidum quid, ut plurimum ei simile, quod nullo modo pilis materiam praebere consueare necesse est. Inuenies quoque hoc album

a s

non

IO REINERI SOLENANDRI

non extremum esse in pilis, neque eorum partem,
quod tamen radix esse debet. Nam vel ungui-
bus, vel cultello potes, pilo quem ambit interim il-
lato, abradere. Taceo hinc quod omnes omnium pilis
(hac existente radice) albi di conspicerentur, aut
saltem sup pallidi: nam ferè ex his coloribus, unum
ea materia referre solet. Sed quæ nam igitur est pi-
lorum radix? Ea sanè varia est, in quibusdam ni-
gra: in alijs pallida: in plerisque fusca: nonnullis
copiosa, quibusdam pauca: alijs vix conspicua: hæ-
ret extremo pilo glutinosa, putares muscæ alicu-
ius excrementum, in calidis, & siccis copiosior esse
consuevit, in quibus picem nigram vel bitumen il-
lud quod Iudaicum vocamus colore & lentore suo
ut plurimum repræsentat: quod si extractum pi-
lum chartæ aut alicui corpori inijcias, ita pertina-
citer sua radice hæret, ut vix excuti se patiatur.
Hæc de radice pilorum latius dixi, quod videam
non vulgares solum homines, verum etiam pleròsq;
medicos ignorare quænam sit eorum radix, album
illud quod pilo inferiori circumnascitur eandem
existimantes. Sed ut eò unde digressi sumus, re-
vertamur, multa sunt quæ ostendunt pilos exci-
dere non quòd alimento destituantur, sed pororij
& meatuum vitio. Videre hoc est in ijs medicamen-
tis, quæ pilorum denuatoria sunt: græci ψίλλο-
ν, vocant, quale est sandaracha, arsenicum
calx, tithymalus & id genus sexcenta, quæ ero-
dentem, & vstoriæ vim habent: & inconsidera-
tius

rius adhibita, bullas excitant, cutem exulcerant.
 & exurunt: quæ sane pilos educunt, non quod
 eorum materiam depascantur: sed quod pororum
 constitutionem vitient, & demoliantur. Hoc cer-
 tius cognosces, si videris Coriarios animalium pelles
 & cruda coira preparare. In cortinas ea coniungunt
 largèque psilothrum calcem nimirum, multa aqua
 affundunt, idque interpositis diebus reiterant,
 quoad pilus aut sponte excidat, aut trahentem fa-
 cile sequatur. At hic nullum alimentum (nullum
 enim præsens est) consumitur, sed porus rarior fit,
 & laxatur, consumiturque (ut demus aliquid
 consumi) non quod pilum nutrit, sed album illud,
 si fortè est, quod paulo ante dixi pilo in quibusdam
 circumnatum, eum firmare magis & retinere.
 Quod autem eo modo rariores meatus, & pellis ipsa
 humiditate quadam laxior efficiatur, probatione
 nulla eget, quum hoc sensibus nostris subiiciatur.
 Quis enim est, qui non viderit pilum ita exutas pel-
 les, adeo flaccidas esse, adeo non sibi consistere, ut
 totæ corcidant, nec unquam solida aut rigida
 effici possint, nisi prius rursus constrictis & coag-
 mentatis? Hinc certè illud est, quod Coriarii iam
 depiles eas abluentes, in alias cortinas coniungunt,
 inspersis corticum astringentium arborum, aut fo-
 liorum pulueribus desunt, coguntque, & solidius-
 culas reddunt: in eum usum Rhois folia, lentisci,
 & myrti Cerdones assumunt: nostri homines,
 quia regio eos fructices non alit, quercus cortici-
 bus

bus contenti, molis eas contundunt, cōtusis pilles
 contritisque ijs aspergunt. Non adduco iam illud
 quod egregie affectus naturam ostendit, à iuuan-
 tibus & ledentibus sumptum indicium. Andri-
 as, inquit Hippocrates, à ihois, Et profecto hæc
 manifestissime docet, pili utrum ne ex alimenti
 proprii defectu excidant, an quod cutis vel sicca
 nimis & durior facta sit, vel per plus a quo laxati
 sint & soluti. Galenus Cap. 2. pr. lib. κατὰ τό-
 πους, ubi indicationem sumit ad firmandum de-
 fluos capillos (excipio iam mihi ubi alimentum cor-
 ruptum est) paucis verbis docte caluitis causas
 meo iudicio perstrinxit. In capillorum defluvio, in-
 quit, primum scopum habemus, ut capitis habi-
 tum robaremus, & boni succi allationem procu-
 remus, cutemque ad densitatem ac raritatem mo-
 deratam reuocemus. His verbis videtur mihi ut-
 runque in cute excessum indicasse: nullam tamen
 defectus alimenti curam habuisse. Vbi cutis me-
 diocriter se habet, pilos continet, ubi siccior euadit,
 & plusquam decebat tenuatur, qualem in qui-
 busdam ex ætate caluis senibus, silicem quodam-
 modo videmus, pili excidunt, ut pote, solidum
 subiectum, non ita tenue efflagitantes, Atque
 hinc curæ scopus consistit in eo potissimum, ut boni
 succi alimentum eò vocemus, quo cutis nutriatur.
 nutrita & ad temperatam densitatem & rari-
 tem reducta, pilos fulciat. Videtur mihi hæc dispo-
 sitio cutis siccior non dissimilis Aegypto, quam
 Nilus

Nilus irrigat, & cum tota aestate (ut Cicero in-
 quit) obrutam oppletamque tenuerit, tum recedit
 molitōsq; & oblimatos agros ad serēdū relinquit.
 Nos quoque Nilum emulātes ladanum cum Ga-
 leno in hoc casu adhibemus, quod duo praestat:
 pulchrē humectat locum, sanguine eō temperat
 sua caliditate attracto, quo locus siccior nutria-
 tur & temperiei restituatur: stringit etiam medio-
 criter, quā ratione locum roborat & firmat, et iam
 si in ea dispositione non magnā pere retentiva fa-
 cultas laboret. Ladano in ea siccitate addo subinde
 aliquid ursinae pinguedinis: ea enim & humectat
 & calfacit mediocriter, idq; medicamentū lentisci-
 no excipio. Est & aliud pilorum defluuiū, quod
 non extremam illam siccitatem sequitur, quod ut
 citius aduenit, & praecotius est, ita facilius etiam
 remedium admittit. Euenit hoc ex nimia cutis, et
 eius spiraculorum raritate, cum excrementi te-
 nuitate: quā ratione etiam tibi capilli excidunt,
 atque hīc potius humiditas quā dā ignaua, quā
 siccitas peccat. Curationis quoque scopum ex Ga-
 leni dictis colligimus. Nam hic capitis habitum ro-
 borare oportet, cutemque ad naturalem densita-
 tem reuocare: estque retentrix facultas magis in-
 suscinda. Retinet in hoc casu idem ladanum pilos
 lentiscino, vel myrtino potius, & his similibus mi-
 stum, astringit enim mediocriter, & partem robo-
 rat, & siquid praeter naturam sit humidum, id sua
 caliditate discutit. At hoc modo nulla mentio fit
 materia

14 REINERI SOLENANDRI

materia pilos generantis, cuius inopia eos exci-
dere Gal. dixit: scio, neque ullam ab ipsius defectu
indicationem incurra sumit. Nam ladanum non ad-
uocat materiam fuliginosam, terrestrem, & visci-
dam, sed, ut inquit Gal. boni succi allationem pro-
curat: cuius inopia ratione cutis arida facta est,
& extenuata. Neque ex bono succo pilus, sed ex
boni succi fuliginoso retrimento augmentum susci-
pit, neque eo solum quod in capite redundat, sed
quod ex subiectis quoque partibus eo defertur, &
ascendit. Constat igitur pilos non defluere quod
eis alimentum proprium desit, etiam si ea causa esse
possit ut longior pilus non euadat, aut nascatur.
Vbi igitur Gal. X I. & X I I. Apho. V. sectio-
nis defectum alimenti adducit in defluuium pilorum,
quod tabem subsequitur, & fere perniciosum si-
gnum est, tu defectum alimenti nutrientis, &
totum corpus, & capitis cutem intellige, non ex-
crementi pilos protrudentis inopiam: nam etiam
si hoc desit, tamen pilus eius ratione non excidit:
sed quia cutis tenuior, & rarior reddita est, quae
mediocriter rara, & crassa esse debet. Ceterum qui-
bus remedijs praeter dicta a me, capilli tui firmari
possint, & alij regenerari, non opus arbitror hic
recensere, cum his explicatis, tu facile ex rei na-
tura possis affectum curare. Quod si omnino etiam
a me praescribi ea vis, haec accipe. Leniter euacua-
to corpore abunde esse putarem lotionem factam
ex lixiuij. part. duab. & vini astringentis part.

CONSILIA MEDICIN. 15

una, in coctis capillis veneris, folijs myrti, & floribus aliquot stoechadis, eamq; saepius reiterari: post lotiones continuo absterse capiti, interdum etiam subinde linimentum aut hoc inducendum aut aliquod simile iudicare. R. ossium dactylorū combustorum in vase aeneo. ℥. iij. capil. ven. ℥. j. Ladani purioris. ℥. s. pinguedi. talpæ, vel serpentis, si haberi possunt, vel ping. visina (talpæ tamen maelim). ℥. iij. olei myrtini quantum satis est fiat linimentū. Posse ego id genus multa tibi, si opus esset suppeditare, sed non decet ligna in siluam. Vale & Solenandrum tuum amare perge, ut ea quæ olim in communibus studijs Louanij incepta primum, postea in Italia confirmata est nobis amicitia, immortalis existat.

Consilium secundum in Vertigine a frigida & humida cerebri intemperie, pro ciue Lucēsi ad Antonium Minutolum Lucensem Medicum.

E*Raterius Antoni Minutole, voluit ut ad te de valetudine sua perscriberem, explicarēque paucis, quæ ego in ea obseruavi, quibus tu intellectis possis illi salubriter consulere. Ego verò non solum hoc officij præstabo amicissimo mihi peramanter, & officiosissimo homini, sed etiā metus ea necessitudine, quæ mihi vobiscum, maximè*

cum

16 REINERI SOLENDRI

cum Hieronymo fratre intercedit, libenter altius paulo repetam omnem ipsius affectus naturam, causas, effectus denique: quid item sperandum mihi videatur, vel quid timendum: præterea addam ea remedia, quibus ego eum restitui posse confido, vel à grauioribus affectibus præseruari.

Frater tuus autumnò superiori incidit in popularem eum morbum, quo tam vniuersa Europa conflictata est, in dolorem nimirum capitis cum humoris defluxu in pectus, & febre: is hominem peius habuit tum tēporis quàm cæteros suos ciues, tandem tamen mea opera restitutus est. Succedente deinde hyeme (quæ hoc loci acerbior esse cōsuevit, quàm apud vos est, non longè ab Hetrusci maris tepescente littore constitutos) & iam frigore ingrauescente, cœpit de capitis frigidi-tate conqueri, quam ferè annos quatuor ex ordine hyberno tempore persenserat, quæ iam paulatim cō magis inualuit, quò erat à præcedenti distillatione imbecillius relictū caput, & quo minus volui illud subrustico quodam pudore motus, tegumētis præter consuetudinem operire, & ab externo aëre defendere. Præter frigidi-tatē igitur, quam ipse actio percepit insignem, varia symptomata paulatim subsequi visa sunt: sensus omnes tam interni, quàm externi conturbati, aurium vigor obtundi, oculi caligare, lingua subinde balbutire, denique vt vno verbo expediam, neque interni sensus, neque externus vllus suum officium ritè facere.

Petit

Petit eo tempore ex me consilium, ego magnitudinem affectus considerans qui principem partem occupauerat, idfero ea quæ mihi tum ex usu videbantur: quibus multum, illo dicente, adiutus est. Sed quoniam illi inter homines versandum erat, nec posset se cubiculo in aëre temperatiore continere, nondum hætenus potuit omnino à me extirpari morbus, neque valde admissus sum, differens in benignius curationi tempus, solè contentus hominem à grauiori periculo, quod tum imminere videbatur, præseruare: quibus remedijs illud fecerim, non arbitror opus esse hoc loci referre, cum ferè eadem mihi paulò post sint in curatione recensenda, sanè præter lenes per cochiaspilulas purgationes, & per pulueres sacculis insutos, capitæ roborationem, sanè pauca memini me tentasse, quod aliquoties etiam herbis & floribus quibusdam, ut stæchade, salvia, betonica, & id genus alijs exhibitis efficere conatus sum. Symptomata quæ diximus, non continua sunt, neque hominem semper eo modo fatigant, sed pro ratione motus causæ ipsorum, hoc tempore leuius, illo grauius habent: causa verò eorum, qui morbus est pro ratione varia, aëris, exercitiij, assumptorum, denique illarum quatuor rerum, quas Galenus in lib. de sanitate tuenda constituit, varia esse consuevit. Nam cælo sereno melius, nubilo peius habet: frigido & humido aëre, & in aliqua insigni Lunæ cum Sole configuratione malè: calido & sicciori atque
b diebus

diebus ab aspectibus vacuis bene habet. Et cetera eo modo pro ratione se habent. Hæc solum voluit ad te scribi frater: verum ego quæ sequuntur addo, quæ tu facile Medicus à medico accipies: quapropter minus mihi in eo laborandum est, nam tu nutu solo promptè consequeris, quæ artus nostra ignarus multis demonstrationibus vix capere posset. Quare ad rem venio. Symptomata quæ euenerunt, licet omnia ab eadem causa proveniant, & magna ex parte ad actionem laesam referantur, tamen inter se non parum differunt: & ut sensus visus, qui in oculis est, euidentissimus est, & maxime insignis, sic etiam ipsius oblesio magis innotescit, & videtur aliorum defectus superare. Quapropter cum is in fratre tuo plus quàm ceteri noxia pertulerit, solet ferè ab ipso totus morbus vertigo nuncupari, quod etiam quàm plurimis alijs vsu venit. Nam omnia ferè symptomata morborum nominibus à vulgo habentur, & plerunq; ad ea Medici vocantur, morbis ipsis ab rerum ignavis non intellectis. Verum siue vertiginem vocet omnem dispositionem, siue aliud symptoma (quæ huic plurima coniuncta sunt) nominarit pro morbo, perinde est, nobis sanè Medicis quærenda horum causa, qui morbus est, quiq; nostrâ operam exposcit. Ceterum cum sensus tam externi quàm interni in fratre tuo impediti fuerint, atque illi virtute animali persistant, eaque solum immediate procedat à cerebro, certè morbus ipse in cerebro sit necesse est.

At

CONSILIA MEDICIN. 19

At cerebrum aliquando primogenio affectu laborat, aliàs alicui alteri subiectæ parti compatitur (licet & Galenus 3. de locis affect. 8. compassionem hanc, cum scilicet per alterius partis consensum afficitur, ipsi capiti ascribat) videndum quo modo cerebrum, & deinde quid patiatur. Ego sanè cum constitutionem corporis fratris tui, & temperaturam principum eius partium considero, nihil inuenio quod reprehendi multum possit. Nam in omnibus alijs membris integra sanitas est: virtutes, vitales, naturales, vegetæ: hypochondria mollia, & expedita: ventriculus sat suum officium facit: stomachus commodè habet: quibus postremis partibus solet maxime consentire caput, ut in epilepsia, melancholia, quadam vertigine, & alijs multis videre est. Relinquitur igitur primò & per se cerebrum affectum esse: quod etiam nobis constare potest ex affectus perseverantia, & pertinacia, & adiunctis symptomatibus, quæ in uno quoque sensorio noscuntur. Nam nisi in primo sensus instrumento vitium esset: vel in communi omnibus facultate, profectò non in omnibus sensorijs actiones diminutæ, & oblesæ viderentur. Præterea non solum impedimentum habent animales actiones, sentientes, & actiue, licet hæc minus: sed etiam principes (quas Gal. 1. de causis sympt. rectrices vocat) indicium certissimum cerebri primario affectum esse: Cerebrum verò in temperiem pati frigidam, ipse frater tuus egregie persentit

persentit, qui ipso dicente iam aliquot annos ni-
 ue, & glacie quid frigidius in capite persentit,
 quod etiam hac hyeme non potuit excelsieri, nisi
 tegumentis actu calentibus, frequenter adhibitis.
 Quod autem frigida intemperies sit, eaque cum hu-
 more coniuncta, nulli dubium esse debet, quando-
 quidem non solum sensus hoc docet, sed & ratio
 ipsa ex causis & effectibus ducta id ipsum conuin-
 cit. Etenim oblesiones sensuum hæ, & animales
 operationes diminuta, & impeditæ non possunt ab
 alia intemperie, quam frigida vel humida proue-
 nire, licet non eodem modo: vel ab utraque simul
 iuncta. Etenim calida vel sicca, contraria planè
 his inducit. Hinc est quod interiores sensus omnes,
 imaginatio, cogitatio, & his magis memoria labe-
 factati sunt, & diminuti in exterioribus, oculi he-
 betes sunt, & vertigine leuiori aguntur: auditus
 diminutus, & in ipsius sensorio sæpe tinnitus, ali-
 quando sibilus, aut alius strepitus persentitur.
 Odoratus minus promptus est solito. Lingua inter
 loquendum subinde hæret, vel saltem verba cum
 maiori difficultate format, & exprimit. Et quo-
 niam facultas non integra per nervos omnes de-
 fertur, sit ut obdormiscere, & leui stupore teneri
 visa sunt membra quadam: hinc ille sensus, ut ita
 dicam, subristis in extremis manuum digitis sæpe
 & multum tanquam pungentium acuum perce-
 ptus. Quæ omnia non procedunt ab alia causa,
 quam à frigido, lento, & crasso humore cerebrum
 occupante

occupante, atque ipsius substantia imbuto, in eoq;
similem sibi intemperiem frigidam, & humidam
generante & fouente, à quo etiam subinde va-
porosus quidam flatus ab imbecillo partis calore
excitatus, & in capite inordinatè motus, efficit
& in oculis, & in auribus prædicta symptomata.
Ostendit etiam hanc cerebri intemperiem immodi-
ca illa dormiendi voluntas, & præter voluntatem
subita à cibo in somnum delationes. Grauitas
item capitis, obtusus in eo dolor, frons illa expli-
cata & incontracta, decolor tamen, oculique sub-
tumido pallore deformati, omnes effectus sunt su-
prædictæ intemperiei. Causæ quæ hanc induxerunt,
varia & multiplices sunt: Externa, incauta vi-
uendi ratio in sex illis rebus à Medicis non natu-
ralibus dictis. frequens & intempestiua Venus
multum cōtulit. Aer Lugudunensis frigidus &
humidus, propter interlabentia urbem flumina,
non parum fecit. Somnus semper statim à cibo
initus, imò subinde in ipsa mensa, plurimum præ-
stitit. Nec illud innoxium fuit, quod ex consuetu-
dine soleat aperto capite tota æstate in publicum
procedere: nam sic fit ut plures vapores & fuligi-
nes in caput attrahantur, quam digeri & diffila-
ri queant. Ex causis internis mihi maxima visa
est calidum & humidum hepar, à quo vaporosus
sanguis genitus materiam præbuit multorum va-
porum in caput sublatorum: quod sanè non solent
eos facile admisit, sed etiam imbecillius redditum

22 REINERI SOLENANDRI

cum non posset discutere, paulatim agglutinavit:
 cui accessio natiui caloris in eo paucitas, ut neque
 proprium alimentum suum rite conficere posset,
 nedum aliunde transmissa excrementa excutere.
 Præter hac non parum mihi semper visa est huic
 affectui attulisse lues Gallica, qua aliàs ante de-
 cennium laboravit. Nam hoc à me ferè obser-
 uatum est, eum morbum hoc facere in corporibus
 vestris, ut semper relinquat aliquam partem cate-
 ris magis infectam, prout corpora alio & alio me-
 do se habent, & in hunc vel illum, huius vel illius
 partis affectum, sint magis procliuia. Sic quosdam
 reliquit arthritide affectos, alios asthmate infecit
 hos torquet catarrhis, illis aut cum ventriculo, vel
 hepate, vel renibus negocium facit: sine hoc fiat
 communi ratione, ut scilicet labefactatis per
 ipsum vniuersis corporis viribus, imbecilliores
 sua natura partem magis afficiat, sine quod in
 diuersis corporibus pro ratione diuersi contagij
 in morbo magis hanc quàm illam partem natura
 perstringat & lancinet. Certe nulla pars eo
 tempore plus detrimenti passa est quàm caput,
 excussis ex eo omnibus pilis, tam congenitis, quàm
 post natis. Possem & effectus & causas huius
 morbi latius explicare, nisi Medico tibi homi-
 ni docto hac scriberem, cui satis fuerit solum
 ea indicasse. Quod ad morbi euentum attinet,
 profecto ego eum valde suspectum habeo, neque
 mihi dubium est, quin graue periculum sequen-
 ti hye

huc
 uenera.

et hyeme illaturus sit corpori, nisi tota hac aestate
 ingrauescenti malo subueniatur. Quod sanè
 cum difficultate fiet, quòd sit in principe partes
 in ea cui non possunt commodè remedia appli-
 cari: quòd altè radices egerit, quòd in mentem
 repserit, non solum in corpus, agnoscis Hippocra-
 tis dictum: quòd longo tempore affligerit. Ta-
 men calidior, & siccior aëris constitutio, quæ
 nunc redeunte ad nos Sole instat aptissima huic
 curationi: præterea vires reliqui corporis inte-
 gra: atas firma & consistens mihi spem fa-
 ciunt adipiscenda sanitatis. Ad quod etiam
 facit, quod ex paucis nostris remedijs incom-
 modo tempore adhibitis plurimum adiutus sit:
 nam ea symptomata superius à me enarrata non
 sunt omnia hoc tempore tam vehementia atque
 fuerunt. Quare operam dabit ut tuo consilio &
 opera utriusque, venientibus morbis, vel pa-
 ralyti, vel epilepsia, vel apoplexia, vel id ge-
 nus similibus occurrat. Quod ut fieri queat,
 instituenda ea viuendi ratio, quæ in omnibus
 illis sex rebus non naturalibus ex usu esse pos-
 sit. Abstinentium ei erit ab omnibus cibis
 crassi, frigidi, visceri alimenti, à cibus multos
 flatus generantibus, ab ijs qui difficile conco-
 quuntur: ab omnibus illis, qui vel natura sua
 caput afficiunt, vel illud vaporibus replent.
 Quare etiam generosa, & caput tentantia vi-
 na linquenda sunt. Loco potionis mihi subinde
 b & proba

24 REINERI SOLENANDRI

probat^r aqua mellis bene cocta, iniectis vel
salvia vel hyssopi folijs ad libitum. Vino tamen
interdictum nolim: sed hoc & illa per vices uti
eum velim, pro ratione temporis, & motionis
morbi causa, quæ ex Medico præsentē semper
discere poterit. Aere utatur, quoad eius fieri
poterit, temperato: humidus & frigidus maximè
noxius: & utraque qualitate molestus, & al-
terutra nocens. Calidus etiam, si is in excessu sit,
nullo modo admittendus: nam is & replet caput,
& humores in eo contentos liquat & fundit, fla-
tus excitat, & sæpe morbum hunc, qui alioqui la-
tebat, prodit. Hinc videmus subinde pati hos
cum sub sole æstiuauerint, vel iuxta ignem alio-
qui calefacto capite humores fusi, & agitati sint.
Crassus item & nebulosus fugiendus. Siccus qui
in alterutra qualitate non multum exorbitat, ma-
ximè quærendus: declinet tamen potius in cali-
dum quàm frigidum. Quare iuxta aquas dulces,
stagna, lacus, paludes, non multum morandum.
Caput æstate tegatur leniter, nunquam nudum
soli exponatur. Hyeme percommode operimentis
vestiatur, sed non grauetur. Somnus diurnus
nullus unquam sit, etiam si nocturnus defuisset.
Nocturnus sit exiguus, & solum is qui ad vires
animales vigilia dissolutas reparandas sufficiat: is
fuerit sex vel septem horarum, Nam plus emolu-
menti ex vigilia quàm somno expectare in hoc
morbo decet. Neque ineatur somnus nisi duabus
ad

ad minus horis a cœna exactis: non velim eum su-
 pinum esse, sed in alterutram latus composito
 corpore: nam & hoc non parum facit. Animi
 affectus, qui exagitare spiritus possunt, vitandi:
 ex ijs maxime curæ, & tristitia, quod hi si gidius
 reddant corpus, & imbecillius caput. Exercitio
 plurimo utatur totius corporis, potissimum cru-
 rum, vel huius loco earum parium frictionibus.
 Neque velim id fieri in loco humido vel soli ex-
 posito, sed sicco: & potius in umbra, verum non
 in ea quam situ & vligine obducti parietes fece-
 runt. Fiat semper ante cibum, post eum satis est
 ad fallendum somnum lenis deambulatio, vel de
 rebus iucundis inter socios collocutio. Quomodo
 caput praterea exerceri velim, dicam in expli-
 catione remediorum. Quod ad excrementorum
 expulsionem attinet, sanè necessarium est, ut
 de omnibus diligens ratio habeatur. Si venter
 non responderit secundum naturæ modum &
 consuetudinem, sollicitetur subinde aut pilula ex
 aloë ante cibum deglutita, vel auellana magnitu-
 dine terebinthinam veram assumendo eodem tem-
 pore: nam viscera prima expurgant hæc, mem-
 bra roborant, & multos vapores cum humore in
 caput repentes reuellunt quasi, & aliò diriuant.
 Quapropter fieri potest hæc mixtura, ex qua sub-
 inde ante cibum pilulam vnā deglutiāt. R̄.
 Terebinthinæ veræ, si haberi potest, sin minus Te-
 rebinthinæ Venetæ: nam sic resina larigna dici-
 tur

26 REINERI SOLENANDRI

tur à phar^macopolis ℥. s. Aloes ℥. iij. agaric^{us}
 ℥. j. s. misce fiat pasta pro pitulis utendis ut dictū
 est. Urina etiam potius ijs quæ in cibum veniunt
 sollicitanda, quàm medicamentis, quare fœni-
 culo illud & apio, sio, & id genus alijs abun-
 de est fecisse. Acoitu quantum potest abstinere
 debet: nam si is natura modum excesserit, miran-
 dum in modum capiti noxiū est. Etenim illud
 plus ceteris partibus corporis afficit, ut non sine
 ratione Hippocrates parvam epilepsiam ipsius
 actum dixerit. Caput verò quibus debeat ex-
 purgari dicemus in remediorum administratione,
 quam nunc perscribemus. Curatio igitur (quæ
 doquidem nullum grauius symptoma nos ab ea
 auocat) facile institui potest cognito morbo,
 quem esse diximus intemperiem frigidā & humi-
 dā cerebri, cum multo humore viscido, & crasso,
 imbibito in ipsius substantia. Hac curari de-
 bet: curabitur autem contrarijs frigida intempe-
 ries nimirum calidis, humida siccis. Verum id
 fieri nequit nisi prius humor tanquam ipsius mor-
 bi causa auferatur: at is auferri non potest nisi
 crassus principio attenuetur, & viscidus len-
 tūque abstergetur, incidaturque: quæ cum ca-
 lidis, & nonnihil acribus, & amaris fieri de-
 beant, quæ soleant immundo corpori, & humo-
 ribus onusto multum negocij facefcere: consul-
 tum omnino est prius quàm cetera omnia fiant
 corpus euacuare, & ab excrementis liberum
 redd

reddere. Nam hac ubi facta fuerint, & caput expurgari commodè poterit, & intemperies minori difficultate restitui, & vniuersum caput ita roborari, ne posthac aut aliunde tot excrementa recipiat, vel etiam frustrata coctione proprii alimenti ipsa ingeneret. Curationem igitur auspiciare debemus à totius corporis euacuatione: quæ licet varijs modis fieri queat, duobus tamen solet egregiè administrari, sanguinis scilicet euacuatione, & purgatione. Hac omnino opus habet: illam tuo iudicio relinquo. Quid tamen ego sentio dicam. Laudarem in corpore hoc sat bene formato, in ætate consistente: in hac æris & tempestatis constitutione, in hepate calidiore sanguinis mediocrem detractionem: impedirentur enim hac ratione multorum ad caput vaporum exhalationes: derivaretur aliquid vna & eadem opera à capite: & natura superfluum demeretur nutrimentum: quo e ratione exquisitè magis quicquid est in sanguine, aut partibus crudum, aut pituitosum concoqueret. Præterea hoc adhibito remedio cetera poterunt tutius applicari. Verum qua quantitate fieri hoc debeat, relinquo arbitrio presentis Medici. Ex qua verò vena administrari, neque in eo me difficilem præbeo. Si placeret ex media alterutrius brachij, non refragor. Ex hemorrhoidibus summi perire laudo quòd nā si isip è capite detrahitio fiat, & quòd magna ex parte sint vena portæ, & mes

28 REINERI SOLENANDRI

& meseraicarum soboles, quæ hypochondria egregiè euacuant, & hepatis nomini refrigerant. Purgationem hoc modo velim administrari. Principio placeret mihi ut hunc bolum assumeret potius quam quoduis aliud medicamentum.

Rx. Catholic. 3. vj. diaphœnici, specierum hier. s. Gal. ana 3. j. s. cum Zaccaro fiat bolus, detur inuolutus hostijs, ut vocant, madefactis vino horis tribus ante cibum. Expurgat sine molestia primas venas, ventrem, omnes humores equaliter, sed pituita plus cæteris, & crudum humorem. Sequentibus deinde ex ordine diebus assumat mane in aurora calidè sequentem syrupum, & superdormiat si potest.

Rx. Syrup. stœchadis 3. j. Oximellus s. Mellis rosacei ana 3. s. decocti sequentis 3. iij. misce pro vna portione, & continuet diebus septem.

Rx. Seminum pœoniæ ex corticatorum, Coriandrorum preparatorum ana 3. s. Saluie, Belonica, Cichorii integri ana m. j. Epithymi m. s. Liquiritiæ ras. 3. iij. florû roris marini p. j. s. coquantur in aqua pura q. s. secundum artem, coletur, & clarificatum aromatizetur cinamomo, & nucemoscata, & seruetur pro syrupis. Post alterum syrupum assumptum si visum fuerit, poterit illi ut superius diximus, aliqua aperiri vena. Omnibus deinde epotis deglutiantur subscribendæ pilule, manè in aurora, & continueat se eo die domo.

pilule Rx. pilularum cochlearum 3. j. pil. fœi-
darum

larum ℥. j. trochiscorum alhandal grana iij.
 mixtis omnibus cum oximele, fiant pilule nume-
 ro vij. & deaurentur. Hæ pilulæ mirificè edu-
 cunt frigidos, crassos & lentos humores, idque
 potissimum à capite: sunt interim probatissimæ,
 & sine exagitatione nimia corporis possunt tuto
 exhiberi. Quod si hæc eadem purgandi ratio
 reiterari debeat, relinquendum iudicio præ-
 sentis Medici. Hoc modo expurgato corpore uni-
 uerso, deueniendum erit ad partem affectam, ex
 qua etiam frigidus, & crassus humor, lentus-
 que elicendus venit: deinde intemperies tollen-
 da: & postremò pars roboranda: quod licet
 ferè eisdem remedijs fiat: tamen ea primùm
 recensebo quæ partem affectam, hoc est, caput
 ipsum expurgant. Expurgari potest caput in-
 sensili euacuatione, & ea quæ oculis nostris
 exposita est. Hæc potissimum administrari de-
 bet, quod humor crassus facilius per meatus pa-
 tentes educatur & decliues, quàm sponte sua
 vergit, quàm quod diffletur sursum insensi-
 biliter: illam tamen non velim omitti: quan-
 doquidem non tam seruiet euacuando humo-
 rem, quàm attenuando, & incidendo eum, &
 ad faciliorem educationem preparando. Ma-
 nifesta educatione, elicietur per os & fauces tam
 gargarizatione, quàm apophlegmatismo aliquo.
 Item per nares tam sternutamentis excitatis,
 quàm liquore aliquo attracto, qui humorem

30 REINERI SOLENANDRI

in capite dissoluat, dissolutumque proliciat
 edque potissimum quod hoc tempore nihil aut
 exiguum admodum pituita naribus extillet
 obstructis crudo & crasso humore ossibus illis
 qua à Grecis ῥινοσολῖα dicuntur, vel etiam, id
 mihi est verisimilius, quod humor nocens in
 mente sit, non in corpore, hoc est, quod sub-
 stantiam ipsam cerebri occupauerit, & in ea
 insederit ipsiusque insensibilibus meatibus, tem-
 periemque ipsius labefactauerit: nō autē nate in
 corpore ipso, hoc est cerebri ipsius vetriculis ca-
 pacioribusque cōcavitatibus: quapropter, nisi sul-
 bor, nihil quod effatu sit dignum educi poterit
 vel errhinis, vel apophlegmatismis: debent tamen
 administrari. nam qualitate sua calfacient &
 ficcabūt. Insensibili verò euacuatione digeretur
 varijs modis, capitis scilicet leni frictione, tam
 asperiore linteo aliquo, vel spongia recenti (si
 ea haberi nequit, veteri saltem incocta lixiuio,
 quod dissoluerit nonnihil salis nitri, & sal-
 uam & roris marini infuderit) quàm per pe-
 ctinis attritum administrata. Item lotionē, pul-
 ueribus inspersis, aut sacculis capitalibus insu-
 tis, capiti que impositis, & id genus alijs, qua quo-
 modo, & ordine administrari velim accipe.
 Interim dum corpus purgatur, capiti nihil ad-
 mouebitur quod egregiè mouere possit, solū sin-
 gulis diebus exercendum frictione leni, & pe-
 ctitionibus. Post quā absoluta fuerit corporis
 iurga

CONSILIA MEDICIN. 31

purgatio videretur mihi multum profuturam, si cucurbitula scapulis cum scarificatione ad-mouerentur, & alia postea paulo inferius, sed leues: tum veniendum ad partem hoc modo exer-cendam. Mane prius quam cubiculo egredia-tur expurgandum caput emunctione narium, expuritione frequenti, è palato extracta, aures emundandæ, post & pectinis attritu, & lin-teo vel spongia sicca ita fricetur, vt leuiter in-caleseat: quæ omnia velim ab agroto obiri. Tum gargarizandum decoctum saluæ, rad. cappa-rum, nucis moscata, rosarum, addito oximelle aliquando simplici, aliàs scyllitico, sed pauco. Naribus etiam velim attrahi sequentem liquo-rem, quod eodem die fieri potest, vel mutatis vicibus, alternis diebus, nunc hoc, nunc illud adhibeatur: quod etiam de errhino, & apo-phlegmatismo paulo post dicendo intelligi volo. Liquor hic esto.

R. decocti rad. ireos, maioranæ, saluæ ʒ vi.
Succi radicum cyclaminis ʒ ij. Mellis rosa-
cei, Aqua vite ana ʒ j. misce, attrahatur
tepidum in nares. Quod si prima vice persen-
tiatur acrius, mitigari potest adiecta aqua ma-
ioranæ, vel dempta succi parte. Hæc ubi fa-
cta fuerint statim dentibus conteret longa ma-
sticatione vnum ex his trochiscis.

R. Rad. pyrethri, Nucis moscata ana ʒ ij.
radicum capparum ʒ j. masticis ʒ j.
CUM

32 REINERI SOLENANDRI

cum cera parca fiat trochisci mastigandi, pituitam ore collectam continuo expuat. Horum loco aliquando simplicem mastichen, aliquando nucis moschatae partem ore contentam mandet. Errhina etiam hæc naribus utrisque immittenda, & continenda, donec calore suo aliquid in capite dissoluant, & per sternutamenta eliciant. Ea sunt.

R. Ellebori albi. ʒ. i. piperis longi. ʒ. s. Staphisagriae ana ʒ. j. s. Nucis moschatae, Cardamomi, Gargaryophyll. ana ʒ. j. cū gummi tragacanthæ dissoluto in aqua maioranae q. s. fermentur nascalia oblonga gargaryophylli paulo maiora & longiora, imponenda naribus. Puluerata etiam hæc possunt per calamus insufflari. Usus horum erit, ut cæterorum, ante cibum manè eodem tempore, quo alijs utendum dixi, vel alternis diebus, quod curam administranti Medico relinquendum. Interim dum hæc sunt tegumenta capitis, quibus noctu utitur, suffitu ex sequenti puluere excitato excalfient idque toto anno, & interdum velim deferret sacculum hunc tota æstate minorem, hyeme qui byretri forma totum caput cingeret.

R. Sandarachæ Arabum, Thuris ana ʒ. s. ligni aloes ʒ. iij. Salvia ʒ. j. s. contusa seruentur in usum. Sacculus hic qui sequitur.

R. Sandarachæ, Thuris, rosarum, camomillæ stœchadis, maioranae, nucis moschatae, granorum iuniperi, piperis longi ana partē vnā. Cubebe, Gargaryophyll ligni aloes ana part. semis, puluerata miscantur

fecantur, & cum tomento vel cimatura panni scar-
lati, fiat sacculus interbassatus ex serico. Neque
arbitror astate huius calorem suspectum esse de-
bere: quod si fuerit, relinquo presenti Medico ca-
lidorum quantitatem minuendam. Sacculus ubi
aliquando vapore capitis madescit, exiccandus ve-
nit suffitu ex precedenti pulvere. Tota astate placet
etiam, ut singulis septem diebus lauetur ei caput
lixivio facto ex cineribus iuniperi & roris marini
quod deinde infuderit per horas 24. quae sequuntur.

R2. Serpilli, florum camomill. maiorana, rosa-
rum, matricariae, roris marini, lauendulae ana m. s.
Agarum ligati in lineo panni 3. ij. Baccarum
lauri. radic. iridis, radic. asari ana 3. s. Lixiu-
libras sexdecim: quaternis item quibusque diebus
ante cibum extergatur ei caput fursuris sic-
cissimi affrictione, cui salis tenuissimi sexta vel
octava pars sit admixta. Auribus aliquan-
do gutta una aut altera olei instillanda, vel
laurini, vel amaraum amygdalarum, vel co-
stini aut ijs simile aliud. Hae sunt quae ex usu
mihi videntur, verum cum hi morbi soleant nobis
multum negotij facere, & egregie etiam egre-
gia remedia contemnere, non mihi videtur prae-
ter rationem, si statim expurgato ut supra corpore
uteretur ad aliquot dies decocto ligni Guaiaci sim-
plicis: nam hoc excaesat, & exiccat, quicquid cru-
dum in universo corpore concoquit, crassum at-
tenuat, viscidum incidit, lentum abstergit: quic-
quid

quid aquosum dissipat per urinam, vel per habitum corporis sudore digerit: adiuvante ad hoc multum tenui illa victus ratione, quae à nobis secundum rationem adhiberi solet. Ex aqua praeterea aliqua medicata calida & siccate in Egox, ducciam vulgo vocant, per multos dies adhibita totum morbum radicitus euellet, ut spero: neque satis arbitrarer semel in anno adhibuisse, sed bis, tervè intermisso tempore, reiterare vellem. Italia permultas habet, quas ego probo, sed mihi maxime probatur vestra de Corfena, illa nimirum quae balneo contigua est, vel quae in inferiori loco excellentissima habetur: praeter Coronam vel Desperatam (quod tales morbos curat) dictam, nullam aliam velim admitti. His omnibus actis, & interim dum aguntur placeret mihi aliquando vsus pilularum sine quibus dictarum, aliquando huius electuarii, quod quidam ignobiles autores Hippocratis Theriacen vocant. Ego non semel eius vsu similes, & eo graviores morbos curavi.

Rx. Succus absinthij, succus marrubij, succus stachadis, masticis, rhabar. chamaedrios, chamapityos ana ʒ. iij. hyssopi ʒ. .ss. Agarui boni ad pondus omnium, pulveriscentur omnia subtilissime, & excipiantur melle cocto, detur mane à ʒ. ij. ad ʒ. v. in decocto stachadis. Huius loco si placet. Rx. Theriaca bona antiqua, vel mithridacii boni, conferva florum, betonica vel salvia, vel anthos, ana partem. j. conferv. rosarum p. ij.

℞. ij. cum melle anthosato. fiat electuarium.

Paulo antè ubi dixi de localibus medicamen-
tis hoc volebam addere, quod si non fuerit com-
modum uti embrocha, placeret ut per spongiam
foueretur exterius caput hoc decocto.

℞. extremitatum absinthij, rad. peonia, rad.
pyretri ana, coquantur in aqua, & eius usus sit
ieiuno ventriculo, maxime quando præceden-
tibus diebus usus sit superscriptis pilulis. Quid
si horum vis non suffecerit, hoc est, quod se-
quitur, in eodem casu efficacius.

℞. Rutam, scyllam, Serpillum, Satureiam,
sepe ana trita & oleo camomillino incocta cum
melle excepta lana succida, tepida capiti abra-
so applicentur. Proderit subinde ituro dor-
mitum, deglutisse pauca aliquot grana masti-
ches, vel thuris masculi, vel peonia semina, sed
hac primum leniter dentibus contrita.

His remedijs Antoni Minutole rite ut decet,
adhibitis vel etiam paucioribus spero fratrem
uum, licet difficile, tamen restitui posse: quæ ego
prolixius scripsi, non otij (sum enim occupatissi-
mus) sed amoris mei erga tuos abundantia, quæ
æqui bonique consules. Tu multo illi meliora forte
prescribes, tamen hac ut officio meo amatissimo
mei non deessem, ad te mittere placuit. Iam præ-
scriptis omnibus intelligo matrem vestram ho-
nestissimam matronam aliàs in paralytim inci-
disse, vel similem illi morbum (non enim nomen

morbi nouit) eamque fratrem tuum corporis con-
 stitutione permultum referre: quod si verum est,
 profecto reddit hoc malum mihi multo magis
 suspectum, & difficiliorem curationem minatur;
 sic enim solent morbi hereditarij. Per scripto con-
 silio adhibitus alter medicus, (quod etiam te sci-
 re volo) consuluit inunctionem ex argento viuo
 idque his rationibus. Quandoquidem frater tuus
 alias lue fuisset infectus Gallica; eamque diu per-
 tulisset non adhibito principijs remedio conue-
 nienti, quapropter altius ea radices egisset. Pra-
 terea ex his symptomatibus multa esse morbi Gal-
 lici, imo affectum ipsum inde originem duxisse.
 quem cum non perfecte curasset lignum guana-
 cum iam secundo exhibitum, omnino ad alterum
 ipsius alexipharmacum, nimirum argentum viuum
 tanquam ad sacram anchoram confugiendum esse.
 Addebat ex argento viuo inunctionem mate-
 riam nocentem expurgare per os, qua capiti
 expurgando convenientissima esset a natura via
 data: quapropter hoc remedium omnino ten-
 tandum, maxime cum vidissemus, aut parum
 aut nihil eductum esse ex capite nostris erri-
 nis aut apophlegmatismis. Cuius consilio non
 potui non vehementer refragari multis rationi-
 bus, ex quibus paucas has accipe. Morbum
 fratris tui non amplius Gallicum esse plane sum
 certus: neque quicquam Gallicae luis sapere: ve-
 rum quidem hoc est, ut dixi, eam frigidam &
 humi

humidam cerebri intemperiem in quam naturā
 sua a puero inclinatus frater, citius & ve-
 hementius se prodidisse propter luem Gallicam,
 quam se esset, si omnino fuisset haecenus ab eo
 malo immunis. Tamen hoc tempore nihil eius
 retinere eum, multis rationibus probare pos-
 sum: quare solum calidis & siccis, iisque ce-
 phalicis potissimum remedijs, morbum oppu-
 gnandum esse censeo. Scio equidem argentum
 viuum inueteratam luem Gallicā post omnia alia
 remedia frustra tentata saepenumero curasse, ex-
 purgato & educto multo humore, phlegmate po-
 tissimum per os, sed quod non expurgasset ē ca-
 pite solum, sed ex vniuerso corpore. Iam autem
 totius corporis excrementa, si aliter fieri potest,
 non sunt ducenda per partem affectam, aut ei
 vicinam, sed quā longissime auellere & auoca-
 re ab ea conuenit: quare in hoc morbo tui fra-
 tris argenti viui vsus mihi non videtur conue-
 nire, quod non solum materiam peccantem ad os,
 capiti vicinam partem, pellat ex vniuerso, sed
 etiam sua quadam naturali vi inimicū sit cerebro
 & generi nervoso omni. Quemadmodum enim
 cantharides vesicam mirē afficiunt etiam ca-
 piti appositae: ita argentum viuum egregiē capi-
 ti nocet extremae licet alicui & quā longissi-
 mae dissite parti applicatum: & quemadmo-
 dum illae per vesicam ē corpore sanguinem aut
 colligatam ē carne saniem, euocant exulcera.

97 REINERI SOLENANDRI

eis partibus internis: ita hoc pituitosam cellu-
 uem per os ducit, ex varijs corporis partibus
 eiectam. Hinc fit ut qui argentum viuum tra-
 ctant, aut qui circa minimum vulgare, aut cir-
 ca antimonium versantur, aut in locis subter-
 raneis id genus metalla scrutantur, omnes aut
 apoplexia abripiantur, vel in epilepsiam incidat,
 aut paralyfi corripiantur, vel tremore membro-
 rum laborent. Nos curauimus plures cum alibi
 in Luguduni, quorum quidam spasmus cynico al-
 tero sepius correpti sunt, alij paralytici facti,
 nonnulli tremantibus essent membris: quibus
 omnis morbi causa solummodo contracta fuit ex
 diutina conuersatione cum antimonio, cum eo
 ad typos & literarum characteres fundendos
 uterentur. Quot queso passim videntur, proli-
 dolor, homines alias quod lue Gallica essent in-
 secti, ex usu argenti viui in grauissimos capi-
 tis & nervosi generis morbos incidisse, iis que con-
 tinuo detineri? Quod si ex ipsius usu tot tantaq;
 vexas contraxerunt, quibus, in cerebro aut gene-
 re nervoso nihil fuit prater naturam, quid que-
 so non expectabimus mali ex illo in homine, cui
 solum caput & per consensum nervi patiuntur,
 ceteris partibus illesis? neque in eo qui patia-
 tur qualencunque morbum, sed eum quem po-
 tissimum argentum viuum inferre consuevit? Ve-
 rum adferunt argentum viuum per os vacuare,
 eamq; naturam commodissimam viam expurgando
 capi

capiti. Concedo vtrunque: sed vnumquodque
per se separatum: nam coniunctum perne-
go, idque maxime si inde ducatur ea con-
clusio, quod huic applicandum sit, quia per os
materiam ducat. Nam caput quidem expur-
gare decet per os quemadmodum & per quadam
alia convenientia loca: sed non eo medicamento
quod sua natura cerebro & nervis inimicum est,
nec minus eo quod vniuersum corpus per os eua-
cuat. Placet expurgetur caput per os, per na-
res, & quavis alia via, sed medicamentis ijs,
quae capiti in hoc morbo obesse nequeunt: qualia
multa sunt ex materia medica in errhina, apo-
phlegmatismos, & id genus alia medicamenta
ascita. Quod autem dicit Medicus in exigua
quantitate prudenter applicandum, atque ita non
obfuturum, id sanè fieri nequit. Nam si aliquis
ab eo effectus expectandus est, exhibeatur necesse
est, ea quantitate & modo, vt humoribus agita-
tus & fusus, eum producat: quo tempore etiam
venenosam suam vim cerebro & nervis impri-
mat oportet: nam ea est ipsius proprietas & na-
tura, vt interim hic nihil disputè de ipsius primis
qualitatibus. neque potest tam prudenter adhi-
beri quin huic affectui noceat: non enim ipsius
natura ita infringi potest, si materiam per os du-
cere debet. Quod si frater tuus fortè fortuna la-
boraret tophis illis, & periostij in artubus dolori-
bus ex Gallico morbo relictis (vt saepe & multum
vide

40 REINERI SOLENANDRI
videmus, nulla interim frigida & humida insi-
gni intemperie cerebrum occupante, sanè & ego
laudarem ei ex argento viuo munctiones, nam
tales sæpenumero affectus post alia remedia ad-
hibita his percuramus. At tale nihil in tuo fratre,
omnibus in eorū se habentibus, excepto solo ce-
rebro, quod laborat. Hæc & quædam alia me mo-
uent, quare omnino ex argento viuo hoc tempore
inungi eum nolim: ego sine mihi persuadeo si huc
res veniret, eum aut apoplexia aut paralyssi cor-
reptum iri, priusquam bene curatio incepta esset:
quare volui hæc cæteris adiuncta ad te perscri-
bere, ut quibus remedijs tu id & secure vti possit
frater tuus nos certiorem facias. *Inguduni.*

Consilium tertium in sonitu in auri-
bus ob sensus audiendi exquisitam a-
crimoniam pro ciue Vesontino.

Adrianus hic Musicus symptmate tenetur,
quod ad depravatam actionem pertinet in
sensorio auditus: quandoquidem percipi conti-
nuum susurrum, aut leuem sibilum in auribus,
non diminuta, neque abolita partis actione. Per-
cipit enim omnia, eaque eo modo quo sensorio ob-
iecta sunt. A quo morbo hoc symptoma nasca-
tur, videndum. Cum ego totius corporis constitu-
tionem, & maxime capitis considero, animad-
uerto biliosam satis esse: quandoquidem macer est,
calidus

calidus, iracundus cum rubore, sub pallidus, vigilans, sensibus omnibus exquisitis, acriminogeno & viribus satis integris: hac tamen constitutio paulatim in melancholicam prona est, & decimat. Urinae hoc etiam ostendunt, quas egregie tennes, flammeo colore, biliosas, licet concoctas inuenio. Caput insigniter natura calidum: ostendunt pili, color faciei, venae in oculis rubentes, umida satis & patentes, & tota denique ipsius configuratio: & excrementorum ex eorum qualitas tum quantitas. Haec inquam cum confidero, non possum huius symptomatis causam, morbum scilicet referre ad obstructionem à frigido aliquo & crasso humore, in auditus instrumento, neque minus ad flatum & vaporosum spiritum à debili calore excitatum & simili materia & inordinate in cerebro motum ut consuevit in hoc symptomate, & ut solet in quadam vertigine. Nam si ex tali causa procederet, longè diuersus, vel saltem varius pro varia & diuersa causa sonus perciperetur, quam percipitur. Nam aliquando tinnitus, aliàs strepitus, quandoque sibilus, nonnunquam fragor quasi currentium fluminum, & cantibus illis, vel rei ex alto cadentis, vel musicorum instrumentorum, aut venti reboantis, vel id genus simile perciperetur, pro quantitate, qualitate, & motus genere, eorumque differentiis: at nihil percipit, quam leuem susurrum & quasi sibilantem, & tenuiter motum perque angustos meatus illapsum

6 5 aërem

aerem. Si esset ex causa frigida aut flatu, fieret
 aliquando dolor, aliàs tētio, fere semper gravitas ca-
 pitis, essent ut plurimū quidā alij sensus vel exter-
 ni, vel interni hebetes: in auribus esset auditus di-
 minutus; at in eo nihil tale: capitis nulla gravitas:
 nullus dolor: sensus omnes interni, cogitatio, ima-
 ginatio, memoria expediti: externi item, visus, au-
 ditus (quod notari summopere debet) gustus, odo-
 ratus, tactus, omnes vividi. Quare arbitror ex
 nulla alia causa fieri quā ex sensu auditus nimis
 perspicaci, nimis intento, & magis quā decet
 exquisito, & acuto. Videre est hoc apud Gale-
 num multis in locis, & maximē lib. 3. de compo-
 sit. medicamentorum secundum locos, licet nullum
 eius affectus proprium signum ex arte ibidem o-
 stendat: Attestatur etiam super hoc, quod videat-
 ur paulo nunc quā solet, expeditius auribus om-
 nia percipere: & quod omnes animales facultates
 sint inculpatæ in ceteris sensibus: verū magis ex-
 quisitus fieri consuevit a calido. Etenim ut frigi-
 da intemperies labefactat omnes operationes cor-
 poris, diminuendo eas, sic calidior magis intendit
 & exquisitas magis quā naturalis status requi-
 rit, reddit maximē animales. Nam ob spiritum ad
 sensum subministrandum à natura comparatorum
 caliditatem: item subtilitatem nimiam, tenuita-
 tem exquisitā, sensus acutior fit, ita ut vel mini-
 mū spirituum motum percipiat, qui se ob prædi-
 ctas causas sepe & multum incitant, etiam ab se-
 ipso.

Nullo sensus obiecto, vel speciei extrinsecus illabenti
occurso aliquo. Iam autem constat sanitatem
in omnium mediocritate, & certa proportionem con
sistere. Quod autem hæc ita se habeant, cause,
quas diximus, facile ostendunt: & illud præterea
docet: quod hyeme melius habuerit quam nunc
temporis habeat, aut æstate superiori, manifestum
ductum iudicium ex causis iuvantibus & leden
tibus: quandoquidem caliditas obesse, frigidum
exterius profuisse visum est. Possem ego pluribus
hanc meam opinionem comprobare, sed hæc suffe
cerint. Quod ad curationem attinet, ea est
morbi cognitione instituenda venit. Morbus meo
iudicio est simplex intemperies sensorij auditus,
calida & sicca, quæ tamen non longè processit: &
facultas ob eam causam prompta magis quàm
opus sit. Ea auferri debet contrarijs, frigidis sci
licet & humidis modicè: quare non velim id fie
ri multum medicamentosis. Placeret uteretur ali
quando syr. ros. sol. Aliquando tribus, vel
quatuor pilulis, ex hac pasta conformatis, assu
mendo eas post primum in nocte somnum.

R². Pilularum axaieret 3. ij. pilul. sine
quibus 3. j. s. aurearum 3. j. s. cum syr. ros.
sol. fiat pasta. Postquam assumpsit has pilulas
semel aut bis, velim abluat caput aqua simplici flu
uiali incoctis violis, rosis, folijs sene, sed paucis fo
lijs salicis, floribus nymphæ, eamq; ablutione rei
derari decet, ablutum caput exsiccandum & inun
gendum

44 REINERI SOLENANDRI

gēdum oleo rosaceo, violaceo, instillatis aliquot gut-
tis aceti. Auribus instillari placet quod sequitur.

Rz. Succis solatri, Lactuca, Mucilaginis. s.
psillij, Olei violacei ana ℥ s. succi hyoscyami, vini
albi dilutionis ana ℥ .ij. coquantur ad vini cons. in
duplici vase, coletur, instillentur auribus pauca
gutta tepida: deinde obturentur gossipio. Nihil
præter hæc velim medicamentorum applicari: se-
cundum suadeo ut post primas pilulas curet sibi appli-
cari duas cucurbitas scapulis cum scarificatione,
& duas natis sine scarificatione leues. Quod si
forte fortuna hæc hominem in integrum non resti-
tuerint, faciat me certiore de omnibus, & de re-
rum successu: Ego medicamentum deinde ex meo
suppeditabo, quod hominem omnino percuret.
Quod ad rationem viuendi attinet, sit ea cauta &
sobria: à vino abstineat potenti & integro, bibat
tenue, dilutum, & velim claudi prandium

simplicis aquæ potione: cœnam autem
comestione lactucarum nunc cocta-
rum, æstate viridium. Non vesca-
tur raphano, cepis, allijs, cibis
conditis aromatibus. Idi-

bis Aprilis apud
Sebusianos.

* * *

CONSILIA MEDICIN. 45
Consilium quartum, Pro mercatore
Argentinenſi ſurdaſtro & aurium
tinnitu laborante.



AFFECTVS qui hunc virum, ex-
pertissimi Medici, iam longo tempo-
re malè habuit, & de quo continuo
conqueritur, non morbus est, non cau-
sa morbi, sed symptoma, effectus scilicet à morbo
productus. Est enim in actione vitium, quod vnà
cum qualitate aliena, & ijs quæ à natura insti-
tuta mutata excruciantur, sub symptomatum gene-
re continetur. Verùm actiones leduntur, & vi-
tium contrahunt, vario modo: nam abolentur ali-
quando, aliâ: deprauantur, nonnunquam immi-
nuuntur, vel alio modo se habent, ad quorum nu-
merum hoc omnino reduci debet: quod cùm consi-
dero, non ex ijs vnum solum inuenio vitium, sed
ex suprâ dictis coniuncta duo. Quandoquidem
huic viro actio auditus diminuta est, cùm voces
exiguas non percipiat, magnas autem non prom-
ptè, & solum cùm ipsi in aurem aliè numeran-
tur. Verùm non illa solum, sed etiam deprauata:
nam subinde audire se putat sonos, quos non au-
dit, nimirum sibilos, tinnitus, strepitus, & id ge-
nus alios, sentiendi facultate, falsa sonorum spe-
cie, delusa: quod etiam in omni alio externo sensu
subinde in casu haud dissimili observamus: sic vi-
sui omnia lutea sese ostendunt in morbo regio:
gustui

46 REINERI SOLENANDRI
Iustui pleraque vel salsa, vel amara, se offerunt
in ijs quibus vel amara bilis lingua & superiori
stomachi parti, vel salsa pituita insinuat; & ita
simile quiddam in ceteris sensibus inueniri po-
test. Huius ita se habentibus, querendus morbus ve-
nit, cuius hac actio laesa affectus est. Si diligenter
rei naturam excutimus, si antiquorum Medico-
rum scripta excussa, egregie intelligimus, inuenie-
mus duas potissimum huius affectus causas: nam
Galeno docente, lib. 3. de compos. medic. secun-
dum locos cap. 19. fit hac deprauatio auditus ali-
quando ex sensus acumine ut plurimum tamen
ex inclusis flatibus, frigida magna ex parte intem-
perie cum humore hanc dispositionem fouente. Ne-
que vlla alia fuit antiquis cognita causa, quae pra-
ter has duas, hunc effectum inducere possit: neque
nos nostra industria possumus aliquid cogitatione
consequi, quod non in horum numero inueniat lo-
cum. Verum utriusque facilis distinctio est, quem-
admodum in rebus contrarijs omnibus solet prom-
ptè hoc discrimen dignosci. Ex sensus acumine &
subtilitate, omnino contraria euenire solent quam
consueuerunt ex flatu, vel frigido aliquo humore
incluso fieri. Nam ut in hoc casu impeditus est
sensus ob spirituum crassitiem, impuritatem, tur-
bulentiam, frigiditatem, & deprauatam instru-
menti constitutionem: ita in illo, propter spirituum
puram substantiam, subtilem, calidam, & in-
strumenti laudabilem constitutionem, sensus plus
equo

aquo est expeditus. At quia in hoc nostro agro
 torpet non ab alia causa, quam frigiditate fieri po-
 test: Etenim frigiditas operationes imminuit,
 quemadmodum caliditas ut plurimum corrumpit,
 vel intensas reddit. Cum igitur hic sit non solum
 imminuta actio, sed ferè abolita, non potest sanè
 ab alia provenire quam ab intemperie frigida. Si
 quid ergo intelligo arbitror hac symptomata nostro
 huic egroto evenire à flatu, à frigido humore, &
 à simili huic intemperie excitato: & secundum
 quantitatem vel qualitatem, & ceteras id genus
 conditiones vario modo se habere. Etenim pluri-
 mum refert, multus sit an paucus, crassus an
 tenuis: item quo modo moveatur, lentè an cele-
 riter: quandoquidem pro horum differentiis va-
 rios sensorio sonos & præsensat. Nam si multus sit,
 crassus, & celeriter moveatur, sensorio exhibebit
 similitudinem aquæ rapido cursu cum fragore
 fluentis, vel tympani, vel id genus instrumen-
 torum muscorum, vel venti reboantis, vel eius
 generis similia. Quod si paucus sit crassus &
 celeriter moveatur: arboris confractæ aliquam,
 vel domus collabentis, subitaquæ ruina vel ca-
 tadupæ præse speciem refert: Quod si multus
 sit, tenuis tamen & celeriter moveatur, sibi-
 lum excitare solet, & torrentis cuiusdam le-
 nioris imaginem. Si verò paucus sit, tenuis,
 & celeriter moveatur, timitum excitat, &
 cum strepitum quasi, qui exaudiri solet ad an-
 gustia

48 REINERI SOLENANDRI
 gusta adium foramina, si quando insignis ven-
 tus perstrepat, & se insinuat. Quod si verò
 multus sit, crassus, & non celeriter, sed len-
 tē moveatur, solet magna ex parte murmura
 excitare, vel id genus similia. Si autem pau-
 cus sit, crassus, & lentē moveatur, exaudiri
 facit susurrum. Quando autem multus fue-
 rit, tenuis, & lente moveatur, sibilum excitare
 consuevit: quas omnes differentias non opus habeo
 hīc recensere, quod parum faciant ad presentis
 affectus curationem: tamen ut ea se mihi habere
 videntur, ita volui vobis proponere. Iam conside-
 randum venit, quæ pars, propriè in hoc agrotante
 sit affecta: nam & ipsius naturæ cognitio, per-
 multum facit ad curationem ritè instituendam.
 Certum est vitium esse in sensu auditus, sensus
 autem vitium sit vel ob instrumenti aliquem m. r-
 bum, vel ob facultatis communis imbecillitatem,
 quæ cum soleat ut plurimum in decrepitis, & à
 longo, & difficili morbo convalescentibus, res-
 lutis cum calido nativo spiritibus, accidere, atque
 omnibus sensibus communis esse, non potest acci-
 dari in hoc n. stro patiente, quod is sensibus expe-
 ditus est. & illa, in ætate florenti, corpore bene
 factis constituto, nec quæ iam longo tempore sit gra-
 viorem morbum passus. Ceriè mihi omnino dicen-
 dum videtur, morbum ipsi esse in instrumentis
 ipsius auditus, quæ licet sint varia, tympanum
 scilicet illud (quod vocant) membrana extensa,
 quæ

CONSILIA MEDICIN. 49

quæ officula tria à diligentissimo vesalio pri-
mum monstrata incudem, malleum, & pertusum
trigonum complectitur: tamē ut in oculo est cry-
stallinus humor proprium visus instrumentum,
licet alij multi sunt, & humores, & tunica: ita
in auditus sensu proprium instrumentum habe-
re debet nervus quem vocamus auditorium, à
quinta coniugatione è cerebro natorum, produ-
ctus, & in membranam supradictam dissemi-
natus, & sparsus, atque huius partis hunc pro-
prium morbum existimo: neque eum simplicem
aliquem, sed duorum generum, nimirum obstru-
ctionem, & intemperiem, atque eam composi-
tam cum humore, ipsis particulis imbibito, qui
& obstructionis causa est, & intemperiem ge-
nitam fouet. Quod autem is humor frigidus sit,
crassus, viscidus plurimòsque flatus excitans,
iam diximus, & cause idem ostendent: Scio
equidem aliquando ex calida intemperie hoc
symptoma superuenire, ut ex multis aphorismis
cognoscere est. Quibus in febribus aures obsur-
descunt, inquit Hippocrates 4. Aphorif. 60. &
item 4. Aphorif. 28. Quibus biliosa directio-
nes, ut & p. s. in alibi. Sed iste affectus ferè so-
let in acutis febribus fieri, & exiguum tempo-
ris perdurare: cognoscitur ex caloris sensu, qui
in capite per sentitur: nulli ei capitis grauitas,
& calfacientibus irritatur, contrarijs mitiga-
tur: quorum nullum in nostro agrote, sed propè
omnia

50 REINERI SOLENANDRI
 omnium opposita. Nam persensit capitis vi pla-
 rimum internam gravitatem, sensum saepe fri-
 giditatis, & calidis omnibus ferè leuatur: quod
 manifestum indicium esse debet, morbum esse
 intemperiem frigidam, cum humore pituitoso,
 crasso, viscido, qui nervum auditorium egregie
 labefactatum obstruxit: nam in eo imbibitus
 longu mora induruit, quemadmodum saepe in
 alijs partibus videmus, in quibus aliquando
 scirrhus hic humor aut tophos collatus pro gene-
 rat, resoluti tenuiore ipsius, & magis aquosa
 parte exiccata. Docent hoc etiam plurimi, &
 crassi flatus qui percipiuntur, quales ex humore
 huiusmodi solent attolli, & produci. Item ta-
 lem esse facile ostendit morbi dururnitas: nam
 iam ferè sexennium hominem male habet. Non
 adduco iam quod ferè observatum est, longè sa-
 pius hoc symptoma ex frigido quam calido mor-
 bo provenire: quod etiam annotavit Avicenna
 libro 3. fen. 4. tract. 1. Est igitur interna obstu-
 ctio, intemperies frigida cum humore crasso, &
 indurato, quæ omnia iam primario ipsam par-
 ticulam male habent, licet principi per consen-
 sum solum affecerint, scilicet partim ex cerebro
 humore pituitoso habente, partim ex vniuerso
 corporis habitu vaporibus sursum latis, & ca-
 put onerantibus. Etenim ad vnam omnes crasse
 tam interne quam externe ad hoc inclinarunt.
 Caput calidius & humidius ab initio, hepatis ca-
 lidum

CONSILIA MEDICIN. SI

lidum, ventriculus imbecilior causam dederunt, ut caput egregie oneraretur, excrementis abundaret, coctiones proprii alimenti in cerebro labefactatae imperf. Et administrare. ut, caput abundet anfractibus vapores & humores crudos facile reciperet, nec possit concoquere, nec quid superfluum, expellere. Dissoluta item victus ratio, in qua nostri homines pro consuetudine viuunt, in comotationibus, comensationibus, & maxime intempestiuus noctu à cena celebratis, magnam mali causam dedit: nam inde coctiones vitiantur, caput vaporibus repletur, vniuersum corpus crudis, pituitosis saccis abundat: quae si ullam partem labefactant, solent capiti, & nervos generi esse perniciose pestes. Accedit ad haec quod hic eger cum primum hunc morbum persentiret ut refert, forte habuerit maxima negocia cum patrone, quae cum non posset expedire, & rationes subducere, ingentibus curis & continuis ita confectus est, ut non longe abesset quin mente alienaretur: quo maerore, cerebri facultates, & labefactatae sunt mirum in modum, & vires exhaustae & dissolutae: vnde naturales facultates imbecilliores redditae pituitosorum multorum & crudorum suc.orum copia genita & collecta est. Paucis deinde post amissis incidit in grauissimam, acutam & malignam, ut intelligo, febrem, quae hominem à septimo die ad decimum quartum usque, comate v. ternòque altissimo appressit, ut

32 REINERI SOLENANDRI
fit, ut toto illo tempore nullus nec internus, nec
externus sensus suū officium faceret, sed omnes
ut fieri solet, torperent: qui cum sit capitis affe-
ctus frigidus, intelligi facile potest quam graui-
ter illud affecerit. His externis & internis cau-
sis, & multis alijs (quas non opus habeo hoc loci
vobis exercitatus in arte viris enarrare) fa-
ctum est, ut caput aggrauatum hunc humorem,
facultate expultrice munus suum obeūte, in de-
clines aures, imbecillas, proximas, frigidas sui na-
tura, ad excipiendum cerebri quedā excremen-
ta, quasi natas, depulerit. Illae autem imbecillae,
cum non possent influxui resistere, nec quod
paulatim agglutinabatur excernere, morbum
hunc conceperunt, & longo tempore conce-
ptum retinent. Quid porro mihi videatur de cu-
ratione huius morbi paucis expediam. Morbum
ego incurabilem existimo, multis rationibus.
Primum ipsius diuturnitas (afflixit enim iam
sexennium) ut hoc arbitrer, me mouet: quan-
doquidem memini me apud praestantes Medi-
cos legisse, eum incurabilem, cum solum bien-
nium afflixit. Huc accedit, quod in artis
operibus, nunquam viderim à meis præcepto-
ribus curatum post id tempus: nec ego, licet
multum annixus sim in quibusdam, haftenus,
percurare potuerim: quandoquidem post illud
tempus insita quasi est & natua partis affe-
ctus imbecillitas, affectusque quasi in habitum
transit.

transit. Accedit quòd nervosa pars labores humore frigido, qui ita induruit, ut vix, imò nunquam, post tam longum tempus morbi, possit emolliiri, & discuti etiam generosissimis remedijs adhibitis. Etenim hoc vix in externa parte, cui promptè remedia applicari possunt, in simili affectu fieri posse observamus. Non dico iam quòd propter anfractuosos sinus aurium & internum affectum nostra remedia, difficulter saltem, ad partem lesam peruenire possunt, si modò vnquam perueniunt. Est tamen aliqua nobis spes reliqua, si non curationis integræ, saltem eum cura diligenti adhibita posse paulò melius habere, & fieri posse eadem diligentia ne affectus in peius labatur, utque qui iam surdaster est, surdus planè non fiat. Quòd autem id fieri possit, colligimus etiam ex ipso affectu, qui non semper idem est, sed aliquando leuior, aliquando grauior, pro victus ratione cautiore, vel minus sobria, pro aëris constitutione humida aut sicca magis, & prout in cæteris rebus, quæ extrinsecus incidunt, moderatè vel immoderatè se gesserit. Refert à lotionè capitis altero & tertio die, leuius habere, expeditius audire, minus iunxitu vexari. at eodem die quo lauandum præbuit caput grauius malum persentiri. Cuius rationem arbitror, quòd caput subsequentijs diebus extenuata lotionè materia, & flatibus discussis liberetur.

reint

34 REINERI SOLENANDRI
 retur magno onere, quod tamen eodem die quo
 lotus est non persentit, quia excitatus flatus,
 & mota materia nondum discussus sit: id
 enim in instanti fieri nequit. Vnde etiam no-
 bis spes maior multum utilitatis ex nostra cu-
 ratione cum percipiturum. Quæ quo modo in-
 stitui debeat, ex affectus notione facile patet.
 Quandoquidem frigida intemperies, calefacien-
 tibus alteranda: humor qui crassus durus, len-
 tus parti insedit, attenuari debet, emolliri, in-
 cidi, & abstergi: nam ita obstructio ab eo fa-
 cta tollitur, atque flatus sunt dissipandi, & re-
 soluendi: hac quæ facienda sunt vehementer ca-
 lesfacientibus & emollientibus leniter reme-
 dijs. Sed ne hæc cum prodesse debeant, obsint
 si impuro capite, & corpore pleno adhibeantur:
 ex arte fuerit primum illud mundare ijs re-
 medijs quibus vniuerso corpori solit prospici,
 & caput euacuari: conandum etiam, ut si fie-
 ri potest, humor qui parti insedit, aliò deriue-
 tur, & si forte quis eò confluat, reuellatur: dein-
 de caput exiccetur, & roboretur. Quam metho-
 dum Galenus nos docuit lib. 3. de comp. med.
 secundum locos. Principio igitur corpori vniuer-
 so (nam inde curatio auspicianda est) prospi-
 ciendum hoc modo.

R^x Cassiæ n. t. 3. vj.
 Specierum hieræ s. Cal. 3. ij.
 Agarici trochis. 3. ij.

cum

CONSILIA MEDICIN. 55

cum Zuccharo fiat bolus, capiat manè ante cibum, vel huius loco.

R^x pilul. de hier. cum agar. 3 iij.
fiant pilul. numero v.

Post hunc bolum, vel has pilulas, septem diebus ex ordine utatur hoc syrupo.

R^x Oxy mel. s. 3 i.
Syr. de stichados 3 vj.
decocti betonicæ, saluie, Iux, pas. liquiriæ. 3 iij.
Misce, capiat manè in aurora, & superdormiat.
A tunc ab assumpto syrupo die, extrahantur ex Cephalica dextra 3 v. aut circiter sanguinis, & paulo minus sequenti die ex cephalica sinistra ante cibum horis duabus. Postquam accepit supra scriptos syrupos, purgetur pilulis subscribendis.

R^x Pilularum cochiarum 3 j.
pilularum aurear. 3 i.
Misce cum oxymel. fiant pilule septem, & deaurantur, capiat post primum somnum, sed vespere parciore utatur cœna. Vel harum vice capiat pilul. ex hiera diacolocynthidis.

Purgato hoc modo corpore, deueniendum est ad capitis ipsius expurgationem, masticatorijs, errhinz. Et interim dum huiusmodi apparantur, ex usu fuerit cucurbitulas scapulis inferioribus cum scarificatione applicare. Post utatur manè, redditis excrementis, his masticatorijs ad multos aliquot dies.

R^x Rad. pyrethri 3 j.
Nucis 4

56 REINERI SOLENANDRI

Nuci moscate. gingib. ana ʒ ij.

Masticis ʒ i.

dissoluatur mastix in mortario cum pistillo calido, & cetera admisceantur, fiantque pastilli, quorum quilibet sit ʒ. s. pondere, vel ʒ ij. mastificandi mane. Huius loco gargarismus fieri poterit ex hyssopo, origano, salvia, betonica & his ascriptis incoctis aqua, admixto oxymelite vel melle rosaceo, & pauco aceto. Quo tempore his utitur, poterit idem tentare errhinia istis, naribus ea immittendo.

Rz. Hellebori albi ʒ s.

S. staphisagrie, Piperis albi ana ʒ j.

Gingiberis Caryophyllorum. S. nigelle ana ʒ s.

Cum pauca terebinthina, & parum cera fiant errhina gariophyllis paulo maiora, naribus imponenda. Horum loco naribus attrahi poterit succus betæ, radic. ireos, vulgaris acori, cum aqua maiorana, & melle: omnia mixta & egelida. Postquam hunc ordinem expurgandi capitis & modum, per aliquot multos dies secundum curam administrantis Medici præscriptum ex ordine prosequutus est, alia ipsi capiti admouebit, quibus id magis exiccare & roborari poterit, Quæ in re consulimus ut frequentes lotiones capiti adhibeat ex lixiuio è cineribus partim sarmentorum, partim caulium brassicæ percolato, incoctis absinthio, salvia, camomilla, maiorana, folijs senæ, rosis, agarici aliquot dra-

d 3

chmii

CONSILIA MEDICIN. 57

ehmis, quod deinde abstergetur spongia, & pan-
ni sicciorebus. Tempus lotionis debet esse ieiuno
ventriculo, & eo die quo austrina constitutio, vel
alioqui pluuia non sunt infesta. Nec opus est eo
tempore aures linamento aliquo obturare quemad-
modum consuevit. Interea temporis dum absti-
net a lotione circumferat continuè hunc saccu-
lum capitalem.

R^x Sandaracha Arabum 3. j. s.
Thuris, Nacis moscata, Maiorana ana 3 s.
Granorum myrti, Rosarum rub. s. peonia, flo-
rū stachados ana. 3 ij. puluerisatis omnibus, fiat
sacculus interbassatus ex serico pro sutura coro-
nari, cuius vsus interdum erit. Noctu vel sola
stuppa canabina suffecerit, excelsa fumo
quem sandaracha, & thus carbonibus iniecta
exhalarint. Dum hæc postrema sunt, quo ad eius
fieri potest, sollicitandus ipse locus affectus sub-
scribendis remedijs. Qua in re placet ut bis in die
vacuo stomacho fiat fomentum per calamum per-
foratum, vel embotum, ut vocant, & suffitus
quidam ex decocto sequenti.

R^x Centaurij minoris, Tanaceti, Absinthij,
Maiorana ana m. j. s.
Fol. lauri, Rosarum, Spica ana m. j.
Lumbricorum lotorum in vino, & ligatorum in
sindone p. s. Aqua part. j. vini albi part. ij.
Coquantur, & seruentur pro suffitu. Statim a
suffitu debet auribus instillari liquor aliquis ad
d s guttas

§8 REINERI SOLENANDRI

gultas duas aut tres tepide, occludi; auris gossipio, quod muscum aut ambram inuolutam conseruari. Liquores varij esse possunt: ex simplicibus optimum oleum est iuniperi, oleum ex terebinthina, oleum anethinum incoctis aut castoreo aut coloquintide, aut euphorbio paucis. Succus raphani cum oleo amygdalarum amararum, & paucis sale. Compositi item varij esse possunt, sed ex omnibus hic mihi maxime placet, ex quo ego alias insignem in simili casu utilitatem percepi.

R^x Olei roris

℥ ij.

Olei porrorum. Olei amygdalarum amararum. ana ℥ j. Succiruta. Succiraphani ana ℥ s.

Vini maluatici ℥ j. s.

Bulliant in ampulla vitrea ad succi & vini propè consumptionem. Deinde adde, Spicæ nardi, Coloquintidis, Castorei, mysticis pulverorum, ana gran. ij. Postea occlusa ampulla bulliat in duplici vase, quod balneum Mariæ vocant, per horas tres. Auferatur ab igne, & in alio vase seruetur ad solis æstus per paucos dies donec liquor clarescat, postea coletur per linteum subtile & exprimatur, & adde Musci gr. j. s. dissoluatur optime, & seruetur in vsus. Interim dum vitur suffitu sunt continenda & conterenda de deiibus fabæ, aut pisa aliquot. Nam dum hoc fit, auditorius meatus obseruatur est magis patere, quò eo fumus magis penetret. Quòd si ex his

omnibus

omnibus, non fuerit proratione adiutus, placet
 mirum in modum vitatur embrocha seu ducia ad
 caput naturali, si haberi potest, ex aqua salsa,
 aut nitrosa, modicè aluminosa, quæ etiam vel
 sulphurea sit, vel saltem calorem ex sulphure,
 vel etiam bitumine habuerit, qualis est Lucensis
 de Corsena: aut si ea haberi non poterit, fiat arte
 ex herbis betonica, salvia, menta, roremarino,
 rosis, fol. lauri, maiorana, absinthij, sale, & id
 genus alij incoctis: quæ omnia presenti sunt
 latius à Medico curante explicanda, qui etiam
 modum & ordinem & usum eius docet. Hæc
 sunt ea remedia, viri doctissimi, quæ existimo
 in hoc affectu proficua futura. Vos quæ estis
 experientiamagis probata in medium adseretis.
 De ratione victus nolo quicquam addere, quod
 ea trita satis sit, & à Medico curam admini-
 strante præscribi poterit. Hoc solum addo, suspi-
 cita valde debere esse, quæcunque caput ten-
 tant. Sobrietatis maximè laudatur: fugiendus
 omnis diurnus somnus, & vespertinus statim
 à cæna. Non exponendum caput austrinis fla-
 tibus, nec etiam quando Eurus vel Aquilo
 aërem mouet. Atque hæc suffecerint.
 * Post hoc meū consiliū datū Iudæus quidā Ar-
 gētinensis Empiricus surdaestro huic medicamen-
 ta quædā suppediavit, quæ cum ego satis pro-
 bem, volui studiosis ea cōmunicare. Ea hæc sunt.
 Conficiatur liximum, ut fieri solet ex cinere
 iuniperi

60 REINERI SOLENDRI

iuniperi & fluviali aqua. Lixivi accipiat lib.
ix. cui infunde per horas 24 subscribenda.

R² Serpilli, florum camomilla, Absinthij
vulg. Matricariae ana m. s.

Baccarum lauri. Radic. ircos ana ʒ i.
Radic. asari ʒ i. s.

Contusa infundantur: deinde eo lixivio abluat
caput aliquoties.

R² Succiporrorum, Succiaabsinthij Olei a-
mygdalarum amararum, Naphtha, hoc est, pe-
trolei ana ʒ s. Misceantur, deinde ea mistura
impleantur cephæ duæ excavatæ, ac earundem
cortice testæ, atque ita sub cineribus calidis co-
quantur: coctis ijs succus exprimatur, qui sæ-
pe in aures instilletur.

R² Acetiacerrimi lib. j. s.
Stercoris columbini recentis, quod satis est, mix-
ta hæc indantur in ollam novam, coquantur
ad medi. consumptionem. Deinde cooper-
tam ollam crusta panis larga in medio perforata,
& imposito apte embuto (accipiendæ hæc vox est)
auri subijciat, atque inde exhalantem vaporem
in aures excipiat, vesperi iturus dormitum. Con-
tinuet ad dies 12. & quaternis quibusq; medica-
mentum reiteretur. Hæc Iudei medicamenta
post purgatum corpus administrata sunt diligen-
ter, sed hætenus nihil inde emolumenti.

Lugduni

Consi

CONSILIA MEDICIN. 61

Consilium quintum pro illustrissima quadam Comitissa laborante dolore capitis, dolore & leni stupore brachij sinistri, & defluxu humorum in fauces & gingivas.

Affectus qui Illustrē hanc mulierē malē habent, sunt capitis & sinistri brachij dolor, non vehemens quidem, nec continuus, sed obtusus quodammodo, & interpolatus: in capite quidem cum gravitate, in brachio verò cum quodam stupore, eoque digitorum, & maxime indicis extremae eiusdem manus. Præter hos etiam muscutorum cervicem moventium motus, non est semper equè expeditus. Delabitur etiam sæpe & multum humor in gingivas & fauces: atque expuitur aliquando subsalsus. Excernit frequenter cum lotio arenulas, necnon conqueritur de leuibus vteri suffocationibus. Hi sunt affectus præter naturā, qui male habent hanc nobilissimam mulierem: quorum (quoniam tolli debent) causæ investigandæ sunt: quandoquidem illis sublati affectus isti curabuntur. Sed quoniam postremo hi leues sunt, neque multum molestant, solum capitis curam habebimus & brachij, illis tamen non omnino neglectis. Qui enim capitis, & brachij affectum diligenter considerat, necessa

62 REINERI SOLENANDRI

necessario aliorum meminisse debet, quod caput
 in hac illustri muliere aliunde hunc affectum
 magna ex parte susceperit. Quae ratione scien-
 dum hanc mulierem natura habuisse principes
 partes satis temperatas, solum hepar videtur
 calidum fuisse & humidum. Ostendunt id in-
 ter cetera color viuus, corpus solidum, & succi
 plenum. Cor satis temperatum arbitror. Cere-
 brum hepatis temperamentum subsequutum vi-
 detur, non tamen longè à temperie. Ventricu-
 lus temperatus fuit, renes calidiores, Horum
 omnium notas & signa huc transcribere longius
 foret, & nullius prope utilitatis. His igitur
 sic se habentibus, non mirum videri debet hoc
 corpus defluxionibus esse vehementer obno-
 xium. Quamdiu quidem à tali ventriculo & he-
 pate generata sanguinea massa copiosa calidior,
 & egregiè vaporosa, fecit ut ex habitu corpo-
 ris, & genere venoso exhalarent continuo mul-
 ti vapores ad caput, quod non solum eos admi-
 sit, sed sua natura quodammodo ad se traxit, ut
 rectè Galenus docet in arte Medic. item tertio
 lib. de locis affectis, & passim alibi. Qui etiam
 testatur nullum prope temperamentum magis
 esse isto fluxionibus expositum. Verum vapo-
 res illi in vegetiori aetate, in iuuentute, à cali-
 do nativo, & facultatibus omnibus adhuc ro-
 bustioribus potuerunt facile partim discuti,
 partim superari. At succedente aetate cum ille
 natura

naturâ infirmiores redderentur, facile factum
 est, ut cerebrum intemperiem humidam, & non-
 nihil frigidam conciperet, & excrementa mul-
 ta partim abunde admitteret, partim (quoniam
 alimentum suum propter intemperiem non sa-
 tis concoquebat) ipsam generaret, quorum mul-
 titudine aggravatum, tandem virtute expulsi-
 va ad partes inferiores & magis imbecillas ea
 depulit. Unde aliâs defluxus illi in gingivas,
 atque dentium corrosiones: aliquando per fau-
 ces inspectus, unde tussis: aut in ventriculum,
 unde cruditates, ciborumque frustrata conco-
 ctiones: nunc, ut plurimum, per nervos in
 cervicis musculos, & brachium, unde impe-
 dimentum motus & dolor. Et quia in cerebro
 ipso semper fons, & origo horum omnium ma-
 lorum perstitit, subinde caput aggravante do-
 lore molestatum est. Quod autem hæc ita se
 habent, nulli dubium esse debet. Etenim in
 ceteris omnibus partibus ferè inculpata sani-
 tas est. Virtutes omnes, vitalis, naturalis, abun-
 dè pro ætate & corporis constitutione, vegetæ,
 solum animalis (ad hanc enim & dolor perti-
 net, & stupor, & motus impedimentum) labe-
 factata, quæ cum solum immediate procedat à
 cerebro, nocumentum sanè erit vel in cerebro,
 vel in instrumentis à cerebro immediate proce-
 dentibus. Sed id non eget probatione. Verum
 cum sit in cerebro, considerandum venit, affe-
 ctus

64 REINERI SOLENANDRI

Etus ille sit intemperies humida, & frigida,
 eaq; cum materia, vt antè diximus. Certè
 cerebrum à prima etate calidius fuisse &
 humidius multa docent: hoc tempore verò
 descivisse in frigidum videtur: ostendit illud
 canities intempestiva, dolor aggravans &
 obtusus, affectus diurnitas, excrementorum
 affluentium & quantitas & qualitas, torpor
 quidam, & fere semper in somnum inclinatio:
 nam hæc omnia sunt frigiditatis & humidita-
 tis effectus. Cause idem attestantur: nam he-
 patis caliditas, & venosi generis, effecit, vt
 caput suapte natura ad id dispositum, vapo-
 ribus & excrementis, subinde frigidis, ali-
 quando diuersis (qua ratione saepe somnia ei
 graui, interrupta, & quedam quasi vigilantis
 soporis species) oneraretur: vnde ipsius nati-
 tales facultates labefactatæ minus probè con-
 coxerunt, multiq; etiam ob id excrementa
 cruda & frigida collecta sunt, quæ primum
 intemperiem induxerunt, deinde inductam fo-
 uerunt, & continuò fouent. Inuit ad hoc plu-
 rimùm etas, quæ succedit frigidior (est enim
 illa in primo senio) nam in hac calor natiuus
 incipit debilitari, crudique humores plurimi
 generari, idq; potissimum quòd ventriculus im-
 becillior factus ex frequentibus in eum destil-
 lationibus, quæ subinde coctiones ipsius vitia-
 runt, quo minus hepatis alimentum elaboratum
 suppe

suppeditare potuerit. Iam receptum est, prio-
 ris concoctionis vitia, a sequenti non corrigi
 aut emendari. Frequentes etiam, licet leuiores
 vteri suffocationes, & inde flatus excitati
 (quorum causam retentum præter consuetu-
 dinem semen esse reor) caput etiam mirum in
 modum debilitarunt: est enim singularis ca-
 pituli & ventriculo cum vtero consensus. Ca-
 liditas quoque renum (quam, vt cæternatæcam,
 facile ex arenulis cum lotio profluentibus a-
 gnoscimus) non paruum occasionem dedit su-
 blatorum in caput vaporum. Cure quibus à
 morte illustrissimi Comitæ, vt intelligo, maxi-
 mis distracta fuit, ventriculum & caput po-
 tissimum frigidius & debilius, fluxionibusque
 obnoxium reddere solent. Vt interim nihil di-
 cam de vitæ genere alio, de largiore victus ra-
 tione, de superfluo otio, de regione in qua degit
 frigida, & egregie humida, propter vicina vndi-
 que stagna: nam ea apud Sebastianos frequentia
 admodum sunt. Ostendit etiam hunc affectum
 frigidum & humidum esse, tempus, quo exa-
 cerbatur, & motus defluentis humoris è ce-
 rebro. Nam ad Lunæ motiones mouetur, & ma-
 ximè circa ipsius coniuncti onem, quo tempo-
 re potissimum omnes ex capite defluxus frigidi
 irritantur, testis est Auicenna, & Galenus.
 3. de diebus critici. Accedit ad hoc &
 hyeme magis, quàm æstate, noctu, quàm inter-
 diu,

66 REINERI SOLENANDRI

diu, nubilo cœlo & tempore pluuioso, quàm sereno & sicciore afficiatur. Humor qui aliquando in fauces dekabitur, nonnunquàm subsalsus est, cū tamen aliàs ante aliquot menses frequentius talis perciperetur, & tū in eo maior salsedo: cuius causa ostendit, hoc tempore intemperiem in cerebro cum suo humore frigidiora esse, quàm solebat. Etenim cū aliàs propter hepatis calorem, & etiam cerebri, quod in excremento pituitosoterreum erat, adurereitur, salsedo illi ingenerata est. Docet hoc Arist. 2. Metheor. & Galenus passim, vel quòd eo tempore quàm nūc, propter calorem maior bilis copia pituita misceretur, si Auicenna opinionem volumus sequi. Verū de hac re nihil disputandum hoc loco. Satis est scire, siue salsedo ei propter adustionem, siue ob bilis cum pituita mixtionem ingeneretur, hoc tempore intemperiem & humorem frigidiora esse, quàm solebant. Constat igitur ex effectibus, & causis cerebrum intemperie frigida & humida laborare, cum materia, atque in eo est prima origo & fons omnis mali. Est enim membrum mandans excrementa in alias partes. Neque suspicionem vllam adferre debet nobis, color faciei & capitis, viuidus saepe & rubicundus in hac muliere. nam is naturalium facultatum & hepatis beneficio contingit, animali interim virtute non satis disposita.

Cate

Ceterum cum in humorum defluxibus requiratur præter membrum mandans, etiam aliud quod eos recipiat, videndum quodnam illud sit, & quæ ratione. Alias diximus gingivas, fauces, ventriculum, asperam arteriam hoc defluuium excepiſſe. Hoc tempore potissimum brachium sinistrum illud admittit, quod & ratione situs, & doloris, & imbecillitatis oneratur. Et quia natura in eam partem caput exonerat, supradictæ partes sunt paulo liberiores, quasi aliò deriuata materia. Licet nonnunquam etiam in illas partes labatur, materia copiosiore existente. Brachium totum sinistrum dolet, & imbecillum est, propter intemperiem eandem, quam in cerebro esse ostendimus, idque cum materia, licet illa pauca sit nervis ipsis quasi imbibita: unde stupor ille, & in extremis digitis tristis quidam sensus, qui quasi pungentium acuum esse videtur. Nam cum virtus animalis propter frigiditatem & humorem imbibitum, non possit expedite per nervos penetrare, necessario sequitur actionem instrumenti non fore inculpata. Eadem quæ diximus dolorem faciunt: & quia pauca materia est, non potest aliquem præter naturam tumorem excitare. Quia in internis partibus, & circa tendones & nervos est externum cutis colorem non immutat, & dolor quasi circa periostium hæret. Quod autem ea sit intem-

c 2 peries

peries, & ea materia: ostendit dol. & remissus,
 affectus diuturnitas, omnia denique illa, quæ
 antea diximus de capite. Hactenus de huius
 affectum natura, causis, & effectibus dixi-
 mus: nunc curatio (cuius gratia omnia illa
 præcognita esse debent) nobis instituenda ve-
 nit, quam speramus non infelicitè successuram:
 quandoquidem operationes omnes in corpore
 hoc, maximè naturales, & vitales satis valent,
 & eorum vnde procedunt principia: tum etiã
 interni & externi sensus, parum possunt re-
 prehendi. Et licet affectus illi iam diu malè
 habuerint hanc mulierem illam, tamen neque
 continui sunt, neque ita radices egerunt, &
 inueterarunt, quin possint corpore vegeto satis
 existente, medica arte tolli, & exterminari:
 quod si hac hyeme propter aëris insignem in-
 temperiem humidam & frigidam, fouentem
 hos affectus, & ad continuos defluxus exci-
 tantem, non poterit exactè fieri, saltem ita
 corrigi sine magna negotio debet & potest, ne
 aliquod grauius malum inde timendum sit.
 Nam nisi huic venienti malo occurreretur,
 periculum foret aut sinistri lateris paralysis,
 aut fortè arthritis, vel (quod diu auertant)
 aggregato paulatim in capite humore, apople-
 xia, aut similis eius generis morbus, vt ta-
 ceam interim tusses, dentium dolores, ventri-
 culi cruditates. Verùm ne ex his aliquod ma-
 lum

cum eueniat praeuidendum: dandaque opera diligenter est, ut id quod hoc tempore affligit aut omnino turetur, aut ita leniatur, ut eius integra curatio sine periculo in proximum ver, in aëris constitutionem calidiorē, transferri queat. Quod quidem debito vitæ genere instituto, & paucis adhibitis remedijs cōsequemur.

Quod attinet ad vitæ rationem, obseruandus ordo, modus, tempus, qualitas, quantitas, & id genus conditiones in cibo & potu: aëre: somno & vigilia: motu & quiete: animi affectibus: & excrementorum omnium retentione & excretionē. Et ut à cibo & potu auspice- mur, in eo diligenter obseruanda sunt hæc capi- ta: uti à generosis & caput tentantibus vinis, & eo quod arte variorum aromatum contempe- ratione factū Hippocrates dicitur, abstineatur. A salsamentis, aromatibus validis & alijs cibis acutis, ijsq; qui sua natura facile caput vaporibus replent: leguminibus, iusculis, eli- xis: opere pistorio: crudis, oleribus frigidis & humidis, fructibus: piscibus: cibis ex fa- rina & caseo paratis: lacte: caseo & lactarijs omnibus: cibis difficilis coctionis: crassum & viscidum alimentum suppeditantibus, & qui excrementis scatent. In hoc genere sunt bu- bula, suilla caro, summi animalium artus, & intestina, aues palustres, animalia saginata ocio & largiori victu: in sartagine fixa: cibi
e 3 varijs

70 REINERI SOLINANDRI
varij, & id genus alij. Utendum cibus bonis
succis, & concoctis facilibus, minimè condimen-
torum lautitia delicatis: suffecerit vnus aut
alter talis in mensa: ex eo genere sunt carnes
hadina, vitulina, veruecina, Leporum tunio-
rum, & eorum cerebrum medicamenti ratione
(nam obseruatum est à Medicis & paralyti,
& tremori prodesse) carnes caponum, perdi-
cum, turdi, turtures, alaudæ, & omne ge-
nus auium monticularum, quæ plurimo volatu utu-
tur. Carnes ex his humidiores potius assæ sint
quàm elixæ: eæq; suffixæ aut saluæ, aut ro-
remarino, aut ga yphillis vel cinamomo. Ace-
tum cuius vsus erit, si multas vras passas in-
coxerit, melius faerit. vbi iusculis vti libue-
rit, fiant ex pane incotto, intrito, ex oriza,
ex hordei succo, sed incoctis vel radicibus pe-
trofelini, vel cinamomo, ex vitello oui dissoluto
in iure cum pauca ag estu: verūtamen ab omni-
bus abstinuisse profuerit. In acetarijs satis
est vel vnum cichorii coctum, aliquando paucis
capparibus & Corinthiacis vuis mistum. Bella-
riorum loco sunt pira cocta vel cotonea cum
aniso vel coriandris inuolutis Lacharo. Panis
sit bene fermentatus, leuis, bene coctus, hyme
subinde bis coctus, cuius vsus præterea sem-
per in postrema mensa erit. Cibus, quod maxi-
mum est, peroptimè masticitur, prius quàm
deglutiat. Vinum sit amiculum, vel saltem
etatis

CONSILIA MEDICIN. 71

etatis sex mensium, Claretum, sed non multo
colo i, non crassum, non potens, non fumosum,
neque crudum. Dilutum hyeme aqua quæ infu-
derit parum roris marini, & temperatum antè
quàm bibatur per horæ spatium. Hippocras di-
ctum non est ex usu: tamen pauco cinamomo,
pauca salvia, pauco Zucharo confusum nisi po-
tens sit vinum, non improbaro. Proderit multum
hac hyeme subinde vini loco, hydromelite uti,
maximè in cœna, potissimum eo tempore, quo
humorum defluxus ex capite, & dolor magis
urgens. Fiat autè ex duodecim partibus aquæ,
una mellis optimi, coquatur ad consumptionem
quartæ partis: decocto adhuc calido existente,
infundatur hisopus, salvia, coriandrum, canel-
la, & id genus alia, vel omnia, vel ex his quæ-
dam contusa, vel concisa, & tenui sindone in-
uoluta. Statim à cibo suadeo huius pulveris
capiat cochleare vnum, & non superbibat.

R2. Coriandrorum preparatorum

℥ ij. s. Anisi, fœniculi, mastice ana
℥ s. Mentæ hortensis, Cinamomi, Gra-
norum myrti, Liquiritiæ ana ℥ ij. Corti-
cetri ℥ iij. Zacchari rosacei tabulati
℥ x. pulverisentur subtilissimè, & mi-
sceantur. Hic pulvis concoctionem adiu-
uat, stomachum roborat, flatu discutit,
caput exiccat, cerebrum confortat, & ca-
tharros sistit. Cœna esto quam prandium
e 4 parciot

72 REINERI SOLENANDRI
parcior: neque vnquam edatur nisi ventriculo
vacuo, & qui iandudum aliam concoctionem
absoluerit: & tum etiam illi paulo minus tri-
buatur quàm natura, consuetudo, & ipsius ro-
bur admittit. Etenim vbi in corpore plenitu-
do est crudorum humorum, nulla via alia me-
lius concoquuntur, & vacuantur quàm absti-
nentia, & inedia. Recordetur igitur sanita-
tis conseruanda, & eius dispositionis curan-
da omnium optimam regulam esse illam Hip-
pocratis 6. Epid. Non satiari cibus, & im-
pigrum esse ad labores. Atque hæc de vi-
ctus ratione sufficiant: nam particularia o-
mnia hîc transcribere, & longum foret &
nullius vtilitatis. Obseruandum quoque ne
aëris petiatur aliquem excessum: intense fri-
gidus, qualem Aquilo solet inducere, licet
caput non grauet, tamen si illud humoribus
onustum reperit, eos exprimit quoquomodo, &
in loca debiliora precipitat. fugiendus etiam,
qui austriuo halitu, caput mirum in modum
onerat, nebulosus omnis, pluuiosus, humidus,
& fumosus fugiendus. Hyemis tempore in
temperato cubiculo versetur, lucido, perflato,
in quo etiam aliquando humido tempore aër
alteretur suffitu quodam calidiore, sed quod
non admodum caput grauet. Vbi aër fuerit se-
renus, atque à sole nonnihil expurgatus, prode-
rit in publicum prodire, & in aëre exerceri.

Aësta

Aestatis tempore fugiendus intensè calidus, is enim vapores è corpore in caput euocat, & qui sunt in capite humores colliquat, & fluxiles reddit. Somnus non sequatur statim cibum, sed saltem in horam vnā aut alteram ducatur vigilia: quod tempus aut confabulatione iocunda, aut deambulatione leui, vel auditione incundioris alicuius historiae transigatur. fiat in alterutrum latus, nunquam aut saltem quā rarissimè corpore supino. Nam ille decubitus est plus quā credi possit huic illustrissimæ mulieri nociuus. Tempus eius & terminum concoctio absoluta, & consuetudo determinabit: septem vel octo horas, abunde fuerit: neque velim in multam, & intempestam noctem vigilias duci, & postea ad meridiem usque somnum protrahi: quod Nobilibus & qui aulam sequuntur in usu esse solet. Diurnus & maximè à prandio fugiatur, nisi forte nocturna vigilia aliud suaserint: tamen neque eo tempore mihi admodum placet. Nam in his affectibus vigilia plus emolumenti, quā somnus adferre debet. Diurnus à cibo somnus eleuat & excitat vapores & non discutit: aggreditur concoctionem, non perficit. Itura dormitum, placet aliquando deglutiat granum vnum aut alterum thuris, ciceris magnitudine: aliquando tria aut quatuor semina peonie, sed leuiter

74 REINERI SOLENDRI
ter prius demibus trita. Aliquando conser-
uam rosaceam nucis magnitudine, admixta
alia parte conserua florum roris marini, vel sal-
uie. Verum rosaceam conseruam (Itali &
Germani Zuccharum rosaceum vocant) velim
hoc modo fieri. Accipiantur aliquot mala co-
tonea, conscindantur, & mudentur confusa,
vt decet, exprimantur. Qui expressus fuerit
succus depuratus incoquatur Zuccharo, donec
omnis incoctus sit: deinde collecta summo
mane rose, necdum rore excusso contundan-
tur in lapidea pila, contuse statim secun-
dum artem immisceantur Zuccharo, & su-
blata ab igne agitentur diu, donec omni per-
mixta fuerint, instillando aliquot guttas suc-
ci limonis. Is enim succus reddit conseruam
pellucidam, claram, & transparentem. Exer-
citium in omni corporis constitutione lauda-
tur moderatum, at in hoc casu maxime. fiat
autem stomacho ieiuno excrementis reiectis,
atque paulo plus, quam soleat esse ad calorem
corporis excitandum. fiat in aere quantum po-
test temperato, non iuxta profluentem, aut
stagna, neque in umbra, quam humidiores &
situ obducti parietes fecerunt. Vbi intempe-
ries aeris fuerit, domi pila parua ludat, glo-
bulis, & id genus alijs, quae totum corpus
exercent, & in quibus vox etiam pectus
exercere potest. vbi serenus aer, deambulatio-
ne.

CONSILIA MEDICIN. 76

ne, equitatione, &c. A cibo statim quiescendum. Ante coenam quæque exerceri debet, sed minus quam ante prandium. denique non velim vel unum diem præterlabi, in quo non aliquod corporis exercitium subeatur. Nam hoc excitat calorem nativum, eumque quasi consopitum alioqui, ad actiones naturales incitat, quo auctore deinde crudi humores, & pituitosi concoquuntur: item qui ad caput solùm tendebant vapores, aliò per univèrsam cutim derivantur: necnon excrementa omnia maxime quæ sunt in habitu corporis egregie diffilantur & discutiuntur: quorum excretio ad sanitatem tuendam summè est necessaria. Quapropter ea excrementa quæ exercitium discutere nequit, univèrsi corporis feces scilicet & urina, querendum ut singulis diebus deponantur. Verùm cum hæc satis pro temperatura & consuetudine respondeant, nihil de ijs dicam. Capitis vero excrementa, & superfluitates ante exercitium, quo ad eius fieri potest, expurgare decet, per frictionem, leni frictione per spongiam siccam, vel pannum calidum & subasperum, excreatione è faucibus, emunctione narium. Proderit etiam si singulis octo aut decem diebus, tota hyeme caput leniter extergatur fursure tritici, ex-
 usso primum diligenter polline, & deinde
 excica

exiccato. Laudo etiam gargarizaciones ex vino
 & aqua hordei, quæ per noctem saluiam, maio-
 ranam, roris marinum, rosas infuderint. Item si
 eadem illa naribus attrahantur, iuuabit. Et
 quoniam nunquam tam exacte sunt in corpo-
 re concoctiones, & superfuitatum excretio-
 nes, quin semper aliquid relinquatur in cor-
 pore, quod excerni debeat, quo relicto & pau-
 latim (vt fieri consuevit) aucto, & morbi
 veteres fouentur, & noui generantur. Qua-
 propter certis temporibus consultum fuerit hoc
 ipsum leni purgante medicamento euocare, ac
 naturam eo per interualla liberare. In quem
 usum velim sequentem pilularum massam con-
 fectam seruari, ex qua aliquando si stomachus
 onere grauatus sentiatur, velim aurei pondus
 in aliquot pilulas confectum manè deglutiri:
 aliquando ubi caput magis aut doleat, aut ca-
 tharris affligitur, velim vnam pilulam nucis
 auellane magnitudine vespere tribus aut qua-
 tuor horis post parcam cœnam deglutiri: vel
 quinque aut sex ex vnius aurei pondere con-
 fectas, post primum somnum, nocte assu-
 mi. Suffecerit semel aut bis in mense sumpsis-
 se: idque circa illud tempus quod longissime
 à menstruo fluxu distat: aut quod paulo post,
 cum fluxum sequitur. Pilule hæ ventriculum
 & primas venas expurgant ab omnibus excre-
 mentis, à capite reuellunt, deriuant à partibus,
 quæ

qua fluxione humorum tentantur, caput exic-
cant, & stomachum, ceteraque viscera roborant.
Sunt autem subscriptæ.

R^x Rhab: Agarici trochis. ana ʒ i.
Turbiti ʒ ii
Mircb. citrinorum, chebul. ana ʒ. s.
Masticis, nucis mosch. ana ʒ i.
Stachadi, cinamomi ana ʒ s.
Aloes boni ʒ s.

cum syr. ros. sol. fiat massa pro pilulis.

Animi motus sint quoque, ut cetera omnia,
moderati, & inter hos potissimum ira & tri-
stitia: nam illi sunt ceteris ferè vehementio-
res: fugienda quoque curæ, quod illæ caput,
mentis sedem, frigidius & imbecillum reddant.

Quæ in viuendi ratione obseruanda duxi,
huc vsque dicta sunt: nunc tempestiuum est
ad curationem, quæ medicamentis fieri debet,
progredi, quæ qua methodo institui debeat, ex-
plorata morbi natura, & affectarum partium
conditione, haud est obscurum. Nam intempe-
ries in mandante, & recipiente membro, frigi-
da & humida, calfacientibus & siccantibus
est oppugnanda, & quia humida plus vrget
quàm frigida, validius est insistendum sic-
cantibus quàm calfacientibus. Humor qui in-
temperiem & generat & fouet, euacuandus ve-
nit, & partim aliò deriuandus, vel ab affecta
parte auertendus. Verùm si hæc fiant corpore
impuro

78 REINERI SOLENANDRI

impuro existente, & repleto, officient potius
quàm proderunt, attracto & euacato humo-
re largiore, quàm dissipetur. Inde uni-
uerso corpori prospiciendum est prius: dein-
de caput expurgandum: postea intemperies
sollenda: & affectæ partes deinde roboran-
dæ, ut refectis facultatibus, & concoquant
suum alimentum, & resistent aliunde in-
fluentibus humore vel vapore. In corporis
consideratione cognoscendum, hoc proposi-
tum nobis, plenum esse multo crudo, & pi-
tuitoso sanguine: ventriculū frigiditate im-
becillorem, & iterum aliquando affectum
esse: denique vniuersam hanc curam, capi-
tis affecturatione fieri. Quare expurgatis pri-
us venter, & ventriculo, ut decet, ea exhiben-
da quæ ad sanguinis crudi coctionem faciant,
quæ viscidum & lentum sanguinem inci-
dant, & extergant, vias & meatus ape-
runt, iterum reberent, hepar plus æquo non
excalfaciant, capiti iuuamentum, & nervis
adferant. Quapropter exhibitis principio his
pilulis subscriptis latius progrediendum.

Rz. pilularum de hiera cum agar. ʒ ii.
pilularum azai creth ʒ i. s.
cum oximel. fiant pilule numero vii. de auren-
tur, deglutiat post primum in nocte somnum.
Deinde

Rz. Oximel. s. mell. ros. col. syr. de
stæ

CONSILIA MEDICIN. 79

Stoechade ana \mathfrak{z} s. decocti sequentis
 \mathfrak{z} iij. s. misce. Detur manè & super-
 dormiat si potest. Continuet ad dies aliquot.
 Decoctum esto.

R \mathfrak{z} . Betonica, Salvia, Melisse. Cichoriū
 integri ana m. j. Seminum peoniae, Coriandro-
 rum preparatorum, liquiritiae rase ana \mathfrak{z} s.
 Coquantur secundum artem in aqua q. s. co-
 letur, clarificetur, aromatizetur cinamomo
 pauco & sandalis citrinis, seruetur in vasa
 pro syrupo. Postea quam per aliquot dies hoc
 syrupo fuerit vsa, proderit euacuari corpus
 his pilulis.

R \mathfrak{z} pilul. a Zaiereth, pil. cochlearum ana \mathfrak{z} ij.
 Trochiscorum albandal. grana iij. misce:
 fiant pilulae septem cū aqua Betonica: dentur
 post mediam noctem. Atq; haec pilulae reiterari
 post quatuor aut sex dies debent. Interea verò
 vietur suprascripto syrupo. Caterum quoniam
 alterum ad euacuandum corpus instrumentū,
 sanguinis missio est, de ea hic pauca dicenda. Re-
 formidari in hac Illustri muliere posset sanguinis
 missio, ratione etatis, ratione crudorum in ea
 humorum, & ne impediatur mēstrui fluxus.
 Verū qui cognoscit naturam huius remedij,
 poterit de ijs facile iudicium ferre. Sanguinis
 missio ritè adhibetur in corpore repleto, ma-
 ximè ubi subitanea euacuatio requiritur:
 quae etiamsi hoc in corpore non requiratur,
 tamen

20 REINERI SOLENANDRI
tamen omnino corpus repletum est. Sed in hoc
corpore diximus illam plenitudinem esse crudo-
rum humorum: Galenus autem prohibet san-
guinis missionem existentibus multis crudis hu-
moribus. Qua in re sciendum, verum id quidem
esse, si crudi humores plurimum distant à
sanguine: nam ubi sanguini mixti sunt, nec
plurimum à sanguine discrepant, sanguinis mis-
sionem expresse concedit Galenus in libris de
sanitate tuenda. at tales sunt in hoc corpore.
Taceo interim quòd Galenus & catharros &
alios multos frigidos curavit morbos, sanguinis
missione. Aetas in hac muliere non tam gra-
uis est, quin in pleno corpore euacuationem per-
missionem sanguinis non admittat, cum videam-
us eam singulis mensibus adhuc secundum
naturam purgari. Quae purgatio menstrua ob
sanguinis missionem non intercipietur, ut qui-
dam putant, non enim per eam qui quam re-
uellimus, nihil retinemus: sed naturam super-
fluo onere, sanguinis deractione, quasi libe-
rantes, causam damus, quo ea, quod in corpore
superfluum est, singulis mensibus exactius
expellat, & minori negotio, & faciliori cor-
poris tollerantia. Ut interim taceam, quòd
ex sanguinis missione beneficium accedit, ni-
mirum quòd à capite reuelleretur humor noxius:
calide vaporosaq; expirationes minus à visce-
ribus subditi in caput attollentur: hepatis &
renium

renum caliditas mitigabitur. Verum quoniam
 aëris hoc tempore incommoditas refragatur: &
 alijs leuioribus remedijs, videtur leuius malū
 fieri posse, vt sine incommodo facile inducias
 dare possit in proximum vsque ver, (quo tem-
 pore commodis remedijs omnino curari debet)
 hoc tempore venam nullam secabimus. Sed pur-
 gato (vt supradictum est) vniuerso corpore, ad
 secundum curationis caput deueniemus, quod
 statuimus materia, quæ intemperiem fouet, ex-
 purganda & auertenda gratia, quæ quoniam
 fontem suum habet caput, illi consulendum est.
 Fiet hoc apophlegmatisms, errhinis è cerebro
 pituitam deuocantibus purgatione manifesta:
 occulta item, & insensibili fiet per lotiones, fri-
 ctiones, & pectinis attritum: hoc ipsum con-
 ducet, & ad reuulsionem humoris, quem in
 subiectas partes, & brachiū, cerebrum amādat.
 Proderunt etiam reuulsionis & deriuationis
 gratia partium extremarum frictiones, cru-
 rum maximè, & brachij dextri. Neq; improba-
 rim frequentes natibus & lumbis cucurbitulas
 affigi, aliquando leues, aliquando cum sca-
 rificatione. leni, idquæ potissimum eo tempore,
 quo defluxus ventriculū, fauces, & gingi-
 uas infestat. Præterea cerebrum roborandum
 est, vt alimentum suum concoquat: vapores
 aliunde transmissos, vt repellat: vtquæ eius
 immodica humiditas absumatur: frigiditas
 f (qua

81 REINERI SOLENDRI

(qua tamen non admodum insignis est) remperetur. His ita peractus, brachio serè nullo remedio opus erit, quod partim fiet ijs remedijs, qua diximus, partim pulvisculus capiti inspersus, vel in sacculos confutis, eique applicatis, partim electuarijs membra confortantibus exhibitis. Nam ubi non amplius eò materia nocens à cerebro demandabitur, natura facile vincet quod in eo molestum, prater naturam est. Quod tamen ut expeditius fiat, fotu aliquo aut linimento commodo ea iuuanda venit. Post corporis igitur purgationem laudo hoc caputpurgium, ut mane diebus aliquot tepidum per nares attrahatur, utque aperis meatibus, dissoluta parumper materia frigida, imponantur naribus errhina subscripta ad mouendum sternutamenta: quorum vsus calefacit temperatè cerebrum, siccatur, & roborat, humoresque in eo dissolutos sternutamentis euocat.

Rx. Decocti maioranae, Salviae ℥ iij. Succi betae depurati ℥ j. s. mellis despumati ℥ i. nigellae parum torrefactae. ℥ i. misce, fiat caputpurgium attrahendum per nares.

Rx. hellebori albi ℥ ij. s. piperis longi. Zingiberis ciclamini ana ℥ j. Caryophil. Cinnamon ana ℥ s. musci gr. iiij. cum mucilagine gummi arabici dissoluti in succo salviae fiant nasalia caryophilis paulò maiora, imponenda naribus. Et licet per nares potius velim

CONSILIA MEDICIN. 23

velim deduci noxiam materiam, quam per os
& fauces, tamen ut facilius duplici via expur-
getur, etiam his masticatorijis utatur post usum
remediorum supradictorum.

R². Rad. capparⁱ, pyrethri, nucis moscha-
ta ana ℥ j. s. mastice ℥ j. cera parum
misce fiant pastilli masticatorij, ex quibus
vnum dentibus conterat per hora dimidia tem-
pus. Cum hæc facta fuerint, lauet oculos aqua
rosacea, abluat os aqua hordei, & eandem te-
pidam attrahat per nares, ad calorem, si quis
in partibus à medicamento relictus sit, lenien-
dum. Huius remedijs utatur per dies plus minus
decem, aut duodecim. Interea temporis ad ro-
boranda membra utatur hoc electuario nucis
magnitudine, summo mane, & post assumptum
si potest dormiat.

R². Theriaca bona, vel mithridatij, vel
Aurea Alexandrina ℥ j. conserva rosa-
rum ℥ iiij. conserva florum salviae ℥ ij.
misce: seruetur in usum tota hyeme. Assu-
mat aliquando binis aut ternis diebus ex ordi-
ne, aliquando alternis diebus, aliquando interpo-
nat aliquot dies, & post ad idem reuertatur.
Ad id quàm hoc omnibus membris conferat, ca-
put exiccat, & roborat, ventriculum, & hepar
confortat: vteri affectibus utilissimum est.
Noctu dormitura suffumiget tegumētū capitis
suffitu ex. itato sup. a carbones ex hoc pulvere.

f 2 R².

84 REINERI SOLENANDRI

R^z. sandaracha Arabum ʒ ij. Stora-
cis ʒ i. s. Belzoi ʒ ij. Thuris ʒ i.
Rosarum ʒ iiij. Contundantur, misceatur
pro suffitu. Interdum gestetur supra caput
hic sacculus.

R^z. Sandaracha Arabum ʒ ij. s.
Rosarum rub. ʒ i. s. Macis, Cinamomi,
Garyophyllorum infusorum per horas tres in
aqua rosacea, & exiccatorum ana ʒ i. s.
maiorana, nucis cypressi ana ʒ s.
Puluerisatis omnibus subtilissime, fiat sacculus
ex serico interbassatus, pro sutura coronali. Lo-
tiones reiteratas capitis ex lixiuio, facto ex
cineribus partim salicis, partim iuniperi ligno-
rum, incoctis rosis, bethonica, camomilla, folijs
sene, pauco agarico & id genus similibus sum-
mopere laudo. Tamen quia non assueta est hac
nobilis mulier, supersedendum puto his hac
hyeme, propter inclementiam aeris, atque ea-
rum loco suffecerit frictio lenis capitis per fur-
fures, ut supra à me scriptum est. Laudo quo-
que aliquando vsum myrobalanorum, cebulorum,
& emblicorum conditorum mane eo tempore,
quo non vsa est electuario scripto. Proderit
etiam vsus conseruae florum betonicae, salviae,
rorismarini. Iunabit aliquando masticatio
longa nucis moschatae, aliquando masticis
simplicis, & id genus similium. Quod ad
cervicem attinet, & brachium affectum, si
post

post hæc remedia, non omnino curata fuerint, inungantur oleo myrrhæ, admixta parte olei gummi ammoniaci cum paucis oleo vulpino, & camomillino, dissoluto in ijs momento croci & salis. Nam hoc linimentum non attrahit, non repercutit, sed inuat concoctionem materie frigide, modicè calfacit, roborat partem ne rursus recipiat nouam materiam, discussa veteri. Inungendum vesperi, & manè calidè. Oleum myrrhæ, & gummi ammoniaci, hoc modo quodlibet per se fiet. Coquatur ouum, donec indurescat, dempto cortice, scindatur, & eiectò vitello ipsius albuminis concanitas impleatur puluere myrrhæ bonæ & puræ, vel ammoniaci pinguioris, colligatur deinde filo & vndique stilo perforatum ouum in vitreo calice suspensum seponatur in loco humidiorē vel subterraneo per aliquot horas, atque ita extillabit oleum: cuius vsus esse debet. Oleum ex his alia arte multo excellentius extrahi potest, sed in hoc affectu malo hoc modo fieri: nam ex albumine, quas vires nanciscitur, hîc conuenire arbitror. Quod ad excretionem arenularum attinet, laudo vtatur singulis ferè diebus tota hyeme nucleis persicis, aut amygdalis amaris, assumendo in principio prandiij octo vel decem. Excernit horum vsus arenulas, & calculum: à dolore renali & colico præseruat: facit ne caput multum tentetur ex

36 REINERI SOLENANDRI

stomacho eleuatis vaporibus, & multo phleg-
 matis generationem prohibet, nec in eo corpore
 multum eorum caliditas tempore hyemis time-
 ri debet. Hæc sunt quæ in his affectibus
 consulenda putauimus, quibus, si ritè utatur, in-
 uanite Deo non solum à grauiori periculo se-
 cura reddetur Illustrissima mulier, sed etiam
 omnino ab his dispositionibus liberabitur.
 Quod si forte fortuna propter ueris inclemen-
 tiam hac hyeme, pro voto, non successerit, hoc
 sequenti vere, leni purgatione, & fortè sangui-
 nis tum missione aut ex vena pedis sinistri
 externa, vel ex dextro brachio, & usu li-
 gni guaiaci planè pristina sanitati restitue-
 tur. Quæ omnia à presente Medico secundum
 rationem & corporis, & affectuum tum
 temporis dispositionem, institui de-
 bent: atque etiam pro aëris
 aliam constitutionem, qua-
 dam in hoc meo con-
 filio forte mutari.
 Cal. Decembris
 Lugduni.



Consilium sextum. Pro eadem illustrissima Comitissa in quo modus exhibendi decoctum ligni Guaiaci.

Cognita constitutione corporis Illustrissima mulieris, qua nunc utitur, atque relecto meo scripto, quod ante quatuor circiter menses dispositiones ipsius omnes explicaueram, rationemque vivendi institueram: paucis quid mihi hoc tempore faciendum videtur, quidque præstandum arbitror, ut corpus à grauibz morbis præseruetur, expediam. Quandoquidem æstas calore suo humores liquat, & fundit, solet in humorum plenis corporibus tum alios multos morbos excitare, tum maximè graves ex fluxionibus inducere, meum consilium fuerit, priusquam inuale scat, sanguinis (quo omnes humores continentur) missione occurrendum esse. Nam cum hoc tempore maior necessitas urgeat quàm fecerit aliàs: nec aeris inclementia, quæ tum molestæ fuit, nunc impediat, non video quo minus id fieri non debeat. Sanguinem, licet is fortè, paulo sit crudior quàm deberet, plus æquò in auctum esse in ipsius corpore multa ostendunt, tam quæ causarum loco sunt, quàm quæ pro effectis habentur. Etenim hepatis temperatura calida, & humida, victus ratioliberior & boni nutrimenti, otium, & cætera quæ ad

f ◀ — ▶ pin

plurimum ingenerandum sanguinem faciunt, illud docent. Item in pulsu quæ percipitur vndositas, & ipsius proratione ætatis magnitudo, capitis & oculorum grauitas, lassitudo illa quasi laboriosa, vrina crassior & satis tincta, color ruber & floridus, etiam attestantur plus sanguinis esse in venis, quàm natura opus habeat. Item hora motus huius humoris : nam potissimum manè grauat, quod tempus à nona noctis scilicet ad tertiam diei, sanguini merito tributum est. Quod etiam indicatur ex hæmorrhoidibus, quæ aliàs fluere consueuerunt, ante aliquot paucos annos suppressis. Hinc factum est quod menses quæ ante hunc diem solent ordine & modo nature fluere, postremis his diebus ad dies quatuordecim continuos fluxerint : quod manifestum indicium præbere debet, sanguinem copiosorem esse in corpore, quam eius facultates ferant. Et licet hac mensium expurgatione, is sit diminutus, tamen nondum satisfactum esse nature, facile intelligere poterit is, qui, quæ antea diximus in corpore ipsius præsentia, considerat. Quare largiore opus esse euacuatione constat, quæ cum multis & varijs modis fieri queat, nulla est quæ possit commodè ab illa adhiberi, quàm aut sanguinis missio, aut inedia. Verùm cum hæc, licet salubriter, vniuersum corpus vacuet paulatim, & longo tempore, meo iudicio non potest solum præstare

præstare quod quærimus: sed & altera opus erit, scilicet sanguinis missione, maxime cum propter negocia quibus distringitur, non queat eam viuendi rationem instituere, quæ necessario erat instituenda. Ad quod accedit institutum post paucos dies iter, quod ingredi, nisi vacuato nonnihil corpore, non satis tutum arbitror, cum varius diuersorum locorum non solum aër experiendus sit, sed & cibus & potus subinde mutandus. Præterea si sanguis mittatur, hoc utilitati accedet ad humorum euacuationem, quod natura quasi exonerata promptius quod reliquum est in corpore crudorum humorum concoquet, quod superfluum digeret, & consumet: necnon quod ab arte poterunt securius cetera institui, quæ & ad caput, & brachium nonnihil affectum roborandum ex usu videbuntur. Refrigerabuntur etiam nonnihil renes, & quodam quasi onere lenabuntur, ut minus illis post hæc dispositionis sit ad calculum generandum tam materię quàm efficientis ratione. Fiet etiam eadem opera, ut pauciores excipiat vapores caput, sublata eorum materia, & ijs quasi renulsis, aliòque deriuatis, quod etiam brachio affecto non parum adferet inuamenti. Quod ad ea attinet quæ aliàs difficultatem in eo negotio facere videbantur, tum respondi: & hoc tempore latius prosequerer, si arbitrarer

f s ali

alicuius momenti fore. Quare cum arbitrer
hoc remedium, si vllum aliàs proficuum esse
solet, magnopere profuturum: neque vllam
difficultatem inueniam, quæ nos ab eo perter-
rere debet, præscribam paucis quo tempore,
quo modo, qua quantitate, ex qua vena meo
iudicio administrari debeat. Tempus aptis-
simum erit, quando in principio huius veris,
constitutio aëris fuerit paulò minus, quàm est in
stabilis: nam ita euacuatum corpus non offendet.
Quod autem eo tempore fieri debeat Hippocrates
docuit lib. 6. aphor. 47. & Galenus post eum
multis in locis: nam tum admonet morborum in-
stantium periculum: inuitat humorum vltro suo
loco motorum exemplum: patitur etiam aëris
temperies, quam meo consilio expectabit stabi-
lem, nisi vrgens aliqua negotiorum causa impe-
diat: nam tum tempori accommodare se oportet:
intelligo si breui ingrediendum iter est, euacuan-
dum hoc remedio corpus erit, non expectato aëre
firmo, & sereno: & eo tempore ad paucos dies
domi sese cōtinere decet. Modus quo velim fie-
ri, hic esto. Præcedenti die aut biduo ante san-
guinis detractionem, consultum fuerit manè ho-
ris quatuor ante cibum, aut citius accipere hoc
electuarium quod subscribam, quod primas ve-
nas, & ipsis proxima viscera sine molestia ex-
purgabit: ne postea ex ijs locis, exinanitis pa-
rum venis, aliqui crudi humores in habitum cor-
poris.

CONSILIA MEDICIN. 51

porū, ut fieri solet, trahantur. Praescribo hoc electuarium potius quā quodvis aliud, quod mirum in modum benignum sit, equaliter omnes humores euacuet: flatus non, ut cassia, aut id genus alia medicamenta, excitet: sed quod non solum membra expurget, verum expurgata etiam roboret & firmet.

Rx. Diacatholicon ℥ viij. pilul. mastice-
narum contusarum ℥ ij. Specierum hier. s.
℥ j. cum syr. ros. sol. fiat electuarium, obdu-
catur auro, & assumatur in uolutum hostijs ma-
defectis in iure pulli, vel vino. Post hoc electua-
rium sequenti die quiescet, altero extrahetur
sanguis. Quae postea facienda sunt, paulo post
dicemus. Quantitatem sanguinis extrahendam
difficile consequi absentes possumus: diagnosce-
tur ea facile a Medico tum temporis praesente,
Quod si absens in ea re consilium meum adferre
debeo, putarem utile fore, & necessarium esse
corpori, si ad minus octo vel decem uncia educe-
rentur: tamen hoc integrum relinquo iudicio pre-
sentis medici. De vena, quae aperiri debet, non le-
vis est habenda ratio: quādoquidē non solum cōside-
randa est corporis euacuatio, sed in ea re animad-
uertenda & reuulsionis & derivationis ratio mi-
rū in modū debet: quod uno et eodē hoc remedio
soleamus prospicere diuersis & varijs remediis
generibus, quibus solet nostri corporis dispositio-
bus subueniri. Quapropter cū humor abundas in
corpe

corpore huius Illustrissimæ mulieris, maximè
 infestet caput, atque ex eo defluat in brachium
 sinistrum, videndum ut is commodè euacuetur,
 quod quidem fieri posset ex qualibet seprodente
 vena, verum quia maximè vergit in latus si-
 nistrum derivandum venit in dextrum latus:
 quare quæ prodit se potissimum in dextro bra-
 chio vena, aperienda venit, siue ea cephalica
 sit, seu communis, vel etiam basilica: nam in
 eo parum est discriminis. Tamen si omnes se ex
 æquo produnt, potius aperienda communis: ea
 enim tam euacuat uniuersum corpus, quàm ex
 capite derivando reuellit. Verum quoniam con-
 stitutio corporis ipsius ita formata est, & car-
 ne vestita, ut vix vlla vena in brachio appa-
 reat, atque ob id difficile sit venam aliquam
 rondere: non mihi præterrem videretur, si in
 eodem brachio vena aperiretur, quæ in manu
 est inter pollicem & indicem digitum, quam
 vocant capitalem: nam ea enascitur ex maiori
 superiore in cubito vena. Quod si ea haberi non
 possit, potius aperiatur in sinistro pede sciatica
 dicta, hoc est externa vena iuxta talum, quàm
 quod hoc remedium omittatur: nam ex ea eua-
 cuabimus, & à capite per sinistrum latus re-
 uellemus quantitate grauante humorem.
 Quod si nulla ex ijs inueniri queat, quæ sine
 periculo videatur aperiri posse, forte necessa-
 rium fuerit curcubitulis, humeris & lumbis
 affixis

affixis cum scarificatione humorem demere. Quod tamen remedium non tam fuerit utile, quam molestum. Post extractum sanguinem vietur sequenti apozemate per tres dies aut quatuor manè assumendo vncias quatuor cum vncia vna mellis rosacei. Apozema hoc modo fiet.

R^x Betonica, Salvia, Cichorij integri. Agrimonia, singulorum m. i. Liquiritia, Coriandrorum conditorum z accharo, Passularum corinthiacarum, singulorum vnciam mediam, Cinamomi pondus drachmarum duarum, decoquet in aquæ lib. iiij. ad consumptionem ferè medietatis, excoletur ius per sindonem densum, atque eo vtatur. Quod si eo vti velit ad plures dies, magnum inde iuuamentum percipiet. Postquam vsa est hoc apozemate, utile fuerit post primum in nocte somnum, qui parcam cœnam subsequi debet, deglutire pilulas aliquot conformatas ex ponderis vnius aurei & dimidij pasta ea, quam continuò apud se habet, alias ei à me præscripta. Et interim dum hæc aguntur, fuerit consultum vti parciori victus ratione, & mediocri exercitio: idquæ in loco sicco, nec admodum frigido: vel si hoc fieri nequit, manè priusquam vestiatur, adhibeat lenes crurum, corporis reliqui, & brachiorum, maximè dextræ frictiones. Pilulis assumptis, sequentibus aliquot

34 REINERI SOLENANDRI

aliquot diebus summopere laudarem (si ipsi per
negocia liceret, & integrum esset) ut per ali-
quot dies decocto ligni Guaiaci uteretur, ea ad-
hibita viuendi ratione, quæ solet hoc tempore
à medicis hoc remedio utentibus, præscribi:
quam tamen non velim tam strictam, & te-
nuem esse, ut viribus aliquot detrimentum in-
ferre possit: sed solum ut detracto corpori largio-
re nutrimento, natura quicquid est in sanguine
crudorum humorum cōcoquat: & quicquid se-
osum, illud consumat, vel per sudorem dissipet.
Lignum hoc vix credi possit, quàm fuerit com-
modum: nam ventriculum & hepar concoctio-
nibus destinata membra roborat, eorum humidi-
tates exiccat: quicquid in corpore est crassorum
humorum, & viscosorum incidit, attenuat, &
abstergit: urinā, & maxime sudores mouet: quæ
propter per habitū corporis egregiè omne qđ in
tali corpore noxiū est, discutit, & exterminat,
inuāte multū ad hoc victus ea ratione, quæ ad-
hiberi solet. Hoc modo subinde defluxionū seu
rheumatū fontes exiccantur, & partes ita roborā-
tur, ut hæc nō amplius noxiā materiā ingenerēt,
neque illæ recipiant. Decoctum velim hoc modo
fieri. Accipiat ligni Guaiaci triti lib. j. Aquæ
bonæ lib. 12. infundatur in olla noua vitreata,
incalcescat supra prunas, atque ita reponatur in
24. horas. Iis elapsis apponatur igni, & coqui-
tur læto igne donec serē dimidia aquæ pars in-
cocta

colla fuerit, eo tēpore auferatur ab igne, & ex-
 colatum decoctum seruetur in vasis vitreis in
 usum. Verū interim dum coquitur adijciēda
 sunt vuarum Corinthiacarum vncia dua, Li-
 quiritiæ recentioris ℥. s. Ex hoc decocto ca-
 piat mane hora quinta libram semis, vel paulo
 plus, & cooperta sollicitet sudorē, somno maxi-
 mē si potest. Absterfa diligēter manē circa o-
 ctauā vel nonā horas, fricetur, & deinde sur-
 gat. Hora decima prandium sumat, quod velint
 esse parcissimū, nimirū ex vnica aua altera aui-
 cula assa, vel ex paucis buccis carnis alicuius
 assa, cū paucis vuis passis, & modico vino egre-
 gie diluto. A pradio prospiciendū ne somnus
 obrepat: nam is nocivus esse potest. Hora deinde
 quarta decumbat, assumat eandē quantitatem
 decocti: sollicitet sudorem: post sextā, si placet,
 exurgat ē lecto, & paulo post cœnet, sed multo
 minus quā in pradio. Quare carnibus absti-
 nuisse profuerit: s. lūm salubre erit aliquot a-
 mygdalas vel pistacia, vel vnas passas, cū pau-
 co biscocto pane assumere, & secundum (ut
 vocant) decoctum vice potus admittere. Quod
 hoc modo fieri consuevit. Accipiat reliquias
 ligni primæ decoctionis, eis inditis in nouam ol-
 lam, adijciantur aqua libra decem & octo.
 Vuarum passarum m. iij. Liquiritiæ vncia
 vna, Cinamomi pondus duorum aureorum:
 coquantur ad consumptionem terriæ partis,
 utatur

utatur pro potu. Quod si fortè fames, & edendi appetitus plus solio à prandio presserit: eo tempore, anticipare poterit horam assumendi potionem vespertinam. Tempus determinatum quo fieri velim hanc curationem, & dietam servari, nullum præscribo: nam negocia & rei commoditas faciliè tempus & terminum designabit. Quod si solum in dies tres, vel quatuor fiat, non poterit non egregiè prodesse, & quo longius protrahatur in certum aliquod tempus, eò fuerit consultum magis. Hæc sunt quæ mihi videntur hoc tempore facienda, ut à morbis (quibus fortè premi posset si incautius ageretur) præservari valeat: ut quæ quicquid est reliquum in corpore dispositionum præternaturalium tollatur. His omnibus peractis velim omnem omnium medicamentorum usum in aliquot menses interdictum esse, ne usu eorum continuo corpus noxam aliquam contrahat, vel ne aliàs (si in graviore fortè casu medicamentis opus fuerit) natura ea respuat, & quasi (ut multum iis assueta) contemnat. Tamen si his primis duobus mensibus aliquando utatur Zaccharo rosaceo immixta theriaca, ut aliàs præscripsimus, non improbo. In quem usum mitto illi theriacam fere ante biennium à me in Italia confectam, optimam, si vlla alia hoc tempore, fieri potest. Post hos duos menses, eius loco si placebit, erit solius Zacchar

chari rosacei vsus. Neque haberem medica-
menti loco, si æstate singulis quindecim, vel
viginti diebus aliquando ante prandium ma-
sticaretur Rhabarbari modicum, vtpu-
tæ nucis auellane, vel castaneæ magnitudine,
& cum pauco cinamomo deglutiretur. His
abunde corpus præseruari poterit.

Ad gingiuas laxas, &
dentes erosos.

Quod attinet ad gingiuas laxas, & den-
tes mobiles, & a continuo humoris è ca-
pite influxu erosos, solam hoc remedio uten-
dum mihi videtur, quod gingiuas stringit,
illapsum humorem exiccat, eas roborat, ne
alium labentem continuo excipiant, dentes
firmat, à putredine præseruat & dealbat: ne-
que eius vsus ingratus est vel odore, vel sapore.
Velim autem hoc modo fieri. Accipiat folio-
rum oleæ viridum partes iiij. Rosarum rubea-
rum recentium part. ij. Zacchari albißimi par-
tem vnā. Cimarum rubi, vel quercus partem
mediā. Contundantur, & distillantur se-
cundam artem. Aqua destillata abluat os su-
binde: huic aqua poterit inijcere aliquando gut-
tas aliquot olei vitrioli, facti eo modo quo præ-
cedenti nostro consilio diximus oleum myrrhæ
conficiendum. Vel accipiat solum olei huius co-
g chleare

g chleare

98 REINERI SOLENANDRI
chleare. j. Aqua rosacea cochlearia sex vel se-
ptem commisceat, & eo liquore gingivas &
dentes aliquando confricando, illinat. Hæc in sa-
lutem Illustrissime Domina hoc tempore consi-
lenda duxi: quæ si diligenter adhibita fuerint, se-
ro permultum profutura. Quod ut fiat, Deum,
qui de terra creavit medicinam, precor. Lug-
duni Cal. Aprilis.

Consilium septimum, In asthmate
pro Augustano mercatore.

Licet is affectus, qui hunc virum affligit &
ipsius causa, notissima sit atq; propterea sa-
lutaria remedia promptè præscribi possint, ta-
men ne meum officium ipsi defuisse in hac re vi-
deri possit, placet brevibus comprehendere natu-
ram morbi, eiusque causas. Morbus quo decli-
nat, dubio procul Asthma, vel anhelitus diffi-
cultas dicitur: quandoquidem in omni motu, in
omni exagitatione corporis cõcitatore, ea facile
se prodit. Nam cum eo tempore calor ex motu ve-
hementior, magno refrigerio, per respirationē ha-
beat opus, & pulmo propter infactos, & imbi-
tos crassos, viscidosq; humores dilatari & cõtra-
trahi non queat, necessarium est ut quod robori
desit, id frequentia cõpenset. Unde sunt illæ an-
helationes crebræ, inde ea angustia pectoris, &
quasi quædam anxietas, & in eo loco compressio
Inde

Inde illud pondus, quod continuè in ijs locis per-
sentitur. Hinc illa tussis subsistens temporibus,
quandoquidè cum natura persentiat in pulmoni-
bus excrementitium humorem, ijsq; liberam ex-
pirationem impedit, velit nolit coacta est, quoad
eius fieri potest, illum ipsum excludere seseque ex
molestia liberare. Quo fit, etiam ut eo tempore co-
gatur recta ceruice spirare: nam & ita meatus
ille liberior est, & magis expeditus, & viscidis
humores minori agitatione possunt excludi.
Quod autem huius difficultatis causa, sint hu-
mores crassi & viscidis infarcti in meatibus ipso-
rum pulmonum, hætenus ab omnibus Medicis
in confesso est, ipsa ratio quoque dicat, & ea
quæ eger expuit manifestè ostendunt. Nam illa
difficultas respirandi, qua aliquando noctu te-
netur, nunquam cessat, tussis quæ subsequitur,
nunquam sedatur, nisi viscidis, & crassis humo-
ribus multis primùm per tussim ex pectore &
pulmonibus eiectis. Hæc quæ ad morbum ipsum.
Causam quid dederit huic morbo, non est diffi-
cilter consequi. Quandoquidem venosum genus
& ipsum hepar calidius, stomachus ferè imbe-
cillior, & inordinata victus ratio, qua ferè Ger-
mani utuntur, maximè potionibus frequentibus
sine ordine potissimum: & in hypocaustis frequēs
conuersatio, solent caput mirū in modum onerare,
& replere excrementis, quod deinde se exone-
rans, humores superfluos deponit, ac prout viam

aliquam expeditam reperit, per quam se exonerare queat, & subiectam aliquam partem imbecillam, & aptam, ut recipiat, hanc onerat, atque excremento suo grauat. Vnde in alijs diuersi morbi sunt, in ipsius corpore forte propter naturam aliquam imbecillitatem pulmones oppreſſit, atque asthma generauit. Et quia materia illa ignaua est, non est molesta nisi sua quantitate & mole, quæ ubi se in pulmonum meatus insinuauit, paulatim ipsam afficit, ac intemperie sue nature conformem generat, vnde postea pulmo imbecillus non ritè suum alimentum concoquit, & multa alia excrementa cruda relinquit: quæ deinde coniunctis viribus spiritus transitum impediunt, & nisi per tussim vi anhelitus excutiantur, respirationem, aut egregiè difficilem reddunt, aut omnino intercipiunt. Quare autem hæc accessio maximè vrgeat circa noctis medium, multe possunt esse cause. Etenim eo tempore, si Arabibus credimus, propriè est illius humoris pituitosi & crudi motus, ad quem etiam ipsius noctis natia qualitas frigida & humida aliquid facit. Præterea mihi verisimile est in somno, aliquid materie continuo ex capite in subiectū thoracem paulatim delabi, atque tandem cum aggestum humorem natura persentit commoueri, donec eum exturbarit, atque in eo motu omnes pulmones concuti, quo tempore egiçit multam materiam, quæ aliqui quasi conſo

consopita in meatibus ipsorum residebat. Et
 quoniam in ea agitatione vniuersum corpus con-
 cutitur, & maximè vicina ventriculo partes, sit
 ut aliquando post tussim, bilis vomitus consequa-
 tur. Is enim humor, vicinus ventriculo suam se-
 dem habet, & facilis est ad motum, promptèq; in
 exagitatum vètriculum illabitur. Tumor pedum
 qui ante aliquot dies visus est, non sit præter ra-
 tionem, atq; ego in simili morbo subinde observa-
 ui, ferèq; suspectum habeo. Etenim is, meo iudicio,
 fit ea ratione, qua nos fieri videmus in declina-
 tionibus longorum aut grauiorum morborum.
 Nam eo tempore debilitatus calor, non ritè con-
 coquit alimentum corporis, multaq; generat ex-
 crementa. Isq; defectus primò solet se egregiè pro-
 dere in ijs partibus, quæ longissimè à caloris &
 sanguinis fontibus, corde nimirum & hepate
 disident: quales pedes sunt & crura: ad quod
 etiam facit aliquid, quod ferè semper nonnihil
 excrementitium in eas partes, declines sua na-
 tura, ex vniuerso corpore labatur. Quòd autem
 in eo casu calor natiuus imbecillior fiat, illi fa-
 cile ratum esse debet, qui intelligit omnem ca-
 lorem, & ipsius autorem ignem imminui, imò
 extinguì si liberum aërem, & disflatum non
 habuerit. Vnde in omnibus Asthmate labo-
 rantibus calor natiuus, paulatim suffocatus im-
 minuitur, quemadmodum accensas candelas,
 imposito corniculo, nec expirent halitumve ac-
 cipiant.

cipiant, extingui videmus. Quod ad prognosticum attinet, sperandum morbum in ea etate, in ea dispositione corporis adhuc recentem leniri & mitigari posse, sed non nisi singulari diligentia in victus ratione, & ceteris rebus necessarijs adhibita, & multorum medicamentorum vsu tempestino. Nam nisi id fiat, periculum est ne ingrauescens ægrum brevi tempore interimat, cum inueteratus, vel qualiscunque alius, in senem incurabilis sit semper habitus, & habeatur ab omnibus. Victus rationem hinc ascribere superfluum duco, cum eam passim ab vnoquoque medico facile addiscere poterit. Capita tamen quedam non omitto, in quibus ea omnis continetur.

Abstinentum erit ab omni cibo crassi nutrimenti, & visceri, frigidi, & onerantis caput.

A multo vino, maxime generoso: à lacticiuijs omnibus, ab aximis, pane non fermentato, & male cocto: à leguminibus, à carnibus porcinis, bubulis, piscibus fere omnibus. Exercitio multo, maxime ieiuno utendum stomacho. non dormiendum interdum: nec vespere statim à cibo: non quiescendum supinè, sed in alterutrum latus: Vinum debet esse potius album quam rubrum, aut vermiculum, tenue, maturum, non astringens.

Atque sequenti hyeme subinde bibendum vinum loco medicamenti, ex hisso po conditum, vel salvia aut iridis radice, cum poco polypodio: idque cum vsu consiciendum autumno sequenti.

Velut

velim vsus vini aliquando intermiti, & pro eo bibi ad aliquot dies vel saltem in cœna continuus hydromel ex multo melle, incoctis hyssopo aut salvia vel iridis radice. Statim à cibo, tam in prandio quàm cœna, velim cochlear vnum ex hoc pulvere assumeret, neque superbiberet. Pulvis hoc esto.

Rx hyssopi sicci, Semin. anisi ana ℥ i. Liquirita rasa ℥ s. Semin. feniculi. Cinamomi ana ℥ ij. Cardamomi ℥ ij. Rad. ireos ℥ s. Cort. citri. ℥ ij. s. Zucchari albißimi lib. s. Puluerisentur omnia, & misceantur.

Verſandum quantum fieri potest in aëre ſiccò, libero, flatibus peruiò, non concluſo. Non obijciat caput Soli, nec ventis meridionalibus, vel etiam ſeptentrionalibus vehementioribus: nam utrique nocent, hi quod humorem exprimant, & ad inferiora præcipitent, illi quod multo humore & vapore grauent. Autor Hippocrates aphoriſm. lib. 3. Animi affectus ſint moderati, à mæſtitia, curis item quantum fieri potest cauendum. Et cætera omnia mediocriter obeunda. Quod attinet ad medicamentorum rationem, in ea hoc obſeruandum, vt frequens ſit eorum vsus, ſed non admodum vehementium. Quare ſolum aliquando velim interpoſiti diebus ℥ i. aut ℥ iiij. harum pilularum assumeret, poſt medium noctis, quarum vsus ſecurus eſt, & in aſthmate

§ 4 ſunt

104 REINERI SOLENANDRI

sunt permultum experta, egregie educunt humores viscidos & glutinosos e pectore & pulmonibus, & caput expurgant. Quarum descriptio haec est.

R^z. Agarici boni. ʒ i. Rad. ireos.
Marrubij ana ʒ s. Turbit boni
electi ʒ ij. s. Specierum hiera s. Gal.
ʒ ij. Pulpa colocynthidis Sarcocollae ana
ʒ ij. Myrrha Rhabarb. ana ʒ s.
Pulpa Seminis cartami ʒ ij. s. Mixtis
omnibus cum syrupo de marrubio vel de hyssopo
fiat pasta pro pilulis. Eo tempore, & ijs diebus
quibus vsus pilularum non admittitur, laudarem,
si per aliquot septimanas mane in aurora, ex hoc
decocto lib. s. assumeret, & deinde se ad quie-
rem componeret. Potio haec est.

R^z hyssopi. Salvia, Marrubij, Scabiosa, Cap-
ven. Agrimonia ana m. i. Rad. Enu-
la camp. ʒ i. Rad. Tusilaginis ʒ ij.
liquiritiae rasa ʒ. i. s. S. urtica ʒ ij.
S. melonum contusorum ʒ. s. Epythimi p. i.
S. Anisi ʒ ij. s. Passul. mundatarum p. i. s.

Coquantur omnia in aqua q. s. secundum
artem, colentur, depurentur, & cum melle q. s.
vel si egroto mellis vsus non placet, cum zucha-
ro fiat apozema, & cum canella ʒ ij. ara-
matizetur. Quot si placeret subinde decoctum
reiterare ac recenti uti nec tempore exoluta, po-
test simplicium quantitas imminui. Si huius
decocti

decocti fastidium obrepit, utatur zulapio
subscripto, quod mihi egregie in simili casu
probatum est.

R² Aquarum Enule Campanæ, Tuſſilagi-
nis Borruginis, diſtillarum in vitro vafe, ana
lib. 5. Rad. ireos. 5. vrtica ana 3 s. hyſſopi,
Marrubij. ana 3 j. Capill. veneris re-
centis m. j. coquantur ad conſumpt. tertiæ
partis. Clarificetur, & cum pauco Zucharo fiat
iuleb. in quo ſebulliat Liquiritia, paſſularum
ana. 3 j. Cinamomi 3 j. & utatur. Pe-
ctus ſubinde inungat vniuerſum hoc linimento.

R² Succi ireos, Succi marrubij, ſucci hyſſopi
ana 3 ij. Pingued. gallinæ, Anſerinæ, Bu-
tyri recentis, ana 3 iij. Ol. anethini. Ol. iri-
ni ana 3 s. Coquantur ferè ad conſumptionem
ſucci, deinde cum pauca cera fiat linimentum.

Præter hæc placeret mirum in modum conti-
nuus uſus ſubſcriptarum tabularum.

R² Cinamomi 3 s. hyſſopi 5. aniſi
ana. 3. iij. Liquiritiæ rafa, 3. iij. s.
Cardamomi 3 j. s. feniculi 3. iij. Rad.
ireos 3 ij. Zuchari q. ſ. depurati in coctæ
aqua capillorum veneris, ſiant rotule quarum
vnaquæque ſit 3. j. pondere, vel duarum.

Hæc & ſimilia apta ſunt, ut humorem illum
expurgent, & ex pectore educant, caputq; vna
roborent, ſeruato debito victus modo & ordine,
& ſi horum uſus continuus, maxime his calidio-

§ §

ribus

quibus temporibus videretur spiritus aut humores
 accedere, debet aliquando intermitteri, & assumi
 ea quae mitiora habentur, qualia sunt syrupus ex
 capill. veneris, oximel simplex, sir. de liquiri-
 cia cum decocto earundem, & rerum pectora-
 lium superscriptarum in xulapio praedicto.
 Quamobrem etiam forte post absolutum iter, &
 reditum ad suos, resumptis per paucos dies vi-
 ribus, non foret praeter propositum, si aliquot
 vnc. sanguinis demerentur ex vena media bra-
 chij eius, in quo se magis ostenderit, quod re-
 linquo docto alicui Medico praesenti, quemad-
 modum cetera omnia quae hic à me praescripta
 sunt. Expurgato paululum universo corpore,
 laudarem ad capitis exiccationem & robor-
 ationem, si aliquando lauaretur lixiuio quod in-
 coxerit camomillam, rosas, verbenam, agari-
 cum illigatum linteolo. Et ita reliquam cura-
 tionem prosequi. Quod ad tumorem pedum
 attinet, exercitium in ea re multum valet, dein-
 de lotio in aqua aliqua aluminosa & salsa, in-
 coctis salvia, roremarino, & id genus alijs cali-
 dioribus herbis. aut oxylitrodino multo sale in-
 trito inunxisse crura & pedes profuerit. Praeter-
 ea consulo, ut ex pelle canina curet caligas in-
 ternas fieri, quibus continuo utatur. Haec sunt
 quae in hoc morbo consule da mihi subuenerunt.
 Luguduni.

Confi

Consilium octauum. In quo victus ratio prescripta est nobili viro in ventriculi affectu cum totius corporis siccitate & extenuatione, in quo de exhibendo lacte alinino.

Quandoquidem morbus omnis in hoc viro in ventriculo est, vt abunde monstrauimus, qui eam tabem vniuersi corporis & gignit, & fouet, summa cura habenda est, in ijs maxime, quæ victus rationem obtinent: quod cibus non concoctus & minime alteratus ad partem affectam peruenit, & primo statim accessio eam contingat, & afficiat: tum etiam quod eæ victus ratione in hoc morbo, plus vniuersi sperandum sit, quam ex medicamentis exhibitis, quemadmodum copiose ostendimus, cum morbi huius naturam, causas, effectus ipsi egrotanti, & amicis astantibus explicaremus. Quapropter hoc loco nihil de morbo dicemus, satis fore putantes victus modum, quod expetit, prescribere, quem ex vsu esse putamus huic egrotanti.

Primum igitur abstinebit ab omni cibo difficilis concoctionis: ab eo qui crassam, & viscidum generat nutrimentum: à cibis nutrimenti sicci: & ab eo qui in frigiditate, & caliditate insignē & notatu dignū excessum habet. Vietur cibis, qui faciliē concoquuntur in ventriculo, qui

concocti

concocti facile distribui per corpus possunt: qui bonum generant nutrimentum: qui insigniter humectent: nec tamen caliditate sua, aut multa frigiditate molesti esse ventriculo, & corpori possunt. In his postremis sunt carnes caponum, pullorum gallinaceorum (sed ex his magis ale & testes gallinacei) hœdi, vituli lactantis, oua forbilia, sed recentia, & maxime lac, & ex ordeo & auena expressus, & optime coctus succus. Iuscula carniū supradictarum, incocto vel intrito pane. Atque his supradictis contentus esse debet, licet illi concedi possint, perdices, turdi, & cetera ferè aucula montana omnes: item pisces fluuiatiles carne friabili, sed omnia potius elixa, quàm assa. Quoniam alnus in hoc morbo necessario durissima est, nec nisi exerrimè reddit sua excrementa, non præter rationem fuerit uti ferculis ex herbis, malua, borragine, spinachia, lactuca, portulaca, incoctis iure supradictarum carniū. Neque planè à fructibus omnibus abstineri velim, nam quidam ex usu sunt, tam cibi quam medicamenti ratione, quales sunt nuclei pinei maxime excepti saccharo, amygdale, pistacia, ruæ passæ dulces abiectis gigartii, poma, & pira non austera, cocta, & puluiscula sacchari excepta. Ex conditiis valent armeniaca Zaccharo cocta, pira moschatellina, ex amygdalis & Zaccharo placenta, quam ma-
ximum

xium panem vocant. Iuscula omnia alterata
 esse vel lactuca, vel borragine, vel hodeo, vel
 cucurbita incoctis profuerit. His aliquando mi-
 sceri & incoqui possunt, aut oriza, vel farina
 tenuissima hordei, vel auena, atque ita liquida
 pulmenta confecta sorbenda exhiberi. Ab-
 stinendum ab omnibus carnibus animalium cæ-
 terorum, ab auibus palustribus, & quæ iuxta
 aquas cibum petunt à piscibus alijs, à pane ma-
 le cocto, & non fermentato, à vino potenti, &
 crasso, musto, à caseo, leguminibus ab omnibus
 salsis & sale cõditis, ab omnibus aromatibus ex-
 cepto pauco cinamomo, ab omnibus austeris, &
 acidis, ab herbis, & fructibus ceteris. Fugiendũ
 acetum, nisi id alteratum sit Zaccharo, aut vuis
 passis incoctis, omphacium (agrestam vocant)
 mala punica, arantia, cotonea, mespila, & id
 genus cetera. Vinum bibendum anniculum,
 album si haberi potest, alioqui claretum, non
 multi coloris, non vinosum, commodè dilutum
 aqua fontana, vel puteali bona, quæ per aliquot
 horas cinamomi parum infuderit. Ea vino mi-
 sceri debet per horæ spatium, prius quàm bibe-
 tur, due partes vini esse debent, vna aquæ. Hæc
 est tota farrago rerum omnium, quas in hoc
 morbo aut fugiendas, aut amplectendas arbi-
 tror. Verum cum non satis sit materiam no-
 uisse, quanti debet, sed etiam tenenda sit &
 debita quantitas, & ordo, tempus, & modus
 eorum,

IO REINERI SOLENANDRI

eorum, quæ assumi debent, breuibus ea hîc sub-
 scribo. Primum summo mane post quàm hîc No-
 bilis vir à somno sua sponte exprorectus est, sol-
 licitabit si fieri potest, ut alius & vesica excre-
 menta sua deponant. Statim assumet lactis asi-
 na uncias circiter septem aut octo, cum uncia
 una sacchari albissimi, quod eo modo diligentissi-
 mè exhibebitur, quem paulò post subscribemus.
 Decumbet ad duas, vel tres horas in lecto, post
 exercebitur leui deambulatione per cubiculû, aut
 si aëris tranquillitas adsit, nec ventus aut frigus,
 aut pluuie molesta sint, equo extra ades vehetur.
 Horis quatuor à lactis potione apparabitur pran-
 dium, hora scilicet decima, si sexta lac assumpse-
 rit. Prandium esto, ex aliquo liquido, ex ijs quæ
 antea scripsimus, parum elixæ carni, capi scili-
 cet, & maxime ex alis, vel id genus alijs, pirum
 coctum, aut pomum exceptum pulvisculo saccha-
 ri, vel loco huius nonnihil maxij panis. Panis sit
 albus, fermentatus, vnius, aut duorum dierum.
 vinum quod supra diximus, duorum scyphorum
 mediocrium mensura, nam hoc satis est cibo di-
 stribuendo, nec sua copia potest fluctuationem
 illam in ventriculo concitare. Horis quinque aut
 circiter à prandio, verbi gratiâ, hora quarta
 exhibebitur illi ptisana, hoc est, succus hor-
 dei, vel auenæ expressus, & coctus, cum lacte
 amygdalarum dulcium, vel (quod ego subinde
 factum, multum probo) lacte seminum frigi-
 dorum

dorum maiorum, scilicet cucurbita, peponium
 & cet. adiecto zaccharo, quemadmodum à
 me abundè dictum est. Ea quantitate debet exhi-
 beri, quam diximus in lacte, septem unciam, vel paulò minore. Eo tempore quo lac exhibe-
 tur, vel succus hordei, nihil omnino alterius res
 assumi debet. Horis deinde quinque ad minus coe-
 na dari debet, hora scilicet circiter nona, parcis-
 sima. ferculum aliquod ex supradictis cum capi-
 ala, vel ovum sorbile ex aqua rosacea, modico
 zaccharo aspersa. Vini & panis vsus, item hoc
 tempore moderatus. Post cenam quiescat modice,
 deinde paulum inambulet (si electo surre-
 xit) tum decumbat, & sollicitet somnum. Prand-
 ium & cenam velim extra lectum sumi: Lac
 & succum hordei in lecto. Lactis quantitas,
 paulatim augeri debet, & plus temporis ab as-
 sumpto interponi. Loco succi hordei, etiam lac
 assumere potest, si placet. Somnum diurnum non
 admodum laudo, nisi fortè noctu non satis com-
 modè dormierit. Post assumptum lac manè, qua-
 ri debet somnus: nam non minus humectat,
 quàm quoduis aliud medicamentum. Post illum
 somnum à lactis assumptione, prius quàm surgat
 è lecto, debet uniuersum ipsius corpus leniter
 manibus, aut linteo perfricari, atque postquàm
 modicè incaluerit, iungi parum olei amygdala-
 rum dulcium venterculus verò totus vngi debet
 eo linimento quod subscribimus.

Rx Olei

112 REINERI SOLENANDRI

R² Olei citoniorum. Ol. rosacei completi ana
 3 j. Dactyli infusi in vino clareto & cōtusi
 num. iij. masticis 3 j s. Unguenti rosacei 3.
 iij. cum pauca cera noua, fiat linimentum, la-
 metur succe rosarum, vel omphacio. Seruetur
 pro ventriculo & hypochondrijs. Exercitium
 quale debeat esse, superius diximus, admodum
 mediocre, & non statim à cibo: nam otium (quia
 humectat magis approbari debet, dummodo ac-
 cedat tantum exercitium, quantum distributio-
 ni alimenti per corpus suffecerit. Ab animi o-
 mnibus motiombus diligenter abstinendum, sed
 maxime ab ira, & melancholia: nam plus ceteris
 corpus siccant. Viuendum quantum fieri potest
 hilariter & iucundè. Aërem nubilosum, frigi-
 dum vehementer, & calidum: fumum item su-
 gisse vtile fuerit. Venus nullo modo ex usu est.
 Et quoniam aluus difficulter soluitur, & ex-
 crementa sua non reddit, omnino singulis tribus
 aut saltem quatuor diebus iniici clyster debet,
 qui humectet, & eluat feces. fieri debet is ex iure
 carnium, vel ex decocto capitis veruecis, vel pe-
 dum aut intestinorum animalium, vel hordei,
 vel herbarum supra scriptarum, cui dulce oleum
 vel butyrum, & Zacccharum admisceri debet.
 Laudo etiam vel alternis vel singulis diebus, vel
 tertio quoque die iniiciat hora prandij in in scu-
 lum capi vnciam vnā optimæ manne. Et si aluus
 non responderit, aliquando illius augeri quanti-
 tatem

ratem velim. Cras item, aut si hoc fieri nequit,
 sequenti die, velim accipiat optima manna vn-
 cias tres, aut paulo plus, dissoluat in iure capi in
 quo bulierit lactuca, malua, & pauca folia pe-
 trofelini, atque id ius bibat hora vna ante pran-
 dium, sed eo die assumat lac suum paulo tempe-
 stiuius solito. hæc sunt quæ scribenda putant, &
 obseruanda in curatione dispositionis huius No-
 bilis viri. Sed quoniam ex lacte maius iuuamen-
 tum speramus: & id non solum, vt cibum exhi-
 bemus, sed pro medicamento damus, maxima
 diligentia adhibenda est, vt sit quàm optimum.
 Optimum lac erit, si asina sana sit, bene nutrita,
 iuuenis, & non longe à partu. Afferri ab ea
 debet pullus quem lactat, singulis diebus exer-
 ceri parum strigili, & asperis pannis vel stra-
 mine perfricari. Nutriri debet optimo fæno, aue-
 na, ordeo, herbis, sed maximè his quas diximus
 superius, item folijs cucurbitæ, & ipsa cucurbi-
 ta. Vbi mulgenda est asina, fiat in loco vicino
 cubiculo, ne lac ab aëre alteretur, & ne frige-
 scat. Mulgeatur in vas duplex, hoc est, con-
 neatur siphus in alio vase pleno aquæ calidæ,
 quemadmodum coram ostendimus. Atque hunc
 modum & ordinem curæ prosequatur per ali-
 quot dies, atque interea temporis de successu fa-
 ciat nos certi res, neque prætergrediatur vel in
 minimo hanc viuendi rationem, alioquin nihil
 emolumenti persentiet. Etenim morbus linguis
 h est

est, magnus, curatu difficilis, quia habitum fecit, & ex ijs est qui egerimè extirpari possunt. Luguduni.

Consilium nonum In affectu Hypochondriaco pro ciue Lugudunensi.

Affectus, quo hic vir detinetur, ab antiquis & Græcis Medicis hypochondriaca Melancholia dicitur, alij flatuosam vocant, Arabes Myrachiam. Quod autem ea sit dispositio nulli dubium esse debet, quandoquidem respondent effectus, & symptomata omnia, necnon cause attestantur: ex quarum cognitione res ipsa dilucide & abundè innotescit. Lien obstructum est, una cum mesaraicis venis insigniter ab humore melancholico & feculento, ad cuius generationem primum naturalis hepatis, & iam adscititia caliditas fecit, cum insigni simili temperatura vicinarum earum venarum. Quæ causam dederunt, ut ventriculus frigidior longè quàm naturalis constitutio admittebat, effectus sit. Qui cum plus satis appetat, parum concoquere possit, sit ut chylus crudior relinquatur, qui ab hepate calidior attractus, sanguinem nullo modo probum efficere potest: unde prima illæ obstructions augentur, & foveantur, atque innumeris flatibus, ructibus, murmuribus, rugitibus citantur.

tur, partim tum cruda, & viscida materia, tum
 fecis sanguinea ratione, partim propter earum
 venarum & hepatis calorem generantem, &
 excitantem ex hac materia flatus. Hanc etiam
 ob causam videntur hypochondria sursum co-
 uelli & anhelitus redditur magis impeditus.
 ventriculus frequentibus ructibus exercetur,
 atque ab ijs locis mouentur sæpe exhalationes
 quedam calidiores, quæ ubi pectus peruase-
 runt, caput verberant, unde aliquando so-
 dores cientur, aliquando catharri mouentur,
 aliàs caput dolet. Et subinde tristitia, & metus,
 mœstitiâque insequitur, non tam cerebri, quàm
 patientis cordis affectione. Quod & si no-
 uum, præter rationem tamen videri non de-
 bet, quandoquidem ratio hoc ipsum dictare vide-
 tur. Etenim cui animositas, cui audacia, cui
 gaudium parti ascribitur, illi ipsi etiam ex na-
 tura contrariorum, assignari debet pusillani-
 mitas, timor, & mœstitia. At illi cordis sunt
 affectus, non cerebri, omnium philosophorum
 sententia, non solius vulgi opinione: quare &
 hi necessario cordis erunt non cerebri. Vbi ipsa
 accessio vrget, loca affecta, & ventriculus
 mirum cruciantur, neque ab illis cruciatibus
 libera euadunt, prius quàm aut vomitu, aut ex-
 cretione per anum noxia materia, & hypochon-
 dria flatibus extendens, præcipitetur. Quod
 autem sursum vomitu eijcitur, quia à ventriculo
 h 2 frigido

16 REINERI SOLENANDRI

frigido, & debili effunditur, omne pituitosum est, viscidum, crudum, album, aliquando saporis expers, aliquando subacidum vel subamarum. Quod per inferna discedit, nigricans plane & flatulentum, atque omnino melancholiae soboles, quod aliquando magis permixtum, neque partibus dissolutis, sed undique coheretibus, ut vix loca madesfaciat, aut quae incidit, adhaereat: quia saepe pituitosa materia ex frigidiore ventriculo elabens, & in ipsis ductibus colorem ex proximis mesentericis venis nigrum ab humore melancholico assumens. Cum igitur sit obstructio splenis, & magis mesentericarum venarum, in ipso hypochondrio, ab humore melancholico, generato a calido hepate, & venarum illarum φλόγῳ (non autem ut quidam male reddunt inflammatione) generenturque omnia illa symptomata, quae hactenus ab omnibus Medicis maxime a Diocle (qui omnium diligentissime de eo affectu scripsit) enarrata sunt, sane nullum dubium esse debet melancholiam esse flatuosam, & hypochondricam huius affectus. Neque refert si desipientia hactenus nulla subsequuta sit, quandoquidem ea rarius hanc insequitur: imò nunquam nisi is vapor ascendens vel humor in mentem repserit, & constitutionem cerebri labefactarit, quod non nisi successu temporis, & longa mora evenire potest. Hinc est quod Galenus. lib. 3. de loc. affec. cap. 6. dicat non nisi aucto morbo melancholica symptomata supervenire

peruenire. Idem approbavit doctissimus Montanus, & quotquot vnquam diligenter scripserunt de eo affectu Medici, Neque in ea dispositione semper timor & tristitia subsequi debet: nam si hoc Hippocratis simpliciter verum esset, ubi timor & tristitia longo tempore habentes perseuerarint ex eo atra bilis significatur: deberet etiā oppositum ita se habere, ut scilicet in quocunque corpore atra bilis cognoscatur, statim timor & mœstitia insequerentur, quemadmodū Galenus hunc aphorismum intellexisse videtur. Sed permultos videmus cancris, elephanto, quarum annis, & id genus alijs laborare, qui nullo timore vel mœstitia detinentur. Quare ego aphorismū ita intelligendum puto, ut si timor & mœstitia longo tempore perseuerent, atram bilem (vel quod melius est *μυαρχολιχόν*) significat aut cor, aut cerebrū affecisse, atque ita sententia conuertitur, aliās minimē. Quod ad desipientiam attinet, non semper verū est, imō in paucioribus hoc observatur: quandoquidem non quamlibet melancholiam ea sequitur, sed quosdam eius species, quæ in paucioribus generantur. Hac ferè praterpropositum scripsi, nam remedia ea volebam narrare quibus morbum curatum iri arbitror. Tamen hoc obiter addam, morbum curatu esse perquā difficilem, tum ratione succi, ex quo ea obstructio facta est, tum etiam hepatis & ventriculi diuersarum, & oppositarum intemperierum ratione,

h 3

continet

continentium eam, & fountium dispositionem: necnon quod quasi ea partes in habitum, eum affectum susceperint. Verum ob id salus desperanda non est, imò vehementiori conatu cura aggredienda, in qua & ætas & constitutio corporis, & anni tempus agentem confirmabunt. Putarunt quidam Medici diarrhœam affectum esse, qui affligit, & contra illam pugnandum, ijs, quæ roborant, & leniter astringunt, ne materia tam præceps laberetur: sed id nullò modo fieri debet: nam dum materia generata est ijs in locis noxia, expurgetur necesse habet, nisi aliquod maius periculum ab ea retenta expectari velis, quam expurgationem Hippocrates etiam laudavit, ut colligere est ex 6. aphorism. 48.

Quod ad curationem attinet, ea necessario, ut morbus ipse, longa futura est: in qua summo-pere videndum, ne quicquam quod exhibeatur sua frigiditate ventriculo obesse, vel caliditate sua hepatis molestum esse possit. Fugienda item omnia vehementer soluentia. Nam illa ut calida calorem hepatis acriorem relinquunt: ut mimica naturæ, omne calidum naturale, & omnes facultates partium, & maximè debilioris ventriculi labefactant, dissipant & dissolunt. Quare eum velim hoc modo curam auspicari, quam tamen doctiorum & exercitatorum in arte Medicorum iudicio vos subijcere volo. Primo accipiat
manè

manè hanc potionem lenitiuam.

R^z Polipody quercini ℥ i.
fol. sene 3 iij. Epithymi 3 s.
infusum in decocto liquiritie, passularum, flo.
violarum, canellæ q. s. Syr. ros. sol. 3. ij. dia-
catholici 3 ij. misce, Fiat potio, detur in
aurora, & quiescat domi ante prandium. Po-
stea per septem dies assumat hunc syrupum ma-
nè in aurora, & superdormiat si potest.

R^z Sir. de fumo terra. Syr. de cichor. Nic.
sine rhab. Syr. de pomis ana. 3. s.
decocti sequentis 3 iij. misce

R^z sene 3 ij. polypody 3 s.
rad. borraginis, Liquiritia ana 3 vj.
Capill. ven. saluæ vitæ, Cetrach. agrimonie
recent. ana m. i. passul. p. i. s.
plantaginis 3 i. s. Coriandrorum 3 ij.
Canellæ 3 s. coquantur secundum artem
pro sy upo, & post duos aut tres syruos as-
sumptos, placeret mihi sectio venæ commu-
nis, brachij sinistri, & si videretur sanguis
crassus, velim ad octo aut decem unc. ex-
trahi: sin tenuis, statim suppressi, expe-
rientia cum ratione docent, & Galenus at-
testatur, primo ad Glauc. de quartana. As-
sumptis omnibus illis syrupis exhiberem illi hoc
medicamentum.

R^z Rhabarb. elect. 3 iij. infunde in 3 iij.
aqua plantaginis per horas tres, post excoletur
b 4

120 REINERI SOLENANDRI

& aqua abijciatur, deinde infunde rhab. in vino albo, & aqua cetrach. per horas 12. fol. senæ 3 ij. polypodij quercini 3 s. Epithymi 3 j. infus. in decocto s. plantagi. prunorum, liquiritiæ, canullæ q. s. cui adde syr. ros. sol. 3 j. s. misce. fiat potio. capiat manè in aurora. Post hanc purgationem velis singulis diebus assumeret tria aut quatuor cochlearia subscripti syrupi, optimè preparatis tribus horis ante prandium, postea se paulum exerceat.

R2. S. plantaginis, pistaciorum non rancidorum contusorum ana 3 j. Cort. citri exicatorum 3 ij. s. Agrimonie m. j. s. Tamarisci, Cetrach. Capill. Ven. recent. flo. borrag. ana. m. s. Absinthij pont. Rosarum ana m. j. Cinamomi opt. 3 s. myrobal. chebulorum, indorum. ana 3 ij. coquantur in aqua chalyblata q. s. secundum artem, & cum saccharo albo fiat syrupus in bona forma in fine adde Gallie mosch. 3 s. & servetur in usum in vase vitreo. Huius usum velim in multos dies prosequi. Aliquando ubi fastidium huius syrupi obrepit assumerem Conseruæ rosarum antiq. 3 vj. Aromat. ros. 3 j. s. misce pro vno bolo. Interea temporis promiderem, ut singulis. 5. aut 6. diebus educeretur aliqua pars huius materie peccantis, quod his pilulis ante cibum

com

commodè fiet, quæ & ventriculum non offendunt, nec sunt hepati incommodo.

R^x. Agaritroch. Rhabarb. elect. ana ʒ i. specierum hier. s. Gal. Epithymi, florum borraginis ana ʒ ij. Aloes elotæ in succo rosarum ʒ ij. s. misce. fiat pasta pro pilulis cum syr. de cichoria Nicoli cum rhabar. Ex ea pasta accipiat ʒ i. singulis septem aut nouem diebus, & superbibat duo aut tria cochlearia syrupi sui suprascripti. Interim dum hæc fiunt debet etiam locus affectus prouideri extrinsecus applicitis remedijs. Et quia caput nondum tam malè affectum est, nec hepar vehementius urget, possitque illis, remedijs alijs prouideri, placet solum ventriculo hic sacculus applicetur, & lien vicinæque hypochondria hoc fomento manè sollicitentur, & statim sequente unguine liniantur.

R^x. mastice ʒ s. Absinthij vulg. menta, pulegij, ana m. j. s. Rosarum rub. florum labruscæ ana m. j. Cinamomi ʒ ij. Galangæ, Nucis mosch. ana ʒ i. Caryophyllorum, Galliæ mosch. ana ʒ ij. pulueriscentur omnia, & fiat sacculus ex serico interbassatus scuti forma pro stomacho, quo ventriculis continuò foueri debet. At lien & hypochondria maxime sinistri hoc decocto fouendū.

R^x. s. agni casti, feniculi, anisi ana. p. j. pulegij, fol. senæ, anethi, rosarum, cetrach.

h s came

camomill. ana m. s. rad. alibae \bar{z} ij. Absinthij vulgaris m. ij. s. portulacæ \bar{z} s. coquantur in aqua dialybeata q. s. pro somēto cū spongia. Postea absterjus locus mungatur sequenti vnguento. R \bar{z} . Olei cappar. \bar{z} j. ol. de absinthio ol. amygd. dulc. ana \bar{z} s. Cort. capparum. Tamarisci. Cetrach. s. plantaginis. s. portulacæ ana \bar{z} s. S. agni casti, Rosarum rub. ana \bar{z} j. Ammoniacki dissol. in aceto. \bar{z} j. s. cum pauca cera Fiat linimentum. Quod si venam brachij non secuerit, autor fuero, ut primo quoque die post duos aut tres syropos assumptos applicari curet duas aut tres hy. udinrs seu sanguisugas hæmorrhoidibus, atque aliquot vncias sanguinis exugipermittat. Euocandæ primum venæ, somento ex aqua calida, vel panni asperioris aut foliorum ficus affrictu: nam ita tumescunt, & sese facile produnt. Quod remedium tam est in hoc casu singulare, ut licet venam aperiat, omnino suadeam postea semel atque iterum hac æstate reiteret: quandoquidem mirum in modum ea loca expurgat, quæ sunt in ipsius corpore affecta, & onerata: quod hæmorrhoides pr. pago sint illarum venarum, & venæ portæ vocatæ: quare etiam hepar refrigerat, à capite reuellit, & humorem melancholicum euacuat. Autor Hippocrates. 6. aphorif. 11. & 21. Item 6. epidim. sect. 5. aph. 25. necnon Cornel. Celsus lib. 6. cap. 18.

Iuno mense post expurgatum corpus laudo
summopere

summo opere balneum aquæ dulcis ex Araris
 potissimum, nō autē ex Rhodani aqua, manē, eo
 ordine quo dictum est. Humectat hoc mirum in
 modum: hepar & habitum corporis moderatē re-
 frigerat, & multa alia facit quæ in hoc casu ex
 usu esse solent. Quare Galen. lib. 3. cap. 6. de
 loc. affect. autor est, se permultos hoc morbo la-
 bōrantes solo illo remedio à principio liberasse.
 Et ne ventriculo ea in aqua lotio incommodum
 inferre valeat, consulo ut in ingressu in labrum
 inungat ventriculi regionem oleo ex gariophyl-
 lis expresso cum paucā mastiche, vel simili aliquo
 linimento. Autumni tempore curabit ex ma-
 turo, & bono vino sibi absinthite fieri, eo modo
 quo diximus, & ad tertiā partē absinthij adij-
 ciet part. vnā radicū borraginis, & mediā rosa-
 riū. vires videre est apud Dioscoridē, lib. 5. vsum
 corampræscripsi. Hæc omnia, & quædā alia si o-
 pus fuerit, præscribenda putarem, ad quæ tamen
 subinde Medicū adhibebit harū rerū administra-
 torē, atq; interim diligētī & ordinata victus ra-
 tione vtetur, quemadmodū dictū est: quæ omnia
 faciet eo diligētius. & maiori industria, quo mor-
 bus lōgior est, difficilior, & causa vehemētiores.
 Postquā hæc à me præscripta fuerūt intellexi,
 ante sexenniū huius morbi primā causam huic
 viro contractā esse, ex medicamento ex canthari-
 dibus ad venerē excitandū conflato quod impro-
 bus & rerū ignarus seplasiari⁹ cōcinnauerat &
 propinauerat. Hæc lectorem scire volui. Lugud.

Confilium decimum In imbecillitate ventriculi, catharro, obstructione primorum viscerum, atque in principio hypochondriacæ melancholiæ, datum clarissimo viro Augustano.

Diligenter consideranti constitutionem corporis tui, vir humanissime, hæc ferè occurrunt, quæ præter naturam molestæ tibi esse solent, ventriculi imbecillitas, defluxus humoris à capite, quia aliquando subsalsus percipitur, & primorum viscerum, hepatis scilicet, venarum meseraicarum, & maximè splenis obstructio, quæ postrema videris hæctenus parui fecisse, cum solum conqueri soleas de catharro, & ventriculo non satis concoquente. Verum ego longè secus censendum arbitror, nimirum viscerum illorum obstructions omnium maximè curandas esse, tanquam debilioris ventriculi, & capitis humore aggravati potissimā causam. Quod verò de ea obstructione minimè, de alijs autem magis conqueraris causa est, quia viscera illa abstrusa latent, nec edunt effectus manifestos in corporibus nostris, nec ulli quàm Medico conspicuos: cum tamen ventriculus benè vel malè concoquens, & humor ex capite delapsus, statim ab unoquoque promptè dignoscatur. Non arbitror hoc loco necessarium

rium esse de principum partium corporis tui
 temperatura naturali longius, exquisitiūque
 præfari: nam ut hoc est alterius instituti, sic nō
 multūm facit ad ea, quæ dicturi sumus, conse-
 quenda. Istud tamen præterire nō licet, quod in
 iuuentute collatis principum partium tempera-
 turis inter se, vniuersa corporis tui constitutio
 fuerit satis temperata, hac etate succedet tem-
 pore, si quid à temperie declinat, id potius ad fri-
 gidum esse, excepto hepate, quod caloris quanti-
 tatem non videtur maiorem habere, sed in eadē
 proportionem magis acutum, & intensum: vnde
 temperatura omnis facile in melancholicam di-
 spositionem inclinare videtur. Quod autem id
 verum sit, totus habitus corporis manifestè ostē-
 dit, & qui aliās molesti fuerunt morbi, do-
 cent, qualis est quartana ante decennium af-
 fligens, & effluxus ille sanguinis olim largior,
 atque hoc tempore hemorrhoidum successiuis
 temporibus eruptio. Sed ut ad rem ipsam acce-
 damus. Conquereris de ventriculi imbecillita-
 te, & humorum ex capite defluxu. Ventricu-
 lus non bene cōcoquit, aliquando dolet, eructat,
 excitantur in eo flatus, circa eius orificium
 persentitur quedam, sed exigua durities, & id
 genus quedam alia perpetitur. Caput commo-
 dius se habet, & solum seroso & excrementitio
 humore aliquando oneratur, qui delabatur sub-
 inde in pectus, aliās in faucibus ipsis hæret,

1111111111

nonnunquam in musculos collum, & caput mo-
 uentes decumbit, quo tempore etiam occiput
 exiguum dolorem persentit: quique in fauces
 destillat humor subsalsus percipitur: Queren-
 dum iam, unde huiusmodi affectus provenire
 queant. Qua in re sciendum instrumentariam
 partem (quales iam dictæ sunt) in suo ge-
 nere bene constitutam, pati innumeros mor-
 bos, simularum partium, ex quibus constant in-
 temperiei, ratione. Nam harum operationes ex
 bona temperie consistunt, ubi ea vitatur, actio-
 nes etiam lædantur necesse est, atque ea læsio va-
 ria & multiplex est, pro varia & multiplici
 partis intemperie. Verum hæc longius esset om-
 nia explicare. Veniam igitur ad tuum ventricu-
 lum, quem arbitror quàm deceat, & constitu-
 tio corporis requirat, frigidiores esse: in al-
 tera qualitatum differentia, aut temperatum,
 aut parum in siccis labentem, etiamsi sæpe
 excrementis humidis oneretur. Ratione fri-
 giditatis eueniunt ei omnia illa quæ diximus:
 hinc ructus subacidi, flatus, cruditates, in-
 de illa interpositis diebus insignis appetentia,
 quam postea cruditates sequuntur, & per ali-
 quot deinde dies appetitus deiectio. Nam hoc
 solius frigidi est, plus appetere, quàm concoque-
 re possit. Hinc crudi vapores, maximè vicino
 hepate calidiore, multi onerant caput, ex qui-
 bus concrescunt superfluitates & cerebrum
 debilius

debilius efficitur: quam ob rem cum postea non recte concoquat, & assimulet sibi alimentum suum, multa relinquit excrementa, quæ (ne ipsum retentis ijs periclitetur) deorsum trudit: aut tu ansam præbes, ut illa vel calore dissoluta, vel frigore expressa descendant, & catharros generant: quæ, prout diuersas partes inuadunt & occupant, diuersa symptomata inducunt. Verum ex his partibus nulla est tam male affecta, quin sua naturali facultate posset facile ad temperiem redire, nisi haberet in alijs partibus harum dispositionum fomitem: quem ego in tuo corpore hepatis, & magis meseraicarum venarum, atque lienis obstructionem, cum manifesto huius tumore & duritie, esse non dubito: quæ constitutio eo propemodum mihi progressa videtur, ut principium melancholice hypochondriacæ, quam alij flatuosam, Arabes myrachiam, nominant, representet. Quandoquidem ab eo tempore quo quartana laborasti, meseraica venæ, atque lien crasso, fæculento, & melancholico sanguine obstrui cœperunt, cui accessit hepatis, & venarum supra dictarum eo tempore non exigua caliditas, quæ faciles sunt Diocle apud Galenum libro tertio de locis affect. teste, huius morbi causæ. Unde procedunt rugitus illi in ventre, hypochondriorum granitas, flatus ijs locis inclusi.

huius

hunc vicini ventriculi frigiditas & imbecillitas, inde etiam caput non parum afficitur: quod mirum videri non debet illis, qui subinde motu & sensu privari observarunt homines, quibus solum ex ore ventriculi biliosus aliquis humor haud diu permanens, ad caput effumat. Quod cum ita sit, quid fieri arbitrabimur ex seculento & flatuoso eo humore, qui circa ventriculum locis continuo insedit. Neque minus credi debet hunc morbum eum esse, quem dixi, quod hactenus vehementia illa symptomata non induxerit, quae à Medicis scribuntur, & nos aliis in laborantibus hoc morbo vidimus: nam ea solum gravissimo morbo, & iam consistente eveniunt, non exiguo, & solum radices agente, qualis hic est. Etenim sunt morbi sui gradus & discrimina, & in eodem genere morbi diversa species. Huc accedit, quod minus mali fecerit hactenus, quoniam haemorrhoides natura sponte sua subinde aperuit, quae solent haec loca istis humoribus egregie exonerare: imò omnibus illis quibus res cum melancholico humore est, non parum prodesse: quod Hippocrates observavit xj. aph. ris. lib. vj. Hec sunt quae de his dispositionibus, tum earum causis, & effectibus dicenda puto. Quae verò de earum eventu praedicenda sunt, sic habeto. Cum ea dispositiones sint non admodum validae, nec multum à naturali statu discesserint, sintque in corpore aliqui

bene

bene in ceteris constituto, in aetate rigente, ve-
 risimile est adhibita diligentia, & cura aliqua,
 non magno negotio posse restitui, & corpus à
 grauioribus, qui aliàs imminēt, morbis praefer-
 uari. Suspecti autem habendi sunt morbi, nisi
 tollatur haec obstructio, praeter quàm ea sympto-
 mata, quae melancholia hypochondriaca inferre
 solet, quartana febris, vel aliqua alia erratica,
 & longa, vel aqua inter cutem: quod ratio
 ostendit, & experientia saepe docuit: necnon
 ex Hippo. lib. 7. Apho. 5. promptè colligi potest.
 Verum ne ea quae diximus, succedant, sed ut
 penitus liber ab ijs euadas diligens cura adhibē-
 da est, paucis quibusdam adhibitis remedijs, sed
 potissimum exacta viuendi ratione instituta.
 Quod ad viuendi rationem attinet, obseruan-
 dus ordo, modus, tempus, qualitas, quantitas, &
 id genus conditiones in cibo & potu, aëre, son-
 no, & vigilia, motu et quiete, animi affectibus,
 & excrementorum omnium retentione, & ex-
 cretione. Et ut à cibo auspicemur, abstinendum
 est in his affectibus à cibis difficilis concoctio-
 nis, à cibis generantibus crassum, aut viscidum
 nutrimentum: à cibis natura sua multum fri-
 gidis, tum etiam acutis, salsis, ab ijs item qui
 sua natura facile caput vaporibus replent.
 In ijs sunt carnes bouina, suilla, ouilla, carnes
 sale conditae, vel fumo exiccatae: animalia quae
 partim in aquis, partim in terra victitant: panis

non ritè fermentatus, & malè coctus : legumina: lac & lactaria omnia : herbae pleraque quae in mēsam veniunt, fructus permulti tam crudi quàm cocti : bellaria multa, itria, & in his quae plurimùm sunt in Germania ex farinaceis confecta, & incocta pinguedine, butyro, aut oleo: pisces ferè omnes, sed maximè palustres, & lacustres, & ex ijs potissimùm quae non sunt friabili carne, sed viscida, et glutinosa, quales anguilla, alosa, cyprini, tinca & cet. Cibi item varij, tum aromatibus multis conditi, vina generosa, & id genus alia. Utendum quoad eius fieri potest cibis boni succi, & facili coctionis. In his observandus ordo, ut liquida & facilioris coctionis alios precedant: neque illi excedant modum: assumantur stomacho vacuo, & qui iam dudum aliam coctionem absoluerit: eam quantitate quam natura, consuetudo, & vetriculi robur admittit. Vinum sit album, tenue, maturum, non dulce, nec austerum, cuius generis sunt multa Rhennensia: aestate, temporibusque calidioribus, & quando catharrus urget, dilutum, aliàs simplex. Observandum etiam ne statim in ingessu mensae bibatur, sed cum iam magna pars cibi assumpta est. Statim à cibo, tam prandio quàm cena, suadeo assumas cochleare unum pulueris subscripti, nec post superbibas: Nam is concoctionem adiuuat, stomachum roborat, flatus discutit, caput exiccat, cerebrum confortat.

fortat, & catharros sistit. Is hoc modo parari
debet.

R2. S. Anisi. S. fœniculi ana ℥ ʒ.
S. coriandrorum ℥ iij. Cinamomi ℥ j.
menta hortensis ℥ ij. Liquiritiæ ℥ s.
Cort. citri ℥ iij. florum violarum, borra-
ginis ana ℥ j. s. Zucchari albißimi ℥ xiiij.
Puluerentur omnia subtilissimè, & misceantur.
Observandum quoque, ut iam dictæ conditiones
in aëre non sint in aliquo excessu: fugiendus
præter modum calidus, item intense frigidus,
tum is qui austrino hañtu mirum in modum
caput grauat. fugiendus omnis fumosus: nec
ille laudandus est, qui hypocaustis Germanicis
maximè vs, quæ à plurimis frequentantur vel
in quibus compotationes celebrantur, cõclusus,
nec perflatus continetur. Is enim præter quàm
quòd caput egregiè onerat, etiam dissoluit hu-
mores, & colliquat in capite, & pulmonibus,
idèmq; natiuo spiritui est valde nociuus. Som-
nus non subsequatur statim cibum, sed saltem
in horam vnā, aut alteram ducatur vigilia.
Illud tempus, aut confabulatione iucunda, aut
deambulatione leni trāsfigatur, vel saltem lectio-
ne iucundioris alicuius historiæ. Sit prior in la-
tus sinistrū. postremus in dextrū, nūquā aut ra-
ro supino corpore. Ratio intelligitur ei, q̃ nostro-
rum corporū, & tuæ dispositionis naturā agno-
scit. Tēpus sumatur p̃ cōsuetudine, vel assumpti
i 2 cibi

cibiratione, ut plurimum septem aut octo horarum spacio satis esse, & abunde solet. A prandio sit omnino nullus, nisi forte consuetudo aut nocturna vigilia aliud suaserint. Etenim is eleuat, & excitat vapores, & non discutit, aggreditur concoctionem, non perficit. Exercitium in omni constitutione, & potissimum in hac laudatur, moderatum. Fiat autem stomacho ieiuno, excrementis reiectis, tantum, quantum satis est ad excitandum naturalem calorem. Sit in aëre quantum fieri potest temperato, non iuxta profluentem, &c. Neque velim diem vel unum interlabi, in quo non aliquod genus exercitij experiaris: Nam exercitium excitat calorem, eumque quasi consopitum alioquin ad actiones naturales incitat, quo autore deinde excrementa omnia maximè quæ sunt in habitu corporis egregiè diffillantur, & discutiuntur: quorum excretio summè necessaria est. Quapropterea excrementa quæ exercitium discutere nequit, querendum singulis diebus deponantur. Et si fortè fortuna alius non satis singulis diebus responderit, quod solet saepe in hac dispositione evenire, sua leo ut hora una ante prandium assumas cochleare viuarum passarum preparatarum eo, quo presentes diximus, modo. Si ex illis assumatur solùm cochleare unum alternis diebus, vel prout alius responderit, mirum in modum præservat corpus à morbis, excernit superflua.

flua ventris & ventriculi, primas venas sine molestia expurgat, corroboratq; illas omnes partes, quæ ipsius facultates experiuntur. Cætera verò excrementa, nimirum capitis discutiuntur multum leni frictione panno calido, manè, maxime post pectitum caput. Eo tempore si gargarietur aqua, vel tenuè vinum infusis saluæ vel betonicæ folijs exrefuerit. Item si hoc ipsum egelidum naribus attrahatur. Animi motus sunt quoque moderati, & in his maxime ira & tristitia, vel animi mæror: nam illi sunt ex omnibus vehementiores, & permultum in tuo corpore obesse possunt. Sed hæc forte longius prosequutus sum: veniendum igitur ad pauca ea remedia quæ ex usu fore arbitror. Et quoniam inuenimus in tuo corpore stomachi imbecillitatem, defluxum humoris, aliquando salis, ex capite, ac primorum viscerum obstructiones, quas arbitror prædictorum effectuum causas tam effectrices quam fontes, & conseruatrices, rei natura exposcit (quoniam illæ nisi his ablatis curari nequeunt) ut ab harum ablatione curationem auspicemur. Nam sublatis his, & stomachus concoquet, & caput vapore, aut humore non grauabitur: & cætera symptomata, si quæ sunt, cessabunt: nec vlla erit alterius insequentis suspitio. In qua curatione (nisi potius præseruatio dici debeat) illud etiam obseruandum erit, ut interea temporis, & stomacho

cho provideatur, & capiti inuamentum concilietur, quod sanè haud difficulter fieri poterit. Ut igitur hac aptè fieri queat, consuluerò leniter corpus expurgetur medicamento hoc subscripto, cuius vis, & facultas primas venas non transgreditur, sed vicina ventriculo loca absque incommodo expurgat, eumque corroborat.

R \mathfrak{x} . Hieræ S. Galeni \mathfrak{z} vj. Cassia recent extract. \mathfrak{z} iij. Rhabarb. \mathfrak{z} ij. cum Zuccharo. fiat bolus, qui inuolutus deglutatur duabus aut tribus horis ante prandium. Insequentibus deinde diebus aliquot utile fuerit subscripti Zulapij tria aut quatuor conchlearia mane, ieiuno stomacho, assumere, eiusque usum cōtinuare. Quandoquidē mirandum in modum liberat meseraicas venas, hepar & lien ab obstructione: ventriculū modicè calefacit & roborat, quæ in eo sunt excrementa incidit, abstergit, caput exiccat, & confortat, nutritionē adiuuat, bonūmq; corpori colorem cōciliat: quæadmodum vnicuiq; docto medico constare poterit, & mihi experientia sæpe compertum est: neque ulli membro in corpore tuo obesse poterit.

R \mathfrak{x} . Agrimonij m. j. s. Absinthij, Tamarisci, Cetrach, Capillor. ven. florum Borragnis fol. senæ ana m. s. Cort. Citri \mathfrak{z} s. Pistaciorum nō rancidorum cētusorum. S. plantaginis ana \mathfrak{z} vj. Liquiritiæ \mathfrak{z} iij. myrob.
bal.

bal. chebulorū, Indorū ana ʒ ij. s. Cinamomi
 ʒ ij. Herbae recentes sint, sed paulū in umbra
 exiccata. Coquātur omnia secundū artē in aqua
 q. s. deinde cū sufficiēt quant. Zacchari albi fiat
 Syrupus in bona forma, cui postremo adde Gallie
 moscate ʒ s. Sandalorū citrinorū ʒ j. &
 seruetur in usum ut dictum est. Interim dum
 eo uteris, suadeo ut cures sanguisugas seu hirru-
 dines duas aut tres hemorrhoidibus apponi, atq;
 inde ad uncias quinque aut sex sanguinis exurgi,
 quod singulare remedium esse in omni melancho-
 lica dispositione ex Hipp. 6. Aphor. 11. &
 item. 21 didicimus: at in hac tua presentaneum
 esse experientia ostendit, & ratio docet. Nam
 venae quas hemorrhoides appellamus, ferē omnes
 originem ducunt, & propago sunt venae portae
 vocatae, & meseraicarum. Huc accedit quod
 ex harum apertione nullum incommodum aut
 virium dissolutio insequi potest, quod tamen
 subinde in sanguinis missionibus observamus.
 Quapropter arbitror multum ex re fore, si in se-
 quenti autumno hoc idem remedium reiteretur,
 sed in minori quantitate sanguis dematur. Quod
 tempore etiam placeret assumptis infusionis se-
 nae, & epithymi, vel in sero lactis, vel in iure pul-
 v. vel decoctio epithymi ipsius Mesues eo modo
 cōcinnata, quo tū tēporis alicui docto medico prae-
 senti visum fuerit. Post primā hāc leuem pur-
 gationē corporis, ut venter magis suo officio
 1 4 fatis

satisfaciat, suadeo vt continuo applicitum ventriculo hunc sacculum habeas: is enim eum moderate calfacit, concoctionem procurat, & egregie roborat.

R². masticis 3 vj. Absinthij vulg. Mentæ hortensis, Calamenti siccarum ana m. j. s. Ros. rub. florum labruscæ ana m. j. Canellæ, Caryophyll. ligni aloës, Calami aromat. ana 3 ij. Galangæ 3 j. s. Cimaturæ panni scarlati, vt vocant, tincti in grana, infusa in vino maluat. & exsiccate m. ij. puluerentur, & mixtis omnibus fiat sacculus ex serico, scuti forma interbassatus pro stomacho. Vbi venter non respondet, & ventriculus persentitur fortè cruditatibus aggrauatus, suadeo ante cibum hora vna aut altera deglutias aliquando vnā, aliquando duas pilulas pisi magnitudine, ex hac pasta confectas, quæ stomachum confortant, eūque & vicina viscera blandè expurgant, & à capite reuellunt.

R². Specierum hieræ. s. Gal. 3 ij. Masticis 3 ij. Agaricif. Ros. Rhabarb. electi ana 3 s. cum syrupo suprā scripto, fiat pasta propilulis. Hac imminente æstate laudarem aliquando vsū Lacchari rosacei ex rosis maturis manè horis duabus ante cibum: & si interpositis diebus eadem hora aliquando chebulum vnum conditum vel partem radicis Zingiberis

giberis confecti Zaccharo assumpseris, plurimum
 iuuamēti adferet, & sanitatē conseruabit. Præ
 terea post reditum ad tuos, viribus ab itinere re-
 sumptis, & leniter expurgato corpore, laudo ma-
 ne frequētem vsum aquæ balnei dulcis ex aqua
 fluminali potius quàm puteali, calefacta, ad horæ
 ferè spacium, à quo aliquandiu quiescendum in
 lecto, & post leniter inungendus vniuersus cor-
 poris habitus oleo amygd. dulcium, recenti. In
 ingressu balnei, ne vētriculo illa lotio obsit inun-
 gendus primūm oleo ex garyophyllis confecto,
 pauca mastiche admixta. Hoc balneum in ea
 dispositione mirè proficuum, & in eo habitus
 corporis summè laudatur, quemadmodum multis
 rationibus ostendi potest: & hætenus à Galeno,
 & præcipuis Medicis experientia cognitum.
 Nullum balneum naturale ex vsu est, quod ad
 lotionem attinet. Quandoquidem ea omnia exic-
 cant, & licet quædam refrigerent vt ferrea,
 plumbea: tamen sua adstrictione condensant
 meatus coporis & fuliginosa recrementa reti-
 nent, internaque viscera magis inflammant.
 Quod ad potum attinet, admitti possent fer-
 ra, & modicè aluminosa balnea, quæ in hu-
 iusmodi dispositione sæpenumero proficua co-
 gnoui: nam omnes obstructions facile eluunt,
 viscera mediocriter refrigerant, & magis cor-
 roborant: nec ventriculo, licet frigidus sit, obef-
 se queunt, quod alumen facit, & ferri quali-

tas secunda. Italia huiusmodi multa habet, sed
 maximè celebre Lucense de villa item Calde-
 rianum in agro Veronensi. Quod item de Por-
 retta dicitur Bononiense vtne fuerit. Vsus ho-
 rum est (si vnquam fortè daretur earum aqua-
 rum commoditas) vt leni aliquo pharmaco, ex-
 purgato corpore, sequentibus diebus decem aut
 duodecim ex ordine accipiantur mane ieiuno
 stomacho aqua libræ tres aut quatuor vsque ad
 sex aut septem: quibus per urinam aut ventrem
 redditis, prandium assumitur moderate: quod
 si non reddatur, ante cenam leni clysmate
 euocanda. Eo die quo assumpta est, nihil o-
 mnino somni indulgendum: nam obseruatum
 est plurimum obesse: licet corpora multum eo
 die somno gravantur. Singulis quatuor aut
 quinque diebus intermittendus dies, & re-
 creanda vires. Aquam calidam assumunt o-
 mnem dimidiæ horæ spatio, id quidam in le-
 cto faciunt, atque decumbunt, quoad ferè o-
 mnis reddita fuerit: alij leni deambulatione de-
 ponunt, prout diuersæ hominum temperaturæ,
 & conditiones fuerint. Omnibus tamen hoc
 commune, vt corpora quantum possunt à fri-
 gore defendant. Tempus assumptionis ferè maio,
 & Iunio, item Augusto & Septembri mensi-
 bus: quo tempore neque frigus molestum est, nec
 calor corpora perurit. Scripsi de Italicis aquis,
 quarum

quarum vis in hac dispositione tua mihi ex-
 perientia cognita est: nam Germanicas non vi-
 di, nec experius sum ipse: Quantum tamen pos-
 sum ex aliorum doctorum hominum scriptioni-
 bus consequi, potus aqua balnearum apud
 Ellenbogen Boëmiæ oppidum, vel quæ sunt in
 Alsatia apud Gebers vuciller, vel acidorum
 quæ sunt apud Geppingam, ex usu nisi fallor
 multum fret. Quod si Geppinga aqua potus
 tuis celeberrimis Augustanis medicis in cura-
 tione tui morbi præbatur, laudo potius ut ea utæ-
 ris, quæ Ibrigkinga est: nam eiusdem naturæ
 est cum Geppingensi & Geislingesi, quasi ex
 eisdem fontibus orta, licet his sit illa magis effi-
 cax & medicata magis. Sed quicquid illud est,
 ego relinquo doctissimus tuus in Germania me-
 dicis. Autumno deinde insequenti, omnino
 autor fuero, ut tempore vindemiæ cures tibi
 ex bono albo maturo vino, absynthiæ concinna-
 ri, eo modo ut sint in vino quatuor partes ab-
 synthij, una radicum borraginis, & semis
 foliorum senæ: cuius deinde usus vix dici
 potest, quanto iuvamento futurus sit omni-
 bus tuis his dispositionibus. Nec est quod
 absynthij caliditatem vereari, licet solum fue-
 rit: nam ea à frigida & terrestri parte quæ est
 in absynthio facile, & abundè infringitur.
 Verum hoc loco borrago etiam contemperat.

Vire

vires huius vini videre est apud Dioscori-
dem libro quinto, quare hic nihil addo. Solum
illud scire oportet, hoc vino utendum manè ie-
iuno stomacho duabus aut tribus horis ante
cibum. Quo tempore laudarem si paululum
panis biscocti assumas cum pauco pulvere li-
gni aloes. Hec sunt quæ in his dispositionibus
corporis tui consulenda duxi: quæ si diligen-
ter, ita ut scripta sunt, administrantur, ser-
uata item ea victus ratione, nullum mihi du-
bium, quin breui ab omnibus ijs liber euadas,
integrâque sanitatem recuperes, & ceteris
omnibus venientibus malis occurras. Cura
ut valeas. Luguduni.

Consilium vndecimum In hepate
& renibus calidis, ventriculo fri-
gido & capite destillationibus
obnoxio, ad nobilem & doctam
mulierem Lugudunensem.

Affectus qui te, mulier honestissima, male
habent, faciliè cognoscuntur etiam ab artis
ignaris, sed causas eorum cognoscere artificis
solum est, & hominis exercitati, quas ego lu-
bens explicabo, ut omnis affectuum natura
intelligatur: ut quæ tantò facilius his ipsis, aptis
& conuenientibus remedijs occurrere valeas.
Sed prius quàm rem ipsam aggrediar, in pri-
mis

mis non ignorandum, omnibus, atque adeo sin-
 gulis partibus nostri corporis innasci in utero
 matris certam quandam constitutionem, cer-
 tumque temperamentum, cuius ratione fit, ut
 hoc membrum illo sit longè infirmius illud con-
 trā validius, tum propter sanguinis mixtionem
 & seminis in utero conceptionis tempore: tum
 ob syderum astrorumque aliquem influxum:
 tum propter aliquam in patre vel matre infi-
 gnem affectum: cuius seminarium quoddam
 cum semine paterno, vel materno sanguine in
 nos quasi hereditario transfunditur. Vnde se-
 re contingit ut parens podagricus creet sobolem
 eidem morbo obnoxiam: ita nephritide, asthmate,
 catharro, epilepsia laborans pater, ut plurimum
 filium his iisdem morbis obnoxium relinquit, &
 sic in ceteris. Hinc etiam accidere videmus,
 ut alter altero magis infestetur catharris, obno-
 xius sit hemicrania, negotium habeat cum epi-
 lepsia: quidam citius surdescant, vel frequen-
 tius in lippitudines incidunt, aut dentium ero-
 siones, vel gingivarum putredines patiantur,
 propterea scilicet quod ita primum fuerunt à na-
 tura constituti, ut præ ceteris membris infir-
 mius haberent caput. Ad eundem modum qui
 naturaliter debiliore sunt pectore formati, ut
 plurimum tussi continua, difficultate anhelitus,
 pleuritide, laterum doloribus affliguntur. Eade
 est ratio ventriculi, qui si iam inde ab initio im-
 becill

becillus est, cruditates, vomitus, flatus, ructus, subuersiones stomachi, notati quoque dictos, cholericos, & alios dolores gignit. Sunt etiam hepatici sua incommoda: siquidem pro varia eius sorte, obstructions aut patitur, aut erisipelata: scirrhus, inflammationes, lepram, scabiem, aquas inter cutem infert vniuerso corpori; reliquaque id generis mala pro qualitate sua & dispositione. Idem iudicandum de renibus: unde calculus, profusiones vrinae, aut ipsius retentio, mictus sanguinis. Iunctura quoque naturae invalidae arthritidum variarum sunt causa. Et sic omnes reliquae partes nostri corporis, nec quisquam nostrum est, qui planè liber sit ab eiusmodi symptomatis. Quod si sit nimis dum vires integrae sunt, haec non omnibus se produnt, tamen tempus & aetas semper aliquid secum adfert, de quo conquerari. Quanquam fatendum est illud accidere vni citius ac grauius quam alteri, prout hac vel illa viuendi ratione & alijs atque alijs negotijs vsus. hanc partem magis quam illam vel exercuit, vel afflixit: atque ab huiusmodi alioquo qualicumque morbo, nemo est qui se perfectè liberare queat, licet diligentia, & accurata viuendi ratione tantum possit quousque consequi, ut et in publicis et in priuatis negocijs superesse, & satisfacere queat. An alicui ex his obnoxia sis: & quis ille sit, mihi sanè non constat: adducor tamen ut facile credam tibi ventriculum fuisse à primis annis invalidum

invalidum, & caput imbecillius: quæ partes etiam
 nunc præ cæteris male afficiuntur: quarum di-
 spositionem assequeris multò facilius si tempera-
 mentum aliarum tui corporis partium primum
 explicauerimus. Quæ ratione sciendū cordis tē-
 peramētū te habuisse naturā calidū, ~~hæc~~ item
 & cerebrū calidum. in cæteris autem qualitati-
 bus passivis scilicet, haud longè à tēperie. Quod
 ut rationibus multis demonstrē, non est necesse:
 satis illud ostēdūt effectus partium corporis, ani-
 malium, vitalium, & naturalium. Hinc est illa inge-
 nū proptitudo, & alacritas, iudiciū solidū, sen-
 sus accerrimi, et motus aliā toto corpore velocis-
 simi. Hinc etiā vivacitas illa & animositas, quæ
 in muliere esse potuit: itē venarū amplitudo,
 & si quæ sunt alia id genus signa. Atqui horū
 viscerum primorū tēperamētū consentiens facit,
 ut totius habitudo calida reputetur & biliosa.
 Etenim totius tēperamētū ex horū tēperie asti-
 matur, docēt Galeno in arte medicinali, & in
 lib. de tēpera. Hinc aucto paulatim, accrescēte
 etate, calido tēperamēto, maximè ipsius hepatis,
 factū est, ut renes calidiores fierēt, vētriculus
 autē frigidior, & cruentibus paulatim agge-
 stis, humore superfluo gravaretur. Nā id serē
 fieri cōsuevit multis de causis: nō solū ut plerūq;
 credūt, & caliditas hepatis quæ pingue est, in
 omento cōsumet, & suo calore impediāt cōcretio-
 nem crassioris omenti, quæ vētriculi ad colorem
 confer

hepar

conseruadum quoddam tegumētū esse debeat, ne
 tam facilis calor expiraret: sed etiam quia acrior
 & maior hepatis calor, vicina partis minorem
 dissipet, cum quod calidius hepar per fas & ne-
 fas ē ventriculo sape & multum cibum rapiat,
 priusquam probè concoctus sit, & ab imbecillo
 calore ventriculi superatus. Huc accedunt &
 aliæ causæ, inter quas sunt haud parui momen-
 ti, mens irrequieta, studia, curæ, assidua lectio,
 quæ non excitant calorem naturalem, verum
 consumunt atque resoluunt, quo deficiente de-
 bilitantur quoque partes, earumque operationes,
 quod citius, & manifestius se prodit in illis par-
 tibus, quæ non sibi solum seruiunt, sed quarum
 utilitas communis est toti corpori, quod etiam
 sua intemperie tandem intemperatum reddunt.
 Simile quiddam ferè & tibi accidit, cui cum
 sit ventriculus inuvalidus ex sua natura, & pa-
 rum confirmatus, cuiusque calor propter vici-
 nam hepatis calidam temperiem sit egregiè labe-
 factatus, & redditus imbecillior propter curas
 & assidua studia, plurimum crudi humoris &
 flegmatis generat, egrè concoquit, unde nascun-
 tur tibi tormina, stomachi resolutiones, ipsiusque
 dolores, cholice passionis, appetitus deiectio, ru-
 etus, plurimum acidi, interdum fumidi, prout
 magis vel minus calore vel frigore corrumpitur
 cibus in ventriculo. Proinde ventriculus adhuc
 modum affectus, & caliditas hepatis vicina
 causam

causam prebent, ut magna copia cridorum vaporum ad caput attollatur, Neque id solum è ventriculo male concoquente, sed ex toto habitu corporis, & omnibus venis. Insuper cerebrum calidum, docente etiam Galeno, in his non modo admittit facile & amplectitur humores vaporesq; eo amandatos: verum etiam calore suo quodammodo allicit attrahitque, ita ut quouis tempore promptè crudos colligat vapores, unde superflua excrementa generantur. Atque hoc modo imbecillius factum, neq; digerit, neque cōcoquit suam nutrimentum, sicut cetera membra ad conservationem sui faciunt, sed potius corrumpit aut crudum relinquit: Vnde postea catharri, & alij ex capite in subiecta membra de fluxus, quibus cum, deinde semper conflictandum est, qui prout in hanc vel illam partem labuntur & defluunt, varia excitant symptomata, & varios diversosque edunt effectus: quod etiam saepe & multum tibi usu venit. Nam cum è capite ad petus delaberetur humor tussis causam dedit: cum in buccam, sputi per quàm copiosi: modo in gingivas dilapsus, tumore eas attollit, dentiūmq; dolores excitat continuos. Ad hæc nactus viam per nervos, præsertim lateris dextri, aliàs distendit collum, aliàs impedit ipsius motum vel etiam brachij debilem reddit, atque totum latus aliquando occupat, aut particulares aliquot musculos g. auat, pro ratione alicuius nervi, qui hanc

k vel

vel illam partem motu gubernat, aut sensu re-
 git, impeditos. Hinc est quod saepe brachium
 leui stupore prehendatur, sentiasque illud qua-
 si spinis quibusdam lancinari, aut formicis
 interius resectum esse: idque potissimum in
 extremis digitis, quod sint ceteris partibus ma-
 gis nervosi, longiusque distent a caloris na-
 tui fonte, & sensus, motusque principio.
 Quod postremum etiam cum sit valde imbecil-
 lum, causam non exiguam praebet eius tua
 imbecillitatis, & lassitudinis, quae est in uni-
 verso corpore. Haec sunt quae dicenda putavi
 de affectu ventriculi tui & capitis, quorum
 alterum est continuè calidum quidem & sic-
 cum, verum maiore humiditate & excremen-
 torum copia repletum quam opus habet ipsius
 constitutio, quemadmodum in senibus mul-
 tis videmus, & omnibus his, qui ad mentis
 actiones expediti sunt, & tamen catharris
 continuè obnoxii. Alter humidior, & frigidior
 quam natura postulat, atque ob id invalidus
 mirum in modum, & crudorum humorum ple-
 nus. Postremo quod ad calidum hepar attinet,
 quod primum natura ita constitutum fuit, par-
 to negotio, temporis successu, per aetatem &
 curas, calidius evasit, adeo ut ipsius caliditas
 & siccior effecta fuit, & magis intensa & acu-
 ta, unde sanguis qui antè biliosus satis erat, fa-
 cile in melancholicum mutatur, quemadmodum

Galenus.

Galenus author est, & experientia ipsa docet.
 Hepatis item caliditas ob vicinos calidos re-
 nes non parum aucta, ventriculusque ut pluri-
 mum excrementis crudis onustus, faciunt ut
 multum cruet, & male preparati succi in venas,
 ut diximus, rapiantur. Unde in primis, & me-
 seraicis venis permulta obstructions facta, at-
 que in venis ipsis magnis varij humores conge-
 sti, totaque sanguinea massa nullam seruet hu-
 morum proportionem. Quapropter fit ut men-
 strui fluxus procedant sine ordine, nunc cer-
 tum, alias incertum observantes excretionis
 tempus: natura nunc pauca, nunc multa ex-
 purget: aliquando per paucis diebus absoluat,
 nunquam in plures dies effluuium protrahat.
 Et quoniam sanguis ille alias biliosus est, alias
 serosus cum salis flegmatis admixti ne, expelli
 sane nequit innoxie, sine indignatione potis-
 simum uteri, quo tempore maius per sentitur in-
 commodum in ijs locis, quibus suis ligamentis
 uterius cohaeret. Haec sunt symptomata omnia,
 & affectus de quibus conquereris: necnon
 causa (nisi me fallit opinio) ex quibus haec
 in membris mala constitutio, & intemperies
 sunt natae. Porro licet unumquodque in-
 commodum, & praecipue capitis atque ven-
 triculi per se sit grave & magnum, &
 multo tempore contractum: tamen cum cor-
 poris vires sic satis sibi constant adhuc, ne-
 que

que omnino collapsæ sunt, aut sic inualuerint affectus præter naturam, ut naturalem constitutionem totius penitus labefactarint, in spem venio, diligentia, & assidua cura effici posse, ut, si non in pristinum sanitatis gradum, saltem in eum qui huic ordine proximus est, restituantur, quem postquam fueris consecuta, vivere poteris, & in negocijs tuis domesticis, & in studijs consuetis sine vlla querimonia: consequeris autem partim optima viuendi ratione instituta, partim quibusdam ijsque paucis medicamentis adhibitis: quorum alterum si negligas, periculum est, ne in grauius malum aliquod incidas, vel paralysem totius, vel alicuius particularis membri impedimentum: ut interim nihil dicam de ijs quæ ex frustrata humorum coctione euenire possunt. Quod attinet ad viuendi rationem, modus quidam & ordo seruandus est in cibo & potu: in exercitijs tam corporis quam animi: habenda quoque est ratio aëris: somni, & vigiliarum: nec committendum ut his suus ordo, tempus, tum qualitas, & quantitas ac similes conditiones desint: ne caput aliqui infirmum offendatur, aut ventriculus imbecillus affligatur, aut hepar plus satis natura sua calidum, inflammetur. Quod aëris habendam rationem dixi, huc spectat: nam sol, & calor qualiscunque, præterquam quod

quod augeant calorem in capite, reddant-
 que illud ad recipiendos vapores è corpore sub-
 latos magis obnoxium, dissoluunt etiam in
 eo omnia excrementa humida, colligunt ea,
 & catarrhos gignunt. Hinc fit ut statim ac
 quis cui caput humidius est, vel vaporum ple-
 num, in solem prodierit, seseque ipsius ra-
 dijs exposuerit, sternutamenta elidit: qui-
 busdam etiam, defluente in proximè vicinos
 musculos humore in capite fuso, motiones
 colli voluntaria impediuntur. Item aer fri-
 gidus & penetrans, qualis aquilonis est, com-
 primendo quodammodo exprimit humores,
 & destillationes excitat. Videre est apud Hip-
 pocratem tertio lib. Aphorismorum, ubi etiã
 docet austrinos flatu mirum in modum no-
 xios esse. Nam auster cum grauis esse soleat
 & *υερελνυγίτης*, caput tentat, ac replet su-
 perfluitatibus, obnubilat sensus, motumque im-
 pedit: unde fit ut eo flante, non solum egri,
 sed bene constituti sentiamus in nobis quan-
 dam lassitudinem & torporem non pessa-
 causa. Studiosè igitur vitandus est aer nimium
 calidus, frigidus, humidus: item venti, fumi,
 pulueres: & quo ad eius fieri potest, tempera-
 tus querendus. In cibo obseruandum est, ne
 concoctu difficilis sit, aut viscosi, & crassi
 nutrimenti. Abstinentium etiam à natura
 frigidis, humidisque, necnon acerbis, &

LIBRO REINERI SOLENANDRI

plurimum calidis, & si qui sunt, qui natura sua nimium caput vaporibus onerant. Cibos concoctione difficiles, nemo ferè est qui non cognoscat. Varietas in cibis fugienda summopere, & abstinendum ab ijs qui arte, & coquorum industria sunt delicatiores facti, & variè conditi. Sit autem simplicissimus, isquè potissimum ex carne hœdina, vitulina, veruecina iuniori, sed potius ex auiculis montanis quibuscunque, item ex ijs quæ quotidie in cibum veniunt, potissimum capis, pullis gallinaceis, columbis: ex his tamen abieciisse profuerit collum & caput, nam has partes observauit Auenzoar mirum in modum nocuas esse capiti: sed non opus est hic omnia numerasse, quæ ex usu esse possunt, quia omnibus ferè cognita. Verum abstinere decet, carne animalium grandiorum & annosorum, salsa, fumo indurata, animalium item victitantium & in aquis & terra: item leguminibus, caseo, quæ omnia non solum difficile concoquuntur, verumetiam crassos, feculentos, & quædam ex parte viscosos humores generant. Quod etiam dicendum de lactarijs omnibus, ex pasta confectis cibis, piscibus, maxime ijs qui carne sunt glutinosa, veluti alose,

sinca, anguilla, & fere omnes lacustres: item
in stagnis alti, & fluminibus in quibus ma-
gnarum virbrum illuvie saginantur: quare si
qui ex Arari in mensam veniunt relinquendi
sunt, Idem de pane perperam cocto, & male
fermentato sentiendum, idem de fungis. Frigidi
natura sunt cibi, fructus propemodum om-
nes, siue crudi, siue cocti: magna herba-
rum pars, quibus vimur in cibo: item pe-
pones, cucurbitæ, cucumeres, &c.

Inter acria, & calida refirendi tibi
sunt cibi preparati varijs condimentis, vi-
na generosa, & grandia. Atque horum
magna pars caput gravat, sicuti solent
prope omnia calida, ut vina generosa, aro-
mata, herba aliquot calida, eruca, rapha-
nus, cepe, porrum: quæ omnia etiam dif-
ficile fere concoquuntur, multoque tempore
in ventriculo cruda harent, quàmpluri-
mosque vapores crudos exhalant: quod vsu
venit omnibus illis quæ recensuimus. Qua-
propter cibi genus eligendum erit harum qua-
litarum expers, nec ad concoquendum dif-
ficile, tum quòd caliditate sua, neque hepar
offendat, neque frigidityte ventriculum le-
dat, vel caput affligat: quæ quidem vulgo sunt
adeò cognita, ut enumerare explanatus non

sit necesse: modus solum seruandus est & ordo
 in omni genere cibi. Optimum etiam est semper
 uti cibo, ut diximus, simplici in vna mensa:
 fin autem secus cuiquam videbitur, sumenda
 suaserim primum ea, quæ liquida sunt & con-
 coctæ facilia, post hæc paulo solidiora. In quo
 negotio mihi hoc credas velim, tam noxiam esse
 varietatem in cibo, ut satius sit, & magis salu-
 bre simplici cibo uti deteriore, quàm diuersis &
 varijs bonis inter se mistis. In assumendo cibo
 hic seruetur modus, ut tantum sit intervallum in-
 ter utrumque, quantum concoctioni satis est.
 alias profuerit aut intermittere aliquando ci-
 bum, aut leuiter gustare. Vinum rubeum potius
 consulerem quàm album, non dulce, non acer-
 bum, vel acidum, sed maturum, non tamen nimis
 potens vel fumosum: & tale si fuerit, per totum
 Maium sincerum assumi secure potest, vel saltè
 modica aqua diluendum. Erit quoque non inu-
 tile, si statim atque discubueris, non bibas, sed
 cum propemodum dimidium cibi assumpseris:
 nec vnquam vino arte nostra refrigerato utaris,
 quocunque hoc modo fiat siue simplici frigida,
 seu dissoluto in ea sale nitro, vel mure (quæ est
 nostra intemperantia) in medios æstus conser-
 uata & adhibita, vel quouis alio etiam modo.
 Conducet etiam si continenter post cibum capias
 coctæ ex hoc puluere, neque postea potu utaris.

R². S. *Assi*. S. fenicul. ana ℥ i.

Mente

Mentha hortiensis sicca. Cinnamomi ana 3 ũ.
S. Coriandrorum preparatorum 3 j. s.
Specierum diarrhodon Abbatis 3 j. s.
Liquiritia 3. s. Cort. citri siccorum 3. iiij.
Masticis 3 ũ. Sacchari rosacei tabulati lib. j.
Puluerentur omnia subtilissimè, & misceantur.
Hic pulvis corroborat ventriculum, adiuuat
concoctionem, flatus discutit, impedit ne vapo-
res ascendant ad caput, mediocriter exiccat: nec
tamen hepar inflamat. Exercitium tibi semper
ex usu est, adhibitum suo tempore, & habita
qualitatis, quantitatis, loci ratione. Fuerit itaq;
moderatum, & ad virium magnitudinem ac-
commodatum: planèque eiusmodi, quod totum
corpus exerceat, nunc pedibus, nunc in equo fi-
at. In primis autem in eo cauendū ne vel mens,
vel cerebrum affligatur: vel statim post cibum,
vel in sole nimium feruente, vel in loco aquis
vicino, humida potissimum tempestate, & cum
aër crassior est & nebulosus adhibeatur. Ad
hæc ad calorem naturalem vsque excitatum
exercuisse se satis erit, nec factò exercitio statim
reuertendum ad studia, aut properandum ad
cibum, sed expectandum donec refocillentur
vires: spiritu & fatigatione (si aliqua fuit in-
ter exercendum contracta) remissis. Cæterum
quia magni est exercitium momenti, autor ti-
bi fuerim, non illud omittas. Et si exercen-
di te nulla commoditas fuerit in vrbe, fiat ruri,

ubi velim te ad minus sanitatis tuendæ gratia
 per aliquot septimanas, vel menses etiam si opus
 est vivere. Etenim intermisso exercitio, calor
 quoque iacet tanquam ignavus, & torpore con-
 sopitus. Præterea quæ ex quotidiano nutrimen-
 to excrementa resultant, non dissipantur, aut
 discutuntur, ut opus erat, & quemadmodum
 in illis, qui utuntur exercitio, fieri consuevit.
 Conducet etiam studiis & speculationibus, in
 quibus tota es adhibere modum, hisquæ me-
 diocritatem quandam præscribere, nec invigi-
 lare ijs perpetuo, ut soles, & præsertim post
 sumptum cibum. Quod si neque tunc à lectio-
 ne abstinendum putes, sume in manus aliquid
 incundum & cognitu facile, quod spiritus non
 longè avocet: ut est historia, in qua non opus
 est tanta cogitatione, idquæ saltem tantisper
 donec concoctio cibi in ventre perficiatur.
 Diligenter etiam consideranda sunt somnus,
 & vigilia: siquidem ille concoctioni prodest,
 hæc nutrimentum melius trāssponit, & digerit,
 excrementaque pleraque pellit. Temporis ha-
 bebatur ratio, si iniatur non statim post co-
 nam, sed iam horis duabus ad minimum præ-
 terlapsis. Tempus illud iocunda confabulatio-
 ne, aut aliquo ludigenere placido, & delecta-
 bili transigendum, nec statim confugiendum
 ad libros, nisi forte historia legenda alijs præ-
 sentibua

sentibus in medium proponatur. Post prandium diurnus somnus nullus esto, quoniam ille materiam copiose ad caput euocat, nec eam resoluit, concoctionem inchoat, non perficit: unde vel cibus corrumpitur, vel crudus relinquitur. Hinc procedunt tot ructus, oscitationes, pandiculationes, gravedines, musculorum cervicis impediti motus. Non tamen hoc ita dico, ut vetem omnino somnum pro meridiano, quem interdum concedo, cum anteacta scilicet nox fuerit insomnis, & incommodè transacta. Metiendus tibi est & pro natura, & consuetudine tua, & pro copia cibi assumpti: nam certa regula tibi à me præscribi nequit. Homini quidem sano septem aut octo horas dormiuisse satis est. Peracto somno profuerit sollicitare, ut cuncta coctionum omnium excrementa egerantur, quæ necessario corporibus nostris inuascuntur. Quod si alius difficilior sit, neque feces quotidie reddiderit, consultum mihi videtur ut interdum ante prandium sumas cochleare vnum aut alterum ex vniuersis passis Corinthiacis probè purgatis, & elotis vino albo, & aqua ex violis distillata. Adisceantur, deinde cum pulvere subtilissimo maturi rhabarbari adiuncto Zucchero, hac proportione.

Vna

Vnarum corinthiarum accipe lib. j. Rhabarb.
 ℥ s. Zacchari ℥ iiij. mixta & con-
 fusa seruentur. Usus ante cibum aliquando
 cochleari mensura, bene mansa dentibus, de-
 glutiantur cum paucis cinamomo. Incredi-
 bile est quantum emolumenti hoc adferet ad
 conseruandam sanitatem: nam non modò sine
 incommodo aluum subducit, verum etiam ven-
 triculum, & primas venas expurgat, in qui-
 bus facile generantur obstructions potissi-
 mum in illis, quibus est hepar calidum. Neque
 id solum præstat, sed expurgatas partes corro-
 borat: & spero prorsus futurum hac ratione, vt
 & menstrui fluxus ordine reuertatur, ductis
 nimirum ijs humorib. qui sanguinem efficiunt
 immundum & impurum. Urinam qui hepate &
 renibus sunt calidioribus, facile reddunt, eo-
 quæ facilius quo difficilius alui excrementa ex-
 cernunt: quapropter ipsius expurganda mo-
 dum hic non docebo. Excrementa quæ per ha-
 bitum corporis excernuntur, è vestigio exerci-
 tium resoluit, dissipat, atque consumit. Capitis
 verò, per nares educenda, & per os expurgan-
 da sunt, & lotionem & gargariationem. Nec
 mihi displicebit, si ad hoc vtaris iam vere in-
 eunte, vino dilutiore tepesfacto infusis per no-
 ctem folijs saluie, betonicæ, & rosis: aliquan-
 do decocto hordei. Quod si tum narium mea-
 tus obturati reperiantur, sicut saepe cõtingit in
 his

bis qui distillationibus obnoxij sunt, non in-
 frugiferum erit, ubi te primum laueris oleo ga-
 riophyllorū inungere partes narium interiores.
 Caput item frictionibus, pectitionibus exerceri
 debet, atq; ita partim naturalis ipsius calor exu-
 scitari, partim excrementa ipsius discuti. Ani-
 mi motus sint mediocres operam quoque dare o-
 portet: sed iracundiam & animi mœrores magis
 suspectos habere debes, quod ad hos sis magis pro-
 pensa, & inclinata. Hæc mihi de administran-
 da vitæ tuæ ratione ut dicerem, in mentem ve-
 nerunt: quæ omnia ita velim accipias, ut ta-
 men locum cæteris tuis postulatis apud me re-
 lictum existimes. Iam tempus est ut ea adiun-
 gam remedia quibus confido te posse pristinam
 sanitatem recuperare, vel saltem providere ne
 morbose dispositiones incrementum capiant.
 Quod quo fiat expeditius, singula capita quæ
 hactenus de ijs dicta sunt, in memoriam reuoca-
 re tibi statui. Sunt igitur, ut dixi, in tuo cor-
 pore potissimum hæ partes affectæ. Venticu-
 lus frigidus & humidus, cruditate laborans,
 adeoque debilis, ut non nisi difficulter con-
 coquat. Cerebrum calidius sua natura &
 siccum, humidum autem per accidens, quemad-
 modum sæpe in senibus observare solemus, ple-
 num crudorum humorum, & serosorum, quæ
 descendentes in diversas partes corporis, alios
 atque alios affectus producunt, ut plurimum ta-
 men

veni nervos & musculos dextri lateris affle-
 gunt. Et hac ut maioris in sanitate tua mo-
 menti, maiori egent consideratione. His acce-
 dit caliditas hepatis, & renum, & menses
 inordinati, totiusque extenuatio corporis: qui
 affectus ita se mutuò conseruant & adiuuant,
 ut alter curari difficile queat sine altero. Por-
 ro frigidus ventriculus, & calidum hepatis
 nerant caput coniuncta opera & debile red-
 dunt. Debilitato eo infirmus redditur etiam
 ventriculus, nimirum ex paribus multis me-
 braneis cōstitutus, & nervis intertextus: etenim
 habet permultos nervos communicatos à cere-
 bro. Caliditas autem quæ in hepate & reni-
 bus est, facit partim cum generatur sanguis,
 ut improbus fiat, partim etiam talem efficit,
 excernendo plus a quo, quod in eo quasi super-
 fluum haberi debet, atque ita male proportio-
 natos humores efficit. Unde fit ut corporis ha-
 bitus quasi consumptus sit, nullo aut perexiguo
 accedente ipsi nutrimento, & menstrui fluxus
 sine ordine procedant. Ceterum quia capitis,
 & ventriculi intemperatura maioris sunt mo-
 menti, primum de illis agam, deinceps de reli-
 quis. Caput natura sua calidum est, & super-
 fluum humorum plenum, opus est igitur con-
 servare caliditatem in eo naturalem, & remediis
 invenire quo excrementitius ille humor exerce-
 tur, extrahaturque. Generatur is aut in ipso ca-
 pite.

pite, aut aliunde eò ascendit, vel utraque cau-
 sa caput grauat. Postquam caput occupauit, vel
 figitur humor in capite, vel collectus in par-
 tem aliquam vicinam distillat: & pro diuersi-
 tate partium quas occupauit, diuersa etiam
 remedia exposcit. Vt igitur paucis compre-
 hendam quæ dicere volo. Humor excrementi-
 tius ille generatur partim in capite propter
 ipsius capitis imbecillitatem, partim eò va-
 por, & idem humor amandatur à ventriculo
 male concoquente, & toto venoso genere ob
 hepatis caliditatem inmodicam. Humor colle-
 ctus in capite aut firmatur, ut dixi, & gravita-
 tem ipsius doloresque excitat, aut in proximè vi-
 cinos dilapsus spargitur. Vnde illi dolores super-
 ficinales cutis capitis, gingiuarum item, dentium
 & vicinarum partium, sæpe & multum in ipsis fi-
 gitur nervi, motionesque impedit. Quapropter
 necessarium fuerit, volenti hos affectus curare,
 diligenter operam dare ut superfluus excre-
 mentitius humor capiti ingentus aut exicetur,
 ut liximus, aut expurgetur, ne retentus
 ibidem & continuo auctus tandem in proxi-
 mè vicinos nervos labi possit, vel in aliam ali-
 quam proximam partem se insinuare. Item ani-
 maduertendum ne novus generetur, aut forte
 generatus ut expurgetur danda opera. hoc fiet se-
 nedicamentis partim euacuetur manifestò, partim
 insensibiliter resolutus diffletur. Itē prouiden-
 dum

dum ne ventriculus frigidior plenus excrementorum, & vicinum hepar calidius materiam imbecillo capiti suppedient. Et quoniam uno eodemque purgante medicamento virique parti subueniri potest, & humor educi noxius ab universo corpore, eo corpus fuerit expurgandum. Nam expurgatis primis venis, visceribus, & leniter euacuato corpore, poterunt sine detrimento facile in usum adhiberi, quæ caput ab humore excrementitio, & seroso reliquo exiccent, atque deinde roborent. Purgatio, quam adhiberi velim, hæc esto.

R^x Pilularum de hiera cum agarico ℥ j. Rhabarb. ʒ j. cum syr. ros. fiant pilule numero v. & deaurentur. Hæ pilule ventriculum expurgant, & ei proximas primas venas, à capite deriuant sine vlla corporis exagitacione, quod solet lenientibus pharmacis omnibus commune esse. Denorabis has pilulas manè, post quiesces: assumi securè possunt, nec opus est ut à prandio die toto in cubiculo desideas. Assumpto hoc leni medicamento, autor tibi sum, ut munè cum expergisceris assumas tria vel quatuor cochlearia sequentis xulapij acidi, quod in decem vel duodecim dies continuare decet. Vis ei inest concoquendi, incidendi, attenuandi, abstergendi crudos, crassos, & viscosos humores, ventriculum calfacit mediocriter, obstructa aperit, caput à serosis exiccat & roborat. Est
autem

autem huiusmodi.

R² Cort. rad. feniculi ℥ j. s. Betonica, Melissa, Salvia, Endivia, Cichores integri ana m. s. passul. Coriand. preparatorum ana p. i. Aqua lib ij. Aceti boni ℥ vj. Zucchari albi ℥ xij. coquantur secundum artem ad formam syrupi, Aromatizetur cum Cinnamonomi ℥ j. s. Sandal. citrin. ℥ j. Seruentur in usum. Postquam ad aliquot dies fueris vsa serapio hoc acido, consultum mihi videtur: ut electuarium hoc, quod subscribemus, assumas, quod sine ulla molestia & corporis exagitatione commodum fieri potest. Fere et eadem facultas, quæ suprascriptis pilulis, ad hepar calidum inuat, obstructa liberat, renes mundat, caput, ventriculumque expurgatum roborat. Deuoretur manè, & si postea somnus obrepit, parum refert si is in horam unam vel duas extendatur. Medicamentum hoc esto.

R². hiera picra. Gal. ℥ v. diaphenicon ℥ ij. Rhabarb. elect. ℥ j. mixtis omnibus fiat bolus. Ad hunc modum leniter expurgato corpore, maxime primis, & suisque proximis visceribus, ulterius progrediendum: quapropter placeat ut varijs remedijs (ne unius fastidium obrepat) diuersis temporibus, sed tamen certis, varijs corporis tui affectibus occurras. Quare proderit inglandis magnitudine subscribendum electuarium tribus horis ante cibum deuorare ad aliquot
l
dies

dies, ternis verò aut quaternis quibusque ipsius loco aut chebulum, vel radiculam Zingiberis conditam assumere. Nam horum vsus ventriculum mirifice corroborat, iuuat ad concoctiones persiciendas, capiti robur addit, vnde & cerebri operationes, sensus scilicet & motus expeditiores sunt, & vniuerso corpori color magis viuendus conciliatur, nutritione feliciore redita. Electuarium hoc esto.

R2. Specierum aromatici rosacei 3 j.
Specierum diambre. Specierum diarrhod. Ab-
batis ana 3 s. Conseruæ rosarum 3 j.
Zacchari dissoluti in aqua absinthij & saluie
q. s. fiat electuarium in formam opiata, vel cum
Zaccharo rosaceo tabulato q. s. sine conserua
rosacea fiant rotule pondere 3 ij. assumen-
dæ vt dictum est. Huius vsus in aliquot dies
continuus esse debet: interea temporis si fortè
ventriculus videatur excrementis onustus, nec
alvus suas feces deiciat, commodè quaternis
quibusque vel quinis diebus deglutienda pilula
vna aut altera ante cibum hora vna, cicerni ma-
gnitudine ex sequenti pasta

R2. Specierum hieræ picræ Gal. 3 j. s.
masticis 3 s. Agarici trochis. Rhabarb.
boni, pulpæ s. Cartami ana 3 ij. cum syr.
ros. sol. fiat pasta pro pilulis. Interea dum
hæc sunt, & postea etiam dum facta fuerint,
ad ventriculi frigidioris, & imbecillioris robo-
rationem

CONCILIA MEDICIN. 163

rationem, concoctionemque ipsius promouendam laudarem summo opere vsum huius epithematis ante cibum assumptum, applicatum vel per spongiam, elotam vino, vel per pannum, quem vocant scarlatum. Eiusque vsum esse potest, quoties concoctione labebefacta ventriculum imbecilliores persenseris.

R². Absinthij vulg. Rosarum rubearum, Mentæ hortensis, siccarum ana m. j. s.
Squinanti, Spicæ nardi ana ʒ s.
Cinamomi ʒ ij.
Coriandrorum preparatorum p. j.
Galangæ, Ligni aloës ana ʒ j.
Florum labruscæ p. s.
vini optimi, & aquæ absinthij ana ʒ x.
Aceti resacei ʒ iiij.
Cocta paulisper, seponantur pro epithemate ventriculi, cuius vsum erit, ut scriptum est. Extersa ventriculi regione, si inungeretur sequenti oleo profuerit.

R². Olei de absinthio ʒ j.
Ol. gariohyllorum. Ol. de citoneis ana ʒ s.
Masticis ʒ ij.
Dissoluta mastiche in oleis seruetur ad ventriculū inungendum. Quæ diximus hactenus sū iuxta præscriptū ordinem & regulā in vsum quotidianæ vitæ seruētur, satis & abundè fuerint, ut euacuato vniuerso corpore, & capite expurgato partes infirmiores pristina valetudini quasi restituan

restituantur. Verum quoniam caput serosis, &
 pituitosis excrementis refertum, peculiaribus sibi
 quaedam remedia exposcere videtur, meum con-
 silium fuerit, ut statim post primam illam
 corporis purgationem, etiam dum usus est præ-
 scripti electuarij, omni lapide moto des operam,
 quo serosus is humor in capite partim exiccetur,
 aut resoluat, partim etiam auertatur. Cuius
 rei gratia videtur cucurbitularum scapulis pri-
 mum, deinde natibus admotarum usus multum
 profuturus, quas in latere sinistro quam dextro
 frequentiores esse velim, quod iam sponte sua
 defluum humorum in dextrum latus incli-
 net. Aliquando leues eas esse, decet alias cum leui
 scarificatione: scarificato si locus egregie intum-
 mescat, sin minus satis fuerit eum perfricasse
 manu suspensa, oleo peruncta simplici vel alio
 qualicunque calidiore. Neque præter proposi-
 tum fuerit, si Medico presenti visum fuerit,
 hamorrhoides hircudinibus affixis aperuisse.
 hæc ubi facta fuerint, licebit capiti per topica
 vocata medicamenta secure Medicinam face-
 rere, quæ partim nocentem humorem resolutio-
 ne euocet per insensiles cutis meatus, partim per
 aptas, & ad id destinatas naturæ vias, educat.
 Insensibiliter, noxia materia resoluatur vario
 modo, leni frictione per spongiam siccam, pan-
 num calidum, per pectinem: id quæ vacuo ventri-
 culo, postquam mane & alius, & vesica excre-
 menta

mēta sua secundū cōsuetudinē reddiderint. Itē
 in hunc vsum profuerit continuò futura coro-
 nali applicasse sacculum aliquem pulvere medi-
 camentorum capitalium referum : quæ ita
 mīseri debent à præsente Medico, vt caput ro-
 borent, nec frigore humores densent, aut meatus
 occidant, nec sua caliditate eos fundant, vel
 plus æquo euocent. Quare confici debet ex gra-
 nis peonia, myrti, rosis, Stœchade, maiorana, ca-
 momilla, coriandris, cort. papaueris, thure, san-
 daracha, vel omnibus vel quibusdam. Lenio-
 ribus his remedijs velim curationem auspiciari,
 atque tam diu producere, donec aëris inclemen-
 tia succedente Maio mitior esset facta, nec am-
 plius frigore, & aquilonia constitutione mole-
 sta esset : tum idem frequentibus lotionibus, ni-
 mirum singulis quinis vel septenis diebus rei-
 teratis tentare profuturum arbitrarer. Lotionem
 verò administrari velim lixiuio ex sar-
 mentorum & lignorum salicis cineribus con-
 fecto, quod incoxisset betonicam, verbenam,
 folia sene, rosas, paucos camomillæ flores, hor-
 deum, & id genus alia : ablutum caput spon-
 gijs & linteis siccioribus extergi debet, non in
 sole, aut apud ignem exiccari. Neque reme-
 dium hos omitti velim, quod hætenus his lo-
 tionibus vt Germanæ & Italæ mulierculæ, non
 assueueris : nam hac ratione, plus inde emolu-
 menti perferent : nec audire eos debes Medi-
 cos,

cos, qui vobis omnibus hoc genus remedij
interdicunt, quòd Gallia sit (vt inquirunt)
magis humida, magis ventosa, flatibusque
exposita quàm cetera regiones. Illi enim ne-
que Italiam, neque Graciam, nec Germa-
niam vnquam viderunt: naturam & regio-
num differentias non intell. gunt, multò mi-
nus quid in vnaquaque vnicuique conueniat
vident. Vnaquaque regio suas habet differen-
tias pro cœli solique ratione varias, secundum
quas prudens & exercitatus in arte Medicus
nunc hoc, nunc illo vitur medicamento, &
quòd hac tempestate, in hac morbi etate, ex vsu
esse cognoscit, in illa & in alio morbi tempore
obfuturum facile perspicit. Ita ego nisi fallor
in hac corporis & capitis tui dispositione, in
hoc aëre, in hac regione & tempestate arbi-
tror te multum iuuamenti percepturam ex hoc
genere remedij. Ducetur autem vt eo reuer-
tamur, per aptas vias ex capite noxius hu-
mor item vario modo, partim reuellendo eum,
partim aliò deriuando. Quam ob rem mihi con-
sultum videtur, vt subinde euoces eum, li-
quore in nares attracto, qui fusum illum
per patentes eos meatus eliciat, siue is ex
decoctis herbis, vel earum succis fiat, per-
inde est. Ad id faciet etiam, pulueres in na-
res insufflasse, vel errhina (vulgò nasalia vo-
cant) immisisse, quæ sternutamenta moueant:

nam

nam & ijs humor euocatur è capite, & reuel-
 litur is qui in cervicis musculos labitur præ-
 ceptis, derivaturque qui in fauces & gingivas
 noxiis decumbit. Atque hanc expurgatio-
 nis viam summopere laudo, cum ea quæ per
 os apophlegmatissimæ sit, nequeat sine incom-
 modo tentari: quandoquidem per eam partem
 materia deducenda non est, in quam plus a quo-
 cum detrimento se insinuat. Frictiones item
 frequentes universi corporis manè adhibite plu-
 rimum profuerint: atque idem ferè præstabunt
 quod cætera remedia prædicta, licet non ita
 validè. Frequentiores autem, ut dixi, esse
 debent in brachio, & crure sinistro. Et si
 fortè defluxus humoris auocari, aut deduci
 non possit his lenioribus auxilijs, quod is
 iam diu in affectas partes, & continuo soleat
 labi, omnino meum consilium fuerit, adoria-
 ri eum præsentiori remedio, quod & continuum
 esse, & longiori tempore suas exercere vires pos-
 sit. Consentaneum enim est eius opera futurum
 ut & materia reuellatur à partibus affectis
 & à capite derivetur, quæ alioqui lenibus istis,
 & per intervalla adhibitis non cedebat. Velim
 itaque ut canterio, aut in ceruice, aut in aliquo
 convenienti alio paulo decliniori loco infixæ hoc
 ipsum fieret: quod si in ceruice incommodius
 videtur, & ad motum & ad decorem, consi-
 lium meum est ut fiat in sinistro humero, eo in
 loco

loco quo musculus triangularis brachium attol-
 lens à figura litera Δ deltoeides dictus, in os
 inseritur, qui locus in unoquoque, magis autem
 in obesis, sublatobrachio, concavitate leni in eo
 circumscribitur. Quod si candens ferramentum
 expauescis, sine vlllo horrore fieri potest caustico
 medicamento, quod à præsente Medico facile
 cum iudicio administrari poterit. Quod si in ea
 re tum temporis meam operam desideras, suppe-
 ditabo medicamentum ex antimonio confectum,
 quod promptè sine vlllo dolore, mirum dictu, hoc
 ipsum, quod querimus, efficiet. Vlcus iam affe-
 ctum non primis diebus cicatrice obducendum
 sed ad multos menses permittendū: & ne occlu-
 datur fouendum inserta pilula ex cera, vel hede-
 ræ ligno, vel argentea concava spherula, vel piso,
 vel cicere, & solum brassica, vel hederæ, vel per
 sonatiæ folium inducendum. Vix credi potest
 quàm hoc sit in his destillationibus eximium re-
 medium: ratio hoc ipsum docet, & frequens ex-
 perientia facile cōprobat. Quod ad hepar, & re-
 nes supra modum calidos attinet, sic accipito.

Postquàm elapsis his vernis mensibus purga-
 tio ea fuerit adhibita quam præscripsi, autor ti-
 bi sum, ut balneo aquæ dulcis frequenti utaris,
 manè absolutò somno, excrementis corporis, ut
 decet, eiectionis, balnei terminus finiatur hora.
 Tamen pro facili aut difficili tolerantia, esto
 tibi breuius præscriptum tempus, aut longius
 producat

producat. A balneo decumbendum, quie-
 scendum: si sudor superueniat admittendus, non
 tamen sollicitandus. A sompno tamen eo tem-
 pore, nisi noctem in somnum fortè duxeris, absti-
 nere proficuum fuerit. Balneum sit ex Araris
 potius aqua quàm Rhodani, quòd hæc crudior &
 grauior sit, illa magis dulcis & leuis. In balnei
 egressu, probo assumptum ius capi vel pulli gal-
 linacei, vel carnis hœdina in cocto hordeo, semi-
 nibus frigidis maioribus vocatis, vel omnibus,
 vel quibusdam, & pauco cinamomo. Postquam
 in lecto ad horæ spatium vel amplius quieueris,
 abstergendum corpus panno, leui frictione: dein-
 de habitus corporis vniuersus oleis amygdalarũ
 dulcium, & violaceo mistis inunxisse leniter
 profuerit. Regio tamen ventriculi melius est vt
 citoniorum & garyophyllorum oleis dissoluta in
 eis pauca mastiche illinatur: hoc inuabit conco-
 ctionem, & faciet vt aquæ humiditas ventriculi
 vires non dissoluat. Quæ propter etiam velimean-
 dem vñctionem fieri cum descendendum est in
 labrũ. Vfus huius balnei mirum quantum inua-
 re possit. Refrigerabit vniuersum habitum cor-
 poris: interna item viscera, hepar & renes potissi-
 mum, partes corporis siccitate nimia extenua-
 tas facile humectabit, sanguinis acrimoniam
 obtundet, atque ita multorum vaporum ad ca-
 put eleuationem impediet, inordinatõsque men-
 ses corriget: efficiet, poris vndique & vbique
 l s laxa

laxatis, ut corpus magis transpiret: itaque fiet,
 ut nutritio feliciter administratur, & febribus reddaris minus obnoxia. A balneo non mihi videretur præter rationem, si ad paucos dies utaris fero lactis admixto simplici syrupo cichorii, & succo sumi terræ utriusque uncia una, additis seri uncis sex. Serum segregatum esse debet oxymelite, & toties percolatum ut nihil lacteum linteum insideat cum percolatur. Statim post assumptum serum in paucos dies, laudo usum lactis assumi eo modo quem coram præscripsi. Quod si ante balnei usum his uti velis, non refragor. Hæc omnia vel saltem pleraque velim fieri hoc proximo vere, vel ineunte æstate. Et quoniam morbosa dispositiones iandudum radices egerunt, non poterunt tam facile & tam promptè extirpari, quare reiterandum putarem præscriptam purgationem eandem, vel illi similem insequenti Autumno, pro iudicio præsentis eo tempore Medici. Quamobrem tum adhibendus est, qui eam præscribat, cognita tui corporis constitutione, & affectuum natura perspecta. Hæc sunt quæ consideratione digna putavi, tam in affectuum tui corporis cognitione, quam in curatione eorum instituenda: quæ aliorum iudicio libens submitto, omnia etiam si opus fuerit, latius explicaturus. Luguduni.

Conf.

Consilium duodecimum In ob-
structione hepatis & lienis, nec-
non huius duricie pro ciue Cre-
monensi.

Postquam viri huius corporis præter natu-
ram constitutio satis vel artis experto pa-
teat, visum est mihi longiori inquisitione, &
plus equo anxia consideratione non esse opus.
Superfluum quoque duco longius hîc dispu-
tare, quod in genere morbi ea collocari debeat,
eum id Scholis proprium sit, non eius, qui
præsentem ægritudinem curare nititur: ne-
que terendum tempus arbitror temperamenti
singularium partium indagatione, cum viscerû
affectorum, & quæ cum ipsis communionem ha-
bent, complexionem cognouisse ad hanc curam
abundè sit. Laborat hic Nobilis vir lienis ob-
structione, & duricie, cui accedit intemperies,
& præter naturam magnitudo: necnon hepatis
obstructione. Patet hoc ex symptomatibus, qui,
ut effectus suam causam, morbum ostendunt.
Vtriusque hypochondrii gravitas id indicat,
corpus cacoehymum, & qualitas coloris immu-
tata: magnitudinem & duritiem sensus tactus
in hypochondrijs explorat, & ea anhelitus diffi-
cultas, quæ maxime in paulo concitatiori motu
se prodit. Nam eo tempore, quia sepius trans-
uersum frequētius debet & vehemētius moveri,

non

non potest: quòd à lienis mole attollatur, & comprimatur: nec possit propter subiectam molem subsidere. Color plumbeus & luens sanguinem non satis depuratum à liene, per corporis habitum sparsum & distributum ostendit. Opifex enim rerum natura ad sanguinem ab excrementis purgandum, quòd corpori purus distribuere-
 tur, terna procreauit viscera huic negotio potissimum destinata. Sic renes, serosum humorem: bilis vesica, ipsam bilem: lien, sanguinem seculentum ad se trahit, quòd si hic impeditus muneri suo non satisfaciat, feces cum sanguine per vniuersum corpus distribuuntur, necesse est. Unde deprauatus corporis color efficitur, quemadmodum si bilis in vesicam suam propter obstructiones non regurgitetur, mixta sanguini vniuersum corpus flauo colore tingit. Cause quoque huius aegritudinis facile innotescunt. Nam materiam prebent sanguis seculentus, adustus, humores crassi, & viscosi. Lien maxime, hepar, & quæ inter ea sunt, venæ meseraicæ, subiectum præbent. Principium primum huic dedit, dissoluta & inordinata victus ratio, febris ardens ante quadriennium, quæ eum seculentos, & adustos humores plurimos suppeditaret, facile effecit, ut raram, & imbecillius viscus oneraretur humoribus istis: quos cum non posset superare, factum est, ut aggregatis continuo eius generis alijs, & moles eius accresceret,

&

& cum obstructione durius redderetur.
 Auxit eam plurimum hepatis intemperies ca-
 lida & sicca, quæ sanguinem plus æquo aduſit,
 & craſſiorem gignit: fouet continuò partium
 harum insignis imbecillitas, quæ tanta eſt, vt
 niſi auxiliares manus porrigantur naturæ, in
 ſcyrhū omnino prolabatur breuī tempore opor-
 tet: atque ſum grauibus variſquē ſymptoma-
 tibus & morbis corpus exercitabit, vt aqua
 inter cutem, quartanis, infectionibus variſ
 cutis, melancholicis ſymptomatibus, difficultate
 anhelitus, ventris inferioris & hypochondrio-
 rum cum flatu & torſione doloribus, & id ge-
 nus multis alijs: quorum aliqua pars leuior hoc
 tempore corpus affligit. Quare huic diſpoſitio-
 ni modis omnibus providendum eſt, ne in pe-
 ius corpus labatur, dandæque opera ſedulo,
 vt iam ante effecta ægritudo perſanetur: quod
 etſi difficilius ſit, & longa cura opus habeat,
 partim viſcerum affectorum. & materia craſſæ
 obſtruentis ratione: partim ægri, qui mirum in
 modum medicamenta omnia auerſatur, & ab-
 horret, tamen diligenti cura, & longo frequen-
 tiſquē quorundam remediorum familiarium quæ
 præſcribimus, uſu, Deo adiuuante, efficiemus,
 vt priſtinæ ſanitati reſtituatur. Quid vt effe-
 ctum demus, duo capita huius noſtri conſilij
 præſcribemus, quorum alterum victus ratio-
 nem tradet, altero omne remediorum genus
 com

complectemur: quod satis esse hoc morbo curan-
 do arbitramur. Quod igitur ad victus ratio-
 nem attinet, quam maximè fieri poterit, omnè
 aëris excessum euitabit: frigus inquam & so-
 lis ardores, ventos meridionales, & qui à se-
 ptentrione perflant: pluuias, nebulas, & huius-
 modi reliqua quæ cæli temperies ad immodi-
 cos pertrahunt status: vestitus mediocris, quo
 non aut frigore corpus perstringatur, aut calo-
 re vestibus aucto excagnitur: omnia sint medio-
 cria, & nullo qualitalis excessu laborent. Exer-
 citiis utatur mediocribus & temperatis, vide-
 licet vsque ad anhelitus mutationem: nam si
 ad sudorem vsque sollicitentur plus obstructio-
 nes augent quàm discutiant, non expurgato pri-
 mum corpore. Cauebi: potissimum ab ijs quæ
 post assumptum cibum molesta esse solent. Horum
 commodissimum tēpus erit matutinis horis, ubi
 prius corpus rectè fuerit procuratum, alui, uri-
 ne, sreatūsque eductionib. capitis, moderatis
 cum pectine frictionibus, facies, manūsque lo-
 tionibus. Ab exercitio, quiescat: nec prius ad
 cibum accedat, quàm anima & spiritu sedato,
 & calore ad pristinum gradum remisso. A ci-
 bo nullo utatur vehementi motu, ut cursu, equi-
 tati: quia vehementiores motus, etiam trudos
 humores, & cibū in viscera rapiunt, suntq; ob-
 structionum sæpe insignes cause. Animi mo-
 lestiam omnem, sed præcipuè iracundiam, &
 mæsti

mœstitiā tanquam pestes perniciosas enitet.
 Inde enim, & concoctiones deteriores fiunt, &
 feruor sanguinis præter naturam augetur: nam
 & in mœstitiā quoque interius calor cogi-
 tur, nisi cum immodica fuerit, & diutissime
 perseverans: verum & tum quoque melancho-
 licum humorem augmentat. Dabit etiam ope-
 ram ne subito à sumpto cibo dormiat, sed tem-
 poris mora interposita. Somnus sit mediocris
 septem aut octo horarum, nisi forte longa con-
 suetudo, secus faciendum esse doceret. Quod
 ad formam decubitus attinet, sit prior somnus
 in sinistrum latus decumbenti, postremus
 in dextrum: rationem subitico, quia facile ex
 partium situ ea intelligi potest. Quod ad cibum
 attinet, eum non assumet cruditate existente
 in ventriculo: sed expectabit semper sensum
 appetitus manifestum. Non assumet cibos in-
 signiter calidos, & frigidos: abstinebit ab ijs
 quæ corpori crassum, viscosum, siccūque ni-
 mis nutrimentum præbent. Cibos refrigeran-
 tes intelligo, aquam frigidam, vinum arte plus
 æquo refrigeratum, fructus, persica, cucurbitas,
 cucumeres, melones, vnam acerbā, magnāque
 herbarum partem, quarum usus est in acetarijs,
 eosq; potissimum fructus qui facile corrumpuntur.
 Verū & ex his aliqua pars, si non omnino bona,
 saltē nō multū improbanda agnoscitur, quæ admo-
 dū paulò inferius dicemus. Cibos calidos intelligo
 vina

vina præter modum grandia, maxima pars aromatum ut pote piper, & ziber &c. Crassi nutrimenti reputantur legumina, pisces prægrandes, qualis est thunnus, sturio, anguilla, tinca ostracæ, limaces, fungi, pisces ex aquis stagnantibus & paludosis: aues aquaticæ, caro bouina, sale condita aut fumo indurata: vina dulcia, turbida aut nigra. At ex ijs quæ alimentum viscosum præbent corpori, est caro porcina, ex pasta aut lacte confecta fercula: frigida quæ potius inquinata sunt quàm cocta, ex diuersis generibus cibaria confecta, quale est omne placentarum genus, quod vulgus tortas, turdellas, & raffiolas vocant: item quæ melle condiuntur aut zuccharo: caseus, panis siligineus. Sic quoque quæ sicci nutrimenti sunt cibi vitandi, etiam si in minori periculo assumantur, parum enim habent in se excrementi, qualis est leporum caro, cuniculorum, ceruorum, caprarum, carnes tostæ, & similia. Magna pars horum, in quocunque sunt huius generis alimenta difficilimè concoquantur, & bene tandem concocta, generant humores omnino corpori nocentissimos, maximè in his primorum viscerum, & mesentericarum venarum obstructionibus. ab his igitur abstinebit, & varietatem ciborum vitabit, ut ne pisces carnibus misceantur, aut quæ facile concoquantur difficilioribus concoctu postponantur. Cibus etenim eò est melior, quò simplicior, simplicem

1. *Chap. 1.*
 2. *Chap. 2.*
 3. *Chap. 3.*
 4. *Chap. 4.*
 5. *Chap. 5.*
 6. *Chap. 6.*
 7. *Chap. 7.*
 8. *Chap. 8.*
 9. *Chap. 9.*
 10. *Chap. 10.*
 11. *Chap. 11.*
 12. *Chap. 12.*
 13. *Chap. 13.*
 14. *Chap. 14.*
 15. *Chap. 15.*
 16. *Chap. 16.*
 17. *Chap. 17.*
 18. *Chap. 18.*
 19. *Chap. 19.*
 20. *Chap. 20.*
 21. *Chap. 21.*
 22. *Chap. 22.*
 23. *Chap. 23.*
 24. *Chap. 24.*
 25. *Chap. 25.*
 26. *Chap. 26.*
 27. *Chap. 27.*
 28. *Chap. 28.*
 29. *Chap. 29.*
 30. *Chap. 30.*
 31. *Chap. 31.*
 32. *Chap. 32.*
 33. *Chap. 33.*
 34. *Chap. 34.*
 35. *Chap. 35.*
 36. *Chap. 36.*
 37. *Chap. 37.*
 38. *Chap. 38.*
 39. *Chap. 39.*
 40. *Chap. 40.*
 41. *Chap. 41.*
 42. *Chap. 42.*
 43. *Chap. 43.*
 44. *Chap. 44.*
 45. *Chap. 45.*
 46. *Chap. 46.*
 47. *Chap. 47.*
 48. *Chap. 48.*
 49. *Chap. 49.*
 50. *Chap. 50.*
 51. *Chap. 51.*
 52. *Chap. 52.*
 53. *Chap. 53.*
 54. *Chap. 54.*
 55. *Chap. 55.*
 56. *Chap. 56.*
 57. *Chap. 57.*
 58. *Chap. 58.*
 59. *Chap. 59.*
 60. *Chap. 60.*
 61. *Chap. 61.*
 62. *Chap. 62.*
 63. *Chap. 63.*
 64. *Chap. 64.*
 65. *Chap. 65.*
 66. *Chap. 66.*
 67. *Chap. 67.*
 68. *Chap. 68.*
 69. *Chap. 69.*
 70. *Chap. 70.*
 71. *Chap. 71.*
 72. *Chap. 72.*
 73. *Chap. 73.*
 74. *Chap. 74.*
 75. *Chap. 75.*
 76. *Chap. 76.*
 77. *Chap. 77.*
 78. *Chap. 78.*
 79. *Chap. 79.*
 80. *Chap. 80.*
 81. *Chap. 81.*
 82. *Chap. 82.*
 83. *Chap. 83.*
 84. *Chap. 84.*
 85. *Chap. 85.*
 86. *Chap. 86.*
 87. *Chap. 87.*
 88. *Chap. 88.*
 89. *Chap. 89.*
 90. *Chap. 90.*
 91. *Chap. 91.*
 92. *Chap. 92.*
 93. *Chap. 93.*
 94. *Chap. 94.*
 95. *Chap. 95.*
 96. *Chap. 96.*
 97. *Chap. 97.*
 98. *Chap. 98.*
 99. *Chap. 99.*
 100. *Chap. 100.*

pori, & alio leniende quam nutritioni expetenda. Ex autumnalibus verò post cibū comedat porum crudum vel coctum cythorum cum zuccharo. Carnes in usu illi erunt ex agrestibus, lepores si iuniores fuerint, sed in pauca quantitate, ex avibus perdices, phasiani, turtures, turdi, & reliqua id genus motana omnia: nam antea diximus ab omnibus palustribus abstinendum. Ex domesticis verò animalibus, hœdi, vituli lactantes, annales castrati, pulli gallinacei & columbarum. In eligendo vino diligens opera adhibenda: nam præ ceteris corpus humanum maximè afficit & mutat vinum, & citissimè & plurimum nutrit, copiosèq; ingeritur, & usus eius est assiduus: quæ pane excepto nulli alimento contingunt. Vinum igitur eligatur album, maturum, purum: non potens aut vehemens, etatis ad minus trium mensium. Quod si hoc minus probetur, utatur vino vermiculo, pauci coloris, transparente, maturo, diluto mediocriter aqua chalybeata. Alius saltem semel singulis diebus commodè ducatur. Quod si venter non responderit, consulo assumat aliquando in principio mensæ, iusculum pinguius, falsius, aut cicerū rubeorum, vel in quo solum ebullierit cum rore suo brassica: aliquid quando ferculi liquidius ex ruis passis aut prunis cum zaccaro. Pruna ea sunt expetenda quæ ex Hispaniis deferuntur ad nos, & damascena roeantur: aliquando ea hora: cassie nonnihil ex canna sua.

sua deuorandum: Quidā exhibent in hunc usum
 ea hora pilulas ex aloē lota, quas in hoc agroto nō
 probo propter hepatis caliditatem. Magis placet,
 imō consulo assumat aliquando huius rei gratia
 scyphū iuris ex uetere gallo, cui incoxerit cinamo-
 mum, epithymum, polypodium, senam, flores bor-
 raginis, & uuas passas. Eadem de causa appro-
 bo deglutiat aliquando ante cibum nucis ponticae
 magnitudine, resinam larignam: ea est quā phar-
 macopole sub terebinthina venetianae nomine
 vendunt: nam quae Genuensis illis dicitur assu-
 mēda non est, si aliter fieri potest: est enim pina-
 stri resina minus probāda. Ea resina (quia vera
 therebinthina desideratur) cōno laudari debet,
 nam praeterquam quod ventrē modicē mouet, in-
 terna viscera pulchrē expurgat, & extergit ie-
 cur, item lienē, pulmones & renes, autor est Ga-
 lenus s. de sanit. tuenda, & experientia fidē fa-
 cit. Velim eā elui aliquando aqua hordeacea vel
 simplici, nam minus fuerit calida. Ea sunt quae
 ad victus rationem pertinere mihi vidētur, quae
 sunt adeo magni momenti, ut diligenter observa-
 ta saepe auxilio sunt. posthabitis ceteris remedio-
 rum generibus. His explicatis remedia propone-
 mus, quae morbo curando sufficere arbitramur.
 Ea quia dispositio varia est, varia quoque sint
 oportet: diuersa etiā eo nomine potissimum dabi-
 mus, ut ager varietate remediorum retineatur,
 ne ea fastidiat, quod facile euenire videmus, cum

huius generis remedium agro semper propina-
tur. Sed ut rem auspicemur, consulo ut ubi
Nobilis hic vir superato itinere domum perue-
nerit collectis viribus, duorum aut trium die-
rum quiete, curam hoc modo aggredatur. Ma-
ne absoluto somno in aurora assumat hoc infu-
sum foliorum senæ, quod sic confectum velim.

R2. passul. enucleatarum	℥	s.
Capill. veneris recent. Cuscuta	ana	m. s.
Liquiritia rasa	℥	s.
Florum cord. omnium	ana	p. s.
Cort. rad. capparum Cetrach.	ana	℥ i.
Canella	℥	s.
Bull. in aqua pluuialis	℥	vij.

ad tertia partis consumptionem, colentur, & in
decocto infundantur per noctem foliorum senæ
orientalis ℥ iiij.

Epithymi Cretenf. ℥ j. aut nostri ℥ ij.

Mane colentur, & cum paucis Zucharo fiat po-
tio. hanc potionem velim sibi familiarem fre-
quenti usu redderet, assumendo eam singulis
septimanis semel saltem, his primis mensibus.
Quod si non satis educeret humores peccantes,
potest aliquando in hoc decocto dissolvere dra-
chmam j. aut ii. confectionis hamech, aut
mediam unciam diachatholicon, aut drachmam
semis rheubarbari pulverati, vel ℥ i. aut ℥ j.
cassie, aut huius generis aliquod medicamentum:

Nam

Nam ea omnia & tuto, & facili natura & corporis tolerantia possunt quous tempore exhiberi. Epota ea sena infusione quiescet eo die. Sequentibus deinde aliquot ex ordine diebus consulo manè assumat ℥ ij. aut ℥ ij. cum semisse syrupi subscripti cum paucis decocto passularum, coriandrorum, vitice mortuae, atq; ita perseverabit aliquot dies. Syrupus hic fit,

R2. Radic. raphani, Buglossae. Cort. radicis fraxini, tamarisci. ana ℥ ij.
 Pistaciorum non rancidorum ℥ ij.
 S. portulacae, Plantaginis ana ℥ s.
 Fol. senae, Epithymi, agrimoniae, Cimarum hederæ, ebuli, Citrach. Cicerbitæ, ana m. s.
 Passularum p. ij. s.
 Liquiritiæ rasæ ℥ ij.
 flor. um cord. omnium p. s.
 Aquæ pluviæ, Vini albi, ana lib. ij.
 Coquantur ad consumptionem tertiæ partis, co-
 lentur, & cum saccharo, Melle ana lib. j. s.
 fiat syrupus in bona forma, & in fine addatur
 Rheubarbari optimè pulverisati ℥ s.
 Hoc syrupo etiam poterit subinde uti absque ali-
 quo alio liquore aut decocto assumendo singulis
 diebus bina aut terna cochlearia: nam ita diu-
 tius moram trahet in primis venis, & visceri-
 bus, ubi ipsius mali sedes est. Hic syrupus quem-
 admodum compositionis ratio indicat, & sim-
 plicia ex quibus conflatur demonstrant, mita

m 3 operatura

operatur in his hepatis & splenis cum duricie
 obstructionibus, quod & nostris experimentis
 constat. Vbi biduum eo vsus fuerit, post inie-
 ctum clystma venam lienarem, hoc est sinistri bra-
 chij internam, vel basilicam aperiat ext. abendo
 uncias plus minus sanguinis octo aut nouem.
 Quod si minus placeat ex hac vena, aperiat eius-
 dem manus saluaellam: atq; eam detractionem
 velim fieri in ipso Lene reuolutionis puncto:
 quod quam insigne iuuamentum ferat his dispo-
 sitionibus incredibile dictu. Quomodo verò reuo-
 lutionis punctus comprehendere possit, coram do-
 cui. Postquam verò octo aut decem diebus syru-
 po illo fuerit vsus, reiterabit supra scriptam se-
 ne infusionem, aut eius loco assumet 3 j. pi-
 lularum de Rheubarbaro. 3 s. pilularum de
 fumo terra, aut ipsum Rheubarbarū, quod quam
 valeat horum viscerum obstructionibus, is
 facile scire potest, qui eo aliquando fuerit vsus.
 Nam purgando mediocriter, corpus à multis
 infirmitatibus præseruat, purgat caput, & ven-
 triculum, prodest hepati, aperit obstructa, mun-
 dificat venas meseraicas: & renes prouocando
 urinam. Et hæc omnia facit sine violentia, con-
 fortans interim, & mediocriter astringens o-
 mnes eas partes ex quibus superflui aliquid
 eduxit. Adderem multa alia, sed hæc palmam
 ferunt, eò quod naturam nihil exagitant, &
 tamen peccantes humores educunt. Post assum-
 ptum

plum huiusmodi pharmacum eodem modo & ordine velim reiterari & Syrupum, & idem pharmacum de integro. Non enim quiescere oportet: Hic morbus difficile extirpatur, continuo sollicitandus ijs remedijs, quæ incidunt, attenuant, exterunt, aperiunt, & expurgant: hoc requirit humor feculentus, crassus, & viscosus. Sed si post secundam senæ infusionis positionem sanguinis aliqua quantitas ex dextræ manus saluatella educeretur convenientissimum esset: exonerata enim natura alacrius quod reliquum est aggredieretur, & facilius vinceret. Interea temporis dum hæc fiunt, velim etiam morbum aggredi ijs remedijs quæ foris adhibentur, qualia sunt fomenta, linimenta, cerata, & id genus alia: In hunc usum laudo ante cibum post deiectionem alui fomētum cum filtro aut spongia ex hoc decocto.

Rx. Rutæ, Cetrach, Calamenti, Camomillæ, maluæ, violarum, ana m. j.
Cort. capparum, tamarisci, Rad, altheæ.
S. agni casti. S. anethi ana ʒ j.
conterantur, & in aquæ chalybeatæ & aceti ana partib. equalibus decoquantur, & ex hoc decocto fiat fomentum: deinde extersus & desiccatus locus statim inungatur subsequenti unguento quod accipit. Mucil. sceni-graci. S. lin, radic. altheæ ana ʒ ij.

m 4

Butyri

184 REINERI SOLINANDRI

Butyri veteris, Adipis anseris, medulla bouina
ana ℥ s. Olei capparum ℥ vi. Olei amygd. dul-
cium. Olei rutacei ana ℥ iij. Pul. rad. tama-
risci. Cetrach, Cort. med. fraxini, Calamenti ana
℥ s. Ammoniici dissoluti in aceto in quo ebul-
luerit camomill. ℥ iij. Aceti ℥ vi. Cera
q. s. Fiat unguentum secundū artem. Postquam
aliquandiu eo usus fuerit, non erit inconueniens
ipsi spleni cucurbitulas affigere, aliquando leues,
aliquando cum scarificatione, Atque ubi eius
fomenti & linimenti obrepserit fastidium, prae-
parata iam paululum materia, & humore no-
cente quadam ex parte educto curet, splenis re-
gioni hoc ceratum applicari.

Rx. ammoniaci ℥ s. Bdellij albi ℥ iij. s.
dissoluantur in aceto scyllitico, & adde flo. vio-
larum ℥ s. S. agni casti ℥ iij. Olei capparum
℥ v. Tamarisci. S. portulacae ana ℥ j. Ce-
ra alba q. s. cum paucate rebenthina, fiat ce-
rotum lieni applicandum. Quod si expurgato
corpore satietas coeperit superscripti syrupi.
laudo hoc utatur electuario.

Rx. Florum borraginis ℥ s. Florum vio-
larum. Liquiritiae munda. S. anisforum. S. fœni-
culi. ana ℥ iij. Senae ℥ j. Pulueris sentur o-
mnia, & cribellentur, & adde Specierum dia-
rhod. abbatis ℥ j. s. Rad. axari ℥ iij. Specie-
rum aromat. ros. ℥ j. s. Scoriam ferri stomoma-
chi preparata ℥ vi. Limatura chalybis prepa-
rata

rata 3 ij. Mellis puri q. s. fiat electuarium.
 de quo sumat mane cochlear j. cum bono vi-
 no. Quæ hæcenus dicta sunt intelligi velim con-
 sulta absente febre: quæ si aliqua diligentia exe-
 quantur, omnino hunc Nobilem virum ab hoc
 morbo liberabunt, & pristinae sanitati restituēs.
 Hæc omnia aget hoc Autumno, prius quàm hy-
 berna frigora corpus exercere incipiant: quod
 nisi fecerit mirum in modum morbus hoc au-
 tumno accrescet, cum aëris, & victus, tum egrit-
 tudinis ratione, quæ eo increvit, ut nunquam
 solius naturæ beneficio salus sperari debeat. Da-
 bit igitur quoad eius fieri potest diligentem ope-
 ram hoc autumno quo corpori debitis pu-
 gationi-
 bus prospiciatur, deinde toto illo tempore hye-
 mali interpositis diebus utetur suo syrupo, aut
 aliquibus paratis facilibus, quorum partem ali-
 quam subscribā, quæ ego potissimum experiētia
 cognoui plurimum in hac egritudine valere. Ex
 horum numero est vrtica quædam mortua, quæ
 in folio maculam albam habet, Plinius vocat
 Lamium, Bononienses Milzadellam, Pisani
 berbam della milza: ea quomodocunque assum-
 pta induratos & obstructos lienes liberat. Ego
 soleo manè exhibere decoctam ovo in formam
 placentulæ. Est filicis decoctum efficacissimum
 in hoc casu, id quod antiqui cognitum: nam Ga-
 lenus noster lib. 8. de comp. med. secundum lo-
 ca feliciter exhibet in hepatis obstructione. Ad
 m s visceris

visceris (inquit hepar intelligens) expurgationem, apertionemque meatuum, citra manifestam calfactionem, aut refrigerationem filix optimum pharmacum est, amaram qualitatem habens prædominantem. Hoc modo iuuant cortices radicum fraxini masculi (hic fructus non fert) vino aut aqua incocti, decocto epoto. Cetrach, quæ scolopadriū est Dioscoridi, lota cum aqua rosacea, exiccata, & in puluerem contusa, mixtæque pari zuechari pondere, & manè cochleari parui mensura cum vino assumpta. Idem præstat eodem modo propinata chamaedrys. Item semen portulacæ 3 ῥ. pondere cum aceto. Semen cuscute, Atriplicis, s. acetosæ. Sunt quædam quæ à quadam proprietate iuuant quomodocunque assumpta, ut corallium valde tritum: lien erici comestus: item vulpis hepar, quemadmodum lupi hepaticis conuenit. Rustici & agrestibus hominibus sæpe epotandum dedi proprium lotium magno successu: illud enim extergit & incidit. Sic eandem calidam cum canapina stuppa applicare iuuat. Emplastrum ex radice c. claminis, & oleo capparium confectum splenem mirum in modum attenuat & disciuit: sed est paulò vehementius, quare farine aliquæ & pinguedines sunt miscende. Mitior est fomentatio florum tamarisci coctorum in aceto cum spongia

gia aut filiro. Raphanus contusus cum aceto
 & applicatus, quemadmodum eius decoctum
 in vino epotum spleneticoſ sanat. Hæc ferè
 omnia experientia primum ab alijs admonitus
 didici talia eſſe. Sunt nobis innumera alia
 per manus relictæ quæ hîc recensere super-
 fluum eſt, cum pars minima horum apta ſit,
 & ſufficiens ſanitatẽ huic viro reſtituere.
 Hiſ igitur aut parte horum utetur, deinde
 imminente vere docti, & experti medici con-
 ſilio purgabitur: aut noſtri purgatione, quam
 primum præſcripſimus utetur, atque ita pur-
 gato corpore ad balnea Lucenſia veniet, vn-
 de non parum utilitatẽ eo tempore reporta-
 bit: nam hæ termæ ubi digeruntur, ea vi-
 ſcera mirum in modum confortant ferri ra-
 tione, & abluendo expurgant, intemperiemque
 contractam (qualem hic habet calidam he-
 patis) remittunt. Hîc ſinem facio, ſi il-
 lud vnum addidero. Noui ego plurimos Cre-
 monenſes obſtructione, & duricie lienis exer-
 ceri, neque ſcio an hoc victus communi qua
 utuntur, aut aquarum ratione eueniat. In-
 telliget idipſum honeſtus hic vir ab eius vr-
 bis Medicis atque cauſa intellecta, eam eui-
 tabit. Nam ea ablata, & hiſ remedijs vo-
 ſus Deo dante facilẽ conualeſcet. Ex balneis
 Lucenſibus.

Conſ

Consilium tertiumdecimum in ob-
structione, & duricie splenis, in
quo de viribus aquæ balnei Vil-
lensis in Hetruria ad Medicos
Cremonenses.

VENIT ad hæc nostra balnea vestro consi-
lio D. Ioannes N. Cremonensis sanitatis
restituenda gratia: eum postquam vidimus,
& ex vestris literis ipsius egritudinem co-
gnouimus, indicauimus ex his nostris balneis
nihil accersurum ei iuuament: quod licet ei præ-
dixissemus, voluimus tamen (moti vestro
consilio & authoritate) ut is nostris aquis
uteretur, arbitantes vos diligentius longæ
consuetudine exactiusque & natura ipsius
habitu, & morbi dispositionem cognouisse. Ve-
rùm cum cœpisset ijs uti, excitata sunt varia
symptomata, subuersiones ventriculi, fluctua-
tiones in hypochondrijs, lassitudines laboriosæ,
difficultates vrinæ, & id genus alia, nullis
per secessum vel vrinam (ut res postulabat)
aquis redditis: quod magis meum consilium,
& opinionem comprobauit. Quæ ratione, au-
tem Therma hæ non sint aptæ ipsi, neque possint
sanitatem præstinam ei conciliare, causam hanc
quam dicturus sum, esse iudico. Non istam quan-
tùm differant obstructio simplex alicuius vi-
sceris, & ipsius duricies: nam hæc dispositio
præter

præter resoluentia, requirit quæ emolliunt,
illa solum extergentia. At hic vester ag-
tus non solum obstructione hepatis, & ma-
ximè splenis exercetur: sed etiam insigni du-
ritie splenis afficitur, cui nisi prospectum fue-
rit, omnino in schirrum abeat illa necesse est.

Aqua hæc Villensis non emollit, parum ad-
modum resoluit, vix quicquam extergit: so-
lùm apta est aliquam intemperiem simplicem
maximè calidam alterare, aut cum intempe-
rie humores quoscunque excludere, quosque in
meatibus, & vīs, quas transit, reperit, elue-
re, easque propter ferri facultates roborare, &
confirmare. Nihil attrahit more purgantium
medicamentorum (licet hoc quidam existi-
ment) non multum abstergit, quia parum ad-
modum habet rerum extergentium: & obtun-
duntur, si quas habet, multitudine, & quan-
titate aquæ. Verum ea viscerum dispositio in
D. Ioanne requirit ea quæ maximè emolliunt,
quæ egregiè incidunt, attenuant, & abstergunt
quæque etiam digerunt, aut resoluunt. Sed nihil
eiusmodi potuit expectari ex his Villensibus
aquis: quare mirum non est has aquas non fuis-
se ei proficuas, neque eas potuisse aliquo modo
aut via digerere, vel superatas excernere. Quod
si aliquando ex his aquis velit aliquam spera-
re salutem, necesse omnino est durities illa ma-
iori ex parte sit emollita prius & resoluta, dein-
de

de si quid restaret obstructionis, fortè posset ab hac nostra aqua elui, & eodem modo elota materia viscus ipsum, ratione ferri, roborari. Quod si res mea ageretur, aut ars hoc in casu requireretur, consulerem nullis thermis huius generis vteretur, sed solum adhiberi velim ea, quæ in potu & cibo aut medicamenti possent illam dispositionem exterminare, incidendo, attenuando, emolliendo, extergendo, tam exterius quàm etiam interius applicita, vel exhibitæ, assumptæ. Velim omnia ea ut plurimum splenetica (ut diximus) esse: talia sunt fraxini, tamarisci, & capparum radicum cortices, scolopendria, capill. ven. Centaurea minor, iris, acorus, chamæpitys, chamædrys, prasium, scylla, & ex ea composita medicamenta: nasturtium, nigella vulgo dicta, agaricus, epithymum, filix, lupinus, raphanus, semen portulacæ, atriplicis, acetosæ, cuscuta dicta, scrophularia, agrimonia, alzarum, hederæ quæ vocant terrestrem, & ea maximè vtiica quæ in folijs maculâ habet albicantem, quæ Plinius, ut credimus, lamium vocat, Bononienses milzadellam, Pisani herbam della milza propter affectus nuncupant. Cuius virtus mihi in his effectibus probata aliàs, primum doctus à Monacho Heirusco, qui solum singulis diebus huius herbe aliquot folia contrita, & oïo incocta exhibebat edenda, & permultos curabat.

Ego

Ego postea solos ipsius pulveres feliciter in vino albo in eod. m. affectu exhibui. Hu. adderem duas passas, liquiritiam, althæam, & quadam alia, quæ emolliunt medicrriter, & visceribus sunt amica, quæque robur iisdem addere possunt. Hæc oxymeliti aliquando, aliquando aceto, aliquando alijs liquoribus incoquerem, quos pularem ad rem esse f. cturos: exterius applicarem fomenta ex iisdem, & similibus. Avicenna experimento constat optimum esse fomentum ex ruta, corticib. rad. capparis, absinthio, calamēho, origano, incoctis aceto. Item mihi placet. Ammoniacum dissolutum aceto, addito amygd. amararum oleo, ruteque succo. Expertus sum efficacissimū esse, quod scribo.

Rx. Succī cyclaminis, succī cardamines (vocant. cressionem) ana ℥ iij.
 Olei communis antiqui, butyri veteris, olei de spica, olei camomillini, ammoniaci dissoluti aceto. ana ℥ j. s. Misce pro vnguento.
 Postea curcubitas, aliquando leues, aliquando cum scarificatione affigerem. Vterer oleis, cerotis, vnguentis, linimentis superscriptis, atque ut redderem ea omnia magis efficacia miscerem ijs gummi alia, & pinguedines plures. Aliquando interpositis diebus tunderem venas, nunc sinistræ manus saluatellam, alias eiusdem brachij basilicam. atque hoc maxime in ipso Lunæ revolutionis momen-

momento, quod experientia ostendit mirum
in modum his dispositionibus esse proficuum.

Purgarem aliquoties corpus, ex infusione
sene foliorum, epithymi, polypodij, ex soluti-
onis hamech. pilulis de fumo terra, diasena,
diacatholicon. Vterer multum simplicibus Cas-
sia, rheubarbaro &c. Quod ad rationem at-
tinet vivendi, aquam velim simplicem nun-
quam in usum adhiberet, alteratam bibat aut
coriandris, aut anisi aut arantiorum seminibus:
addito pauco Zuccharo: oxymelite simplici
plurimum iuvaretur ex tribus libris aque,
tribus uncijis aceti & quatuor mellis confe-
cto. &c. Iuberem abstinere edulij crassi, &
viscosi nutrimenti, interdiceret lacticinij,
caseo, ex pasta confectis ferculis, quae nihil
fermenti habent: brassica: leguminibus, pisci-
bus, carnibus maiorum animalium & sale
conditis aut fumo induratis, vino crasso &
nigro, pane siligineo. Vteretur velim pane
integro, Galenus ορυζουρον vocat, vino
albo, puro, bono, carnibus quae attenuantis
sunt aut boni nutrimenti. Essent multa alia
dicenda, quae omnia conferrent ad sanitatem
huic viro restituendam: sed haec sufficiant,
satis est meam mentem indicasse solum doctis
& vobis in arte exercitatis viris, neque opus
erat tot verbis, & tam longa oratione nego-
cium prosequi, nisi coactus hac effudissem
urgent.

urgentibus supradicti D. Ioannis amicis. Raptim ex balneo Lucensib.

Consilium decimum quartum datum honeste mulieri Lugudunensi patienti frequentes abortus, & profluvium sanguinis e matrice.

Mulier hac, etatis consistentis, ante multos annos abortum passa est, idque tam frequenter, ut ex decem & sex in utero conceptionibus, sex solummodo ad frugem perduxerit. Post abortum postremum iam ferè à tribus mensibus ceperunt menses abunde & copiose fluere, ut plurimum paulatim, aliquando successivis temporibus affatim, magnamque sanguinis quantitatem effundere, unde ea symptomata pleaque subsequi visa sunt, quæ à Gal. lib. 6. cap. 5. de locis affectis sunt commemorata. Etenim color ei luridus fieri cepit, facies subtumida, oculi superfluo humore ferè semper madefcentes, pedes sub noctem intumescere, corpusque univsum & minus vinidum, & humore extraneo inflari cepit, adeo ut omnino periculum sit, ne illa in hydropem incidat nisi occurratur. Quod ut fieri possit, videndum quæ sit huius affectus causa, qua sublata morbus facile curari poterit. In eo igitur affectu debet omnino causa esse, vel in ipso sanguine, humore scilicet qui excernitur,

vel

vel in ipso membro (vtero nimirum) per quod
 excernitur, vel in aliquo alio, quod eam mate-
 riam incitat ad motum, & quasi expellit. Ve-
 rium si diligenter considero, nihil in corpore in-
 uenio quod in hoc tertio ordine collocari debeat.
 Quare partim in ipso membro, vtero scilicet, par-
 tim in ipso sanguine causam huius defluxus a-
 gnosco. In vtero imbecillitatem arbitror causam
 esse, vnde venarum osculorum apertio absq; vlllo
 dolore tantam sanguinis copiam breui tempore
 effundit, nullam vasorum erosionem, aut aliam
 presupponens causam. Quandoquidem ab erosio-
 ne, & minor longe quantitas emanat, & san-
 guis multo impurior, neque sine aliquali dolore.
 A ruptura fieri nequit, quoniam non precessit
 aliqua manifesta causa, quae eam facere potuerit:
 deinde affatim quidem emanaret, sed semel fir-
 matus nullomodo cursum suum prosequeretur,
 nisi eadem causa rursus incideret, & eundem
 effectum produceret. Vterus autem imbecillior
 est redditus propter frequentes abortus: & pro-
 pter vehementia medicamenta olim ad secundas
 (quas vocant) mouendum intempestiue (vt intel-
 leximus) exhibita. Frequentes item abortus, li-
 cet multum debilitarint vteru, signa etiā sunt,
 facultatis imbecillioris in vtero iam à primis an-
 nis, & cū nullae aliae manifesta causae tales abor-
 tus praecesserint, verisimile mihi est propter mac-
 eorem in vteri acetabulis contentum accidisse,
 qui

Qui etiam causa est, quo lentore suo imbuta va-
 sorum officia facilius pateant, & aggrauanti san-
 guini viam, transitumque præbeant. Attesta-
 tur huic Galenus, qui loco paulo antè citato ex-
 pressè scribit, si mulier prò mptè quidem conce-
 perit, deinde secundo, vel tertio vel quarto
 conceptionis mense (quod huic semper accidere
 intelligimus) foetum abiecerit, circa uteri ace-
 tabula pituitosum humorem abundare: atque
 idcirco venarum, arteriarumque eius loci ad
 ora vasorum in uterum descendentium nexum,
 debiliorem reddi coniiciendum est, ut foetum
 ob gravitatem ferre nequeat, sed facile abrum-
 patur. In sanguinis massa alteram causam
 esse reor: quandoquidem propter hepatis im-
 becillitatem (ut in multis aliis omnes quæ huc
 spectant causas omittam) is aquosior est, &
 magis quam deceat crudus, vnde & ad mo-
 tum aptior est, & magis expeditus: quare etiam
 natura vi sua querit, ut eo se, quoad eius sic-
 ri potest, liberet, atque ad imbecilliores cor-
 poris partes præcipitet, aut per loca apta è cor-
 pore exterminet, & excludat. Verum
 quia in hac muliere uterus ex omni parte,
 ut antea diximus, maxime imbecillus est,
 maximeque aptus ut huiusmodi humorem
 transmittat, natura facile eò se exonerat.
 Quod autem sanguis eius nature sit,
 n 2 catus

cuius diximus esse, & effusus sanguis aperte
demonstrat, & urina quæ venosi generis hu-
mores, quales sint docet, manifeste ostendit.
In hoc sanguinis per uterum fluxu, & timen-
da forent ea omnia symptomata, quæ Gale-
nus paulo antè citato loco enumerat, usque
graviora, & maximè ipsa aqua intercutem,
ad quam proclius huius mulieris constitu-
tio esse videtur, præcipuè cum venter iam plus
solitò coeperit tumere, & aquosa quadam ma-
teria flatibus quibusdam admixtis turgescere
videatur. Ceterum ne longius hoc malum
serpat, sed ut venienti occurratur, & si quid
eius genitum est tollatur, prospiciendum pla-
nè est, illius profluvij causa tollantur: ut
scilicet quod in sanguine crudum & aquosum
est, partim concoquatur, partim expurgetur,
ut naturalia viscera roborentur, quo me-
lius concoquant, & sanguinem probiorem
generent. atque ut uterus imbecillior con-
fortetur, frigidior modicè calefiat, humidior
exiccetur, quo vasa aperta vel conniuentia,
expurgato, abstersoque mucco occludantur.
Nam ita & fluxui prorsum fuerit, & abor-
tus cause tollentur, & futurum imminensque
periculum evitabitur. Quæ omnia à me dicta
tam victus bona ratione, quam medicamen-
torum vario & multiplici usu consequetur.
Quod ad victus rationem attinet, non libet
hic

hic omnia & singula capita prosequi: solum
 qua in cibo & potu sunt, breuibus explicabo.
 Potu utatur modico, vino vermiculo, maturo,
 subastringente, quale vulgus stomachicum,
 Gal. lib. 6. methodi, nobile (nisi fallor) vocat.
 Illud vinum dilutum velim chalybeata aqua.
 Cibus assus potius quam elixus. utatur carni-
 bus ficcioribus, modici alimenti, auiculis ut
 plurimum, turturibus maximè. Has enim in o-
 mnibus defluxibus mirum profuisse observa-
 tum est, item omnibus alijs quæ plurimo utun-
 tur volatibus, columbis, pullis gallinaceis, carne
 leporina iunioris, perdicibus, veruecina, vitu-
 lina, sed pauca. Abstineat ab omnibus la-
 ctarijs, piscibus omnibus, fructibus ferè omni-
 bus, exceptis pyris aliquot coctis, vel etiam à
 cibo crudis. Utatur cotoneis multum. Ab-
 stineat ab omni carne maiorum animalium,
 maximè suilla: neque volo sit vllum edulium
 ipsius ex lardo preparatum, sed loco lardi
 assis insigat aut cimarroris marini, vel garyo-
 phyllos. Utatur ouis recentibus: saepe passulis
 Corinthiacis. Pane puro, potius biscocto, vel sal-
 tem ut plurimum aliquantisper exiccato. Ab-
 stineat ferè ab omnibus ferculis liquidioribus, à
 cibo continuò utatur hoc puluere, qui concoctio-
 nem viscerum mirum iuuat.

R2. Coriandrorum preparatorum conditorio
 Saccharo 3 ij. masticis. 3 ij. s.
 n 3 s. ani

s. anisorum.

3 iij.

Cinamomi

3 i.

Pulverum diacydoneum sine speciebus 3 iij.

Corticis citri

3 j. s.

Zachari rosacei ad duplum, puluerisetur,
utatur mistis cochleari mensura. Cibos
particulatum omnes hinc recensere non arbi-
tror opus esse: quare ceteris omisis capitibus
ad medicamenta venio: solum illud primū mo-
neo, ut exercitio ante cibum utatur mediocri,
quod ad calorem naturalem excitandum satis
esse videatur. Ab omni animi motu abstineat,
maximè ab ira, mœrore, & alio quouis concit-
tiori motu. Quod ad remedia attinet, cum
duo sint in frequenti Medicorum usu reme-
diorum genera, ut magis excellentia, magisque
necessaria, sanguinis missio, & purgatio: De
utroque paucis dicam. Sanguinis missionem in
hoc casu approbare non admodum possum, quod
iam abunde & plus satis sanguinis fluxerit:
& quod hepar, & habitus corporis ob id sit plus
quàm decet frigidior factus: quare hoc reme-
dij genus reformido, nisi fortè sanguinis per-
vterum fluxus vehementior ad reuulsionem mo-
liendam nos inuitos eò impulerit. Verum &
eotempore magis cum Hippocrate s. aph. 50.
Laudo magnas cucurbitas sub mammis lues
affigere. Quod si tamen sanguinis det actionem
Medici ex usu putauerint, administretur, non
vna

una & sola vice, qua affatim sanguinem edu-
cimus: sed fiat reiteratis vicibus, exiguam eius
quantitatem demendo, idque potissimum cum
ipsa ex lassitudine quadam (ut solet ante pro-
fluuiū) persenserit naturam sanguinis expurga-
tionem moliri. Nam ita malum auertet, cor-
pus onere quodam leuabit, & incipientem
fluxum reuellet. Aperiatur autem vena inter-
na brachij. Nullo alio modo vena sectionem ad-
mittendam putarim. Purgationem approbo suc-
cessiuis temporibus, & per vices, maxime ex
Rhab. myrobolanis, seminib. Cartami, & syrupo
rosaceo sol. Nam præterquam quod huiusmodi
educant humores, qui illius sanguinem vitiant:
etiam partes, & viscera roborant, & sua astri-
ctione ligant: quod in hoc casu maxime ani-
maduertendum venit. Quare etiam his admiſce-
ri debent, quæ partes naturales roborant, quæ
solis humorum facultatem efficaciorē reddere, &
expeditam magis possunt, qualia sunt garyo-
phyllus, macis, cinamomum, mastix, & id
genus alia. Sed prius quàm eò deueniamus ve-
lim eam primò hoc apozemate uti.

R \mathfrak{z} . Rad. Liquiritiæ	℥	ss.
Rad. plantaginis,	℥	j. ss.
Rad. tormētille	℥	x.
Agrimonie, Capillorum veneris recentium, vel		
Polytrichi, Phyllidis hoc est Lingue ceruinae,		
Melissæ	ana	m. j.
	℥	passul.

200 REINERI SOLENANDRI

passul. non mundatarum à gigartis. p. 1.

Coriandrorum preparatorum 3 i.

Cornu cerui vsti 3 s.

Coquantur omnia in aqua chalybeata q. s.

ad tertias coletur, clarificetur, & cum Ma-
cis 3 i. aromatiZetur, adiectoque saccha-
ro rosaceo tabulato fiat apoxema, de quo capiat
mane lib. β. & alternis diebus 3 v.

Syr. de cichorea cum Rhab. 3 x.

Misce, fiat potio. Utatur multis ex ordine die-
bus. Interea temporis singulis septem diebus
accipiat medicamentum ex solutivis supradi-
ctis. Totus venter inungatur hoc linimento.

Rx. Olei cytoniorum, Ol. de absinthio.

Ol. rosacei ana 3 s.

Ol. de spica odoriferi. Mastice dissol. ana 3 ij.

Specierum diacimini 3 i.

Trochiscorum de charabe 3 s.

cum cera. Fiat linimentum. His leuioribus
medicamentis velim per primos hos dies ute-
retur, quibus cum aliquandiu vsa fuerit,
consultum mihi videtur ut hoc emplastrum luro
bis imponat.

Rx. masticis 3 s.

Ladani 3 iij.

Rad. bistorte 3 ij.

Nuci cypressi, Hypocystidos, Sanguinis draconis.

Rosarum rub. Corall. rub. Mente sicca s. co-

riand. preparatorum, Gallie moschate. Terre
sigillate

figillate ana 3 j.
Cera curina, Ol. rosacei compl. Terebinthina
lota in aqua matricaria, Colophonia ana q. s.
ad informandum cerotum. Atque eo tempore
deuret aliquando dactylum vnum, qui hoc mo-
do preparatus fuerit.

R2. Mastice, Thuris albi ana 3 s.
Sang. draconis in lachrymis. Myrtillorum
Boli armeni orientalis ana 3 s.
puluerentur omnia, & misceantur. Ex hac
mistura.

R2. 3 j. infarciatur dactylus, eiecto
nucleo ligneo, inuoluatur charta, madescat
deinde vino clareto, & calefiat sub cineribus,
deinde edatur. Quod remedium etiam in sæ-
tu retinendo efficax esse experientia didici,
primum Bononiæ à præceptoribus meis edoctus.

Quod si his remedijs fluxus non restiterit,
fiat iniectio in vterum per metrenchytam ex hoc
sequenti liquore.

R2. Succus stercoris asini 3 iiij.
Succi plantaginis lib. s. Ol. cytoniorum,
Cheirini, quæ incoxerint parum macis, squinan-
thi, corti. granatorum ana 3 j. s.
Misce vtatur pro iniectione. Post assumptum
apozema, per multos dies poterit roborari he-
par, vterus, ventriculus, & cetera viscera ex
diarhodon, aromatico rosato. Conserua rosac.
Trochiscis de rosis, diamargariton. His adductis
5 remedijs

remedijs placet hoc alterum adiungere, quod experientia verum esse docuit, cuiusque usus facilis est & securus. Suspendatur ei Iaspis aliquis ex maioribus non adulteratus. Nam traditur suspensum hanc ad omnem sanguinis fluxum, ad protegendum conceptum, & partum inuandum, & hydropem pellendam plurimum inuare. Hæc sunt leuia illa remedia quibus curatum iri arbitror honestam hanc mulierem, maximè si illa utatur diligenti victus ratione, multa abstinentia: & modico exercitia inferiorum partium maximè, & potissimum frictionibus extremitatum, sed brachiorum maximè: hæc remedia in nulla re obesse possunt: quod si dispositio his non facilè cedit, ad grauiora cum ratione est veniendum, de quibus suo tempore, si opus fuerit, loquemur. Luguduni.

Consilium quintumdecimum In
calculo renum ad Abbatem D.
Ioannis Laudunæi.

QUicumque ille fuit qui in morbo tuo prete remedium petiit, Reuerende D. Abbas, nobis suo scripto non satisfecit. Quandoquidem solummodo morbum proposuit, nullo eius discrimine habito: cum tamen ut curari ex arte haud queat, nisi intelligatur omnis ipsius natura & conditio: quis ille sit: ex qua materia: quam diu & quomodo afflixerit: quibus hætenus ex-
tirpari

irpari remedijs non potuerit, & id genus alia:
 præterea corporis cōstitutionē, & in eo principiū
 partium tēperamenta cognoscere decet: quā sint
 oēs facultates in eo & operationes vegetæ: &
 quod summē necessariū est, partis quæ affligitur,
 quæq; tanquā morbi subiectum est, naturā per-
 spectam habere oportet, qui salubriter consulere
 velit. Verūm ex tuis literis nihil tale, solū te iā
 biennium ferē, calculo grauissimē discrucari, et
 hæcenus omnia eo curādo frustra tentata esse.
 Ego verō ne meo muneri defuisse videar, & qua
 læcunq; meā operā (quæ nulli vnquā defuit)
 tibi denegasse, præscribā quædā auxilia, quæ
 aliās sepe nō sine magno commodo & utilitate
 hoc morbo laborātibus alibiui, ex quorū usu spe-
 ro etiā te (post multa aliorū frustra tētata reme-
 dia) si nō planē curari, salē egregiē leuari posse:
 qđ ut appositē fiat quædam altius de morbi hu-
 ius natura repetam, quæ tu postea poteris rebus
 tuis accommodare. Quicquid in rebus externis cō-
 crescit et lapideū fit, cōcrescit aut calore aut fri-
 gore, aut siccitate: experientia hoc testatur, docet
 etiā Aristot. 4. Meteor. 6. & Plato in Timæo.
 Verūm siccitate id non fit, nisi alterutra qua-
 litas ei coniuncta sit. Lapides igitur potissi-
 mum effectricem causam habent calorem &
 frigus: verūm hoc fere ex aquea materia eos
 efficit, idq; solū cum extremū fuerit: quæad-
 modū in crystallo, iride, & id genus lapidibus
 vide

videmus: at tale in viuo animali esse nequit,
quod animalis vita sine calore consistere haud
queat: relinquitur igitur altera solum causa, ca-
lidas scilicet, quæ in corporibus nostris, vbi
aptam materiam inuenerit, lapides generare po-
test. Aptam materiam non aquea esse debet, nam
aqua calore non concreuit: sed terrea, hoc est,
crassa, quæ si glutinosa non fuerit, aut tenax,
lapideum sane quid generat, sed quod facile dis-
ruptum dissoluatur: talis in nostris corporibus
calculus ille est, qui continuo excernitur, &
lateribus matule aut adherescit, aut fundo
arenosus innatat. Si verò terrea ista materia,
id est crassus ille humor, viscidus fuerit & te-
nax, lapidem, vbi firmata fuerit, producit, qui
difficile dissoluitur, qualis ille vt plurimum esse
consuevit, qui longo tempore detentus in renibus
hominem torquet, aut in vesica concretus graui-
ter affligit. Qualis autem hæc materia in nostris
corporibus esse queat dicendum. Profectò raro
vnus solus & impermixtus humor in renibus
calculum gignit: nam à natura per se non ex-
cernitur, & separatur à massa sanguinea aliis
per renes quàm serosus. Tamen in corporibus gu-
le deditis, quæ propter incautam victus rationem
solent plurimum crudorum humorum, & pitui-
tis tenacioris coaceruare, fit vt aliquando demã
data ea ad renes (natura superfluum deponere
volente) calculum ingeneret: quemadmodum

estiana

etiam in pueris fieri videmus, lapide in vesica laborantibus. Verum præter hunc humorem nullus alius syncerus videtur mihi calculi in renibus causa esse. Ceterum in omnibus ferè, saltem in plerisque; massa ipsa sanguinea calculorum generationi materia est, sed vario & diverso modo permixta. Etenim aliquando illa commodè temperata, illapsa cum seroso humore renibus, calculum generat: quia glutinosa non est, dissolubilem, nec admodum compactum: talis ille est quem rufum continuè arenæ in modum cum latio excerni diximus. Quod si massa sanguinea pituitosa fuerit, solet producere magis compactum, maiorem, nec ita dissolubilem calculum, albescentem aut subfuscum, ut pituita sobolem agnoscere possis: si ea biliosa fuerit, maximè ex bile torrida & crassiore, etiam calculum generat, sed rarius: is etiam difficile soluitur, quia ex crassa materia, colore pallido, aut subflavescente, aliquando pullo, & inter utrumque dictum medium locum tenet: Nam ut ille qui ex simplici massa sanguinea est, eò facilius soluitur: sic is qui ex sanguine pituitoso, illo difficilius. Et quantum duricie, & soliditate superior est eo, qui à massa sanguinea originem traxit, tantum superatur ab illo qui à sanguine pituitoso generatus est: sic quantum ab hoc relinquitur, tantum illi superat. Dissident etiam inter se, quod calculus qui ex pituitoso sanguine est, ferè maior est, & super

super

superficie aequaliori: qui verò à massa sanguinea biliosa, minor ut plurimum, & magis inaequalis, & asperior. Si vero massa sanguinea melancholica fuerit, statuitur etiam à Medicis calculi materia: quod tamen rarius (si unquam accidit) fieri consentaneum est: quandoquidem is humor difficilior se in renes insinuare potest, multò minus se in os humoris, qui eum deducat, aptè permisceri, & ferè natura eum per alia conuenientiora loca præcipitat, aut excernit. Hæc mihi eo modo se habere de calculi materia semper visa sunt, licet nonnulli paulò aliter hanc rem intelligere videntur. Efficieus verò calculi causa profecto nulla alia esse potest, ut diximus, quam calor aut vniue si corporis, aut hepatis, & renum, aut renum tantum. Qui eo modo non solum humorem contentum assant quodam modo, & resoluta tenuiore parte cogunt, densant, & tanquam in fornace percoquunt: verum etiam propter calorem ad se humorem alliciunt. In subiecto in quo morbus est, renibus nimirum, sola imbecillitas reprehendi solet, quæ aut calorem interpretatum causam habet: vel quia vlcere, aut id genus alia dispositione conflictati sint: aut quod patentiori meatu sunt conformati: aut quod in plus patiat eo in loco, ubi emulgentes vulgo dictæ vasa sese insinuant renibus, quàm ubi præputæ, hoc est, vasa vrinam deferentia erumpunt, ad veficam hinc inde descendentes: nam ita fit, ut facile

cile cum seroso humore crassa materia tracta
 illabatur, difficile expellatur: quod aliquando
 in sectionibus corporum observatum est. Ha-
 rum causarum solū memini, quod sine carū co-
 gnitione in hoc affectu curatio ex arte institui
 nequeat, quare etiam de ijs paulo latius fortē
 quam poscebas disse ui. Verum iam ad cu-
 rationem veniamus, quæ sanè ex arte pro diuer-
 sitate prædictarum causarum variari debet.
 Nam si calculus è corpore humoribus repleto,
 aut, ut vulgò dicunt, sanguineo auferri debet,
 profectò à sanguinis vacuatione curatio auspi-
 canda venit: quandoquidem cætera omnia re-
 media non poterunt ex usu esse, nisi euacuatio-
 ne primū, quod superfluum est in corpore, au-
 feratur. Etenim quæ calculum è rebus ex-
 terminant solent ut plurimū calida esse, diu-
 retica, hoc est, vrinam mouentia, quæ quia san-
 guinem solent quasi liquare & fundere atque
 humores ad renes præcipitare, consueuerunt eos
 plurimū onerare: non consultum omnino est,
 ut ea nisi prius euacuato & expurgato, hoc est à
 superfluis & excrementis mundato corpore,
 exhibeantur. In cæteris dispositionibus non ea-
 dem difficultas neq; necessitas: nam si is abun-
 dēq; est massam sanguineam purgare secretis il-
 lis humoribus, qui eam corrumpere videbantur.
 Sic si pituitosus sanguis calculi in corpore ma-
 teria est, is partim concoquendus, partim ex-
 purgandus

purgandus venit. Ita si biliosus, superflua
bilis omnino auferenda. Et ita in reliquis. Quae
propter hoc scire decet, quae calculosos iuuant,
non esse vnius generis. Nam quae diximus eos iu-
uant, quia materiam calculi demunt: ita alia pro-
sunt quod incidant, quod attenuant, quod laxant,
quod lubricos meatus (per quos deduci debet)
reddant: alia quod atterant quasi: alia iuuant quod
tali aut tali facultate, sint praedita, quemadmo-
dum in multis alijs, & passere troglodue Regu-
lo, vulgò dicta amacula videmus.

Quare si tibi aetas constans est, & vires fir-
mae, habitusque corporis non planè longitudine
morbi, & dolorum acerbitate attritus & disso-
lutus, omnino tibi autor sum, ut cures internam
brachij venam aperiri, eius nimirum quod è di-
recto respondet magis affecto reni. Eam verò
quantitatem demi velim, quae praesenti medico
consideratis cum iudiciorebus omnibus neces-
saria visa fuerit. Paucis deinde intermissis diebus
aperies venam in poplite (si sortè habes hominem
exercitatum, qui eam noscat, & tundere valeat)
aut circa talum alterutrum, si alter ex renibus
plus altero laboret: aut venis circa talum in utroque
pede apertis, si ex equo renes sunt affecti, sangui-
nem demes: quarum prior auertit humorem à
parte dolente & euacuat, posterior magis à loco
affecto educit. Ex posteriore euacuatione hac, mi-
rum quàm soleant hoc morbo laborantes leuari,
quod

quod ego frequenti experiētia cognoui, primūmq;
ex Hippocrate didici 6. epid. part. 1. aph. 6.
& post eum Aëtio lib. 11. cap. 5. hoc ipsum
docentibus. Post hanc sanguinis euacuationem
(nisi vehementes dolores præsentes alia remedia
interponere nos cogant) velim corpus euacuari
non una vice, sed reiteratis, idque interpositis
diebus, aliquando duobus, aut tribus, aut pluri-
bus, prout visum fuerit præsenti, & curationem
administranti medico, qui hoc ex virium corpo-
ris sui cognitione, & nocentiū in corpore humo-
rum multitudine facile dignoscet. Præscribo
hic in eum usum puluerem solutivum, qui sine
detrimento optimè educit eos humores, qui so-
lent calculo materiam præbere, diuertit humores
à renibus, eosque expurgat, est, ūe hic pulvis in
Callia hac multis probatus, qui eo se subinde
à gravissimis renum, item & coli doloribus
liberarunt. Pulvis hic esto.

R2. fol. senæ ʒ ij. Rhab. opti. ʒ s.
Tu bit. ʒ j. s. Hermodact. ʒ ij. gra. v.
Pol. podij ʒ s. Cinamomi & Ziberis Miliij
solis (quod lithospermō est) Saxifragiæ, Seminij
Genistæ ana ʒ j. Pulverisentur omnia subtilis-
simè & misceantur. dosis à ʒ j. ad ʒ j. s.
in vino albo, aut vermiculo non intensi coloris,
etiam in ipsis gravissimis doloribus cū iuvamen-
to & tuto exhibui: poteris aliquando ipsius quan-
tatem agere, vel hoc modo assumere.

o

R2 pul

R². pulueris supradicti ℥ j. aut ℥ ij.
aut ℥ s. diasebesten non solut. ℥ j.
misce, fiat bolus detur horis quatuor ante ci-
bum. Electuarium hoc renibus affectis uti-
lissimum esse constat. Quod si amarore ingrato
molestus est praescriptus puluis, admixto Zac-
charo is aliqua ex parte tolli potest, & pro
ratione dosis exhibenda augeri.

Quae hactenus scripsimus necessario ad-
ministrari debent, siue dolor praesens urgeat,
seu per accessiones redeat, & recidivam faciat.
Si vero dolor male & grauter habeat, is hoc
modo tolli à me solet, partim per os assum-
ptis, & inferius iniectis, partim ijs quae quo-
quocunque modo exterius adhibentur.

Per os velim singulis diebus potionem hoc
modo concinnatam manè epotari, & aliquan-
do vespere ante caenam reiterari.

R². Nucleos persicos nu. xiiij. Succu liqui-
ritia ℥ j. lactis seminum frigid. maior. extra-
cti ex aqua malua, vel capil. ven. ℥ ij. s. vini
maluatici ℥ iij. s. mixtis omnibus contusis nu-
cleis & dissoluto succo fiat potio. Vel huius loco
quod ego expertissimum habeo ex puluere sequen-
ti, aquis subscribendis immixto, exhibeatur ut
dicemus. Puluis hoc modo fiet.

R². Cineris leporis integri combusti in furno
secundum artem, partem decimam. Lepus
suffocari debet ne vel sanguinis gutta ex eo pe-
reat.

reat. Saxifragiæ ℥ s. Baccarū lauri ℥ iij. Se-
minum violarum, fructus integri bardanæ di-
etæ herbae, hoc est, ericiorum lappa maioris, vel
personatæ ana ℥ j. fol. quercus ℥ ij. pulueri
sentur omnia subtilissimè, & seruētur in vsum.

Accipiatur quantitate ℥ j. in vino albo ma-
ne, ieiuno ventriculo. Verū multò est effica-
cior, si sequēti aquarū mistura dissoluatur, quæ
hoc modo concinnari debet.

R2. Aquæ ex stercore bouino in Maio mē-
se distillatæ ℥ iij. Vini maluatici, vel albi
potentis, quod per horas 24 raphanos cōcisos
in vase vitreo infuderit. ℥ ij. Aquæ frago-
rum distillatæ ℥ j. Succū arantiorum vel li-
monum ℥ iij. misce. fiat potio in aurora. Hæc
quātitas paulò maior assumi pōt si placet, & vt
palato gratius sit medicamētū admisceri pōt pau-
lū syrupi de capil. veneris, vel mellis rosacei, et
p se epotari: vel si efficacius desyderas, pulueris
suprà scripti ℥ j. pondus in eo dissolu, & sin-
gulis diebus cū iuuamēto propinari. Hæc sunt
remedia quibus ego in ea dispositione semp sum-
cum magno successu vsus: non mea quidem o-
mnia, sed quadam ex alijs primum accepta.
Quæ inferius clysmata infundi tempore doloris
possunt, ea debent laxare, mollire, lenire, flatus
discutere, feces & crassiora excremēta educere,
atq; renes roborare. Quare cōfecta sint necesse
est ex dococto, parietaria, althea, camomilla, mal-

ua, meliloti, capil. veneris, betonica. S. fœni-
 graci, lini, coriandris, hordeo, omento, vel extre-
 marum partium, & capitis veruecis, & id
 genus alijs, vel omnibus, vel quibusdam. Ad-
 di possunt quæ urinam mouet, fœniculus, apiũ,
 petroselinum, raphanus, cardamine, sion, sisim-
 brium & alia. Admisceri etiam olea harum fa-
 cultatibus virtute similia. Aliquãdo solutiu
 quedam medicamenta his immisceri, diasebe-
 sten maximè, diaphœnicwn, cassia, electuariũ le-
 nitium hisquæ similia. Exteriùs applicari de-
 bent quæ leniter discutiunt, quæ laxant, quæ
 dolores mitigant. Laudo maximè si dolores ve-
 hementes sunt, aliquando balneum aquæ dulcis,
 aliquando infusiones in oleo, aliquãdo fomenta
 ex decoctis herbis supradictis pro vsu clysteriũ:
 & ex eisdẽ confecta cataplasmata, alijs quæ
 ex vsu sunt farinus, & pinguedinibus, & id ge-
 nus alijs, quæ omnia debet administrari, iã elo-
 ta aluo clystere, vel expurgata per os exhibitis.
 Hæc sunt quibus omnino cõfido te nõ solũ euasũ
 rũ acerbissimos dolores, quos ex calculo renũ pa-
 teris, sed etiam planè liberatũ iri & curatũ spe-
 ro, si sue int à te rue & cũ iudicio adhibita. His
 tamẽ quedã subiungam paratu facilia, quæ in
 prõptu semper esse possunt, quibus aliàs hũc mor-
 bũ perfectè curauĩ, aliàs his ipsis corpora multa
 ab eo præseruauĩ. In eo maximè laudo vsum fre-
 quentem nucleorum persicorũ, vel si haberi non
 possunt

possunt amygdalarū amararū: do edēdos decē vel
 duodecim mane in principio prādij, vel ante il-
 lud paululū, & statim albū aliquod nō admo-
 dū imbecille vinū in exigua quātitate propino.
 Itē probatus est mihi virgæ aureæ dictæ herbæ
 pulvisculus, vel artemisiæ, vel calami aromatici,
 pōdere vnius drachmæ in vino albo in aurora ex-
 hibitus, sed ipsorū sit frequētior vsus. Itē accipio
 radices althææ, elotas, exēteratas, vt ita dicā, in
 fundo vino albo bono, deinde distillo, ex aqua
 distillata propino tempore doloris cyathū dimi-
 dū, & inuatur. Itē accipio aliquādo colūbū in-
 uenem, de plumo, abscindo caput, pectus integrū
 cū alis aufero, crurā tē & coccigū ossi, eijciōque
 intestina omnia, relinquo solū dorsum ipsum,
 & quod ipsi interius adheret, exsicco in furno
 in crate ligneo, puluero, eumq; pōdere ʒ i. vel
 ʒ ij. exhibeo in vino albo nō sine magna utili-
 tate. Passertroglodites, ferē ab omnibus, licet ma-
 lē, dictus regulus anicula, quocūq; modo exhibi-
 tus, me experiente inuat calculosos. Hac sunt
 quæ absens absenti tibi Reuerēdissime Abbas
 in salutem tuam conferre possim, quæ sane mi-
 nuēt morbi, & dolores acerbissimos mitigabūt,
 si curare omnino haud queāt. Scripsissem diligē-
 tius, si de omnibus me certiorē vi decebat, fecis-
 ses: qđ si feceris, videbis mihi neq; doctrinā neq;
 diligētiam, nec minus volūtātē te inuādi defuisse.
 Luguduni

Consilium decimum sextum in calculo renum cum insigni eorum calore in muliere grauida: in quo multa de abortu, ad Fabricium Nobilem, Lucensem medicum.

Cum ante dies aliquot Elisabetham uxorem Nicolai puerperam curandam suscepissem, vir clarissime, omniaque mihi (ni fallor) secundum rationem facienti, non secundum rationem suam cederent, consului ut unum ex celeberrimo vestrae urbis Medicorum collegio mihi coadiutorem deligerent: nam sic futurum ut coniunctis viribus, communicatoque consilio, natura adiuvante, facilius morbum depelleremus. Qua de causa Nicolaus te potissimum consulere voluit, cuius diligentia & arte iam antehac saepius feliciter esset usus, cum in suis ipsius salute, tum suorum sanitate tutanda & defendenda, morbisque curandis. Ego igitur mei officij esse duxi paucis ad te perscribere, omnia illa, quae hactenus me praesente contigerunt, quae a me instituta sint, quidque ea effecerint: denique adiungere, quid mihi posthac videatur faciendum. Quibus omnibus consideratis, urinamque quam mittimus (nam & haec praeterquam quod humorum in vasis contentorum, etiam earum partium per quas expurgatur, dispositiones non obscure notare solet) visa, quo es singulari iudicio

dicio & eruditione, censuram ferre poteris, re-
 Etane ratione haëtenus omnia sint acta: adscri-
 bere pratercà quid posthac videatur faciendum:
 & si ea quæ mihi probantur, non satis tibi con-
 uenientia videantur, noua & meliora remedia
 suppeditare, aliòsque agendi modos docere. Sed
 vt ad rem ipsam veniam. Iam quartus agitur
 mensis cùm fortè fortuna sub noctem laxandi
 animi gratia cum Nicolao deambularem, is eo
 tempore vt fieri consuevit rem vnam ex alia de-
 ducens, narrat vxorem suam in vtero habere,
 eamque ita graui renum & lumborum cruciari
 calore, vt abortus periculum timeret: petit in ea
 re à me consiliū, etiamsi nullo vellet, propter fœ-
 tum, vt i medicamento. Ego qui libenter operam
 meam amicis do, inquisitis circumstantiis, nō ta-
 men visa vxore grauida, victus rationem ei præ-
 scribo, atq; consulo vt eas partes subinde cerato
 humido (vulgus Infrigidās Galeni vocat) sed cō-
 fecto ex rosaceo oleo, sæpius frigida, deinde aceto
 loto inungeret, contegeretq; easdē viridibus vitis
 folijs: & si ceratum vellet paulò efficacius, sem-
 peruiui succū immisceret. Hoc iudicanti tū tēpo-
 ris, cū & Solis & Syrii æstu vehementi preme-
 remur, non fore inconueniens, neq; quicquam tū
 ei nociturū. Hoc vnguento tota ferè æstate
 est vsa. Post duos deinde mēses declināte æstate
 cū fœtus iā in vtero adolesceret, perseverante
 tamen renum mala dispositione, me ad se vocant,

quo p[ro]spicerem, quoad eius posset fieri, ne abortiret: nam id vehementer timebant. Eo tempore menstrua purgationes ceperāt paulatim fluere, ipsa cruciabatur ex eo, cum dolore, renum calore, vigilijs, ante octiduum inhorruerat tota, & quodam modo rigore aliquo erat concussa, quem tamen non exceperat febrilis calor, aut subsequutus sudor. Ego his, & similibus symptomatibus consideratis, & audito precedentis partus abortu, prädixi abortus summum periculum: nam

» quæ utero gerentes fortiter calesunt sine occasio-
 » ne manifesta difficulter pariunt, dicit Hippo-
 » crates 5. Aphorism. 51. & cum periculo ab-
 » ortiunt. Addidi præterea foetum in utero agro
 » tare, docente illud eodem Hippocrate nostro in
 » Aphorismis. Si mulieri utero gerenti eant
 purgationes, impossibile est foetum esse sanum.
 Uteri retentrix vis calore vicinorum renum
 erat deiecta, foetus imbecillior minus alimentū
 assumebat, & hoc ipsum quo utebatur, ad nu-
 tritionem erat ineptum. Erat enim meo iudicio
 sanguis calidior, magis biliosus, magisque acris
 factus: cuius etiam rei indicium præbere potest
 rigor qui ante dies octo præcesserat. Hic ego nul-
 lum graue remedium, ne infamaretur, adhibere
 volui. Ut tamen aliquid viderer agere, data vi-
 etus ratione, vnguento iussi inungi renes &
 pecten, quo & firmarem eas partes, & refrige-
 rarem. Vnguentum accipit malum punicum
 dulce

dulce unum, hoc decoquebā in vino vermiculo
 astringente, deinde conuſo illo ſuccum expreſ-
 ſum ſecundo coxi, addidi, ſic inſrigidantis
 Gal. ℥ s. Maſticus ℥ j. s. hy-
 pociſthida, acatia, ſlorum labruſca ſing. ʒ s.
 Vng. comiſſæ ℥ j. Ol. roſ. omphac. ʒ iij.
 mixtis omnibus feci vnguentum. Hoc vnguen-
 to opor eam nunquam vſam: verum priuſ, uam
 compoſitum eſſet a pharmacopola, illa abortiebat.
 Abortus tempore, (quod erat ea referente
 in principio ſeptimi menſis) iam vno foetu ex-
 cluſo me vocant: erat enim obſteirix etſi vetu-
 la, egregie inexercitata. Eo cum veniſſem,
 quero produxerit ſortum viuum an mortuum:
 mortuu dicūt, idq; pedibus pratenſis. Secūda
 excluſane ſit, rogo, negant. Iuſſi ſuffitus quoſ-
 dam fieri ex perdicis plumis, & alijs quibuſ-
 dam rebus in ſimili caſu conuenientibus.
 Hoc cum non iuaret, ſuadeo vt arreptam di-
 gitis, mectis priuſ liliaceo & amygdalino oleis
 manibus, hinc inde ad latera leniter duceret.
 Nam ſepe ex ea vacillatione procidere conſue-
 nit. Cum neque hoc ſuccederet, iuſſi eam ar-
 reptam filo quodam ad coxam ligare, ne retro-
 cederet, parturientemque mulierem ferè do-
 loribus exolutam, curauī, vt in lectum redu-
 cerent, quo vires reciperet. Exhibuique ſta-
 tim caſſiam (vulguſ canellam vocat) bac-
 caſque iuniperi albo ſimplici, & cretico viniſ

o s diſſo

dissoluta, potandam: Ita paululum quieuit, do-
 nec obstetrix paulo exercitior ex vicinis no-
 stris balneis vocaretur. Ea quod ego putara alia-
 rum muliercularu relatu secundam esse, alium
 fetum esse credebat, in quam suspicionem antea
 facili veneram ex ingenti corporis mole. Hec
 resocillatam quiete mulierem aggreditur, ac ta-
 dem suffumigij prescriptis, & sternutatorio
 appposito eam liberat, altero iam mortuo fetu eni-
 xam. Postea carnis aqua, & iusculis refecta
 mulier quiescit, sed renum ille calor restat, con-
 iungiturque illi, ut intellexi, continua quedam fe-
 bris, cuius tamen exacerbationes singulis diebus
 circa vesperam muliercula observarent. Eo tem-
 pore nullum vocarunt medicum, cum quia recens
 erat puerpera, tum quod febrem lactis esse dice-
 bant. Sic enim vocant muliercula eam febrem,
 quae ut plurimum difficile partum subsequi solet,
 & eam humorum agitationem & commotio-
 nem quae fieri assolet, cum natura humores
 aliunde ad ubera transponit, ut ibi genito la-
 cte exclusum infantem nutriet atque susten-
 tet, eamque febrem observarunt, ut plurimum,
 ad nonum diem extendi. A partu duodeci-
 mo die febris dicta puerperam reliquit, verum
 ita erat dura aluo, ut ea nihil submitteret, nisi
 quotidie clysteribus elueretur. Hoc ubi non fie-
 ret, dolores cum renum calore incresebant,
 qui iam antea feces exiccarat, durasque red-
 diderat:

diderat: sic mutuo opere & aluus & renes imbecillem mulierem frequentia clysmata auersantem agitabāt. Eo tempore me conueniunt, iubent ut aliquid prescribā, quo possit tuto illa sanitate uti, cuius beneficio aluus suum exequeretur quotidie officium: id etiamsi difficile esset prestare absque corporis lesione, in tam parua quantitate: tamen quod subscribam mulieri dedi, quo vteretur aliquando ante cibum ponticæ nucis magnitudine: nam hoc meo iudicio sanitati obesse non potest, cum humores eorumque excrementa equaliter (si quid in tam parua mole ducit) ducat. Neque timendum est quod natura assuefaciat, quo minus suo fungatur officio, nisi irritata. nam subcisiuis temporibus, & rarius iussi exhibendum, minusque eam exagitat, quam continua & quotidiana clysmata. Compositio hæc est. Accipe pulpe passularum lotarum in aqua violacea extractæ cum succo rosaceo, Conseruæ prunorum, utriusque ℥ iij. Pulpe vel carnis dactylorum extractæ cum syr. ros. sol. ℥ ij. Hæc omnia subige cum syrup. ros. sol. & decoque cum succharo: postea adijce pulpe seminis cartami ℥ j. Reub. ℥ j. pul. myrobol. Citrin. ℥ iij. indorum ℥ ij. pulueris senæ prepar. ℥ ij. eisq; omnibus commissis, confice solida forma quoddam conditum, quod consistentia diacitonitem, vel cotoniatum refert. Huius confectionis assumpsit aliquan

aliquando magnitudine nucis, atque naturali
quodammodo alius corporis excrementa reiecit.
Interim dum hæc agitur, febre remissa insignis
& continua caliditas renum mulierem exercet,
neque ullas concedit inducias, adeo vehementer
continuo cruciat, lecti teporem ferre non potest:
neque quicquam iuuamenti sentit postquam eum
reliquit, obest deambulatio, exercitium quam-
uis mediocre, obsunt vestimenta, nocet ignis ca-
liditas, percipit quendam caloris vaporem à re-
nibus leuari aliquando, qui postquam ad septum
transuersum deuenit, videtur mulier tota in-
cendi, atque exolui: quemadmodum in ijs vide-
mus sic, qui iam fractis viribus ex longo morbo
incipiunt conualescere, atque ad luculentum
ignem accedunt: nam in ijs exiguus naturalis
calor ab externo facile dissipatur, & exoluitur.
Vrinam satis copiose reddit, tinctam satis, sed
absque laudabili sedimento. Eo tempore, & in
his angustiis me vocant: ego consideratis omni-
bus arbitrabar renum esse quandam intempe-
rem calidam, atque ob hanc causam vires eorum
dissolui, copiosa vrina, & innumera alia hoc o-
stendere videbantur. Venit mihi etiam lapidis
suspicio in mentem: sed quia dicebant eam nun-
quam edidisse eius specimen in vrinis, non vlti-
rius sum progressus. Verum hoc quod sequitur
mane exhibui ante prandium, ut si qui calidi hu-
mores essent ab intemperie illa gemitu leniter edu-
cerem

cerentur, eaque partes nonnihil & refrigerij
 caperent, & roborarentur. Exhibui ex castiæ
 n. t. ℥ j. Reubarb. Seminis lactucæ sing.
 3 j. Corall. rub. gran. vj. Mixtis omnibus
 bolum cum succaro. Præscripsique unguentum
 hoc, renibus & lumbis inungendum. Unguentum
 recipit, Infrigidant. Gal. ℥ s.
 Ol. nenupha. 3 iij. Suc. Lactucæ Um-
 bilic. ven. Semperuiui sing. 3 ij. s.
 Sand. rub. 3 j. s. Corall. rub. 3 j.
 Camphoræ 3 s. violarum, florum nenuph.
 sing. 3 s. Seminum endiuie, Portulacæ,
 sing. gr. vj. Ol. ros. omph. 3 vj. Cera lota
 in aqua ros. q. s. videtur. Adderent insu-
 per, iussi plumbeam laminā vndique multis fo-
 raminiibus pertusam: eaque lumbos circunda-
 rent. Volui iussulis interim immiscerent com-
 munita frigida semina, quæ vocamus, maiora, con-
 tusa, atque in muccaginem lacteam soluta. Iussi
 cum carnibus lactucas decoqui, vinum tenue bi-
 bendum dedi, quod aqua villensis balnei esset
 dilutum egregie. Denique illa omnia, quæ vide-
 bantur eas partes refrigerare posse sine detri-
 mento, præscripsi. Habebam quoque in animo
 alias quasdam potiones præscribere: sed multi-
 tudinem remediorum auersatur mulier. Hæc
 cum curassem, auocor Pisas ad egrotum quen-
 dam curandum: interim sex continuis diebus,
 hanc viuendi rationē, vt inquiunt, sequitur: Te
 rum

rum balnei aqua vini non infringit vires: cassia pulpam deuorat: vngvine praescripto continuo vtitur, vtitur & lamina plumbea. Sic mihi narrant hesterno vespere, nam eo tempore primum redij sub noctem: calorem dicunt paulo remissum, sed dolorem intensiorem, eumque vt plurimum in sinistro rene figi, dolorem subgrauem esse, praecipue cum è lecto surgit, alias infixi aculei sensum praebere, spinam vt etiam antea solet, agrè ad motus flexilem habet, crura dolent, videnturque quodam modo torpescere: dolor à prandio post assumptum cibum videtur ingrauescere, vrina minus tincta est solito, sed longè tenuior, quae etiamsi arenulas nullas in fundo representet (quod opinor primum fieri cum lapis dissolui incipiat) tamen haec omnia mihi iam potius calculum, aut infarcti alicuius, & indurati humoris in renibus, quam cuiusuis alterius affectus indicia videntur: nam ferè haec sunt, si rectè memini, quae Hippocrates noster lib. 6. Epid. recenset, part. 1. Aph. 5. Huius rei sum certus, inflammatos non esse renes. Videtur enim ab omni febre omnino libera, vt reliqua indicia taceam, nullum est in renibus vlcus: sola calida intemperies si fuisset ex adhibitis medicamentis debebat remitti. Calculi suspicionem auget praeter iam dicta signa, singularis earum partium caliditas: nam haec sola
apta

apta est ubi convenientem materiam nanciscitur, calculos in corpore nostro generare. Frigus enim etiam si in rebus externis lapides cogat, ut iridem, crystallum, innumerosque alios: tamen nunquam in viuo corpore tantum esse valet, ut lapides ex quacunque fuerint etiam materia producat. Quibus rationibus motus hesterno vespere cepi quaedam prescribere, quae mollire, dilatare, inungere meatus, & abstergere valent. Ea tamen ita volui temperare ne calorem haberent excedentem: sed nonnihil frigidi, quod eas partes consolaretur, & corroboraret. Clyisma quia iam biduo non subsederat curavi inijci, ex decoctione capill. ven. maluae singul. m. j. s. rad. althaeae ℥ iij. Seminum lithospermi ℥ j. facta in iure pulli, admixtis ol. scorpionum, aneihino, violato, Cassia colata, & pauco butyro. Iussi praeterea decoqui in lib. vi. aquae & aceti ℥ iij. Seminum fenig. ℥ j. s. s. lini ℥ j. rad. althaeae ℥ iij. Seminū althaeae p. s. Capill. ven. m. ij. Rosarum rub. parietariae ana. m. j. florum camomill. rad. graminis. sing. m. j. Hac decoctione legfelida irrigatam spongiam ante cibum curavi renibus applicari. Hoc iam secundo factum est, neque tamen quicquam persentit iuuamenti. His ego hactenus sum usus, quae volui omnia perscribere, ut iudicares retinens an minus ea sint adhibita. Neque piget illa subijcere.

subjicere quæ habebam in animo posthac exhibere, quibusque remedijs uti. Consului aliquando sanguinis detractionem ex exteriori malleoli vena, sed ut sit ineptarum muliercularum persuasiones, quàm medicorum sana consilia apud plerosque plus valët. In ea opinione adhuc sum, si tibi videbitur, nam aliquando singulare sum ex eo remedio iuuamentum in egrotantibus con-
 se iutus, ut taceam etiam Galenum hoc in lib. de venæ sectione docere, & Hippocratē Epid. 6. Vel si hoc auersatur, saltem binas cucurbitas cum scarificatione, hinc inde imis & infimis natibus applicare. Deinde ea potanda & deuoranda exhibere quæ calculum submouent, sine manifesta caliditate, Decoctiones rad. asparag. Rubi, graminis, umbil. ven. Liquiritiæ, Altheæ: herb. rum capill. ven. Adianthi nigri (Galli saluiam vitæ, & saxifragiam vocant) betonica, Agrimonia: Seminum altheæ, Paliuri, Communium frigid. maiorum, Cicerum, messorum, haticacabi. His adiungere succos limonium, Liquiritiæ Gummi Cerasorum, Fruni & similia. Ex quibus nonnulla decoqui possunt, alia in puluerem contundi, atque ita diuersimode exhiberi: nam ea omnia ferè ut conuenientia sunt, ita exigua quedã, quedã nullã caliditatẽ obuiant. Sunt multa alia, etiam quæ propemodum omnia calida sunt: multa quæ sua quadam proprietate prosunt: plurima etiam quæ asperitate

tate quadam atterunt, quæ enumerare apud te, est planè supernuacaneum. Mulier hæc quod ferè eram oblitus, sed tamen dictum oportuit, nullo alio affectu detinetur præter quàm dicto: alioqui rectè valet. Verùm à partu semper maxime cùm mouetur, aliquid ex vtero rubicundi humoris distillat: neque vnquam is humor fixus est, quò debitum excretionis suæ tempus expectare possit. His omnibus diligenter perpensis, rogo vt nobis rescribas, quid facto opus tibi videatur, rectène an minus hætenus ea à me sint acta, quidque fieri velis. Hæc, ne meo officio deessem, prolixius scripsi, sed obiter: volebam & alia scribere si temporis plus habuissem, & nisi prolixitatis puduisset. ex Burgo vestro.

Consilium decimumseptimum in calculo renum pro eadem.

Fab. Nobil. Solenandro.

Sal. P. D.

TVis perlectis literis aperte cognoui te plurimū ingenij viribus pollere, plurimūq; tibi eruditionis inesse. Igitur mirum videri non debet si affectus, causas, symptomataque Domina Eli Zabethæ exactè cognouisti, simulque rectè curationem aggressus fueris. Cuius enim re-
cta ex illorum cognitione, tanquam ex filo quodam pendet. Quod si morbus non cessit, hæc in
p huius

huius contumaciam, meritò referri debet: neque tamen ob hoc ab incepto desistendum est, sed a riuus oppugnandus, & frequentioribus ictibus concutiendus, ut tandem victus cogatur victricis naturæ leges subire, & obsequi. Quod quidem fiet presidij tempestiuè admotis, vel intro deuoratis: & ut statim rei cardinem petam, victus ratio mediocris instituenda est. Cibi enim probi succi sint, & qui pauca excrementa gignant: mediocriter calidi, & qui attenuent. Nam ex indicij alatis non levis suspicio incidit, ne hæc lapidem in rene sinistro habeat, qui quidem fieri ut plurimum assolet ex humore crasso, & viscido tanquam ex causa, quæ rerum ortui subijciuntur. Calor autem seu ardor circa renes, aut vesicam opifex causa est. Nam hæc mulier iam diu est quod de immodico calore renum conquesta est. Præterea cum in utero haberet, non poterat se exercere: & multa etiam in prægnatibus aceruantur excrementa, quæ singulo quoque mense excernere consueuerant: Præterea mulier frigidior quàm vir, idcirco ad pituita generationem magis idonea: & plurimum etiam mulieres intra ædes & domesticos lares instar testudinis se continent: igitur multa cruda, & pituitosa in ipsis gigni, & acceruari credendum utique est. Non negarem tamen multa biliosa, venosum genus occupasse

passe. Causa igitur videntur adesse pro la-
 pide creando : & si in urinis non subsederint
 arenae, non propter hoc mutanda sententia:
 quia multoties lapis est levis, & exactè con-
 cretus, compactusque, unde urinae lamben-
 do nihil abradunt: sensus alicuius ponderis per-
 cipitur, quod aliquam facit fidem: crux è dire-
 cto torpet, stupetque: urinae magis nunc viden-
 tur perspicuae, tanquam exactius percolatae.
 Summopere igitur timendum, vel quod praesens
 sit lapis, vel saltem futurus, cum locus, ma-
 teria, opifex praesto sint. Patitur etiam non-
 nunquam muliebrem fluxum: nam aliquando
 distillat sanguis. Unde vel acredinem sanguinis
 vel uteri retentricis facultatis imbecillitatem o-
 stendit. Quare cum affectus magnitudo insit,
 non parum insudandum, & cum praesens mini-
 me sit, tibi fidem habeo, quia omnia dilucidè &
 aperte enarrasti: scire tamen exoptassem quo
 modo mulier fuerit à partu expurgata. Nam
 suppressi menses à partu malè: praeterea an
 colorata mulier, an decolor: & quis color
 efflorescat, an pallidus, plumbeus, subniger,
 vel subalbidus: & qua etiam viuendi ratio-
 ne sit usa: & si unquam sanguinem minxerit.
 Nam si non probè expurgata omnino saphenam
 aperirem, & si corpus prauis esset infectum
 succis, exhibitus syrupus, qui vim haberent
 preparandi, vel concoquendi humores noxios,

& qui superant in corpore siue biliosi aut pitui-
 tosi, aut atrabilarij sint, aut etiam mixti, propi-
 narem aliquod medicamentum, quod humores
 vitiatos, noxamque inferentes purgaret. Quod
 tamen medicamentum ex salubribus concinna-
 retur, ut radice barbarica, melle aërio, diacatholi-
 con, & huiusmodi. Postmodum autem deuenien-
 dum esset ad ea præsidia quæ lapides atterant &
 expellant à renibus, vel expurgent materias il-
 las, quæ in lapidem, nisi occurratur, degenera-
 rent. Et si corpus huius, quod minime tamen
 reor, sanguine abundaret, neque menses flue-
 rent, non crederem absurdum, inutileque esse,
 venam cubiti interioriorem secare, nam & hanc
 sanguinis missionem auscultant renes: deinceps
 die interiecta saphenam aperire. Sed parciore sit
 utraque sectio: nam prior auerteret, secunda
 verò magis à parte lesa euacuaret. Quibus pe-
 ractis, purgationem moliri, & ab hac urinam
 cientia porrigere, quæ tamen mediocriter ca-
 lida sint. Et certè, ut dicam liberè quod sentio,
 facta corporis euacuatione, tam per vene sectio-
 nem, quam per medicamentum purgatoria vi
 præditum, crederem nisi virium infirmitas dis-
 suadeat, aut febris aliqua, quod potius aquæ vil-
 lica posset huic mulieri summopere opitulari,
 quoniam calorem renum retunderet, humo-
 res ibi fixos, vel forsàn etiam & lapillos ex-
 pelleret, & illi etiam sanguinis distillatoni
 opem

opem ferret: Nec tempus anni obstat, quoniam aquæ naturales tam hyeme quàm æstate suas vires custodiunt. Et si aër circumfluus frigidior, humidiorque sit, potest ignis ad mediocritatem deduci, vel calidior fieri: etiam sanguis, & si rigeat hyems, vel æstus sauiat, mittitur, ubi dura necessitas cogit, & impellit. Sic & medicamenta purgantia porriguntur, licet Vere & Autumno hæc tutiora sint, & iam etiam mensis vnus transactus est ex quo ista peperit, neque eius corpus amplius funditur, nec hæc aqua aliqua est praua infecta qualitate, & moderatè purgat, ac partes laxas firmat, & corroborat.

Sed sat sit monstrasse locum. Si dolores infestarent, laudarem infusa per clysteres ex seminibus foenigraci, seminibus lini, cartami, cum succo casie nigrae, benedicta, oleo anethino, pinguedine anatis. vel gallinae, ex aqua è Testuccio, admoneantur quæ tepidum calorem, sed non quæ astringant. Oleum amygdalar. dul. potum, sed recens sit, probò: etiam resinam terebinthinam, vel quando vrgeret casus potius aqua è Testucci summo opere conferre consuevit. A cuius potu postmodum, & quæ vires recolligant, & quæ calorem moderentur offerri poterunt. Vale, & vt soles me ama. Luca.

Conf

Cofilium decimumoftauum in
vrinæ difficultate, & quadam in-
ter meiendum interceptione, in
quo etiam de vfu balnei. Pro
mercatore Florentino.

Licet à ceteris Medicis fatis fupérque ea
vrinæ difficultas, quam experitur hic No-
bilis vir, cognita fit, & caufa perfecta, tamen
quia iubet, vt quoque aliquid in ipsius cura-
tione auxiliij feram, pauca quedam de ea dicam:
atque illud primum, quòd difficultas illa vri-
næ, & illa inter meiendum interruptio, vel in-
terceptio ab eadem caufa prouenire, atq; eiusdē
caufæ effectus effe mihi videntur, quemadmo-
dum paulò pòst oftendam, vbi antè eius caufam
quesuerim: Vrina recepta in vefica (nam quòd
defit eius materia, vel aliò quàm ad veficam de-
feratur, vel in itinere ab affectis retribus, vel
vntingois, intercipiatur non est opus hoc loci re-
ferre) difficile redditur, vel quia meatus occlu-
ditur, & quodammodo conuinet, vel quia ex-
pultrix vis fuo munere non ritè fungitur, vel
quia mufculus qui veficæ collum ambit, propter
aliquè affectum, voluntatis imperio difficulter
obedit: Quæ ex his mali caufa fit confide-
randum. Meatus minus patet vel quod obstrua-
tur, vel coarctetur. Obstruitur ab humoribus
crassis, vifcidis, multis, calculo, pure, grumo,
carnu

caruncula, vel aliquo alio tumore vesicae, aut vicinarum partium. Quod ex his causis nulla in eo urinae difficultatem faciat, certum est, Nam quod nullus tumor in vesica sit, constat, quia nullus dolor, nulla tensio, nihil tactui, vel ceteris sensibus tumidum apparet: quod item non in ceteris partibus, cognoscitur, quia nullius alterius actio laesa sit. Quod neque calculus sit, neque caruncula, iandudum catheter subinde immissus, & alia indicia certum eum fecerunt. Sanguinis grumus, aut pus esse nequit, quod nullus alius affectus in corpore fuerit, ex quo haec expurgari possint: taceo quod tanto tempore, vel semel excretum aliquid tale fuisset, atque tum urina expedita magis reddita: quod idem de crassis, & viscidis humoribus accipiendum venit. Relinquitur igitur vitium hoc attribuendum esse, aut ipsius vesicae expultrici facultati, aut musculo eius non agente, ut decet, aut utrique. Atque ut hic dicam quod sentio, arbitror utranque causam hanc, conferre aliquid, atque concurrere, vesicae scilicet expultricem debiliorem factam, & musculum minus obedire motui voluntario: atque utriusque causam existimare decet esse ab intemperie frigida, idque in ipsis fibris vesicae mucro quodam frigidore imbibito, unde laxiores, factae in sese contrahi

non possint, & expulsionem obire, Musculum
verò propter frigus minus ad mouendum habi-
lem esse. Quapropter cum in eam actionem in-
tentiùs voluntas intendit, ac quasi omnem fa-
cultatem eò reuocat, multa tandem mora laxato
musculo, & aliquantisper fibris cōtractis emit-
titur vrina. Et quia virtus admodum imbe-
cilla est, & musculus malè habilis, sit vt in ipsa
actione, hoc est, vrinae excretionē, subinde illa
intercipiatur facultate deficiente, & instru-
mento minus ad actionem apto. Quod etiam sæ-
pe & multum in aliarum partium actionibus
obseruamus: nam musculus, exempli gratia, in
brachio propter similem intemperiem debiliori-
bus factis, & facultate integra non præsente,
attollimus, vel extendimus quidem brachium,
sed magno conatu & longa mora, necnon subi-
tò & sepe recidit, vt in tremore cōtingere vi-
demus. Quod autem frigida intemperies sit
huius causa, multa ostendunt, longitudo mali,
vrina quam vt plurimum albam & crudam ex-
cernit: itē quòd ex Guaiaco ceterisq; calidis iu-
uamentum senserit, atque potissimum illa, quæ
successit in Venerem egregia impotentia, cer-
tissimum frigida intemperiei indicium. Totus
denique habitus corporis illius, hoc docere potest,
& alia multa, quæ ne longior sim, subiceo.
Quod in vesicæ fibris muccus quidem pituito-
sus descendat, indicium inter cetera dare pos-
sunt

sunt filamenta illa, & alia id genus pituitosa
 sepe urinae innatantia corpuscula, ut ex varijs
 Galeni locis dictate etiam ratione colligere licet:
 Haftenus quia nullus dolor eam partem fati-
 gat, videtur morbus leuior: sed tamen quia ex
 δυσουρία facile in ισχυρία id est, omnimo-
 dam urinae suppressionem peruenire potest, suc-
 currendum ei est. Nam urinae suppressio, quae
 difficultati succedit paulatim, ab intemperie
 frigida, mihi ferè incurabilis videtur, & no-
 bis etiam multum reluctantis solet magna ex
 parte hominem auferre, maximè si difficultas
 urinae diuturna sit, & homo iam ad primum
 senium accedat. Nam omnia vesicae, & re-
 num vitia in senibus difficilè curantur, dicen-
 te Hippocrate. Quam difficultatem augent plu-
 rimùm quòd remedia non queant commodè affe-
 ctæ parti applicari: quòd illæ semper excremen-
 tis scateant: quòd item frigidiores sint natura,
 & maximè vesica, quæ membranosa est planè
 & egregiè exanguis. Auxilia quibus hæc
 urinae difficultas tolli debeat, facile patent
 consideranti causam morbi, & partis affe-
 ctæ naturam. Nam quia frigida intemperies
 est, calidis auferri debet: quia mucus qui-
 dam imbibitus statuitur, is & expurgandus
 venit, & absumendus. Verum quia ea quæ
 calefaciunt, & urinam ciere valent, solent ve-
 sicam imbecillam multum onerare, deductus &

P S qua

quasi tractis eò humoribus ex corpore, & eorum
 excrementis, corpus vniuersum ab his libera-
 re primum decet, & expurgare, sed quia id
 aptè fieri, & sine detrimento nequit, nisi fri-
 gidiorebus, & crassis humoribus ita primum
 preparatis, ut quod natura conquoquere non
 valet, illud, ea expellente, & medicamen-
 to trahente, promptè & facile sequatur. Pre-
 parandi illi primum veniunt incidentibus, ab-
 stergentibus, calefacientibus, concoquentibus,
 quibus semper illa admisceri debent, quæ ex sua
 natura vesicam, & illas partes respiciant. A
 quibus principio curatio omnis auspicanda, &
 ita inuerso ordine ad id perueniendum, quod
 primum propositum ex natura morbi faciendum
 inuenimus. Caterum quoniam pleraque omnia
 illa hæcenus à varijs Medicis diligenter præscri-
 pta sunt, & aliqua ex parte ab eo in vsum
 adhibita, nihil scribam de ijs: adhortabor so-
 lum ut eadem medicamenta sæpius repetita ex-
 periat. Nam quod prima vice efficere non po-
 tuerunt, saltem secunda & tertia præstabunt.
 Tamen de hoc diligenter eum admonitum volo,
 ut summa cura prospiciat, ne eo tempore cum
 vrina grauitè retinetur, accipiat ea quæ ad
 mouendam vrinam à Medicis exhiberi solent:
 quæ quoniam calida sunt, & acris, & serosum
 sanguinem à crasso segregant, docente Galen.
 lib. 5. cap. 12. de med. simp. facul. multam ma-
 teriam

teriam ad vesicam deducunt, quapropter solent aliquando graue & lethale periculum inferre ijs, qui, cum ob expultricem vesicæ vim debilem, multam urinam collegerunt, omnibus modis, diureticis vocatis, hoc est urinam mouentibus medicamentis, solent illam sollicitare: quod ut est grauissimum, & capitale crimen, ita fere à plerisque Medicis non sine errore solet statim committi in suppressa urina, diuretica, quæ illam moueant, & expellant, querentibus. Verùm in eo casu (si vnquã inciderit) potius cathetere, vel aliò medio, ut dixi, curabit primam illam euocari, postea paululum corpus purgari, & tum calefacientibus, & urinam mouentibus rem sollicitare. Remedia particularia non scribo, quòd his sit instructus: tamen ego maximè in eo casu laudo amygdalas amaras, vel ijs meliores nucleos persicos comestos. Item puluisculum virge aureæ dictæ herbe, vel artemisia, vel calami vulgaris aromatici, quæ velim cū vino albo tenui, generoso satis absorberi ʒ ij. vel ʒ ij. pōdere. Mirum quàm sint ex usu hi pulueres, si in frequẽtẽ usum adhibeantur, vel simplices, vel mixti. Lignum Guaiacum, eiusq; decocti vsus adhibita illa tenui victus ratione quæ solet, mirum mihi probatur: atq; non mihi præter rē videretur, si in eũte hyeme rursus eo utoreretur, nisi balnei naturalis, vel thermarum vsus penitus ipsum eo morbo liberaret. Victus rationem nullam

nullam præscribo, quòd illam abundè ex me per-
 ceperit, & Medici quibus cum quotidie versa-
 tur eam imperare valeant. Verùm quandoqui-
 dem in animo habet naturalia balnea experiri,
 quæ, post omnia alia remedia frustra sepe tenta-
 ta, solent ijs morbus pleròsque liberare, & meum
 in ea re consilium requirat, breuibus quod sen-
 tio expediam. Balneorum naturalium aquæ ad
 vnam omnes siccant, quædam tamen ex calsa-
 ciunt, quædam refrigerant. Quæ calfaciunt,
 & siccant, siue hæ extrinsecus corpori admi-
 nistrentur, siue potione assumantur, ex vsu
 ipsi esse queunt. Verùm ex his delectus ha-
 bendus est, quandoquidem multæ calidæ &
 siccæ assumi sine internorum quorundam visce-
 rum noxa nequeunt, aut sine incommodo ex-
 terius applicari. Quæ medicam facultatem à
 sale modico, vel modico nitro, vel alumine, &
 calorem ab igne in sulphure potius, quàm bitu-
 mine accenso habent, salubriter ab eo assumi
 possunt: & si fortè his accessit in mistione
 nonnihil virium ex ferro, omnium aptissimè
 haberi debent: quandoquidem partes quas per-
 labuntur, egregiè roborant. Huius naturæ mul-
 tæ sunt passim per Italiam, quarum vsus mihi
 probatur. Balneum apud Viterbium de Grot-
 ta dictum, mirum in modum laudarem, si ipsius
 aquam in huius morbi curatione biberet.

Etenim inter cetera egregiè vesicam, & vias
 vrinae,

vrina, & renes a viscosis, & frigidis humoribus exerit, & extritos roborat. Item balneum quod vocant *Aqua Borra* non longè à monte *Varco*, ex sale, ferro, alumine constare creditur, cuius aquam si biberit omnino iuuamentum persentiet. His adhuc magis mihi probatur aqua *Porreta*, nam ad vrinae retentæ vitia scio experimento gregiè valere. Sub salsa item ea aqua, quæ apud montem *Catinum Bagniolo* dicitur, ex usu esse potest. Item *Villensis* apud *Lucam*, licet ceteris minus, atq; horum balneorum aquas inter alias *Italiae* in istius morbi curatione bibendas darem. Verùm quoniam non solum interne exhibito remedio contra tam grauem morbum pugnandum est, sed etiam exterius applicito. Non improbo si *Villensi* aqua utatur eo modo quo scribam, quandoquidem eodem in loco uti poterit *Corsena* balneo, quo meo iudicio non inueniet aliud, quod magis sine nocumento prodesse possit lotioni. Et si fortè alio in loco, ut in *Flamminia* Balneum *D. Mariae*: in agro *Senensi* aliud, item quædam in *Patauino* inueniantur, quæ prodesse possint, tamen hoc de *Corsena* longe optimum est, & multorum experientijs approbatissimum. Ceterum ubi in *Italiam* venerit, in his omnibus consilio utetur Medici alicuius expecti. Quod si meo velit uti, suadeo ut curationem illam in balneis *Lucensibus* exequatur, quod ille locus sit temperatissimus quod

quod ibi omnium rerum necessariorum commo-
ditas, & quod summū est, quod eo in loco habeat
balneum exterius applicadū, & aliud cuius a-
quam poterit salubriter in potione eo modo, quo
dicemus, uti. Quod velim hoc modo fieri. Prius-
quam aqua potione coeperit uti (nam ea lotionē
precedere debet, ut vniuersalia solent particu-
laribus, & topicis) necessum est ut corpus antē
expurgetur, siue hoc fiat in ipso balnei loco, siue
Florentiae. Eo tempore consulto Medico si pla-
cet, poterit uti, electuario hoc solutio.

R². Benedicta laxatiua, Diasebesten non
sol. ana ℥ s. Pul. liquiritiae. s. anisi ana
℥ s. Misce, detur tribus horis ante pran-
dium. Sequentibus quatuor vel quinque die-
bus poterit syrnpos illos assumere, quos aliās Me-
dici praescripserunt, vel hoc nostro subscriben-
do uti.

R². Rad. asari, Petroselini, foeniculi ana
℥ j. Rad. enulae, liquiritiae. s. foeniculi, Peo-
niae ana ℥ iij. Calaminthes, Artemisia,
Betonica ana m. j. Sabinae m. s.
fiat decoctum, coletur, clarificetur, in quo dis-
solvantur pro lib. j. mellis cocti & dispumati
℥ iij. aceti quod infuderit flores sambuci ℥ ij.
deinde aromatizetur cinamomo, de quo capiat
manē in aurora ℥ viij. vel viij. & cōtinuet. Tan-
dē diebus illis exactis purgari, vel Benedicta,
vel electuario Damasceno vocato, q̄ utraq; mili-
val

valde in isto morbo non sine ratione probatur:
 neque displicet Diaphœnicon, vel pilula Bene-
 dicta vocata. Rhabarbarum verò quod solum
 Parisienses Medici laudant, nolim ego ab illo
 simplex assumi: quod in ea quantitate ipsius vir-
 tus ad locum affectum non penetret, & ferè aliū
 humorem quam cum, qui in ipso peccat, educat.
 Ego potius ipsius loco simplicem terebinthinam,
 vel larignam vel abiegnā assumendam arbitror.
 Vbi fuerit purgatus, & ventum fuerit ad bal-
 neum, debet vno aut altero die, & ex itinere, et
 ex purgante medicamento vires recolligere, tum
 aquā assumere. Verum id velim fieri hoc modo.
 Quod si tum tēporis eo in loco haberi queat Por-
 recta aqua, recens, eam velim triduum assu-
 mi: sin minus totidem diebus assumenda aqua
 Montis Catini, quam vocant de Bagnuolo: vel
 si ea recens non fuerit, accipiat aqua Tectutiae
 & Villensis balnei aequales partes mixtas
 (nam apud Lucensium balneorum pharma-
 copolas utraque inuenitur) atque eo modo cu-
 rationem proseguere decet ad dies quatuordecim
 vel sedecim, vel longius si opus est. Nam hoc
 modò temperata egregiè profutura est: salsa
 Tectucia dicta aqua calfaciente, & siccante,
 excrementaque frigida extergente, Vil-
 lensi verò, & hoc mediocriter agente, & re-
 ficam roborante, admixtamque aquam expedi-
 tius ad locum affectum ducente.

In assumptione huius aquæ multa sunt consideranda, tempus, quantitas, modus, & nonnulla alia. Assumenda manè ubi sponte expergiscitur, ubi cæna, quæ leuior debet præcessisse, omnino cōcocta, & digesta persentiatur. Assumere debet eam quantitatem, quam ventriculus ferre potest. Et quoniam locus, quē n orbis male habet longissimè à ventriculo disidet, quo maiorem quantitatem digerere sine molestia potest; eo melius fecerit: neque hīc debet vulgi iudicium sequi, quod omnibus eandem mensuram aquæ, septem scilicet librarum, exhibere solet. Quantitatem eam dimidia horæ spacio epotari velim. Quo verò modo assumpta digeri debeat, ipse ex tempore consilium capiet: nam non omnibus æquè excernitur, Quidam harentes in lecto, alij sedentes, alij deambulantes egerunt: omnibus hoc cōmune est, ut se à somno defendāt, & ab aëre externo maxime frigidiorē tueantur. Quare tempus utendi his aquis, est à principio Maij ad finem Iunij. Item ab Idibus Augusti ad finem ferè Septembris: nam cætera pars anni vel calore molesto vires corporis resoluit, vel frigore nimio præmit. Quod ad me attinet, quia aqua villensis semper sibi similis est, neq; unquam turbatur, placet mihi verna magis purgatio, & statim post eam huius aquæ assumptio, quam tempore Autumni. Vbi assumpta est differentium prandium donec aut omnis, aut eius magna

Quia pars per urinam vel sedem excreta fuerit. sumunt inditium excreta aqua ab urina tincta, quae aquam subsequi solet: licet & hoc non ubique & semper verum esse possit. Quod si forte primis diebus retineatur, solet euocari clysmate ex eadem aqua iniectione, & cibis longius solet differri. Et ut facilius ad partem affectam perueniat, neque multos flatu in corpore excitet, solemus, aliquando primis potius quaedam admiscere, quae pro ratione & iudicio Medici varia esse solent. Ego laudo ut his subscriptis utatur tabulis.

R^x. Cinamomi ℥ j. s.
 Cubebae, Calami aroma. ana ℥ j. s.
 Anisi, fœniculi ana ℥ ij.
 puluerisatis omnibus subtilissimè, fiant rotulae cum saccharo dissoluto in aqua artemisiae q.s. addendo muschi gr. iij. Ex ijs vnam aut alteram assumet vel ante potionem, vel statim post ebibitam aquam ad libitum. Singulis quaternis vel quinis diebus intermittendus vacuus dies à potione, & eo die clystere eluenda aluus, quem manuelem ex aqua balnei Corsenae, quam Villa: miscebit mellis anthosati, rosacei ana ℥ ij. Ol. camomillini, laurini, ana ℥ j. s.
 Quandiu haec aqua assumenda sit, morbi magnitudo & longitudo ostendit. Ad minus velim diebus quindecim assumi, post lauare pluribus diebus, ac tandem rursus ad eandem potionem

q

ti onem

tionem redire. Quocunque tempore, & quoties-
 cunque assumatur, semper ea caliditate ebiba-
 tur, quæ scaturit foras, quæ natura minimè mo-
 lesta est. Postquam tempus potionis aqua ab-
 solutum est, balneo utendum erit: in qua re non
 mihi tam placet aqua Villensis, quàm Corsenæ in
 isto morbo. Nam Villensis propter ferri, & alu-
 minis naturam, non multum se in internum cor-
 pus insinuat, sed potius externum habitum desic-
 cat, atq; occludit. Unde fit ut per accidens subin-
 de internū corpus calfaciat. Verū Corsenæ aqua
 quia nitrosa creditur, facilius penetrat, & vesti-
 cam ita iuuare potest. Tamen interim dum ute-
 tur potu aquæ Villæ, non fuerit ab re aliquando
 sub vesperam in eadem lauari, aut saltem eo die
 quo alius clystere elota est. In Corsenæ balneo
 hoc modo curationem administrabit. Summo ma-
 nè sponte experrecto homini, & coctione egre-
 giè facta, excretis, si fieri potest, & vrina & aluo,
 descendendum in balneum, ad umbilicum ferè
 usq;: Primis diebus in piscina anteriore, quæ lon-
 gius ab aquæ scaturigine distat: quo tempore
 etiam satis est ad dimidiæ horæ spatium calorem
 eius perpeti: succedentibus diebus, & diutius
 immorari, & propius ad aquæ fontem accedere
 par est. Mora in balneo solet horæ spatium termi-
 nari, verum eam is metietur pro ratione toleran-
 tiæ, & corporis sui dispositione. A lotionē sta-
 tim decumbet ad horam suam: interim tamen si

nihil dormiat, parum refert. Post indutus deambulabit leniter, donec hora prandij accedat, quam ut plurimum velim hora decima quinta esse. Nam vesperi sub vigesimam primam velim eum rursus in balneo esse, eodem modo, ordine, denique omni ratione qua mane: hora vigesima tertia coenam assumere. Interim dum balneo utetur, non mihi videretur præter rationem aliquando mane in egressu balnei aliquid assumere, quod vesicam respiciat affectam, & leniter urinam moveat, vel Zulapia confecta, vel pulveres in vino tenui & claro, vel decoctum aliquod. In omnibus his conducet multum artemisia, & ea quæ superius diximus. Laudo ego hunc pulverem.

R². Nucleorum persicorum, Cerasorum ana ℥ ij. S. dauci, sileris montani ana ℥ vi. S. fœniculi, Anisi, Liquiritiæ ana ℥ s. Artemisiæ ℥ j. Zacchari albi ad pondus omnium. Pulverisentur subtilissimè, & misceantur, capiat cochleare unum in vino albo tenui, vel aqua balnei S. Ioannis (quod ibi præsens est) mane in egressu balnei. Neque hoc absurdum videri debet: nam omnes, qui de hoc morbo scripserunt, solent statim à balneis artificialibus hæc sua remedia exhibere. Et Menghins Fauentinus celebris suo tempore Medicus in caliculo & difficultate urinae exhibet post lotionem, vel ebibit aquam Grotte, Iustinum eleuatium, vel lithontripon vocatum. Quod

q 2

si superio

si superiores lumbos plus æquo excalfaciat bal-
nei vsus, in ingressu balnei & egressu inunget
hypochondrium dextrum & lumbos superiores
unguento sequenti.

R². Unguenti sandalini, infrigid. Gal.
recent. ana ℥ j. Misce. Quod si alius
astrictior fuerit, sollicitāda aliquando ante ci-
bum lenientibus, iusculis, prunis, & id genus
alijs, vt plurimum tamen clysteribus: nam hi &
vesicam iuuabunt. Quod si sitis vrgeat, in-
termittet aliquando puluerem supra scriptum,
& vtetur saccharo rosaceo. Victus ratio-
nem eam obseruabit, quæ illi aliās à Medicis
prescripta est: & si quid in ea mutandum
erit pro ratione temporis, & dispositionibus
corporis, mutabit id consilio presentis Me-
dici, qui in eo loco doctus nunquam propter
vicinam Lucam desiderari solet. Sunt multa
remedia insignia alia ad istum morbum pellen-
dum, quæ aliās libens suppeditabo, si opus fue-
rit. Hoc tempore ea, ne longior sim, subiceo,
sperans hunc honestum virum omnino
his aquis naturalibus curatum iri.

Quod vt fiat faxit ille, qui
medicinam in vsus
nostros creauit.

Lugduni.

*

Conf

Informatio affectuum aliquot nobi-
 bilis fœminæ Laudunæ,
 Ad Rein. Solenandrum.

Ilustris quædam domina annum agens trige-
 simum secundum, natura biliosa, parua statu-
 ra, corpore satis gracili, ut biliosam decet, post ge-
 mellorum gestationem, qui me iudice (aderam
 enim cum infantes in lucē emitterentur) supe-
 rabant matrē & pondere & mole. Ab eo par-
 tu semper fuit vexata varijs & gravisimis ar-
 tuum doloribus, aliarumque partium, eoque
 potissimum tempore quo uterum gestabat. Pepe-
 rit enim bis ab eo tempore, duas filias, quæ ad-
 huc extant, & fecit abortum trium vel qua-
 tuor, habuitque ferè semper appetentiam deie-
 ctam. Sed post annum ab eo gemellorum partu
 torquebatur scyrrosis quibusdā tumoribus circa
 uterum, qui tactu comprehenduntur, subiacen-
 tibus ei dextra & sinistra parti spinæ, quæ est
 iuxta septum transversum, ea parte qua iecur
 septo colligatur vsque ad renem dextrum vel
 paulo inferius. Hæc Domina postquam varijs,
 & ferè innumerabilibus remedijs à peritissi-
 mis, atq; excellentibus Medicis toto penè lustrato
 orbe, frustra est vsa, catharticis inquam, vena-
 rum tunsionibus in multis corporis partibus, de-
 coctis ligni Indici, & rad. chinæ (qua non ut
 voluit vsa est) quod ad nos non nisi cariosa &

marcida adferatur, nec in ea copia quam expo-
stulamus) balneis, suffitibus, malagmatis,
ceratis, emplastris, inunctionibus, alijsq; hu-
iusmodi remollientibus omnibus, & anodynis
modo ad te tanquam ad sacram anchoram re-
fugit, cui solū sperat, morbum quo crude-
lissimè vexatur, debere cedere. Talem enim
de te concepit spem; ut si per vires, longam
distantiam, temporūque iniuriam liceret,
ad te expeditissimè aduolaret. Interea te ob-
nixè rogat, velis ad illam tuam super ea re
iudicium ferre, atque si quid apud vos est no-
ui mittere, quo si à morbo non omnino fuerit li-
bera, saltem morbi summa acrimonia & vis
obtundatur, ac mitescat. Vale.

Consilium decimumnonum in
arthritide & tumore scyrrhoso
circa vterum, pro nobili mulie-
re Laudunæa datum ad præ-
cedentem informationem, ad
Abbatem D. Ioannis Laudu-
næi.

QUæ ad me perscripta sunt de affectibus
nobilis mulieris Consanguineæ tuæ, Re-
uerendissime Abbas, illa quoque non sunt eo
modo explicata, ut de illis solidum iudicium
ab absente ferri queat. Etenim non satis est
scire

scire, illam articulorum doloribus statim à partu gemellorum cruciatam esse: quandoquidem ascribere decebat, quid illa interim dum uterum gereret, perpeffa fuerit: quid in ipso partu: quid item statim à partu. Deinde cuius nature, & conditionis sint hæ arthritides, an ab humore calido vel frigido. A calido esse, posset inditium dare, ipsius temperamentum (ut scribitur) biliosum: at refragari videntur tumores scyrrhosi, quos scribunt ei esse circa uterum, qui non possunt ex alio quàm frigido esse humore. Hæc mihi magis suspicionem mouent: quia quæ scribuntur in curationem adhibita esse, non omnia mihi videntur inter se conuenire: quod sanè in vno, & eodem morbo planè necessarium fuerat, si ex usu esse deberent. Verùm quomodocumque sit, ego paucis expediã, quid mihi de morbo non cognita mulieris, quidque de curatione eius videatur. Labo. at articulorum doloribus (nam de his potissimum loquar) quibus affligi cæpta est, statim à difficili, & laborioso partu. In arthritide duo potissimum considerari debent, articulorum imbecillitas scilicet, & humoris superflui & excrementitij in corpore copia. Humor hic plurimum colligitur, ubi concoctiones frustratae sunt. Partes extremae & articuli, vario modo sunt imbecilli, vel quòd motu & exercitio solito destituantur: vel quòd non concoquant, ut ceteræ

1 4 . partes

partes suum alimentum: vel quod princeps in corpore pars, cerebrum scilicet patiatur, quia cum nervae partes & iuncturae habent aliquid commune: vel ob simile aliquod, quod non opus habeo hic explicare. Haec nobilis mulier nisi plane fallor utrumque passa est. Etenim quantum coctiones ventriculi labefactentur, compatiens utero, videre facile est, in primis concepti fetus mensibus, quibus solent pica dicto symptomate affligi. Quantum vero cerebro, facile percipi potest ex uteri affectibus, maxime eius suffocationibus, in quibus ferè semper sensum & motum omnem afflictæ mulieres amittunt. Cum igitur haec nobilis matrona graviter ex utero passa sit, & male habuit in tam gravi & inconuenienti partu, mirum non est, cerebrum egregiè passum fuisse, & inde omne genus nervosum, & quicquid ad eos pertinet consortij lege mirè debilitatum. Nec minus est praeterrationem, ventriculum concepisse summam, ex frigidity cum humore, imbecillitatem: quapropter primæ concoctiones labefactatæ non potuerunt corpori commodum alimentum suppeditare. Etenim iam receptum est à medicis, vitium prioris coctionis à sequenti non corrigi neque emendari. Hinc coeperunt & tempore uteri, & post partum multa excrementa in corpore colligi: & postea imbecillæ atque eneruatæ iuncturae superfluum onus natura expellente à partibus principibus

pibus, recipere: unde arthritides ortæ, artuumq;
dolores. Quod autem hæc ita se habeant, expe-
rientia facile comprobat, & autores celebres do-
cuerunt. Etenim Hippocrates ante omnes lib. 6.
epid. parti. 4. Apud. 3. simile ferè casum descri-
bit, in quadam colicis dolorem patiente: atq; ego
eundem planè obseruavi aliàs in muliere Pisa-
na Hetrusca, quæ athritide ferè semper labora-
bat, quando à colicis doloribus libera esset: & vice
versa cessantibus colicis doloribus, miserè ex in-
iuncturis afficiebatur. Auicenna etiam manife-
stissimè hoc ipsum docet fen. 22. tract. 2. cap. 5.
Item intelligere illud videtur fen. 16. tract. 3.
cap. 6. Videturque ex eo grauius aliquod malum
euenire posse, ut videre est apud Auicennam lo-
co citato, & Paulum Aegin. lib. 3. cap. 43.
Quod si ex colicis doloribus tam graues morbi pri-
mam originem ducunt, quid uideri debet ex ute-
ri affectibus, cuius affectus maximè stomacho,
& cerebro consentiunt, cum tamen in colicis dolo-
ribus minus hoc eueniat? Taceo interim quod ute-
ri affectus, & difficiles gestationes & partus
haud dissimiles sunt longis & difficilibus mor-
bis, qui solent sæpe arthritidis causa esse, referen-
te Auicenna fen. 22. tract. 2. cap. 5. partim
quod plurimi superflui humores collecti in cor-
pore contineantur, qui neque ab arte, neque à na-
tura expelluntur: partim etiam quod multi postea
præter opinionem ingenerentur: quia omnes co-

Etiones in his corporibus labefactantur, & calor naturalis (opifex omnium in corpore nostro operationum) dissolvitur: cuius diminutio promptius in ijs partibus persentitur, quam in internis, quæ & natura sua frigidiores sunt, & exangnes quasi, & quod longissimè à primo caloris fonte, hoc est, corde, dissideant.

Quod autem hac ratione in nobili muliere hæc ita acciderint, facile consequi possumus & colligere ex continua appetentia deiecta, & imbecilla ventriculi coctione, atque ex tumoribus ijs duris, scyrrhosis, qui elapso primo post partum anno circa uterum enasci visi sunt: etenim & illi frustratam coctionem, & nutritionem accusant. Verùm quo in loco propriè sint hi tumores, ego sanè intelligere ex scripto non possum. Nam si circa uterum esse debent, ut scribitur: profectò non potest ea durities esse circa septum transversum, ubi ei iecur colligatur: quod etiam scribitur. Quare necessarium foret, aut nobilem hanc mulierem præsentem videre: aut aliter multò explicatius, omnia quæ ad corporis eius constitutionem, & morborum dispositiones pertinent, transcribi. Tamen quomodocumque se res habeat, placet paucis quæ mihi videantur facienda explicare. In arthritide duo consideramus, partium imbecillitatem, & humoris superflui in corpore copiam. Imbecillitas partium tolletur potissimè

potissimum, si prospiciamus ut transmissum sibi
 peculiare alimentum concoquat. Concoquet au-
 tem, si in illis naturalis calor excitetur solum,
 non dissipetur, dissolvaturve. Excitabitur, si me-
 diocriter exercitentur, ne otio ignavo, situ quo-
 dam, & quasi rubigine obducatur. Exercita-
 buntur lenibus frictionibus, deambulationibus
 mediocribus. Item corroborabuntur, si seruen-
 tur, ne aut vligine, vel superfluo humore ex-
 terno, vel sudore nimium madescant. Item si
 eluantur aliquo liquore, vel illinantur, qui ro-
 borandi, & astringendi mediocriter, cum leni
 discutiente, facultate praeditus sit. In hunc
 usum extra paroxysmum velim partes externas
 lauari lixivio meraciori & vino, aqualibus
 partibus, vel aqua chalybeata, incoctis flori-
 bus rosarum, stæchadis, camomillæ, & sale,
 vel id genus alijs, idque frequenter. Deinde
 abstersas illini oleo rosaceo, omphacino, dissoluto
 in eo largiore sale, & egregie intrito: vel oles
 incoctis malicorio et sale. Si paroxysmus præsens
 fuerit, & doloribus artus lancinētur, si is fuerit
 in principio, debent adhiberi quæ repellant, quæ
 interim dolores nonnihil sopiant, ne eorū acerb-
 itate humores in corpore moti, eò ruant, vel præ-
 cipitentur. In eum usum scriberem singularia,
 & mihi expertissima remedia, si mihi scripto tuo
 fuisset explicatum, qui & quales humores illabe-
 rentur: nam pro varietate eorum, hæc debent
 omni

omnino variari. Consulo etiam, ut via, per
 quas humor illabitur, astringantur: nimirum si
 in pedibus dolor est, obuoluitur crus aliquo
 astringente medicamento qualicumque. Exem-
 pli gratia, fascia madefactata in posca qua
 malicorium incoxerit, vel gallas, alumenve
 dissoluerit: vel illita vngue ex rosaceo vel
 myrtino oleo, admixto aceto, albumine oui, &
 puluere aliquo astringente. Hoc quanti mo-
 menti sit in omnibus defluxibus, si sint in
 principio vix credi potest: quare miror hoc
 tempore ferè à plerisque Medicis omitti. In
 principio etiam muuta hoc modo via, per
 quam labitur, exhibere soleo magno succes-
 su aliquod purgans medicamentum pro ratio-
 ne humoris: doctus primum ab Alexandro
 Tralliano lib. xj. cuius opinionem etiam ex
 Galeno comprobare possum, licet à multis hoc
 tempore reformidetur: quasi quæ exagitata
 sit, non amplius moueri debeat, materia, ne
 magis magisque in partes imbecillas labatur.
 Cum tamen eo tempore fluens illa materia, haud
 sit furienti vel turgenti dicta ab Hippocrate
 dissimilis, quam, primo & quarto aphorismo-
 rum libris, iubet nulla interposita mora eua-
 cuari è corpore. Sanè si nulla alia ratione,
 conueniret, saltem reuulsionis, & aliquando
 deriuationis vices sustentaret: quapropter &
 si vomitus sollicitaretur, non improba-rem.

Transa

Transacto principio iam dictis astringen-
 tibus remediis aliquid admiscendum, quod pau-
 latim discutere incipiat illapsum humorem.
 Declinante deinde malo ceteris omnibus re-
 iectis, his solis agendum: videndum tamen di-
 ligenter, ne eorum vis, quod aqueū est in humo-
 re exiccet: & quod tenue discutiat, relicta
 crassiore materia: ut subinde observamus ab
 Imperitis fieri, solum quæ discutiant appli-
 cantes, nullo emolliente vel incidente admixto.
 Scriberem particularia in eare, neque inepta
 remedia, si me certiore de natura influentis
 humoris fecisses. Nolo tibi hoc ignotum, me
 hinc feliciter uti, solo & simplici diachalcitide,
 cuius facultates videre potes apud Galenum
 lib. j. de comp. med. secundum genera. Hoc illi-
 tum super alutam applico iuncturis, quæ pati
 solent, atque iubeo ut continuo applicitum cir-
 cumsferant, sub noctem auferentes, si lubet, &
 exiccantes, mane reponant. Testorque hinc Ge-
 nuenses esse prædiuites mercatores, quibus
 aliās cum soleat esse res cum podagra, iam se
 huius usu integrum quinquennium liberos red-
 diderunt. Atque hæc obiter de partibus
 affectis & imbecilibus dicta sufficiant. Re-
 stat aliterum, & ferè potissimum caput, ut pro-
 videatur ne humores superflui & excrementa
 in corpore generentur, quæ natura queat sub-
 inde in artus precipitare. Profectò ut hoc
 obtō

obtimeamus, summa cura habenda est, ut rite
 fiant primæ in visceribus coctiones, tam ea quæ
 in cibo fit in ventriculo, quam illa quæ fit in
 generatione sanguinis in hepate potissimum.
 Quod facile fiet, si viscera coctionibus destina-
 ta roborentur: si intemperies, si quæ in illis est,
 tollatur, si caput: modo defluxus materiam sup-
 peditat, exiccetur, roboreturque tam ijs quæ in-
 tus assumuntur, quam quæ exterius varijs mo-
 dis applicari solent. De quibus omnibus ni-
 hil ego possum explicatiùs scribere, quòd ea
 absens, scripto tuo minimè explicata, diuinare
 haud possum. Non ingenerabitur etiam super-
 fluus humor, & excrementitius, visceraque
 meliùs suo fungentur munere, si observatum
 fuerit, quoad eius fieri potest, diligentissimè, ne
 delinquatur in sex illis rebus à Medicis non
 naturalibus dictis, in cibo & potu, aëre, motu
 & quiete, animi affectibus, somno & vigilia:
 & in ijs retinendus in corpore, quæ retineri se-
 cundum naturam decet, & expurgandis illis
 quæ debent excerni. Quapropter consultum
 fuerit (nam in imbecillo corpore & malè con-
 stituto fieri non potest, quin paulatim aggregen-
 tur excrementa) certis & debitis temporibus
 quædam exhibere, quæ sine naturæ molestia
 possent huiusmodi è corpore educere. In cate-
 ris omnibus observandus ordo, modus, tempus,
 quantitas, qualitas, & id genus similia.

Excm.

Exempli gratia. Cibi & potus quantitas, assumi debet, quæ à vètriculo ferri, amplecti, & sine difficultate concoqui possit, ea qualitate quam requirunt peccantes in corpore humores, & affectarum partium dispositiones. Ordine, ut præcedant cibi facilioris coctionis ijs, quæ difficilius concoquuntur. Tempore quo natura requirat. Eo modo quo præsentì Medico visum fuerit. Et sic in reliquis, quæ latius explicare non possum, quia affectuum in hac nobili muliere naturam ignoro. Iam pauca quædam subiungam de scyrroso tumore, de quo scriptum est, qui quo in loco sit, intelligere non possum: nec quousque ipsius natura pervenerit, & progressa sit: an sentiat, an sensus expers, an intus in corpore lateat, an superficiem corporis contingat. Quod si exterius palpitari, & comprehendì valet, velim ego hæc adhiberi. Principio fomentari locum spongia in decocto madefacta, quod factum fuerit ex quatuor part. rad. altheæ, & duabus part. rad. cucumeris asinini, in coctis lixivio: vel si insignior duricies fuerit, iuri carniū pinguium, addito pauco aceto. Locus deinde fovea comprehendatur ceromate hoc modo composito.

Rx. diachilon ℥ i. Mucaginis radicū altheæ, mucilag. s. lini ana ℥ iij. olei liliorum alborum ℥ vi. Ammoniæ, Galbani, Edelij dissolutorum in aceto

ana

ana 3 ij. Pinguedinis anserina, me-
dulle cruris vituli ana 3 j. Thu-
ris 3 ij. lumbricorum dissol. 3 s.
Emphorbij 3 s. cum cera q. s. fiat ce-
rotum applicandum supra alutam loco affecto,
si scirrhusus affectus exterius contingi potest.
Postquam aliquot dies vsa fuerit & fomento
& ceroto præscriptis & reiteratis, scilicet ab-
locum affectum suffitu excitato ex aceto acer-
rimo, quod incoxit satureiam, affuso pyritidi
candenti, vel molari lapidi: sed pyrites præ-
stiterit, dummodo non fuerit plumbarius: nam
hic multum obfuerit. Atque hæc reiteratis
vicibus facienda, prout præsentì Medico vi-
sum fuerit, qui hoc vel illo tempore partem in-
uenerit aut minus duram vel molliorem solido,
aut magis minusque tumentem. Hæc sunt
quæ mihi obiter scribenda videntur ad eam in-
formationem quæ ad me missa est, quod si
vberiore omnium explicationem, & in sin-
gulis quibusque remedia exposcis, facies ut
de omnibus ad amussim certior fiam:
dabo operam ut agnoscas mihi ne-
que diligentiam, neque vo-
luntatem in ea re de-
fuisse. Cura vale-
tudinem tuam.

Lugduni.

Conf

Consilium vigesimum in athritide, & nephritide, ad Magnificum ciuem & mercatorē Nurnburgensem.

Quibus vsuses Medicis, vir integerrime, & quorum scripta mihi ostendisti, tam exacte constitutionem corporis tui omnem & naturam, causas, effectus denique valetudinis tuae cognita descripserunt, tam diligenter & amice ipsius curationem instituerunt, vt quicquid in hanc rem opera mihi conferendum sit, non immerito conferri frustra existimari possit. Quod licet ita se habeat, tamen potius quam tua voluntati desim (qui voluisti etiam nonnihil consilij & auxilij me in salutem tuam conferre) illa eadem a doctissimis Medicis asserta describam, descripta rationibus quibusdam, sententiaque mea confirmabo. Quibus etiam adiungam remedia nonnulla quorum vsu curationem praesentis mali vel praeservationem futuri faciliorem, expeditio enimque futuram confido: id quod omni studio & labore pro meo munere toto mortaliū generi prestare debeo: sed praeterea pro tuis in me officijs & humanitate omni contentione animi, & industria, quod eius fieri potest, singulari, vitae tuae & valetudini quam maxime consulere, in eoque amantissimi hominis numeros explere omnino paratus sum. Quapropter

pter nonnulla paulò exactius, quàm antè scripta
 sunt, explicare conabor, & affectus quibus ali-
 quando detineris non solum præseruationē, præ-
 scribere, sed etiam curationē præsentis mali edo-
 cere. Quod ut exactè fieri queat, primū vtriusq;
 natura explicanda venit, causæ quærendæ, effe-
 ctus inuestigandi: nam sine horum cognitione
 præseruatio institui non potest, multò minus cu-
 ratio tradi. Naturalem constitutionem, princi-
 pium partium, earumq; temperamenta, ex qui-
 bus totius corporis temperatura (quam comple-
 xionem vocant) resultat, nolo hîc longius ordine
 prosequi: quòd partim id præstitum est à Medi-
 cis, partim obiter aliquid à me de ijs dicendum
 erit, quando causas horum affectuum sum per-
 uestigaturus. Vi igitur ad rem veniam. Duo
 sunt quæ te potissimum male habere solent, quo-
 rum quod molestius est, defluxus est humorum
 adiuncturas, qui cum non solum pedes infe-
 stet: sed & genuum, cubitorum, & manuum
 articulos molestare interdum soleat, non po-
 dagra affectus nuncupandus est, non aliquo
 alio speciei nomine: sed generis, arthritidis
 scilicet, hoc est articularis morbi nomen sibi
 vendicat, dicentes Galeno 3. Aphorismo-
 rum com. 16. Quod scilicet multos simul cor-
 poris articulos dolor infestat ex defluxione
 humorum ortus. Alter affectus est nephri-
 tis, quo nomine licet omnes renum affe-
 ctus

Quis nuncupari possint, intelligimus tamen
 propriè calculi dispositionem in renibus, ut
 videre est in lib. de affectib. renum, cap. 6.
 Hæc etiam suos paroxysmos habet, & exa-
 cerbationes grauissimas, pro magnitudine cau-
 sæ morbi, eiusque motione. Horum causas
 inuestigabimus, quibus cognitis, quid spe-
 randum de utroque sit, & ut cuiuslibet oc-
 currendum, facile constare poterit. Quan-
 doquidem arthritidis causam ex fluxione es-
 se diximus, consideranda fluxionis natu-
 ra, ad cuius constitutionem quatuor neces-
 sariò concurrunt. Nam considerari debet
 membrum generans, & mandans humorem,
 aliud recipiens eum, materia item quæ fluit,
 & via per quam ea à mandante in recipien-
 tem præcipitatur. Quæ omnia necessariò
 concurrunt in omnibus affectibus ex fluxio-
 ne ortis. Iuncturas in tuo corpore fluxio-
 ne tentari satè constat, sed quæ materia, &
 ubi ea generetur, & quâ fluat, non ita pa-
 tet. Qui vnquam vidit artuum inte tumo-
 res, qui cetera cognouit, facile agnoscit ma-
 teriam, defluxus pituitosam esse, habere ta-
 men nonnihil admixti biliosi sanguinis. Pa-
 tet hoc facile ex tumore, qui colore ex al-
 bo rubet, non admodum ut sanguineus, aut
 biliosus calet, non tam ingentes, acer-
 bósque infert dolores, non tam promptè
 r 2 ut illi

ut illi resoluitur, & euanesceat, sed per seueran-
 tius perdurat, satis secundum quantitatem eius
 humoris tumet, nocte magis exacerbatur, indi-
 cium frigidioris humoris prædominantis: post
 declinationem reliquit aliquid nodosi in digitis,
 quod neque ex bile, neque simplici sanguine
 fieri consuevit: sed ex humore viscido, cras-
 so, & crudo, qualis pituita est. Cætera omnia
 respondent. Huc accedit quod Hippocrates quo-
 que lib. de morbis, omnem articulare morbum
 ferè ex confusis simul pituita & bile fieri credi-
 dit. Hanc naturam esse defluxus, quam dixi-
 mus, etiam facile nobis ostendere possunt causa
 producentes eum & amandantes. Nam si quis
 diligenter considerat ventriculi tui & hepatis
 temperamentum, facile agnoscit, eorum opera
 plus sanguinis quam constitutio tui corporis
 opus habeat, licet crudioris, & imperfectè
 preparati, in te generari: quem cum natura ne-
 que satis conspiciere possit, neque consumere, ipsius
 quantitate potius grauata, quam nocente qua-
 litate incitata, eum ad imbecilliores partes
 precipitat: ad quod etiam non parum facit caput
 tuum defluxionibus mirum in modum obno-
 xium. Humor hic naturam grauans, certis suis
 temporibus non solum agitated facile in artus
 precipitatur, sed etiam propter ipsorum imbecil-
 litatem promptè recipitur. Nam inferior positus,

iunctu

iuncturarum laxitas, resolutæque earum vires,
 propter antecedentes mali accessiones, tum etiam
 à parente tanquam per propaginem ingenta in
 articulis vitiosa qualitas, abunde sunt (si nul-
 la alia exterior vnquã accessisset mali causa) ad
 eam imbecillitatem ingenerandam. Consentit
 etiam viarum ad fluxum aptitudo, nam propter
 naturam lubricam humeris qui fluere statuitur:
 ob vasorum communium amplitudinem, totiusque
 corporis miram laxitatem, promptissimè agitatius
 (natura expurgante) illabitur, ut hac ratione ad
 vnam omnes fluxionis cause huc concurrere vi-
 deantur. Quas si strictioribus limitibus coge-
 re velis, ad duas rediges, ad iuncturarum, & ar-
 tuum scilicet imbecillitatem, atque superflui &
 superabundantis humoris in corpore copiam: quo-
 rum si vna desit, imposibile est, ut vnquam ar-
 thritis exagitet. Nam si imbecillitas est artuum
 non præsentem humorem, qui influat, & qua-
 litate noceat, vel quantitate grauet, erit
 quidem quoddam motus impedimentum, ad
 nullum tumor, nullus dolor. Contra si iunctu-
 ris robustis ingentius sit nocens humor in cor-
 pore, potius quemuis alium morbum excitabit
 quam hunc. At eo, in corpore genito, & pat-
 tibus extremis imbecillis, omnino onerentur hæc
 necesse est, dum expultrix principum partium
 vegeta fuerit: etenim in eare sit ut solet in Re-
 bus publ. Quicquid delirant reges plectuntur

*Achui: quod principes in ciuitate viri & pri-
mates committunt erroris, & delinquant, ferè in
plebem, eamque infimam solet exonerari, pel-
lentibus à se robustioribus, & imbecillis resiste-
re non potentibus. Verùm quæ ratione & quæ
modo ingenerentur humores illi, & partes im-
becillæ fiant, iam ferè dictum est, & sunt præ-
tereà causæ externæ aliæ præincipientes dictæ,
quæ plurimum momenti ad hanc rem adfe-
runt: nam errores commissi in sex rebus non na-
turalibus à Medicis, dictis, mirum quàm offi-
ciant. Nam incauta & dissoluta victus ra-
tio, quæ subinde regionis more, & patriæ con-
suetudine vteris, largam defluxus materiam,
& maximas cruditates suppeditat. Venus
etiam si non frequens saltem intempestiua, plu-
rimum fecit ad utramque causam. Exercitia
item intempestiua, ut frequentes equitationes: &
his adhuc magis nimium & longius postea in-
terpositum otium, & crudos humores multos ge-
nerant hæc, & illa in corporis habitum genitos rap-
punt. Nihil dico de excrementis quotidianis sup-
pressis subinde: nihil de cæteris omnibus, quæ
partim artus debilitant, partim humoris qualita-
te, vel quantitate nocentis copiam ingenerant.*

*Quod ad nephritim attinet, non opus habeo
longius oratione prosequi ea quæ consideranda
veniunt. Etenim ferè eadem causæ sunt huius,
quæ arthritidis: quare ut plurimum qui alterutro
subie*

subiectus est, alterum vix effugere potest: nam
 ferè uterque hostis eundem affligit: atque hoc
 etiam commune habent, quòd uterque quasi
 hereditario iure per propaginem ex parentibus
 in filios innascatur, quemadmodum videmus
 tibi etiam accidisse. Tamen hoc certo constat,
 multos esse qui nephritide conflantur, & ta-
 men articulorum doloribus non sunt subiecti:
 paucos verò arthritide affici, ut observatum est,
 qui non in renibus calculum etiam ingene-
 rent. Quandoquidem materia utrique ferè
 eadem, maximè in tuo corpore: at efficiens
 causa, ut etiam ipse locus affectus, differt.
 Nam non satis est ut sit in renibus imbecil-
 litas quæ in articulo, qua ratione suscipiant
 humorem nocuum: sed necessarium est ut etiã
 calor illorum accedat, qui humorem illa-
 psam cogat, exurât, denset, ac tenuiore ipsius
 parte resoluta, tanquam in fornace percoquat.
 Etenim licet in rebus externis observemus
 lapides tam frigore quàm calore densari: ta-
 men certum est frigore hoc fieri summo, quod
 in nobis sanè vivis tantum esse nequit,
 ut lapides generet: quare solum calore fie-
 ri certum esse debet: atque in hoc diffe-
 rentia est, quòd articuli qualemcumque in-
 fluxum cuiuscunque humoris excipiant, ferè
 frigidi sunt: at renes calculum ingenerantes
 calidos esse vel proprio vel accidentali, vel

vicinarum partium calore necessarium est. Hoc calore renum excepto (qui efficiens calculi causa est) omnes illae causae quas in arthritide numeravimus, in nephritidis generatione noscuntur, sic in te eandem videmus utriusque affectus materiam, atque easdem illam generantes causas, quod liquido satis constat ex colore arenularum quas expurgatas in urinis saepe & multum, potissimum post renum dolorem ostendis. His ita constantibus, facile clarum esse potest unicuique gravissimos esse morbos hos, & perdifficiles, cum quod ex propagatione in te geniti sint, tum quod tam multos annos afflixerint. Uterque tamen licet omnino curari perfecte haud possit, quin aliquando molestus sit, tamen praecaveri potest ne tam graviter, & tam frequenter affligat: & vis item corporis valida retineri, artuum collapsa instaurari: morbosarum vero affectionum infringi valet. Neque hoc in dubium vocari debet, quasi morbi incurabiles sint: nam saepe & multum ita praeservari visa sunt corpora, ut quasi perfecte curati morbi hi, non amplius affligerint. Videre est hoc passim apud Medicos, maximè Galenum libro de theriaca. item 4. aphoris. Et lib. quos & quando purgari oportet, & alijs plerisque in locis. Observavimus itè multos cura & diligentia liberos se reddidisse, hos quod abstemij facti essent, illos quia veneremur
omni

omnino posthabuissent: nonnullos quod vñ
 essent continuo hoc aut illo medicamento: quos-
 dam quia hunc aut illum cibum tanquam no-
 xium vitassent, exercitiòque plus solito &
 labori indulgissent. Quare sedulo opera dan-
 da est, quo ab his præservari possit, vel si id
 omnino (quia vivendi ratio vobis est incau-
 tior) consequi non valeamus, saltem curan-
 dum ut à quolibet paroxysmo morbi, & cū
 & tutò liberari valeas. Quod qua ratione fieri
 queat considerandum. Articularis doloris
 causas diximus esse partium imbecillitatem,
 & humoris pituitosi superabundantem co-
 piam in corpore genitam, & in iuncturas de-
 fluentem, quæ ambæ tolli debent, aut saltem
 earum altera auferri, si præservari ab hoc
 morbo velis. Pituitosi humoris, & crudi san-
 guinis copia ne generetur, efficies victus ra-
 tione strictiore, & ijs omnibus assumptis quæ
 & in ventriculo, & in hepate laudabiliorem
 efficiunt coctionem. Quare fugienda sum-
 mopere omnis repletio tam cibi quàm potus:
 quod illa sit potissima omnium affectuum in
 corpore tuo causa. Nimum item & in lon-
 gum tempus productum otium: quod non so-
 lum pituitosum sanguinem procreat, sed par-
 tes etiam corporis extremas enervat, iunctu-
 rasque internas mucro quodam & situ, quasi
 rubigine, obducit. Saluberrima ea Hippo-
 cratis

cratis regula, tibi maxime obseruanda, qua 6. Epid. docet. precipuum sanitatis studium esse non satiari cibis, & impigrum esse ad labores. Abstinentiam quoque à cibis crassi, visci, & multi nutrimenti: à vino copioso & generoso, quod nervos mirè afficiat, & facile humores in articulos precipitet. Compositiones intempestivae omittenda: illae enim & cruditates multas generant, & fluxiones excitant. Veneri mediocriter, sed somno non multum indulgendum. Familiares excrementorum vacuationes quotidie procurande. Non opus habeo hinc latius alia omnia prosequi, neque particularem omnem victus materiam enarrare, quia illa passim à Medicis omnibus instituuntur, & ferè vulgò sunt nota. Humore iam in corpore genito alia ineunda ratio, nam euacuantibus auxilijs agendum, tam ijs, quae sensibilibus & manifestò euacuant, quàm illis quae humorem consumunt inscijs ferè nobis, & quasi aliud agentibus. Quae insensibiliter vacuant corpus, & humores consumunt, mihi valde probantur: quandoquidem corporis vires non turbant, nec labefaciunt: ut quae paulatim sine agitatione procedunt, qualia sunt exercitiũ largius, cum parciore victu, inedia potissimum. Balneum item seu hoc vapore solo fiat, seu lotionem maxime in aliqua aqua medicamentosa. Verũ quae subito, & affatim corpus exonerant

rant, ut commouent paulo plus corporis vires, sic
maiore euidencia & cum fructu euacuant. In
horum numero sanguinis missio, & purgatio pri-
mum locum obtinent, quæ utraque tibi certis tē-
poribus mirum proficua iudico. Nam cum
constet te hepate esse calido & humido, ven-
triculo sat temperato, progeneras plus sangui-
nis quam natura opus habet, vel possit consume-
re: quapropter mirum in modum tibi consulo,
ut his primis & proximis annis, dum nodum se-
nium attigisti, procures eius quantitatem mi-
nui, tam aperta vena primum, quā postea exhi-
bito medicamentō purgāte, ut natura refocillata
quasi ab onere, laudabilius operationes suas per-
ficiat, nec ullam ansam habeat grauata humo-
rem qualitate vel quantitate nocentem ex cor-
pore in articulos amandandi. Quod autem utro-
que opus habeas, facile intelligit, qui antedi-
ctorum meminit. Nec existimandum est san-
guinis missionem non conuenire, quod is cru-
dus sit: quod quidam arbitrantur ex Gal.
lib. de sanita. tuenda. Nam id intelligi de-
bet, ubi sanguis crudus est, sed paucus:
nam tum inedia & concoctionem promouen-
tibus facile restituitur. Vel accipi debet
ubi multus sanguis eo modo crudus sit, ut
longissimè à sanguinis natura distet, &
seiuñctus sit: nam tum potius purgatione
opus fuerit & inedia. Verum in tuo corpore
abum

abundat sanguis, neque is tam crudus est ut multum à sanguine differre dici possit: quare diminuentis venit, maximè cum frequenti experientia nobis constet ea euacuatione plurimos se liberasse ab id genus morbis. Ad quod accedit Galenum etiam frigidos multos morbos sanguinis detractione curare. Quo tempore hoc remedium adhiberi debeat, quomodo, qua quantitate, & ex qua vena potissimum administrari conveniat, dicemus: Tempus aptissimum designavit Hippocrates 6. Aphorif. & post eum Gal. in lib. quos & quando purgare oporteat. Illi enim vernum tempus indicant, quod eo tempore sponte sua humores moveantur, qui praecedente hyeme & plures geniti sunt, & pauciores absumpti. Item quòd tunc aëris qualitas mediocris hoc genus remedij admittat: nec non quòd eo tempore imminentium morborum periculum nos sollicitet. Quandoquidem dicente Hippocrate 6. aphorif. 55. dolores podagrici Vere, & Autumno magna ex parte moventur. Quare utrumque tempus antevertere oportet, hoc sola purgatione: illud & sanguinis detractione, & deinde purgatione. Consultum igitur fuerit in fine februarij, aut Martij principio eis auxilijs uti. Et si forte aër fuerit inclementior tum temporis, continere se in cubiculo decet temperato satis, vel hypocausto: cuius tamen calorem, si temperiem excesserit, valde suspectum habeo: quòd capita
soleat

soleat multum vaporibus onerare: & si quæ onu-
stare reperit, consuevit illicò defluxus excitare:
vnde qui non assueuerunt continuo capitis dolo-
ribus præhenduntur. Modus quo debet fieri, hic
estò priusquàm vena aperitur, biduum ante, vel
precedenti die velim ventriculum, primasque
circa viscera venas, hoc sequenti electuario ex-
purgari, ne ex his vt fieri solet crudi humores
in hepar & habitum corporis à sanguinis missio-
ne trahantur.

R². diacatholic. ℥ vi. Diaphoenici ℥ i.
Specierum Hieme S. Gal. ℥ j. s. mixtis
omnibus fiat bolus cum saccharo, detur obuolu-
tus auro, vel hostijs vocatis, madefactis vino, ho-
ris tribus ante cibum. Sequenti vel altera die
aperiatur vena. Quæ verò aperienda sit vena
potissimum, videndum. Nos solum hoc remedio
querimus vniuersi corporis euacuationem, quare
ex qualibet se offerente vena administrari pos-
set. Verum quia natura se potissimum in pedes
exonerat, ne eò trahatur materia, ex ipsorum ve-
nis sanguis demendus non est: licet renum affe-
ctorum, & calculi ratione ex usu foret. Præter-
eà cum alterum brachium magis altero cheiragra
laboret, debet aperiri in minus affecto brachio
(quod si rectè memini dextrum est) vena media:
nam ex hac & corpus vniuersum commode eua-
cuabimus, & à magis affectis partibus quasi de-
riuando reuellemus. Quantitatem extrahen-
dam

iudicio praesentis Medici relinquere decet: nam ea ab absente non potest commodè determinari. Non enim semper, & singulis annis eadem esse debet: sed pro quantitate humorum, & qualitate cruditatis si non ratione firma, saltem docta coniectura praesens Medicus aptè praescribet. Euacuato sanguine etiam expurgandum venit corpus à serosis, & crassis, viscidisque humoribus, quorum est in tuo corpore non exigua quantitas: quemadmodum ratione cognouimus, & subinde in expurgatis excrementis, & sanguine proximè detractò obseruauimus. Quae cum difficulter medicamentum sequantur, nō mihi consultū videtur vno & solo medicamento vehemētior eos mouere, & ad educationem sollicitare, sed mitiore aliquo sapienter reiterato, quod praeter expurgandi facultatem habeat etiam vim preparandi humorem ad educationem faciliorem, nimirum incidendi, aperiendi, viscera roborandi, &c. Placeret mihi hoc quod subscribam, cuius usus in simili dispositione proficuum experientia non raro inueni.

R^z. Cichorij integri, mellissae, Betonicae, Agrimoniae, Chamepityos ana m j. Cornu cerui vsti. Coriandrorum preparatorum ana ℥ vi. Liquiritiae ℥ s. Passul. p. j. S. anisi ℥ ij. Polypodij quercini ℥ j. s. coquantur omnia secundum artem ad ℥ xvj. coletur, clarificetur, in qua infunde fol. senae ℥ s. Soldanellae ℥ ij. Myrobal

Myrobal. Kebutorum 3 *vj.* *Citrinorum* 3 *ij.*
Rhab. electi 3 *j. s.* *Cinamomi* 3 *ij.* per
 noctem, mane coletur, & seruetur pro dosibus
 quatuor vel quinque addendo ad singulas doses
Syr. ros. sol. 3 *j.* vel plus, minusve pro ra-
 tione corporis, & facili tolerantia, promptave
 solutione. Eodem modo putarem expurgan-
 dum corpus Autumno, declinante feruentiore
 aestu: tamen sanguinis detractione tum omitti ve-
 lim, sed sequenti purgatione corpus sollicitari.

Rz. Decocti suprascripti addendo acetosam,
 & *pruna*, clarificati lib. *j. s.* in quo in-
 funde *Hermodylorum* 3 *ij.* *Myrobal. Kebut.*
Indorum. fol. senæ ana 3 *s.* *Epithymi* 3 *ij.*
Rhab. 3 *j.* *Cinamomi* 3 *ij.* per noctem, mane
 coletur, & cum *saccharo ros. tabulato* fiat *Iuleb*
 pro quatuor dosibus vel quinque. Hu purgationi-
 bus velim utaris tempore, & modo præscripto,
 & si aliqua in eare difficultas fuerit, aut quid
 post paucos annos videatur mutandum, hoc præ-
 sentis Medici iudicio & diligentie permitti de-
 bet. Verum hoc modo expurgato, & euacuato cor-
 pore, restat ut quicquid reliquum est in corpore cru-
 dorum humorum concoquatur, serosorum abso-
 matur, & tam mandata, quam recipientia mem-
 bra corroborentur. In quo negotio nihil equidem
 inuenio, quod possit magis prodesse, & minus
 noxium esse, quam usus ligni *Guaiaci*, maxime
 adhibita ea victus ratione, quæ hoc tempore in-
 stituitur

stitui solet: quandoquidem & victus tenuis,
 vel potius inedia, mirum absument frigidus, &
 serosos humores, crudosque concoquit, & Ligni
 decoctum quam maximè eundem effectum
 producit. Nam lignum hoc, siue primas, seu
 secundas, vel tertias, vel item quartas dictas
 facultates eius agnoscis, facile intelligere debes
 quantum hoc, in tuo corpore inuare possit.
 Etenim cum sit calidum & siccum humidi-
 tatem hepatis infringit: quia acre & amarum,
 humores incidit, attenuat, aperit, extergit, su-
 dorem, & urinam mouet: neque solum hepa-
 ti gratum est, sed omnia membra roborat, li-
 gat, firmat, & quasi ipsis tonum suum (sic
 Medici vocare solent) reddit. Quae omnia
 cum videam in tui corporis praeservatione de-
 siderari, non video quare non debeat salubri-
 ter administrari. Quapropter auctor tibi esse
 volo, ut his primis annis semper aut Februario
 aut Martio mensibus, statim post praescriptam
 aut ei similem purgationem eo, ad aliquot dies,
 utaris, ea adhibita victus ratione strictiore
 quam diximus. Tempus certum praescribere, ne-
 que terminum volo: quandoquidem pro ratione
 male dispositionis, & tum temporis corporis to-
 lerantia metiri debet. Eodem modo victus ratio
 administrari siue ea fiat largior vel strictior:
 nam ea arbitrio tuo, docente praesente Medico,
 relinquenda. Quod idem intelligi velim de for-
 mando

mando decocto, seu herbis aut alijs simplicibus
 medicamentis admixtis, seu simplici. Quod
 si meum consilium sequi placet, author sum,
 ut quàm simplicissimum decoctum assumas,
 ex lib. j. ligni lima attriti, et lib. xij. aqua bona,
 quod decoctum sit ad tertias &c. Eodem modo
 strictam dietam adhiberi velim, & paulò lon-
 gius protrahere eam tū tēporis, scilicet in princi-
 pio Veris, quàm Autumni tempore: quo etiam
 fortè hac non nihil immutari debet, & tempus
 brevius institui, & paulò alia vivendi ratio
 præscribi, quàm quæ præcessit Vere exacto.
 Antiquitus Medici homines sanè eruditi, &
 ingeniosi, & in artis operibus valde exercitati,
 solent in his affectibus uti quibusdam medi-
 camentis, quæ illi Podagrica appellare, vel ar-
 thritica consueverunt. Quæ si rectè conside-
 ramus ferè hac indicatione composita videntur,
 ut coctiones tam ventriculi quàm hepatis adiu-
 vent, pituita generationem prohibeant, sudorem
 & urinam moveant, insensibiliter corpus per
 meatus cutaneos diffilent, obstructions ape-
 riant, incidant crassos humores, & viscosos ab-
 stergant. Talia innumera passim in Medico-
 rum libris inveniuntur, & ego aliquando ex-
 pertus sum quædam non infelicitè. Tale est
 apud Galenum Theriaca in podagra, ut videre
 est lib. de theriaca ad Pisonem. Eius generis
 est ille pulvis quem prædicat quidam ex Me-
 dicis

dicis tui. Verū in exhibitione horum medicamentorum velim haberi rationem temperaturæ, sexus, ætatis, regionis, & consuetudinis. Huius loco non incommodè mihi exhiberi posse videtur Guaiaci decoctum, quod licet non sit idem cum podagricis antiquorum medicamentis: tamen eandem habet (ut vocant) intentionem, & meo iudicio securius exhiberi potest, quam cetera vel electuaria, vel pulveres calidissimi: & maiori cum fructu, potissimum adhibita, quæ institui solet, diata. Inter utrumque tempus purgationis, hoc est, mediæ interpositio tempore videretur mihi consultum esse, uti aliquando leniori purgante medicamento, quod prima solum viscera aliquando aggravata expurgaret. Nam fieri non potest, quin in tuo corpore, in ea victus ratione, multa superflua generentur, quæ nisi paulatim excernantur, vel per artem, vel natura, solent subinde graves hos morbos aggesta paulatim inducere. Quare velim huius electuarii usum tibi frequentem esse.

R². Succus feniculi depurati lib. ij. Mellis despumati lib. j. Coquantur lento igne usque ad succum conf. Frigefacto adde pul. hermedactylorum ℥ j. s. Misce. dosis castaneæ magnitudine bis tertia in hebdomada cum decocto anisi, feniculi, carui, feniculi, agarici ℥ x. vel ℥ j. s. Huius loco velim

lim aliquando in ingressu mense assumeres. co-
 cillare i. mei illius Iulebi quod præsens dedit, &
 quo usus es. aliàs: quod saepe in ea dispositione
 proficuum cognoui. Quod si eo modo uti nolis,
 mane assumpto in sculo statim deuorari debet.
 Medicamentum paucissimis cognitum est, & à
 paucis solum in Italia in podagra, & morbo
 Gallico dicto, & hydrope vsitatum: & iam à
 paucis mensibus coepit etiam in Gallijs quibus-
 dam in locis eius vsus esse. Quapropter libe-
 ter tibi ipsum componendirationem præscribā,
 quæ hac est. Accipe baccas fruticis illius quæ
 spinum ceruinum Herbarij vocat, uem quia
 plerisque notissimus est, hic non depingam.
 Colligantur mense Septembri: nam eo tempore
 maturuerunt: cōtundantur in pila lapidea, dein-
 de exprimendo percolentur. Succus expressus
 coquatur lento igne, donec quarta pars absuma-
 tur, atque iterum coletur. Excolati huius, &
 iam crassioris facti succi accipe lib. j. Mellis de-
 spumati ℥. viij. coquantur unā donec syrupi
 bene cocti consistentiam, aut et crassiorem ac-
 quirant: coctis, & iam prope auferēdas ab igne,
 inijce Mastice, Cinamomi, opimi, anisorum
 ana. ℥. j. ʒ. ij. & seruetur in usum.
 Hac compositione saepe & malum in Italia in
 opere Medicasum usus. Alij accipiunt succi
 lib. j. Zaccbari ℥. iij. mellis lib. s. Cinamomi,
 Anisorum, Nucis moscata, ana. ℥. ij.
 ʒ. 2. coquant

coquunt, ut diximus. Novi alios, qui succi, & mellis ana lib. j. capiunt, inijciunt cinamomi ℥ j. Zingiberis ℥ ij. & ita commiscent. Verum non est multum in compositione discriminis: ego primam meam optimam saepe cognovi, quæ cæteris est efficacior. Exhibui aliquando dissolutum vino vel in iure carniū. Et quoniam ferè seorsum humorem educit, & aliqua ex parte biliosum, minus pituitosum, & crassum: posses aliquando interponere ex hac pasta sequenti, assumendo singulis mensibus pondus unius coronati aurei, conformata in aliquot pilulas: atq; omnibus his temporibus die precedenti, & sequenti sobrius agere, & victus ratione mediocri uti: aërem fugere intemperantum. pasta pro pilulis hæc esto.

R². Agarici trochisc. Hermodactylorum ana ℥ j. s. Turbit electi. ℥ j. s. Trochiscorum alhandal. ℥ j. s. Myrobal. chebul. Citrinorum ana ℥ iiij. Rhabarb. mastice, Zingiberis ana ℥ ij. Specierum hieræ. s. Gal. ℥ j. cum melle ros. fiat pasta pro pilulis utendis ut dictum est. Ha pilula crassa & viscida recrementa educunt potissimum. Neque velim à ratione alienum arbitrari, quod iam frequenter iubeam medicamenta deuorari: nam humoris & affectus natura hoc requirunt, & antiquis usitatum fuit, ut videre est apud Alexandrum Tralianum

lianum lib. vndecimo. Hoc modo si vita rationem institueris, facile fiet, ut aut nullum aut perexiguum humorem superfluum, & natura molestum ingeneres, & si quis ingenitus fuerit, promptè sine molestia exterminabitur: quod si etiam maiore cum molestia fieri deberet, velim tamen potius eas molestias subire te sæpius, quam vel semel humorum defluxum in iuncturas excipere. Restat in præsertatione paucis explicare quomodo iuncturae, vel artus roborari queant. Artus firmabuntur, si in eis naturalis calor excitus, non dissoluatur, si influxus humor (si quis fortè in illis adhuc latet) educatur: deinde intemperies inducta tollatur: & laxitas meatuum in illis densetur, eisque robur addatur. Quæ omnia sanè fient temperato, & mediocri exercitio, semper ante cibum adhibito, corpore haud pleno, idque in loco sicciore, siue illud fiat in equo, seu pedibus obeatur. Aduigilandum ne pedes, vel ceteri artus villo frigore premantur, aut situ & humore madescant. Abstergerendi tam vespere quam mane sicciore linteo, vel spongia. Lauandi item singulis saltem quatuordecim diebus aqua chalybeata, salsa, incoctis rosis, salvia, et iua, vel id genus similib. Post ablutionem perungendi oleo rosaceo omphacino, si haberi potest, intrito sale. Possent multa alia addi, verum hæc mihi sufficere videntur: neque ob id ea in re lon-

gior esse volo. Iam ad presentis mali curationem veniendum. Quod si forte interea temporis ipse morbi paroxysmus aliquando affligerit, pro ratione ipsius morbi varia & diuersa agenda sunt. Nam aliud in principio accessus, aliud declinante malo, aliud cum medio modo se habet. Eodem modo alia & alia adhibenda sunt, si dolor vehemens lancinaret, aut inducias dederit. In principio ubi accessio influentis humoris presentis corpus hac agenda. Influentis humor statim euacuandus venit, & reuellendus, quod commodissime fieri potest vomitu: sed quia in carnosissimis, vel obesis corporibus, difficile esse consuevit, laudarem ut per medicamentum purgans humorem eluceres. Quod licet quibusdam non probetur, scilicet quod agitata humorum nullo pacto amplius moueri velint: tamen ego multa experientia didici mirum in modum prodesse meque noui illud est, & inusitatum. Etenim Alexander Trallianus lib. undecimo expressis verbis iubet exhibenda solutiora, non solum preservationis ratione per morbi interualla: sed in ipsis mali paroxysmis. Quod mihi non videtur alienum ab Hippocratis precepto, quod habet primo aphorismo. Medicamentum autem aliquod debet esse ex prescriptis. Quo facto non improbarem, si quis frequenter cucurbitas affigeret cum scaris

Scarificatione scapulis, lumbis, & superiori-
bus natibus. Præterea intercipienda via per
quam humor illabitur in quem usum utriusque
cruri obvolvenda fasciæ oblongæ madefactæ in
posca chalybeata, quæ incoxerit rosas, cortices
granatorum, & parum aluminis dissoluerit.
Quod etiam fieri velim toties, quoties medica-
mentum aliquod purgans per os assumpseris:
nam sic fiet ut exaguitus, & ad motionem
expeditus humor, minus illabatur in iuncturas.
Præterea velim eodem oleo cum largo sale
solutum iuncturas firmari: quod etiam per mor-
bi intervalla subinde faciendum consilium.
Hæc agenda sunt donec videatur non amplius
tumor partis augeri: vel donec maior humor
influxuri pars se insinuarit. Nam cum mi-
nus influxit, velim loco rosacei chamæmelinum
cum sale assumi in eum usum. Si dolor vehe-
mens accesserit, tutissimum est applicatum ca-
taplasma ex lacte intrito pane, cum vitellis ovo-
rum, oleo rosaceo, & croci modico. Vel aliud ex
farina hordei, fabacea, rosas, chamæmelo, incoctis
fapa, & adiecta cassia medulla. Vel aliud
quod sic conficio, eoque frequenter feliciter
usus sum in magnis doloribus tam ischiadis
quàm podagra.

R² Cicutæ, Parietariæ, Lapatij, malvæ ana
quantum placet, coquantur in vino bono: co-
cta & confusa admisceo axungia porcine re-
centi.

centi, & subtilissimè trito surfuri. Et applica
loco dolenti. Eius generis permulta vario mo-
do concinnari in hunc usum possent, sed hæc
sufficiunt. Post quam fluxio destitit, & do-
lor cessavit, incipiâtque influxus humor diffia-
ri, ipsius resolutio sollicitanda est. Verùm ea
industria, ne eo quod tenuius est, extracto, cras-
sior materia infixa permaneat, quæ postea no-
dosam reddere queat podagram, ingenitus to-
phis. Quare mihi placeret affectos artus, tum ex-
halatione alicuius decocti fomentari, post leni-
ter abstergi, atque aliquo cerato obvolui. Deco-
ctum fiat ex rad. altheæ, florib. stœchadis, la-
uendula, calamenthi, Chamamelo, meliloto,
adiecto pauco sale. Ceratum esto hoc, vel simile.

R². Diachaluiteos part. ij. diachylon iriat
p. j. Emplastrum è melitoto, vel oxycroci p. s.
Emolliantur instillato oleo vulpino, & exten-
dantur supra alutam. In hunc usum etiam mi-
rè valet decoctum vulpis integri, adiectis ranis,
& lumbricis, & herbis paulo antè dictis vel
omnibus, vel aliquibus. Vel si placet linimento
uti: conficies ex myrrha bona, ex gummi am-
moniaco extillatis per ouum coctum admixto
vulpino vel castino oleo, dissolutis lumbricis ad-
ditis & pauco sale intrito, quibus si adde-
res muccaginem, quam reddit cornu cerui li-
ma attritum, incoctum vino, magis proficuum
foret. Eo subinde essent declinante morbo
affecti;

affecti artus illinendi. Licet quæ hæcenus à me
 scripta sunt, sufficere possint in arthritidis tua
 curatione, tamen ut agnoscas, valetudinem
 tuam mihi summopere curæ esse, addam hoc na-
 turale remedium (iubet sic nominare quæ Gra-
 ci $\varphi\upsilon\sigma\iota\alpha$ & $\varphi\upsilon\sigma\iota\alpha$ $\pi\epsilon\sigma\iota\alpha\tau\iota\alpha$, vocant) cu-
 ius ego experimentum vidi hisce meis oculis.
 Cum anno quinquagesimo quinto Neapoli me-
 dicinam facerem, usus sum familiariter Episco-
 po Stabienfi Ioanne Fonseca Hispano Theologo,
 is graviter laborabat arthritide: quapro-
 pter cum ubique auxilium imploraret, reme-
 diæque vndique conquereret, intelligit Mona-
 chum quendam, ex ijs qui sub Pausilypo mon-
 te ante portam habitant, ex gravi arthritide
 curatum esse, remedio quodam, ex istis quæ alli-
 gantur: accersit Monachum ad se ut intellige-
 ret, curatusne esset, & quo remedio. Monachus
 venit, sexagenarius, narrat se quotannis arthri-
 tide corripi solitum, inque plures menses detine-
 ri morbo tam gravi, ut etiam post paroxysmum
 pedes suum officium non facerent, nisi innite-
 retur baculo: addit se uaria & multiplici cura-
 tione usum, nihil profecisse: tandem se incidisse
 in Siculum quendam, qui pro experimento
 certissimo, quod subscribemus, docuerat: quo
 postquam usus esset, cœpisse paulatim melius ha-
 bere, atque iam multis mensibus liberum esse à
 paroxysmo, genna quæ humore mirum turgida
 fuerant

fuerant, desedisse, ceterosque pedum articulos
 egregie detumuisse, adeo ut iam membra agilio-
 ra sine scissione leuarentur. Remedium hoc est:
 accipiatur testis masculina (cognoscitur inter
 cetera ex cauda discrimine, & lenis sub inferio-
 re testis in cisura) ubi Luna fuerit maximè lu-
 mine diminuta, priusquam cum Sole coniunga-
 tur amputentur vix crura omnia, ea confuta in
 sacculos ex pelle hœdina angustos, alligentur mē-
 bris patietibus, ita ut dextrum crus testudinis,
 dextro cruri agrotantis respondeat, sinistrum
 sinistro: item anterius oras dextrum, brachio
 dextro applicetur, sinistrum sinistro. Quo loco
 alligari debeat non expressum fuit à Medico,
 Monachus supra genna suspenderat: & in bra-
 chijs supra cubita. Hoc remedium cum fuit
 à Monacho expositum Fonseca, vni temporis
 non adfuit: Postea cum Episcopus hæc matri re-
 tulisset, voluit ut ipse Monachum conveni-
 rem, & omnia diligenter considerata intelli-
 gem, si quid aliud desideraretur in remedij su-
 spensione. Conuenio ipse Monachum, colloquer,
 nihil intelligo præter iam à me scripta: contra recto
 iuncturas, inuenio detumuisse: & quæ ipse an-
 te aliquot menses suspenderat supra genu, tumo-
 re dissoluto iam deciderant in pedes, & parum
 aberat, quin exciderent: cum rogarem quid ca-
 se esset quare non paulatim stringeret alligata
 pro ratione tumoris decrescens: respondit: se
 expecta

expectare ut omnino tumore resoluto, exciderent. Addidit, ex his, cum primum alligantur, aliquid putrescentis odorem exspirari, sed statim illud diffilari exiccatis cruribus sanguinolentis, nihil præterea incommodi esse retulit. Is idem Monachus longo itinere per varios ambages, me pedes à cenobio eduxit, ut ostenderet quam se rectè haberet. Postquam rem se ita habere intelleximus, aptauimus idem remedium Episcopo Stabienfi, quod postquam alligassem, cepit paulatim habere melius: quo tempore viri reliqui, neq; intelligere postea potui, an pœnitius conualuerit. Horum omnium, & multis alij docti viri testes esse possunt, & præcipuè excellentissimus nostro seculo medicus Ioannes Argenterius fidem facere debet, qui cum hæc agerentur præsens fuit. De differentia testudinis nihil addidit Monachus: tamen si quid inde auxilij sperandum sit, arbitror in podagra frigida applicandas terrestres: in calida aquaticas: nam illud discrimen obseruare soleo, ab alijs primum edoctus, in unguento quodam quod ex testudinibus ad arthritidem compono, quo alias sum feliciter usus. Nolim hoc aut simile remedium parui fieri, quod ab usu communi, aut à ratione alienum videatur: nam multa sunt inter eam naturam, quæ experientia talia comprobant, licet ratio nihil inueniat, quo illa iudicet. Excellentissimi ante nos Medici illi
vfi

sunt, & diuinissimus Galenus utitur subinde, quemadmodum passim videre est, & Alexander Trallianus fidem facit. lib. 7. cap. 13.

Quod ad victus rationem attinet in accessionibus observandam, eam velim tenuem esse: & vino, tum temporis omnino interdictum, donec ea declinare ceperint, tum parcius & dilutum bibendum. Hæc sunt quæ de arthritide discenda putavi: addam pauca quædam de nephritide: quandoquidem illa omnia quæ diximus observanda in præsertione arthritidis, huic etiam conveniunt, & ex usu sunt. Solum hoc addam, quod ego experimento longo cognoui multum valere in præsertione à calculo, nimirum si subinde ieiuno ventriculo assumantur amygdalæ amara, vel nuclei persicorum aliquot, & statim superbibatur nonnihil vini albi boni. Eodem modo sæpenumero exhibui, vel calami aromatici, vel artemisia, vel, quæ in hoc casu efficacior est, virgæ aureæ herba dicta, pulverem, auri pondere, vel in iussulo, vel in vino. Horum usus etiam à colico dolore præsertuat: & quia multi flegmatis, & serosi humoris generationem fieri in corpore impedit, facit etiam ut minus materia hæreturis præparetur. Quare egotibi horum usum laudo, maximè hyberno tempore, nam in æstate intermittere aliquandiu decet, & saccharo rosaceo uti. Quod si malum

in renibus prefferit, & dolor vehementior fuerit, suadeo ut hac potione utaris.

R². nucleos persicos xiiij. Butyri ℥ s.
Lactis seminum frig. maiorum extracti cum
aqua capillorum Veneris ℥ iij.
Succi liquiritia ℥ i.
Vini maluatici ℥ ij. s.

Aqua malua quæ raphanū infuderit ℥ j. s.
Misc. fiat potio dissoluto succo, & nucleis
cōtusis. Hac potio bis in die reiterari potest: ex-
hibenda calida. Et quoniā vehementer suspectū
hābes hunc affectum, atque ego nihil nisi tuum
commodum quero, & salutem desidero, suppe-
ditabo tibi remedium quod à presentissimo
mortis periculo in hoc morbo quāplurimos li-
berauit. Id volo tibi charum esse, eoque uteris,
vel quando suspectus est morbus, vel quando
presens vrserit, siue solum dolore lancinet, vel
etiam vrinam impediat. Nam presentaneum
inde remedium percipies. Hoc remedium ita con-
fio, edoctus primum viri boni cuiusdam
Pedemontani experimento.

R². Aqua ex stercore bouino distillata mē-
se Maij ℥ iij. Vini albi optimi quod per ho-
ras viginti quatuor raphanos concisos infuderit
℥ j. s. Aqua fragorum ℥ vi. Succi limo-
num, vel Arantiorum ℥ ij. Mixtis omni-
bus fiat potus, addendo si placet parum syrupi
capillorum Veneris. Huic potioni inijce sequen-
tia

et

286 REINERI SOLENNANDRE

in pulueris pondus unius aurei, & exhibe bibendum. Pulvis est qui sequitur.

R^{ex}. Seminum violarum, fructus integris bardana, vel lappa maioris (sic vocant personatiam) ana libr. j. Saxifragie lib. s. Baccharum lauri ℥ v. fol. quercus ℥ iiij. Cineres leporis integri suffocati. Omnia siccentur, & puluerentur, & misceantur, & seruentur in usus. Quod si prescripta aqua ad manum non fuerit, hic pulvis egregie facit solum in vino exhibitus. Exhibui alias in hoc dolore, non sine insigni agrotantis iuuamento. Aqua capillorum veneris distillata in cucurbita vitrea ℥ iiij. Croci ℥ s. R^{ex}ina maluatisci ex infusis raphanis ℥ j. s. Misce

Iuuat etiam plurimum lachryma vitis distillata vino tenui, & epota, concrescit ea supra palmites, & coagulata haeret ut in cerasis, prauis, & indigenas arboribus gummi quod vocant (quod etiam in eo casu ex usu est) & in resiferis resina. Preparare etiam vidi commodè aquas polygoni (corrugiola, vel centinodiam vocant) & personatiam, hoc est, lappa, & bardana dicta herbe distillatas. Verum eorum numerus quae prodesse possunt hoc morbo curando, non debet, nec potest hic explicari.

Hac sunt vir integerrime quae in salutem etiam consulenda duxi, quae equi, bonique consules. Luguduni.

Conf.

Consilium vigesimum primum in
 febre tertiana pro viro integerrimo
 ciue Lucensi, habitum cum
 Medicis Geneuensibus.

Morbus quem vos, excellentissimi medicum
 iam decimus quartus agitur, dies, singu-
 lari diligentia in hoc integerrimo viro curandū
 suscepistis, ex genere februm est: ad cuius cura-
 tionem postquam plauevit etiam meam operam
 adhibere, consultum videtur, hinc paucis natu-
 ram eius febris explicare, & ut exactè cogno-
 scatur, ipsius causas indagare: nam si illae
 cognita tollantur, ipse morbus animo per-
 curabitur. Etenim rei effectus facile euer-
 tur, causis proximis seu coniunctis, quomoda-
 eunque lubet nominare, ablati. Quapro-
 pter scire vos arbitror, hunc integerrimum vi-
 rum, à prima corporis constitutione, hepate
 fuisse calidiore & sicciorē (huius solum tem-
 peraturam ostendam quod cetera viscera, &
 principes corporis partes, parum vel nihil
 ad morbi istius generationem faciunt) ostendit
 illud primum totius corporis constitu-
 tio extenuata & macra: vana per habitum
 disperse latiores: corpus undique hirsu-
 tum, & pilis vestitum: morbi quibus
 per omnem aetatem obnoxius fuit, hoc
 ipsum demonstrant. Etenim frequentia
 erysipe

erysipellata, quibus crura solent saepe et multum affici, sunt ex sanguine bilioso, ab hepate calidiorre & sicciore ingenito. Taceo id genus multa alia indicia quibus hoc demonstrari posset. His ita se habentibus, iam aetate ingrauescente (quoad quidem consistentem aetatem praetergressus ad primum dictum à Medicis senium peruenit) cepit ex biliosa constitutione corporis in melancholicam inclinare: quod omnibus his successu temporis necessario aduenit, qui primum sunt calidiorre & sicciore hepate constituti. Ratio hoc ipsum ostendit: & Galenus auctor est in arte Med. atque illi sunt, quibus ingeneratur seculentus, crassus, adustus plurimus humor. Quicū in hoc insigni viro propter naturale temperamentum, propter aetatem, propter vitae genus, propter tempestatis in qua sumus qualitatem, multus ingenitus sit, neque promptè possit à natura expurgari, & in crura tam facile, ut affolet, ad generandum erysipelas praecipitari. (etenim adhuc generationem non crassus sanguis aptus est, sed biliosus & tenuior: nam ille è venis elapsus promptè musculos peruadit: & circa membranam cuti substratam expeditè spargitur) retentus in venis obstructions generauit: eae deinde transpirationem liberam impedierunt, quae postea putredinem accēderunt, atque febrem excitarunt. Est igitur haec febris putrida, quae cū soleat esse vel continua, vel intermit

intermittens: hanc intermittentem esse videmus quod post quanlibet accessionem inducias det natura, liberâsque à febre aliquot multas horas interponat. Verum intermittentes febres, ut scitis, sunt in triplici differentia, pro humore qui putrescens in corpore eas accendit: nam pituita quotidianos accessus facit: atrabilis, quartanam fuit, quemadmodum bilis alia tertianam. Atque in omnibus his varias & multiplices videmus differentias pro vario & multiplici humorum discrimine. Et quoniam diximus in hoc magnifico viro bilis quantitatem procreari: at non simplicem hoc tempore, sed pro ratione etatis ceterarumque conditionum crassam, adustam, & magis feculentam, rationi consentaneum est, hanc ipsius febrem tertianam quidem esse, at tamen non omnino simplicem, & exquisitam, verum pro discrepantia humoris ab ea non nihil differentem. Quod autem ita se res habeat, non typus ipsius febris solummodo, (licet egregie) sed etiam cetera omnia indicia ostendunt. Febris inuadit cum horrore, non omnino cum rigore: accessionis principium longius extenditur quam simplex tertiana permittit: non terminatur sudore, quod ferè omni, peculiare & proprium est: nullus bilis vomitus, qui etiam ut plurimum ei coniungi solet. Hæc & alia quedam, quæ simplicem comitantur, in hac desiderari videntur: at tamen tertianæ typum retinet, ut

† scilicet

scilicet febre duodecim horarum spatio expedi-
ta & absoluta, non reuertatur, nisi horis tri-
ginta & sex exactis: licet hoc tempus subin-
de nonnihil (prout natura aut stimolata, aut
sua naturali facultate mota materiam putre-
scentem expellat) pro portione tamen anteuer-
sat. Febris igitur est, qua hic vir integerri-
mus laborat, putrida, intermittens, tertiana,
sed non exquisita omnino. Quare autem pri-
mi quatermi ex ordine paroxysmi, proximi fue-
rint, & similes exquisita, & post quintum
paroxysmum videatur degenerasse in notham
& magis productam, non est, ut vos arbi-
tramini, quod nouus iam ingenitus sit hu-
mor, priori aut consumpto, aut illi addito,
ut ita ipsius quantitate aucta, vel eo regenerato,
paroxysmi magis producantur. Nam si hoc
verum esset, non diuersa, aliqua conditione,
febris hac esset, sed omnino eadem & simi-
lis ei, quae praecessit, cum eundem qualitate
humorem regenicum imaginamini. Et qui
istud fieri posset, tam breui tempore, in homi-
ne decumbente, vobis administrantibus omnia
diligenter, quae ad curam huius febris perti-
nent, ad humoris preparationem & eductio-
nem, atque ad intemperiem morbosam tollen-
dam: detracto iam sanguine, & ceteris ad resum
necessariis a vobis, ut arbitror, recte exhibitis.
Verum quamquam eius rei causa mihi videat.

tur, accipite. In febris ex simili humore putrescente genitis, natura cum humorem peccantem aggreditur, & expellere e venis segregatum nititur, segregat, & expellit facilius, minorique negotio subtiliorem humoris partem, ut alterationi magis obnoxiam: quæ cum in humore in isto nostro agrotante respiciat magis veram bilem, hoc est proximius ad naturam ipsius accedat, factum est ut priores paroxysmi quam proximè ad tertianam veram accederent. Verùm ea magna ex parte consumpta, subsequuntur paroxysmi debebant necessario magis alijs notham referre tertianam: nam ita factum est, ut cum natura aggressum humorem, nimirum crassiorem subtiliori eius parte iam consumpta, difficilius accenderet, principium accessionis evaderet longius: & uniuersus paroxysmus magis produceretur, quod crassior materia non posset tam promptè superari. Hinc etiam factum est quod post secundum paroxysmum nullus in declinationibus febris apparuerit sudor: neque ullus bilis vomitus conspectus sit. nam humoris crassities repugnat in utroque, & in illo etiam cuius aridior, & densior ea siccitas. Hypochondria nonnihil tensa sunt: sed non admodum tumida, vel dura. In his humor latet ut plurimum, atque non immerito febris istius focus illis dici potest: licet eius in uniuerso venoso

1 2

genere

Genere sit multum. Materia ibi putrescens,
 quia crassior est, causam dat multis exhalationi-
 bus, quæ partim septum transversum subleuāt,
 & subinde pectus peruadentes, causam præ-
 bent ut spiritus fiat minus liber, & ager
 ipse persentiat quasdam angustias, & quasi
 compressionem pectoris, & sæpe spiritum minus
 liberum. Hinc etiam permulti flatus, quibus in-
 ferior venter lancinatur: quosque subinde pe-
 dendo excludit. Humor enim hic crassus, cru-
 ditatibus permixtus, egregiè flatulentus est: &
 iam ex Aristotele didicimus melancholicos
 natura multis flatibus turbari. Hæc sunt omnia
 symptomata quæ hanc febrem sequuntur: iste
 morbus, & ipsius causæ. Quid mihi videatur
 de exitu rei, paucis adiungam. Febris est in-
 termittens. Hippocrates à febre quomodocum-
 que intermiserit, periculum abesse credit. Est
 tertiana quæ solet septem circuitibus, illo dicen-
 te, terminari, si exquisita fuerit: atque hæc
 ab ipsius natura parum distat: ergo plures ha-
 bebitor quàm exquisita paroxysmos, & longior
 erit. Nam ut quartana exquisita longissima
 est, minus longa quæ notha: sic exquisita
 tertiana breuissima omnium, & quò quæque
 longius ab exquisita fuerit, eò longior solet
 esse, & magis producta. Quod idem in hac fe-
 bre timendum videtur, maximè cum obser-
 uemus nihil hactenus à natura indicati

esse

esse: nā quod in quinto paroxysmo vrina paulo copiosior fluxerit, parum facit, cum ante non habuerit coctionis signum: tamen si quid inde indicij sumendum putetis, arbitrarer undecimum vel ad summum xiiij paroxysmum non transi-
 turum. Quod ego facilius credo, cum iam in septimo laudabilem humorum concoctionem in vrini obseruem. Facit etiam aliquid quod venter per se biliosa quaedam in ipso paroxysmo, & paulo ante eum eiecerit: quæ omnia & morbi securitatem ostendunt, neque eum valde productum iri. Nam cum vitalis virtus non omnino labefacta sit: & animalis satis integra: naturali paulatim melius habente: nullo symptomate quod grauitur vrgeat, aut periculum egregie minetur presente, omnino ab hoc morbo liberabitur, & euadet. Neque terminabitur hæc in quartanam, in quam inclinata est, propter hypochondria tensa, & crassitiem humoris: si nos nostra opera prospexerimus, vt obstructions expediantur, crasso humore attenuato, lento absterfo, viscido inciso, & quod propter adustionem in eo siccus est, & durum, humectando emolliatur. Ita enim fiet, vt causis his sublati febris curetur, & providebitur ne calore suo humores iam adustos, & crassos magis compingat, & adurat. Quibus hoc remedijs fieri velim, pauci expedio. Quandoquidē quæ in principio totius morbi mouenda visa

vobis sunt, Doctissimi Medici, commodè mon-
 uistis, leniente exhibita Cassia medulla, ut pri-
 mas ab isto humore venas liberaretis: & san-
 guine detracto ea quantitate, qua vobis tunc
 visa est: subiungam paucis qua ulterius arbi-
 tror facienda. Nam de illis nihil addere oportet,
 quod cum ratione ea adhibuistis. Etenim
 licet sanguinis detractio in tertiana febre non
 administretur à Galeno: sciendum tamen est,
 id in exquisitissima ab eo fieri, qua solummo-
 do humectantia & refrigerantia postulat,
 tam febris quam humoris ratione. Verum in
 hoc nostro egro exquisita non est, & humorem
 crassum materiam habet, & ab obstructioni-
 bus manifestis fauetur ipsius putredo, & he-
 par præter modum excoactum: ut omnibus
 his occurrere posset, in ea ætate, tempestate, ha-
 bitu corporis non potuistis non hoc remedio
 aggravata natura subuenire: maxime cum
 intelligeretis sibi istud remedium quasi quotan-
 nis fuisse familiare, solum hoc ineunte Vere
 (quo tempore solet eo uti) abstinuisse. Ex
 urina video humores hoc tempore magna ex
 parte concoctos esse, & ad expulsionem quic-
 quid in eorum massa nocivum est, quodam
 modo præparatum. Quare ego summopere pro-
 bo, si crastino die, quo liber erit à febre,
 quique septimum paroxysmum subsequutu-
 rus

rus est, exhibeatur lene aliquod medicamentum, quod eos humores purget: si non omnes extrahere queat, saltem eos imminuat. Quod ut faciamus adhortatur nos etiam, quod videamus naturam hoc tempore per ea loca excretionem aliquā moliri: nam in hoc paroxysmo iam tertium excreuit biliosa, crassa, facibus permista: sed omnia in exigua quantitate: causa mihi videtur, quod cum in accessione febris uniuersus in renis humor agitur, et natura segreget eum, in quo febris accendi debet, exprimitur ex omnibus renis putrescens: ex intestinis autem quod exiguum in intestina distillat, naturam irritat, et ad excretionem excitat, hoc ipsum fecibus permistum, colorem ipsius suum tribuit: sed quia modicum illud est, excrementa pauca procedunt. Quapropter videtur mihi natura nostra auxilio inuanda, et per hac loca convenientia, quod vergere videtur, ducenda materia in corpore peccans: nam ita fiet, ut dempta magna ipsius parte, aut omnino febris non reuertatur, quod reliquum est à natura superato: aut si qui insequenturi sunt paroxysmi, et pauciores erunt et breuiores. Neque video in ea re difficultatem ullam: nam quæ dissuadere hoc videntur, à primo Doctore deliberante proposita non mihi urgere videntur. Quandoquidem ad id quod dicit considerandum esse, an medicamentum exhibendum possit plus calidi-

V1 tate sua obesse corpori, quàm utilitatis adferre
 educendo aliqua humoris calidi peccantis: ni-
 mirum omnia solutiva medicamenta calore suo
 suspecta esse. Respondeo illud nullius momenti
 esse, cum non velimus Antiquorū medicamen-
 tis vehementiobus in hoc febricitante uti, neque
 scammonio, neque helleboro, aut id genus alijs
 utramque bilem, & crassos humores magna vio-
 lentia per fas & nefas educantibus: cum suppe-
 rat nobis magna copia benedictorum vocatorum
 medicaminum, quæ Arabes suppeditarunt: ex
 quibus non solum non calfaciunt nonnulla, ve-
 rum etiam duplici ratione refrigerant & hume-
 rant, & sua qualitate, & humoris siccoris &
 calidioris educatione. Ex his multa sunt, sed
 in hoc egrotante mihi solum probatur Rhabar-
 barum, Sir. rosaceus solut. Cassia. Ex qui-
 bus ita medicamentum componi velim.

R2. Rhabarbari boni ℥ j. s. Cinamomi, spi-
 ce ana ℥ s. infundantur in aqua endiviæ, vel
 ipsius decocto q. s. secundum artem, in colatura
 dissolue Sir. ros. sol. ℥ j. Cassiæ medullæ ℥ s.
 Misce, fiat potio danda in aurora. Medicamen-
 tum hoc qualitate potius frigidum est: non cali-
 dum, humorem peccantem sine molestia educit,
 & expurgatas partes roborat: nec quicquam
 facit quod existimatis agitatione sua calorem in
 corpore ciere posse. Non enim motus is calfacit
 nostrum corpus: dissolvit quidem spiritus & vi-
 res

res imbecillas, sed quæ facile revocari possint: & utilitas maior ex educto humore, quam incommodum, quod ex agitatione illa tam exigui medicamenti resultare queat. Quod autem ex Galeno adducit idem, medicamenta subtilissimè pulverata facile in hepar rapi, & per urinam secedere: naturam autem ostendere in hoc egrotante excretionem moliendam per ventrem & intestina, nostrum verò medicamentum, quia liquidum, pulueribus facilius in habitum corporis secedere. Respondeo Galeni auctoritatem intelligendam esse de ijs medicamentis, quæ ob id exhibentur, ut in habitum corporis transeant, vel ad urinae vias deducantur: quæ sanè quo tenuiora sunt, eò facilius, expeditius, minoreque negotio persuadere, & penetrare credendum est. At non idem est in his solutivis medicamentis, quæ ut plurimum in vjs primis permanentia ad se aliunde humorem proprium attrahunt. Est quidem verum quò fuerint tenuiora, eo citius vires suas exerunt. Scio etiam eadem ipsa medicamenta per urinas euacuare, quòd sit per accidens. nam mota in venis materia, nec validè, ut fieri solet à fortibus medicamentis, attracta, facile cum seroso permixta humore elabuit per renes eius aliqua portiuncula. Quod etiam ego laudo in hoc egro: nam natura hætenus particularium quoruncunque paroxysmorum materiam per urinas excrevit, nullo sudore moto,

t s unde

unde declinante quolibet paroxysmo omnes vrinae crassiores visa semper sunt, & valde tinctae. Non igitur praeter rationem existimo factum, si hoc lene purgans medicamentum exhibeatur, quod & per alium crassa, biliosa, flegmate admixto educet, & per urinas aliquid nocentis materia praecipitabit. Insequentibus diebus aliquot (ut paucis absoluam institutam curationem) exhiberem semper aliquid, quo id praestare conarer, quod praestandum in curatione antea dixi. Exhiberem igitur in hunc usum sequentem Syrupum.

R. Syr. acetosi \mathfrak{z} s.

Syr. de borragine, vel de endiuia \mathfrak{z} j. s.

Decocti cichorii integri, borraginis integrae, melissae, agrimoniae, cetrach, passularum, aromatizati cinamomo, \mathfrak{z} iiij. misce, pro dosi detur mane in aurora. Verum quoniam alternis diebus solet febris mane circa sextam horam inuadere, neque cibi exhibendi tempus ullum commodum concedere, consultum mihi videtur, ut loco syrupi eodem tempore, quo propinari solet, vel paulo citius exhibeatur, quod & cibi & medicamenti vices subire queat: in qua re nihil excellentius inuenio, quam ut ex hordeo expressus succus incoctis petroselini nostri (quod apium antiquorum est) aliquot radicibus exhibeatur: nam abstergit & refrigerat, humectat, nutrit. Preparetur hoc modo.

Her

Hordeum integrum confricatum, ventilatum, iniectum in ollam nouam, ablatis glumis, quæ aqua innatant, coquatur additis apij radicibus donec crepet, & quasi dissoluatur, ex contuso deinde exprimatur succus, qui dilutior factus eadem aqua iterum lento igne coquatur iniecto pauco Zaccharo, donec consistentiam lactis, vel paulo crassiorem acquisierit, eius exhibeantur uncia plus minus sex. Quod si febris pluribus accessionibus posthac molesta fuerit, autor sum ut post nonum, vel si id non placet, undecimum paroxysmum rursus idem solutium, aut simile ei medicamentum, reteretur. Interea temporu exterior regio ventriculi oleo sequenti illinatur aliquando.

<i>R. Ol. de absinthio</i>	<i>℥ s.</i>
<i>Ol. cytoniorum</i>	<i>℥ i.</i>
<i>Masticis</i>	<i>℥ ij.</i>

dissoluatur mastix in oleis: nam roborabit. imbecilliores ventriculum, coctionesque promouebit. Si venter alternis saltem diebus non responderit, sollicitandus eo die quo liber à febre est, molli & leniente elysmate, quod tamen flatus discutere possit, sine excellenti calore. Expurgato corpore, & obseruato primum paroxysmo, nisi ex ipsius natura, & excrementis innotescat, multu residui esse in corpore crudioris & crassi humoris, qui concoctione maiori, & largio

largiore euacuatione egeat, placeret mihi saltem
 alternis diebus aquæ dulcis balneū: quod si hoc
 tempore non putatis adhibendum, omnino non
 debetis prætermittere post nouum, vel ad sum-
 mum undecimum paroxysmum. Scitis, opinor,
 Galenum omnem tertianam solū hoc remedio
 statim ab initio curare, primo libro ad Glaucon-
 nem. Ibidem etiam qualemcunque notham
 eodem percurat, statim signis coctionis in vrina
 visis. At hîc signa manifestissima sunt: non
 addo quod ager hic multum sit assuetus hoc re-
 medio, & sæpe multūque inuamentum per-
 senserit. Neque id mirum, cū sit corporis
 constitutione egregiè calida & sicca, cui hoc
 balneū potissimum conuenit: non enim ullū re-
 medium, quod magis humectet, & refrigeret.
 Placet mihi etiam ipsius vsus tota hac æstate, et
 autumno, ut scilicet hac ratione se liberum red-
 dat ab erysipellate: & à febre aliqua quartana,
 vel id genus alijs melancholicis affectibus tuea-
 tur, & defendat. Hæc sunt medicamenta qui-
 bus hanc febrem expelli & exterminari velim:
 quod tamen non minus victus proba ratione
 fieri debet. Is debet omnino frigidus & hu-
 midus esse, non solū febris ratione, sed etiam
 temperamenti, ætatis, tempestatis, &c. Placet
 mihi frequens exhibitio succi expressi vel ex hor-
 deo, vel ex auena. In scula simplicia aliquādo al-
 terata herbis acetosa, lactuca, borragine, spina-
 chia,

chia, cichorio, pimpinella, item cucurbita, & id genus alijs. Huiusmodi aliquando intritus vel incoctus debet esse panis. Aqua carnis vel ex asso capo, vel humero verueci expressa utilis erit, & proficua. Eo tempore quod à febre longissimè distat, non improbo intritum oui recentis vitellum. Vuae passa corinthiaca madefacta vino, & aqua mansa, & deglutita contemperabant humorum qualitatem, & nutriens. Panis modicè assus, vel exiccatus, irroratus vino, Saccharo asperso ex usu fuerit, vel in idem aut biscoctus insperso Saccharo & instillato succo arantiorum tam acidorum quàm dulcium, in cibo exhibitus bonus erit: & id genus alijs cibi, quos vos Medici curam administrantes facile præscribetis. Potus post hunc septimum paroxysmum intermissionis tempore debet esse vinum album, oligophorum dictum, dilutum aqua. Requirit virtus imbecilla, & spiritus morbi vehementia dissoluti, & ventriculus imbecillior: non repugnant, neque humores crudiores, nec dolor capitis, aut viscerum internorum aliqua inflammatio: nam hæc solent apud Galenum vini exhibitionem prohibere: dandum igitur intermissionis tempore, Cum febris vrget, satis & abundè fuerit aqua fontana incoctis paucis coriandris, vel cinamomo, & hordeo: quod si lubet in

ea Zaccarum dissolutum, non refragor. Hæc sunt
quæ in salutem huius integerrimi viri con-
sulta volui.

Consilium vigesimum secundum
in quartana febre, datum Ioanni
Lœuenitio, Legum studioso Bu-
turigibus.

B Inis vestris ad me missis literis respondi
elapsis diebus vni meo per euntium quen-
dam Germanum, qui comes datus erat quibus-
dam Augustanis studiosis ad vos proficiscenti-
bus: in quibus non tam vobis remedia præscri-
psi, quam naturam illius difficilioris febris, lon-
gins explicavi, quas egre fero vos non accepisse.
Explicarem hoc tempore idem malum, eius cau-
sas, necnon ipsius effectus nisi ne ab eo opere mul-
ta, & varia mea negotia retraherent, quibus tan-
topere obruor, ut vix respirare liceat. Tamen quæ
ego obiter in eum usum vestro puero astante vo-
bis communicare possum, accipite: alloquor
virumq; & te & conterraneum tuum: nam uter-
que ut intelligo quartana conflictatur. Nam li-
cet potissimum ad te scribā Lœuenici, tamen quan-
doquidem de quartana dissero, capietis aliquid
uterq; emolumenti ex hisce literis. Primum hoc
se scire oportet morbum qualemcunque ex arte
curari non posse, nisi prius cognoscatur, nisi
ipsius

ipsius natura, ipsius causa, atque effectus medico innotescant. Hac intelligi non possunt, nisi corporis constitutione, temperatura, viribus omnibus, & facultatibus perspectis ad amussim: ac ea perdifficile, imò cognosci non possunt, nisi à praesente Medico, eoque egregie docto, & exercitato. Ego verò praeterquam quod ex te intelligam, quartanam: nihil de ipsius differentia, nihil de dispositionibus partium corporis tui accipio: neque recordor amplius tuae dispositionis, quam solemus facile ex physiognomia quadam saltem coniecturis colligere. Verum dices: Licet mei immemor sis, & corporis constitutionem in mentem cogitatione reuocare nequeas: tamen satis illud esse debet, quòd quartana laborem, cuius causam Galenus, & ceteri Medici putrescentem humorem melancholicum constituunt. At hoc satis non est Medico prudenti, & qui salutem suo agro procurat. Quartana varia est: alia vera & simplex, quae longissima esse solet: alia notha & spuria, quae breuior. Et quoniam haec ex diuersis nascuntur humoribus, diuersam Medicinam exposcunt. Alia quartana continua est, alia intermittens: quòd humor in diuersis corporis sedibus putrescat, & accendatur. Tamen quantum ex famulo intelligo, tua, intermittens est, & quartana typo solummodo affligens. Alia quartana sedens

¶

& locum quendam habet, in quo humor quoti-
 die generatur, & continetur ad fouendam fe-
 brem (Galenus febris focum appellat) isque so-
 let ut plurimum lien esse. Alia nullo fouetur:
 solum in eo humore accenditur, qui dudum in
 venoso genere ab hepate genitus est, & male à
 liene purgatus, atque ob id multum deprauatus,
 & excrementitius. Hac ego in te intelligere
 non possum: non enim scio an lien obstructus sit,
 an increuerit, vel intumuerit, an doleat, & cet.
 Nam si hac ita se habeat, omnino febris tolli non
 poterit, nisi prius huic prospectum fuerit. Est
 enim illi causa, sine qua non potest curari febris:
 at ego inscius huius rei absens absenti consu-
 lere ex arte non possum. Alia quartana est
 eius natura, & tam mitis, ut nulla inferat sym-
 ptomata: alia solet symptomata inferre varia:
 sed pleraque ventriculum iam progressa, & lie-
 nem afficere consueverunt; atque ego ex tuo
 famulo intelligo ventriculum imbecilliores tibi
 redditum, atque ob id in accessionibus vom-
 iturire amara quadam, flauescencia, nimirum
 biliosa. Alia in alijs quartanis tempora sunt
 & etates morbi, atque ob id varia, & diuersa
 medicina adhibetur, qua ab absente medico, nisi
 ab egroto edoctus fuerit, assequi nequeunt. Nec
 satis est quod scribas te iam sex menses ea labo-
 rasse: quandoquidem non sunt omnibus quar-
 tanis eadem tempora, neque illa ubique sibi paria.

Nec

Nec tempus totius morbi (quod quibusdam quatuordecim paroxysmis, alijs anno integro terminari creditur) potest aequali proportionem in partes quatuor decidi. Nam quibusdam est principium ipsius longissimum, augmentum brevius, vigor morbi & status egregie extenditur, declinat etiam longiore temporis extensione: atque hæc in alijs alio modo se habent. Sunt præterea propè innumera id genus alia differentia à Medico consideranda, qui eam arte (ut decet) curare velit: quas non possum omnes epistola hac comprehendere. Tamen hanc volo obiter adiungere, quod ea potissimum momentum in curatione obtineat: Alia febris quartana est biliosa, alia melancholica: quam Galenus, & Serapion differentiam non observarunt: quapropter magno errore omnem quartanam calidissimis medicamentis curari putarunt, quorum doctrinam sequentes frè hoc tempore plerique Medici, faciunt interdum, ut non solum non curent febres has, sed incurabiles reddant, aut saltem, si tandem à natura evincantur, quàm longissime perdurent & extendantur. Quapropter si quid in Medicina intelligis, atque velis quædam de morbo tuo agnoscere, naturam eius intelligere, curam & victus rationem rite institutam pro ratione morbi ediscere, potius consule Avicennam, & Alexandrum Trallianum, qui exactius, & maiori iudicio de quartana scripserunt, quàm

v Galenus

Galenus in 2. ad Glauconem, in Crisib. atque
 in libris de differentiis febrium. Inter utramque
 maximum discrimen est. Quartana vera, quam
 putamus generari ab humore melancholico, vel
 succo melancholico vel nigro, hoc est fece san-
 guinis frigida & sicca, quam Galenus agnouit,
 curatur calfacientibus, & humectantibus, scili-
 cet his qualitatibus noxius humor euincitur.
 Quartana altera, quæ ab hoc humore adusto,
 vel bile aliqua assata, vel sanguine superassato
 genita fuerit, longè alia est, quæ ut plurimum
 alijs febribus solet superuenire, id est in quam
 solent ut plurimum ardentes febres, erraticæ,
 tertiana spuria terminari. Etenim hæc non ca-
 lefacientibus, sed contrarijs refrigerantibus,
 scilicet, & humectantibus euincitur. Docet hoc
 experientia: & facile ratio approbat ei, qui hu-
 morum nostrorum temperies, & qualitates agno-
 scit. Signa utriusque longius hinc foret recense-
 re: nam quæ ex consuetudine, ætate, victus ra-
 tione, exercitii genere, temperie partium prin-
 cipum, & id genus alijs sumuntur, non lubet hic
 omnia numerare: quæ ex effectibus intelliguntur,
 longius foret, nec absens absenti posset explica-
 re: quod in huiusmodi febribus sæpe pro diuer-
 sitate humorum, earum signa complicantur.
 Tamen quæ magis patent, sic se habent. Bilio-
 sam quartanam indicant, si extrema non admo-
 dum

dum longo tempore ab initio in paroxysmis frigeant, vel horreant: si rubeat lotium: pulsus sit vehementior, atque velocior: calor: aestus acrior: sitis, vigiliæque subsequantur: (nisi ventriculus refragetur) si ager irrequietior sit: si bilis vomitus sequatur: si accessio tota vel paroxysmus breuior fuerit: quod si omnia hæc, vel plurima obuenient, febrem biliosam quartanam ostendunt facile. In melancholica verò contraria videntur. Frigidus algor imprimis & prolixus ossa quodam modo confringere videtur: lotium subalbidum apparet: (ita Galenus in quartana agnouit) calor ignauus & obtusus: pulsus tardior & rarior: quique difficile emergat: accessio producta: & ita in ceteris: quæ non possum omnia breui epistola docere. Quenam ex his tua sit febris, scire non possum, neque ob id quicquam in rem consulere: quantum cōiectura assequor & relatione tui famuli, qui fert te sæpe biliosa euomere: principium febris potius cum horrore vel rigore quàm cum frigore inuadere: paroxysmum esse breuissimum, arbitror potius tuam biliosam esse vel ex melancholia adusta, quàm quamvis aliã. Quod si verum est, medicamentum quod scribis te assumpsisse consilio cuiusdam tui Medici, omnino tibi cōtrariū est & noxium. Et si quid amplius debeo dicere in vera quartana, etiã quæ ex simplici succo melancholico est, mihi non

probat. Quandoquidem non minus exiccat,
 quam calfaciat, cum tamen omnis quartana non
 tantum humoris ratione humectantia deside-
 rat, sed etiam quatenus febris est, huiusmodi re-
 quirat. Hinc senex Hippocrates Aphorismo-
 rum primo, Aphorismo 16. scribit victum
 hum: dum febricitantibus omnibus convenire.
 Quare si meo consilio uti velis, fac ego intelli-
 gam particulatim omnia, quorum mentionem
 hic feci: atque videbis, experiētiāque cogno-
 sces, meum consilium, quod libenter tibi com-
 municaturus sum, abunde tibi profuisse: vel
 quod magis ex re tua arbitrarer, consulerem
 ut ad nos venires, dabo operam, ut intelligam
 naturam tuæ febris, & quam citissime curem.
 In qua profectio illud etiam habebis emolu-
 mentum (quod magnum in quartana esse solet)
 nimirum aëris mutationem. Accepto consilio,
 si harere non libeat, post paucos dies poteris
 redire. Quartanā scribunt nulli lethalem fuisse
 unquam, tamen sepe causam præbere gra-
 vissimis morbis, qui postea hominem interi-
 munt & auferunt. Solent sepe subsequi ca-
 chexia, aqua inter cutem, ulcera difficilia cu-
 ratu, icterus nigri, tabes, destillationes perni-
 ciosæ, & nescio qui alij morbi. Intellego ex
 famulo te quadam raucedine & tussi affligi:
 manifestum indicium alicuius humoris e cere-
 bro intemperato labentis. Quicquid illud sit, fac
 quoque

quoque me certiozem. Intere à temporis potest
 tibi facile victus ratio præscribi, quæ ex usu fu-
 tura sit, quacunque causa fouerit quarianam.
 Primum igitur fuge animi omnes molestias,
 curas, cogitationes, grauiora studia: iucundè
 viue. Si legibus grauiori studio vacare non po-
 tes, vaca musica his mensibus, & iocis lepidis,
 vel historiarum lectioni. Venere omnino tibi
 interdico, licet Aristoteles melancholicis pro-
 desse eam dixerit. Exercitium velim esse me-
 diocre, ijs diebus quibus à febre liber es, idque
 semper ante cibum: quòd si non potes ipse obire,
 cura post somnum leniter fricari. Somnus pro-
 fuerit multum, sed nocturnus, neque statim à
 cib: in accessionis febris hora omnino vitandus,
 declinante illa quærendus. Aërem frigidiorē
 fuge, item humidum, nebulosum, fumidum.
 Exercere solum in aëre, ubi solis splendor ne-
 bulas dissipauerit, aëremque suis radijs defecarit.
 Ut excrementa alui, vesicæ quotidie egerantur
 prospiciendum, quòd si sponte & opera nature
 non fiat, danda opera est, vt ars id efficiat: ali-
 quando ante cibum pilulam vnā ex aloë elota
 deglutienda, aliquando paululum Rhabarbari
 dentibus mandendum & deuorandum, aliquā-
 do nucis auellanae magnitudine terebinthinae
 Venetæ (sic vocant Pharmacopole resinam
 larignam) vel olei abietis (sic vocant resinam
 abietinam) ante cibum deglutiendum, quæ o-
 mnia

310. REINERI SOLENANDRI

omnia præterquam quod aluum mouent etiam
 prima viscera extergunt & expurgant. Ho-
 rum loco aliquando inscula pinguiora incoctis
 malua, oxalide, borragine herbis ebibere utile
 fuerit: aliquando insculis mannam inijcere:
 aliàs nuci magnitudine cassia medullam in
 prima mensa deglutire, & id genus alia.
 Cibus & potus omnis humectandi vim habeat,
 quare potius elixus sit, quam assus. Dicat Ari-
 stoteles quod velit in problematis, assa humidio-
 ra esse elixis. Fuge sale multo condita, fumo
 durata, carnes maiorum animalium, aquati-
 lium, legumina omnia, pisces prope omnes, ca-
 seum, & quicquid est lactarium, carnem suil-
 lam, bubulam, axyma omnia. Cibus fere sit
 hædina caro: auicularum, caporum, gallinarum,
 veruecum & vitulorum iuuenum non improbo.
 Pira & poma cocta anisis vel coriandris condi-
 ta. Bis sumatur in die, Hora assumptionis lon-
 gissime distet à paraxysmo. Et si febris octaua,
 ut intelligo, inuadit, manè nihil omnino assuma-
 tur: declinante febre sub noctem ebibe cremo-
 rem hordei expressum incocto cinamomo, aut
 radicibus petroselini. Vinum sit non potens,
 non dulce, non austerum, sed tenue, ma-
 turum, & quod paucam ferat aquam. Si
 in febre bibendum est, utere aqua hoc modo
 preparata. Aqua lib. 6. mellis lib. 5. Cina-
 momi drachma dua, passularum Corinthiaca-
 rum

ram pugillum unum: Coquantur. Hæc quæ
ad victus rationem spectant. Si ad me venire
nolles, priusquam rescribas, poteris tuto uti his
lenioribus medicamentis. Si febris inuadat cum
nausea, nec vomitus expedite sequatur, sta-
tim tepidam hanc potionem epota.

R². Decocti S. anethi ℥ viij.

Oximel. simplicis ℥ ij. s. Misce pro vna
dosi: hancque postea euome, iniectis vel digito
vel penna in fauces postremas. Præterea non
videretur mihi præter rationem, si curares ti-
bi venam internam sinistri brachij (liena-
rem vocant) aperire, eo die quo liber es à fe-
bre, extrahi sanguinem, si niger is est, aut
crassus, ad uncias circiter novem vel decem: Sin
alius, statim suppressi debet. Suadeo, ut per octo
aut decem dies manè ebibas hanc potionem cali-
dam, & superdomias si potes. Potio hæc esto.

R². Syr. de fumo terra, Syr. de cichorio s.
Syr. acetosi s. ana ℥ s.

Decocti sequentis ℥ iiij.

Misce pro vna dosi.

R². fol. senæ ℥ j. Liquiritiæ ℥ s.

Florum violarum, borraginis, hordei, passul.

ana p. j. pruna numero x. Cetrach.

Cichorij integri, agrimonie ana m. j.

Epithymi p. j. s. polypodij ℥ j.

Coquantur omnia in aqua chalybeata q. s. se-
cundum artem ad tertias, coletur, clarificetur,

v 4

aroma

aromatiZetur cinamomo, seruetur pro syrupo.
Singulis interea septem diebus, quo die febris
non affligit, sed die precedente febrem, assumas
hoc medicamentum leniter purgans in aurora.

R \mathfrak{z} . fol. senæ \mathfrak{z} ij. s. Epithymi \mathfrak{z} ij.
Rhab. electi \mathfrak{z} j. s. Spica celtica \mathfrak{z} j.
Omnia infundantur in supra scripto decocto vel
decocto pectorali q. s. per noctem manè cola-
tu adde Syr. ros. fol. \mathfrak{z} j. s.

Confec. hamech \mathfrak{z} j. s.

Misce, fiat potio danda in aurora. Lien ne
aliquam noxam capiat, curabis inungi se-
quenti linimento, singulis diebus bis, ante
cibum potissimum.

R \mathfrak{z} . Olei capparum, Ol. absinthii. ana \mathfrak{z} j.
vini albi \mathfrak{z} iij. Succi cressionis, Hoc est. Car-
damines, vel sisymbrii aquatici \mathfrak{z} s. Pingue-
dinis anserinae \mathfrak{z} vi. S. feniculi, Epithymi
ana \mathfrak{z} j. Coquantur ad vini & succi conf. Co-
lentur, & cum pauca cera fiat linimentum pro hy-
pochondrijs, sed maximè sinistro. Venter ne
calamitatem patiat, fouendus est sequenti oleo.

R \mathfrak{z} . Ol. Cytoniorum \mathfrak{z} ij. Ol. de absinthio
 \mathfrak{z} s. vini \mathfrak{z} ij. Spica nardi, Macis ana
 \mathfrak{z} j. s. Coquantur ad vini conf. Coletur, &
in eo dissolue Mastice \mathfrak{z} ij. s. Seruetur ad
ventriculum inungendum. Hæc sunt quæ hoc
tempore scribenda duxi, quibus vteris in cura-
tione tuæ febris: vel quàmprimum exactè rem
omnem

omnem ad me perscribes, si elaboratione à me
petis. Cura ut conualescas, meisque verbis perof-
ficiosè Contrerraneos omnes nostros, qui unà te-
cum ibi sunt, saluta. Luguduni.

Consilium vigesimum tertium in
varice sinistri cruris cum eius-
dem tumore circa talos, & sub
genu quadam duricie, ad ciuem
Geneuensem.

Q Vanquam tibi, Nicolae, sicut ceteris
omnibus perspectum arbitror, quis sit
ille in crure affectus, què male habet (quan-
doquidem facile cuique per sensus exteriores
innotescit, nihilominus ut huic malo conue-
niens aliquod remedium quod exposcis, adhibe-
rem: visum est mihi non alienum ab instituto
scribere ad te quædam breviter, quò de re tota
cognitionem & maiorem habeas, & pleniorẽ.
Scias igitur in primis quod in ea concoctione,
quam in hepate natura perficit, sanguinis nimi-
rum, tria, ut in omni alia cõcoctione, excremen-
ta resultant, nimirum serosus humor, atque hic
magna ex parte à renibus attractus per vesicam
excernitur. Alterum calidum est, subtile &
acutum, bilem vocant, & choleram, recipitur in
vesicam, cui sub hepate locus est. Superest ter-
tium crassum, turbidum, graue, & feculentum

v s cuius

cuius maxima pars in splenem transponitur per
 ramum venarum meseraicarum. Caterum he-
 par temperatum, postquam chylum (sic vocant
 cibum in ventriculo coctum) bene preparatum
 ad se traxit, statim concoquit, sanguinemque bo-
 num generans, tria hæc excrementa mediocria,
 & sub proportionem quadam pro ratione assumpti
 cibi efficit, adeo ut deinde ijs ordine & conue-
 nienter ope naturalium saculiatum expurgatis,
 toto corpore sanguis sit purus, caro bene nutri-
 ta, color viuis, floridus, & verus, corpus so-
 lidum, & succi plenum, nec vlla morborum
 causa generantur in homine ratione nutrimen-
 ti. E diuerso cum per affectus hepatis, vel vena-
 rum primarum imperfecta sit ipsa sanguinis
 concoctio, superfluitates eius, & excrementa
 quoque proportionem suam carent, alioque & alio
 modo se habent pro ratione materie concoquen-
 da, pro qualitate & temperie membri sanguinem
 generantis, partiumque huic inservientium. Sed
 ne hic longa disputatione fastidio sim, præter-
 mittam dicere de duobus illis excrementis, sci-
 licet de seroso humore & bilioso: quia illa hoc
 tempore in te parum possunt, agamque de tertio
 hoc, fecem nimirum sanguinis, quam vel melan-
 cholicam, vel fecem melancholicam, vel humo-
 rem melancholicum nominant: quoniam ex ta-
 li aliqua materia generatur tui cruris affectus.
 Quod quomodo melius intelligas, scire debes hunc hu-
 morem

morem copiose nostris corporibus innasce multis de causis, ex quibus omnium potissima sunt hæc: nimirum naturalis ad hunc humorem quædam quasi propensio & inclinatio. Temperamentum primò calidum & siccum, & postmodum etiam cum ætate frigidius, siccum tamen: ciborum melancholicorum frequens usus: tum etiam retentus præter consuetudinem melancholicus humor, qui vel ab arte vel natura solet certis temporibus expurgari. Generatus igitur hic humor, nec ea quantitate, quam constitutio corporis nostri requirit, expurgatus, diuersorum morborum in corpore causa est, pro diuersitate sua, & locis diuersis in quibus insedit. Hinc mentis deliria, perturbationes animi, amentia, cancer, lepra, elephantiasis, quartana, scabies, vlcera maligna, lien magnus, hæmorrhoides, varices, & reliquæ ad genus huius humoris passionnes ælumne nascuntur. Experientia ostendit, & Galenus ex ratione docet 4. Apho. 2. Verum omisis cæteris omnibus de varice videamus: nam in cruri tuo sinistro insedit. Varices sunt vene quædam plus æquo intumescences, obtortæ, turgidæ, pleneque magna ex parte humoris melancholici, sanguinis ve feculentæ, quæ pluribus corporis nostri locis innascuntur. Videntur enim aliquando in temporibus, ventre, scroto, & plurimum in cruribus: propterea

pterea quod aptissima sunt sua natura ad recipiendum humores graues, feculentos, & pondere suo deorsum inclinantes: qualis maximè ipse humor melancholicus est. Plinius viro tantum, mulier rariò euenire dicit: licet ego sæpe in mulieribus obseruari, atq; cum hæc ad te scribo, laborantem ex varice sinistri cruris mulierem curo. Vt plurimum in sinistro crure, rarius in dextro, quod sinistram crus secundum rectitudinem lieni respondeat, omnis melancholici humoris receptaculi: quodque opinor sinistram latus, cæteris paribus dextro sit frigidius, & si dicere liceat, imbecillius. Dixi varices ex sanguine melancholico fieri, quod hoc magna ex parte eueniat: tamen est ubi aliquando ex sanguine copioso, eoque seroso vena ille intumescant. Testatur hoc idem Galenus libro de atrabile cap. 4. aliquando ab alijs crudis & crassis humoribus, ut videre est Com. 3. in lib. de atrabile cap. 4. Verū discrimen facile color prodit, quandoquidem nigra, quales sunt in tuo crure, ex nigro humore melancholico sunt. His præcognitis varicibusque ijs in tuo crure animaduersis, quæ ex eo humore proueniunt, ut ratio ipsa docet: querenda est causa, quæ huiusmodi humorem in te superfluum progenerauit. Quod cum facio, inuenio temperamentum tuum, & maximè hepatis à primo ortu fuisse calidum, & siccum, quod successu temporis necessario

sario siccius effectum, procreat sanguinem fecu-
 lentum imprimis, & melancholicum. Ad hac
 & victus ratio, & cura, & exercitiorum
 genus, & huiusmodi reliqua, quantum conse-
 qui valeo, aptissima quoque fuerunt ad ingene-
 randum huiusmodi sanguinem, tum naturalis
 inclinatio ad hunc humorem, quæ, nisi fallor,
 in te est efficacissima. Et consentaneum est
 cum nulla apparerent manifesta signa vel effe-
 ctus hactenus, quibus humor talis superfluum
 deprehenderetur, neglexisse te quoque rationem
 euacuandi superfluum eius quantitatem suo
 tempore. Hunc igitur sanguinem feculentum pau-
 latim ingentum, natura cum se tandem onera-
 tam persentiret, repulit, principesque partes eo li-
 berans, ad crura inferiora detrusit, quod natura-
 liter propter gravitatem tendebat. Porro quo-
 niam is iners est, & ignavus, non statim illabi-
 tur in iuncturas, Verum hæret & commoratur
 in venis, quæ illi propter amplitudinem suam &
 imbecillitatem, tono deperdito, facile locum tri-
 buunt & concedunt. Quod si hoc in loco
 nulla alia daretur malorum causa, vel nulla
 fieret aliarum superfluitatum, & humorum ac-
 cessio, ferri quidem posset: sed cum multo secus
 accadat, occurrendum omnino est, idque è vesti-
 gio: propterea quod interposita mora oriri pos-
 sunt ulcera maligna quædam, curatûque diffi-
 cilia: unde deinde ossis, crurisq; totius corruptio
 succe-

succedere potest, aut tandem cū recipi plus humoris in eum locū nō possit, transferri in aliam corporis partem nobiliore, nō sine graui detrimento. Iam quod humor ille non producit in mēte, melancholice effectus, cuius etiam ex me. rationem voluisti, mirū videri nō debet: nā illud accidit, partim propter qualitatem ipsius humoris, partim propter locū in quē eū natura amandat, & expurgat: quoniā cū sit solum fex sanguinis, vel humor melancholicus, neq; vllam adustionē expertus, qualis ex adusto sanguine, eōq; magis ex bile adusta, vel melacholia superassata gigni consuevit, materia prorsus est ignaua, neq; potest graues effectus inducere, grauiāque inferre symptomata. Ob eam causam cū humor iste, sedem in crure, locum à principibus partibus remotissimum repererit, nullum ibi affectum, symptomāve aliud, nisi quod sit oculis & conspectui manifestū, inducit. Ceterū exiguus ille tumor, qui sub genu cōspicitur, species est scyrrhi, tumor scilicet durus, qui breuī, nisi occurratur, sensum omnē amittet: generatus est ex humore viscoso, crasso, & feculento, & qui extra venas tanquam inutilis partim reiectus, partim ex imperfecta partis nutritione paulatim collectus, ibi velut in nodum quendā cogitur. Tumor itē qui paulo inferius circa talos est, huc suā originem refert. Nam cū ea loci venae istius humoris copia redundent: pars illa quae sicut cetera

on. 283.

omnes viuentes nutriri debet, attrahit ad se
 crudum & impurum illum sanguinem pro nu-
 trimento bono. Idemque illi r̄su venit, quod no-
 bis in annona caritate constitutis, nā ubi pane
 non licet, radicibus, & herbis vescimur: ita quo-
 que hac pars, bono nutrimento egens, quo venæ
 priuata sunt, necessario ad sui conseruationem
 apponit illud, quod erat ex malo proximum:
 vnde nō vna caro, sed muccosa, excrementi aq̃
 generari necesse est, quæ huic tumescēti parti cau-
 sam præbet. Tria hæc sunt, quæ crus illud tuū
 infestant: varices, tumor circa talos, & duricies,
 illa sub genu, inter quæ primum ceterarū omniū
 causa & caput est. Curaturo autem hos cru-
 ris affectus, in primis opus est, restituat ipsi pri-
 stinum vigorem & robur, auferat tumorem
 omnem, & ita partem firmet, ne recipiat no-
 uos influentes humores: tum etiam videndum
 ne in corpore similes isto humores geniti conti-
 neantur aut congregentur, quos in hanc partem
 imbecilliorē natura amandare queat. Quod
 postremum omnium primum expediendum est:
 quandoquidem illo neglecto quodcunque indu-
 stria & laboris in curatione cruris impendere-
 tur, foret planē irritum, & infrugiferum. Quod
 igitur ad corpus attinet, duo præstanda sunt,
 Prius expurgandum ab hoc humore corpus,
 deinde puidendū ne generetur in eo rursus eius-
 demodi humoris copia, & paulatim, ut fieri con-
 suet.

succit, ingenitus per medicamentum conueniens
 suo tempore expurgetur. Postremum hoc, pri-
 mum trademus. Non ingenerabitur humor hic
 in corpore, si diligens ratio habeatur rerum ea-
 rum, quas vocant Medici non naturales, quæ si
 adhibeantur eo modo quo decet, corpus præser-
 uare poterunt, sin minus & huic humori causam
 dabunt, & corpus fortè in deteriores huius affectus
 præcipitabunt. Habenda omnium ratio est, sed
 potissimum in victus ratione, & animi affecti-
 bus. quod hæc si incautius administratur, soleat
 plurimum momenti adferre generationi horum
 affectuum. Abstinentum igitur erit tibi cibus
 succum melancholicum generantibus, frigidis,
 siccis, crassis, acerbis, carne bubula, caprina, su-
 mo indurata, sale condita, leporina, ceruina, ani-
 malium victum & in aquis & terra queritan-
 tium: caseo, item leguminibus, præcipue fabis, len-
 te, brassica, ex pasta confectis. Pane item non be-
 ne fermentato, malè cocto, vino crasso, potenti,
 musto. Præterea interdicens curis omnibus,
 animi molestiis, & cetera omnia pro ratione
 obeunda eo modo, ut neque corpus fatigetur, aut
 oneretur, neque mens sit angustiis ullis pressa,
 cibus fuerit qui moderate humectet, & calfa-
 ciat, excrementis que careat, qualis est hœdina ca-
 ro vituli maxime lactantis, veruecis iunioris,
 pullorum gallinaceorum, caponum, aucularum
 campestrium, ouis recentioribus, tremulis, & id
 genus

genus similia. Ex fructibus multi sunt, qui sine detrimento concedi possunt, ficus, vuae, maxime passae, pepones maturiores potissimum, quorum semen primum ante sationem vel lacte, vel Zacccharo fctum, germinare coeperit, Zacccharatos vulgò vocant, poma asseruata dulcia, pruna, amygdale dulces, nuclei pinei, pistaccia, eiusque nota complures alij. Vino vtendū tenuiori quidem, albo potius, veletiam si lubet subrufo dilutioris coloris, claretum vocant pane optimo, recentiori, fermentato. Instituta hac victus ratione, purgandū statim erit vniuersum corpus: quod deinde singulis his proximus annus velim ad minimum bis fieri, nimirum ineunte Vere, & principio Autumni. Nam licet ipse moderate viuas, & melancholicos cibos maximopere refugas, nihilominus semper propter naturalem inclinationem in hunc humorem, faculenti & melancholici sanguinis in te aliqua quantitas reperietur, quam certis temporibus expurgauisse iuuabit. Prima purgatio quam administrari velim, hac subscribenda est.

Rx. Folior senæ orient. ℥ s. Polypodij quercini ℥ vi. Epihymi ℥ j. Infundantur per noctem in decocto liquiritiæ, canellæ, florum & fructuum cord. q. s. colatura admisce Syr. ros. sol. ℥ j. s. fiat potio, detur mane in aurore secure. Sequentibus sex vel septem ex ordine diebus subscriptum syrupum assumas hortor.

Rx. Syr.

R². Syr. de fumo terra ℥ i. Syr. de pomis
 Syr. de borragine ana ℥ s. Decocti borragi-
 nis integra, Cetrach, Passularū, Canella ℥ iiij.
 Misce pro vna portione, & sic pro alijs.
 Postquam sumpseris duos existis, & primas
 venas hoc pacto expurgaueris, consultum mihi
 videtur incidere venam internam, vel basilicam
 brachij sinistri: quod si sanguis exiliens crassus,
 feculentus, ater, & melancholicus cognoscatur
 extrahendum cura ad ℥ x. plus minus-
 ve: si purus videatur, tenuior, flavesceat, occlu-
 dere multo citius venam profuerit, docente
 Galeno primo lib. ad Glauconem: nec non ra-
 tione hoc ipsum suadente. Post Syrupos
 epotos capies hoc medicamentum in aurora,
 & superdormies, nec egredieris domo ante
 prandium.

R². Rharbarb. electi infusi in vino albo ℥ i.
 Fol. senæ ℥ iiij. Polypod. ℥ v. Epi-
 thymi ℥ ij. infusorum in decocto liqui-
 ritia, violarum, canellæ. q. s. secundum ar-
 tem manè colatis adde Conf. hamech ℥ ij s.
 Syr. ros. sol. ℥ i. Misce, fiat potio solutiua.
 Et hac velim te purgatione vti, tum in Vere, tum
 etiam in Autumno, eamq; cōtinuare in aliquot
 proximos annos. Quod si Autumnalē ita admi-
 nistraueris, ut adustos humores magis expur-
 get, non refragor. Placebit etiam suprascri-
 ptam aliquando mutari, ne natura vni me-
 dicamento

medicamento assuefcit. Expurgato iam corpore
 ad cruris curationem veniendum. In quo cum
 tria veniant considerata genere diuersa, ratio
 quoque dicat, ut singulis suam curationem
 adhibeamus. Quod ad varicem attinet, quan-
 do quidem vna sola non est, sed plures, eaque
 multis ramis propagata, excindi nullo modo po-
 test: quod tamen alias feliciter in Italia nobis
 successit: quapropter alia via curationis inue-
 nienda est. Et quoniam ipsae venae humorum ple-
 nae sunt, & plus equo laxiores intumuerunt,
 ex rei natura indicatione sumpta, euacuandus
 superabundans humor est, & venae costringende,
 & firmandae. Tumor ille circa talos conspicuus,
 habitu quodam naturali videtur partem affe-
 cisse, & quasi ingentus esse: atque ob id cu-
 ratu perdifficilis: nihilominus provideri potest
 ne capiat incrementum: adeo ut haec pars plus ro-
 boris consecuta, paulatim facultatibus suis dis-
 sipet, & consumat quicquid excrementitium in se
 habet. Durus vero tumor sub genu, efflagitat
 ea quae strenue mollire, & sensim resolvere
 valent. Facta itaque purgatione, summopere lauda-
 re si pedibus, ruribusque summo mane aqua cali-
 da fotis hirudines tres, quatuorve apponeres, ex-
 tremis potissimum varicum fibris, non altioribus,
 crassioribusque truncis, permittasque donec plenae
 cruoris sua sponte decidant. Quem diem totum
 quieti dabis, continubisque te lecto. Postridie

R^x. Diachylon irati, Cerat i & Sypi ex descri-
ptione Philagriū ana ℥ j.
Ammoniaci dissoluti in vino ℥ s.
Misce, fiat ceratum pro loco affecto, vel simile
aliquod, quod emolliat, & digerat, atq; hoc, vel
illud efficacius faciat pro tumore magis minus-
ve duro aut molli. Quæ scripsimus hætenus
ferè ea sunt, quæ in morbi huius curationē ad-
ferri velim: quibus hæc placet addere, quæ non
parui momenti sunt futura, si his fueris usus.
quod vt facias, planè tibi sum autor: nam pur-
gato semel corpore, non ferendum tibi aut omni-
no desistendum ab opere, sed interim dum fer-
rum, vt dicitur, calet, cudendum. Proinde
consilium do, vt proximo mense Iunio aliquot
birundines apponendum cures hæmorroidibus vo-
catæ venis, huius vs. renulis potissimum, quæ se

in latere ani sinistro ostendunt, aliam item aliam ex dextris permittesque effluere ad aliquot paucas uncias. Eandem hanc euacuationem, ex iisdem venis, eodem modo administratam, Autumno proximo probarim. Quod si frequenter fieret, quod si item in plures annos continuaretur, summopere scio profuturum tibi. Ratione hoc ipsum intelligitur: experientia comprobatur, & Hippocrates videtur idem docere 6. Aphorif. 11. & eodem 21. Atque hoc solo remedio (nisi ego plane fallor) partim euacuando noxium humorem, partim aliò derivando, poteris te omnino à varicibus istis liberum reddere. In quem usum etiam multum faciet usus sequentis electuarij, si assumatur quotidie in aliquot menses, cochleare unum, horis tribus vel duabus ante cibum. Electuarium quod sequitur esto.

R². Conseruæ rosarum (Itali & Germani & acchæum rosaceum vocant) Conf. florum borraginis. ana lib. s. Pulpæ passularum extractæ cum aqua violacea, vel borraginis ℥ iij. Specierum diarhodon Abbatis ℥ iij. Specierum aromatici ros. ℥ ij. cum syrupo de cort. citri, et de pomis utriusq. q. s. fiat mistura. Interea valde laudari, si singulis duabus vel tribus septimanis assumes optimi Rhabarbari pondus dimidij aurei, idque masticatū, & dentibus tritum deglutires, vel pulueratū dimidiæ

x 3 uncie

uncia electuarij suprascripti immisceres, atq; ita
 deuorares. Præterea vehementer probò, si proxi-
 mi Autumnus vindemia ex vino albo ma-
 ro, minimè crasso, iubeas fieri horraginatum,
 ex radice tantummodo, sed ea proportionè, ut ra-
 dicibus quartam vel quintam partem addas
 foliorum senæ orientali, inijciâsque in super
 quod satis videbitur cassiæ, hoc est vulgaris Ci-
 namomi. Atque ubi hoc defecatum, parga-
 tumque subsederit, eo subinde tota hyeme vi,
 vel manè scyphum assumendo, vel in prandij
 principio paulò minus ebibendo. Quod ad vsum
 ligni Guaiaci attinet, quod summopere qui-
 dam medici tibi prædicarunt, & ad tenuem
 illam victus rationem, quæ huic medicamento
 coniungi ut plurimum consuevit, hoc solum dico:
 quod ex ipsius usu non solum non sis perceptu-
 rus iuuamentum, verum etiam insigne incommo-
 dum accepturus: quemadmodum quilibet pru-
 dens medicus poterit faciliè ratione consequi.
 Quandoquidem cum ligno sit calfaciendi, &
 exiccandi facultas, idemque egregiè præstet
 in ædia, & humor hic generetur in corpore pro-
 pter siccam & calidam hepatis, & primarum ve-
 narum intemperiem, licet ea paulatim in fri-
 gidam mutetur, profectò non possum aliud
 in animum inducere, quàm inde tibi euenturum
 graue nocumentum: atque ita intemperatum
 vi naturalia viscera, ut quæ hoc tempore hu-
 morem ingenerent solum feculentum, tunc

ipsam melancholiam, vel humores adustos sine
 generatura. Nec admodum mihi pr. batur vsus
 radicis Cynæ, quam tu, vulgus medicorum
 sequutus, nescio qua ratione vocas radicem
 Apios. Verum si alterum ex his esset conce-
 dendum, potius vsum radicis Cynæ, quam li-
 gui Guaiaci concederem. Victus porro tenuis-
 simus, & exquisitissima illa dietæ ratio, quæ
 solet huic remedio coniungi, naturæ tuæ &
 temperamento aduersatur. Verum cibi &
 potus abstinencia, & cuncta victus ratio, nulli
 non salutaris est, nedum tibi. Lignum Gua-
 iacum (mihi crede) magis vsitatum est hoc
 tempore & frequentius remedium, quàm quod
 ita omnibus morbis utile sit, & ex vsu,
 quemadmodum quotidianis experimentis cogno-
 scimus. Neque unquam eo vtor, ubi res mea
 agitur, nisi in curando morbo, quem vocant,
 Gallicum, vel symptomatis q̃s tollendis, quæ
 originem ex eo traxerunt, vel quæ ex eo fo-
 mentum habent, vel in alio aliquo ex frigi-
 da & humida insigni intemperie orto affe-
 ctu. Præterea varices curata fuerunt mul-
 tis annis, antequàm inuentum esset lignum
 sanctum, aut huic nostro orbi cognitum. Ve-
 rum nullius hoc momenti est: illud me angit,
 quod sciam te nihil omnino inde utilitatis perce-
 pturum, sed tibi prorsus fore contrarium. Hu-
 ius remedij vice laudo summopere, ut aliam

hanc medicinam admodum tibi salutarem adhibeas. Velim te hac sequenti æstate, quod minus est, bis in septimana uti balneo, & lauacro aquæ dulci, egelidæ, in labro aliquo in hunc usum concinato. Debet hoc fieri summo mane, alui excrementis reiectis: continuari item in multos aliquot ex ordine dies: tempus & certum terminum desinet tolerantia ipsius: quod si in horæ spatium productum sit, fuerit abunde. Postquam aliquandiu in lecto hæseris, spiritibus recollectis, profuerit assumere ius pulli, vel hædinæ carnis, vel decoctum hordei, incoctis borragine, passulis, & cinamomo. Omiseram ferè quod etiam dictum oportuit. Vidimus in Hetruria iuxta Pisas nascentem capiose plantã, quam CIRSION vocat Dioscorides, quasi velis herbam varicum dicere, sub monte Sant Iuliani dicto, ad dextram proficiscenti Pisis Lucam, sub eo loco quæ Cosmus Florentinorum dux marmora excindere cœpit: neque dubium mihi est, quin ea multis in locis Galliarum humidis nimirum, vliginosis, & palustribus proveniat: Huius non solum radices adligatæ loco laboranti iuuant, doloresque sedant: sed etiam nobis experientibus folia solum varicibus imposita mirum in modum profunt. Hæc sunt quæ mihi super hæc re dicenda in mentem venerunt: quod superest, sic existimes velim meam operam, studium & industriam, & ad maiorem rei totius pro tuo arbitrato declarationem

rationem, & ad alia omnia parata esse debere.
Lugduni.

Consilium vigesimum quartum in
ganglio in summa sinistra ma-
nu, pro Mercatore Colonienſi.

MOrbus qui hunc virum male habet, ex
genere est tumorum prater naturam:
quandoquidem in extrema manu sinistra supra
carpum, iam à multis mensibus tumor ei est, ma-
liusculus, concolor, digitis cedens, dolorem exci-
tans quidem, sed leuem, neque continuum, qui
tamen noctu quam interdiu hominem peius ha-
bet: exacerbatur quoque pro motione, & mutatio-
ne aëris, & maxime (quæ aërem potissimum mo-
uet) Lunæ: post brachij motum & lassitudinem
quoque, vehementior is fit, magisque affligit: ac-
erescit etiam tumor, & minuitur secundum
eandem hanc dictam lassitudinem, mutationem
aëris, temporisque vicissitudines. Atque hi mo-
res tumoris: quæ verò illum manifesta induxerit
causa, nescitur: etenim in scio viro irrepsit, &
quidvis aliud potius expectanti. Tentata ali-
quot remedia non admodum profuerunt, imò ap-
plicata consilio Medici interior cum pinguedine
membranula, quæ solet in adipe suillo inueni-
ri, obfuisse visa est, excitato maiori dolore: neque
hoc forte prater rationem: quandoquidem laxat
illa

illa, influentique humori, aut degeneranti in
 flatus, locum capaciorem prebet: facit etiam
 tepescente suo calore ut frigidior materia fa-
 cile in flatus solvatur, exciteturque. Hæc
 historia morbi. Ex his natura eius cogno-
 scenda, quæ nimirum sit, quæ eius causa pri-
 ma extiterit, quæ coniuncta eum modo foueat,
 & contineat. Deinde si medicabilis videat-
 ur, addendum quo modo curari debeat, &
 possit: Nam curationis ratione cetera omnia
 in disputationem vocabuntur. Diximus tu-
 morem esse: ceterum quotquot tumores in cor-
 pore nostro generantur, fiunt vel ex aliquo
 quatuor humorum (sub humoribus etiam iam
 eorum excrementa comprehendimus) vel ex
 flatu, vel increcente carne. Nam qui tu-
 mores videntur, luxato aliquo membro, &
 articulo in alterutram partem depulso, & pro-
 tuberante, tumorum nomine, & natura ha-
 beri non debent. Vbi caro in parte aliqua incre-
 uit, quemadmodum in oregonia dicta hernia
 & in aliquot alijs affectibus videmus, licet sub
 tumoris nomine veniat: tamen hoc loci, conside-
 ratione opus non habet. Si pars aliqua flatibus,
 & vento turgeat, Græci *ὑποφύσκη* malum
 vocant, Arabes ventosum *apestema*, quod ta-
 men pro loci diuersitate, quem occupauit, diuer-
 sa sortitur nomina: de quibus hoc loco nihil di-
 cemus: quandoquidem tumor, qui nobis curæ duc
 prope

proponitur, inclusum humorem continet, non ex simplici flatulento spiritu est, neque ex innata carne. Quare ex diuersitate humoris, quo particula turget ipsius natura indaganda.

Humores ex antiquorum etiam sententia quaterni sunt in corpore, si serosum sub pituitoso comprehendas: alioqui quinque specie differentes constitutas in corpore necesse est: quemadmodum nos arbitramur faciendum. Ex sanguine bono & simplici in locum aliquem collecto, inflammatio dicta generatur. Ex bile vel bilioso sanguine, Erysipelas: à pituita vel pituitoso serosoque sanguine laxis quidam tumor *ἰδρυμα* dictus, quemadmodum à bile nigra, vel sanguine melancholico durus tumor, qualis in scyrrhis vel cancro, & id genus alijs videri solet. Vnusquisque habet sua particularia signa, & suas notas, quibus facile innotescit. Nam inflammatio ex sanguinis colore, dolore reherenti, calore, & id genus alijs se prodat. Erysipelas ex calore & colore bilis, non attollitur, vt illa: sed potius se diffundit. Melancholicus tumor, licet vt plurimum strictis limitibus sese contineat, tamen ferè indolens est, colore, vt humoris, nigro vel subfusca: durus, non facile cedens. Qui ex pituitosa est materia, pro diuersa pituita, & eius differentijs, diuersus est tumor: aliquando mollis, laxis, vniuersum membrum, vel

maximè

maximam eius partem occupans. Si Anura, vocant, aliquando strictis limitibus, & circumscriptis continetur, ut in multis vocatis nodis, glandulis, & id genus alijs videmus. Tamen omnes colorem humoris sequuntur, albicant enim & exiguum excitant dolorem, & quasi obtusum, qualis saepe in stupefacta parte sentitur: nisi forte aut membranas & ligamenta grauet, vel flatu excitato ea tendat. Hic tumor qui nobis curandus proponitur, nullum exhibet colorem: non rubrum sanguinis: non flavescentem bilis: non nigricantem vel fuscum melancholice: sed subalbidum, vel potius similem colori vicine partis, quae adhuc sanitate fruitur integra. Non calet, ut ex sanguine vel bile genitus: neque dolet vehementer ut illi: sed mitius se habet: non renititur, ut ex crassa melancholia genitus. Sed calore parum a sana parte differens, dolet aliquando remisso & obtuso dolore: prementi digito cedit, subterfugit, dilabitur, & retracto digito statim redit, & in pristinam formam relabitur: quod pressum est, albicat: quae omnia indicia nobis demonstrant, tumorem esse ex genere pituitosorum, non sanguineorum, neque biliosorum. Et quoniam ex ea materia, pituita nimirum frigidiore, accedente vel partis calore, vel exterius applicitorum fove saepe & multum flatus excitatur, sit ut una cum hoc humore flatulentus spiritus subinde sit permixtus. Debet igitur hic tumor sub oedemate

ncro

non alio tumorum genere comprehendit. Sed
quoniam in vno quoque genere, varia & mul-
tiplices sunt rerum differentium species, cogno-
scendum quoque sub qua specie contineri de-
beat, quodque illi apud Medicos nomen inuen-
tum sit. Profecto qui diligenter vniuscuiusq; spe-
ciei differentias, accidentia, propria considerat,
vel ad nodos, vel vocatas glandulas hunc tumo-
rem reducet, quorum vterque sub pituitoso tumo-
re numeratur. Hos duos tumores multi confun-
dunt, cum tamen ab antiquis Medicis, manife-
sto illi distincti fuerint, ut vnius generis diuer-
se species. Nodorum ab Arabibus dictorum
multiplex natura, sub apostemate à Grecis cō-
prehensa est: in his tres sunt insigniores, à simi-
litudine materiae contentae discreti, melleus ni-
mirum nodus, adipinatus, & qui similem pulti ma-
teriam includit. Verum quia, ut dixi, his simi-
lis materia ut plurimum in ijs reperitur, à Gra-
ecis propria sibi sortita sunt nomina ἀδρῶματα
μεινῆγιδες, & στατώματα ipsos vocanti-
bus: cum tamen si quis velit à materia conten-
ta omnes distinguere numero duodenario vix
comprehenderet. Glandulae verò vocatae Grecis
γάγγαια sunt, nodis parum dissimiles: quapro-
pter Celsus lib. 7. vno eodemque capite de
ijs tractat, & Auicenna nodi species con-
stituit, licet minus perite vtrorumque &
historiam & curationem confuderit. Etenim
fen.

Fen. 3. tract. 2. cap. 4. & 5. de nodis differens,
 glandulas adiungit, cum tamen sequenti capite
 de eis separatim disputare statuerat. Vterque
 tumor saepenumero pellicula continetur, quæ
 undiq; inclusum excrementum comprehendit.
 Attamen hoc magis proprium est nodis dictis
 tumoribus: non ubique glandulis. Disident
 potissimam hac nota, quia glandula, scribenti-
 bus antiquis, si premuntur, obliquè mouentur:
 nodi magis versus interiora fidunt, si premun-
 tur: si laxantur, retracto digito, versus exte-
 riora exurgunt: attamen meliceris, quia liqui-
 dior ei humor inheret, pressa etiam circumfluit:
 quod glandulis etiam aliquando euenit. Quæ
 dixi hæcenus, discrimen vtriusque humoris cō-
 stituunt, cum sub vno genere pituitosorum con-
 tineantur. Addeamus pauca alia de ganglii
 essentia & causis, atq; curationem subnectemus.
 Paulus Aegineta lib. 4. & lib. 6. dicit gāgliōn
 nervi esse concretionem (οὐσποφύη Græci vo-
 cant) ex ictu, aut labore ortam: quod licet Ara-
 bes, & posteriores quidā ab illo acceperint, mihi
 tamen non videtur verisimile esse. Nam quæ sit
 nervi conglobatio, vel coitio, vel contorsio, vel cō-
 cretio (quomodocunq; velimus dicere, tu nominis
 explanationē vide in morb. acutis cō. 4. aph. 21.)
 sensu & motu manentibus integris, & illæsis
 ego videre non possum: & quomodo hoc nervo
 eveniet ex ictu, nulla neque distentione, neque
 convul

convulsione facta? quare etiam non potius fit
 nervi contusio ex ictu quam concretio? Quod si
 ex ictu vel labore nervus imbibatur humor ali-
 quis, qui concreseat, quove illi nodantur, quare
 non conuellantur ex Hippocratis sententia 5.
 aphorif. 9? Huc accedit curationem, quam ipse
 Aeginea lib. 6. eodem cap. ganglij tradit, cō-
 cretioni nervi minime convenire: quandoquidem
 iubet. parvū ganglion cute primū scalpello di-
 nisa, comprehensum vulsella, ex basi præciden-
 dum: magnum autem hamis transfixum, exco-
 riatumque tollendum: vulnus deinde cute, com-
 missa, ut decet, sanandum: quæ sanè curatio
 nullo nervo vel soluto, vel concreto convenire
 potest. Quare longè alia res ganglion est, quàm
 existimavit Aegineta. Etenim ganglion tu-
 mor est præter naturam pituitosus, ut plurimum
 circa partes membraneas, ossa, tendines, nervos
 enatus, exiguus magna ex parte, mollior ferè
 principio, postea subinde indurescens: frequenter
 pellicula sua comprehensus, nonnunquam etiā
 nulla contentus: quo tempore humor tumore fa-
 ciens rase quasi chartilagini, vel carni hebetæ,
 & mucosæ, ignavisq; aliquot fibris (quæ proxi-
 mis tendonibus & ligamentis intertextæ sunt)
 cōfusus cōtinetur, glutinosus & mucosus, quasi
 ex nervorum excremento cōgregatus: quæadmodū
 aliàs in sectione corporū observavimus: qualisq;
 noscitur à Galeno Cōmētario secūdo de articulis,
 qualis

qualis est etiam in hoc honesto ciue Colonienſi.
 Locum affectum, quem ganglium prehendit,
 nimirum ſummos artus, & caput, in eoque ma-
 gis frontem, etiam agnoſco cum Aegineta, licet
 in alijs partibus aliquando oriatur, Nequere ſra-
 gor externam cauſam vel ex ictu, vel labore, laſ-
 ſitudineve partis eſſe. Tamen pituiſoſum, muco-
 ſumque excrementum coniuñcta cauſa ei eſt,
 quod in parte ex ictu, aut labore debili facta vel
 generatur, vt pote alimentum ſuum non recte
 concoquente: vel à circumſtantibus partibus
 & vicinis nervis, ligamentis, membranis aman-
 datur: quapropter ſerè circa oſſa, membranas,
 tendones, nervos, ligamenta concreſcit, & ha-
 rum partium frigore & humoris natura conden-
 ſatum: hinc vt plurimum circa caput & fron-
 tem, circa talos, & iuncturam, quæ extrema ma-
 nus brachio committitur, nimirum partibus ex
 carnis reperiuntur. Hæc de natura & cauſis tu-
 moris huius. Curatio iam ex morbi cognitio-
 ne inſtituenda venit: Tumor ſt præter naturam,
 is auferendus venit: auferetur tumor, materia
 eum faciente ex parte vacuata. vacuabitur, vel
 ſi in alias partes pellatur, fundaturve, vel ſi ex-
 trahatur. Extrahetur materia vel inſenſibiliter
 ea diſcuſſa & digeſta: vel cute aperta manifeſto
 eximetur, idq; aut ferramento aut medicamen-
 tis erodentibus applicitis. Cæterum hæc in vno,
 eodemque tumore fieri non poſſunt, ſed habenda
 ratio.

ratio tumoris & loci cui insedit. Nam tumor
 qui huius integerrimi viri manum affligit, quan-
 doquidem non continetur pellicula, & est circa
 tendines, non potest scissa cute, vulsella appre-
 hendi & auferri: præterea quia non est ex simpli-
 ci humore, neque eo qui aptus est, ut in pus con-
 uertatur (est enim humor sibilis, & hebeti, muc-
 cosæque carni infusus, & intertextus) non po-
 test suppurari, ut deinde ferro vel medicamento
 aperto tumore expurgetur humor, quemadmo-
 dum videre est apud Hippocratem, secundo de
 articulis circa sinem: Quoniam est circa tendines
 & nervosas partes, nequit septico medicamento,
 sine harum partium detrimento, erodi aut con-
 sumi: relinquitur una & sola curationis via
 ut aut dissoluatur vel insensibiliter dissipetur.
 Auicenna sen tertii quarti, tract secundo cap.
 quinto docet extrahendum esse quemadmodum
 in apostematibus seu abscessibus dictis tumori-
 bus fieri solet, si auferri sine detrimento potest,
 alias alio modo curationem instituit. Quo in loco
 inquit: Glandulas quæ similes sunt alfilac, &
 sunt species nodi, si tibi est possibile extrahere,
 extrahere, sicut alfilac: quæ ego hoc loco adduxi, ut
 intelligatur in vocibus errorem esse. Nam ubi
 alfilac legitur, alselha ex Bellunenfi legendum
 est. Etenim hoc Arabibus significat glandulo-
 sum huiusmodi tumorem. Haliabbas Alselaa,
 vocat, cum tamen silac vel Alfilac Auicenna
 y sit ille

fit ille palpebrarum morbus, quem Græci *πλάκας* vocauerunt, ut videre est Fentertia, tertij, qui hoc genere curationis non habet opus, neque ita curari debet. Adduxi hæc ne ex deprauato codice error medicinam huic morbo facienti contingeret. Verum reuertamur ad huius tumoris curationem, dissolui & dissipari debet: id fiet partim ijs quæ humorem contentum fundunt, & dissoluunt: partim ijs quæ digerunt, & resoluunt. Quod ut effectum habeat, videndum ita tractetur, ne tenuiore portione extracta, quod reliquum est viscosum & crassum, concreascit condenseturve. Quare necessarium omnino est, ut uno eodemque tempore applicentur tumori quæ emolliunt, incidunt, digerunt, & resoluunt: quoniam & humor viscosus est, nec tumor sine duricie. In hunc usum applicarem sequens ceratum.

R². Emplastri oxycrocei ℥ i.
 Ammoniaci ping. Bdellij, dissolutorum in
 aqua vite ana ℥ ij.
 Rad. ireos ℥ i.
 Lumbricos lotos vino & dissolutos num. iij.
 Commixtis omnibus cum paucis oleo terebinthinae, & cera noua, si opus est, formetur ceratū, extendatur supra alutam, applicetur tumori, & fasciâ arctissime constringatur. Huic cerato si lamina plumbea superligetur, videtur mihi ex
 usu

usu fore. Avicenna & sequuti eum ante nos plerique, plumbeam laminam simili aliquo emolliente & digerente medicamento illitam imponebant, quod sane ego non improbo. At tamen in hoc ganglio nostro, mihi consultum videtur, ut primum scripto ceromate emolliatur partim, partim resoluatur: & quia humor viscosus est, difficilis resolutioni, membranis, & tendinibus adnatus, arbutror maximopere profuturum, si singulis quatuor, quinque, vel sex diebus soluta fascia, ablato cerato, suffumigetur tumor, suffitu acerrimi aceti, quod satureiam, vel origanum, vel quid simile incoxerit, affusi pyritidi, vel lapidum molarium frustis candentibus: deinde absterse sudore, & compresso, & frictionibus exercitato tumori, rursus ceratum imponatur. Mirum quantum commodum hoc praestet, & expeditum sit id genus morbis remedium, attenuat, incidit, discutit, resoluit, partem roborat, & firmat. Postquam haec reiterato facta aliquoties fuerint, videtur mihi consultum, ut tandem eo modo, quod reliquum est ganglij tractetur, quo Galenus lib. 9. de simp. med. facul. cap. 50. docet his verbis: Bractea (inquit) tenuis plumbi probe ganglio illigata, plane ipsum dissipat. Docet etiam modum illigandi: Illigabit, inquiens, probe quisquis ab Hippocrate didicerit in ipsam noxam potius firma idum quam hinc

7 2 vel

४६

vel vii. deaurentur, capiat in aurora, & post deuoratas eas dormiat. Hoc medicamentum efficacius vires suas experietur, & maiore corporis tolerantia, si hunc syrupum tribus, quatuorve diebus præcedētibz manè epotarit.

R². Oxymel. s. Syr. de stæchade. Mellis rosacei ana ℥ s. decocti chamæpitios, betonicæ ℥ iiij. Misce pro dosi. Quod ad rationem victus attinet, ea sobria & cauta sit necessum est, neque similem, ei qua nostri homines ut plurimum largiore vtuntur. Abstineret debet à cibis crassi, viscidi, & frigidi alimentis, azymis, lactarqz, suilla, omni ingluvie, & crapula. Manus ægrota non multum laboris perferat, ne lassitudine prehendatur: satis illud solum est, quod calorem natium in ea excitare potest, excrementumque leniter per meatus cutaneos quotidianum discutere: quapropter malle hoc frictione fieri, manu fricante aliquādo aqua vitæ parū madefacta, aliquando asperiore linteo. Suspendenda potius ex collo manus, non demissè ferenda: neq; velim hac equum duci, flectiq; in frequentibus suis & longis itineribus. Hæc consuluisse placuit in curatione huius tumoris, quæ ego latius prosequutus sum non otij, sed amoris erga hunc ciuem Colonensem amicum meum abundantia, quodq; videretur mihi hic tumor non ex ætè cognosci ipsiusq; curationem rite instituta. Luguduni Calendis Aprilis.

y 3 Confu

Consilium vigesimum quintum in
cutis defædatione & principio
elephantiasis, & aliquot alijs af-
fectibus, datum honestæ mulieri
Lugudunensi.

Mulier quinquagenaria quæ nobis curan-
da proponitur, laborat defædatione cutis,
pustulis vehementem pruritus excitantibus,
tensione hypochondriorum, & manifesto in
toto corporis habitu calore afficitur. A qui-
bus affectibus, si liberari debet, ut exactè
primum cognoscantur necesse est: cum nec mor-
bus curari, nec causæ auferri, nisi cognita ex
arte possint. Quapropter sciendum hanc mu-
lierm, ab ineunte etate fuisse hepate calidio-
re, quemadmodum ex corporis totius venarumq;
constitutione, & cæteris indicij, perspicuum
evadit: docere id etiam possunt morbi, quibus
olim fuit conflictata. Huius solius ego hîc tem-
peraturam propono, quod ferè omnes morbi,
& symptomata quæ illam male habent, princi-
pium suum, ex hepate, utpote in humoribus
habeant. De cæteris principibus in corpore
partibus, nihil addo: quod eorum cognitio ad af-
fectuum horum tam cognitionem quàm curam
parum aut nihil faciant. Hepar igitur, qui
cum siccitate calidum, aut inter passivas qua-
litates medium habent, succedente etate me-
lancholicis

melancholici humoris plurimum generant: quem
 admodum ratione demonstrari potest: &
 Gal. in arte med. & passim alibi abunde
 ostendit. Hanc primum subinde tertianis fe-
 bribus laboravit, & sepe quartanis. Unde
 feculentus humor plurimus in meseraicas ve-
 nas, & lienem se insinuavit, qui cum non
 posset exterminari, neque à liene vinci, obstru-
 ctiones ibidem euidentes, & inde manifestam
 duriciem peperit. Quo factum est, ut lien
 imbecillior, cum non posset sanguinem à fecu-
 lento, & melancholico humore (quod sui mu-
 neris est) expurgare, nec genitum à calidio-
 re hepate ad se trahere, aut attractum con-
 coquere, massa tota sanguinea per habitum
 corporis relictā sit impura, & contaminata
 multo feculento, & melancholico humore,
 corpusque cacochymum effectum sit. Cuius
 deprauati sanguinis molestias & effectus mi-
 nus est aliās perpeffa, quod eo tempore men-
 sibus suis purgaretur: quæ purgatio quanti mo-
 menti sit in præseruatione à multis morbis, vi-
 dere est apud Hipp. in aphorism. 29. lib. 6.
 Nam ea non dissimilis est eruptioni hæmorrhoi-
 dum in viris, quæ subinde ab omnibus morbis
 melancholicis solent homines liberos reddere: quæ-
 admodum etiam obseruauit Galenus in lib. de
 Atrabile. Postquàm verò eæ purgationes mē-
 struæ secundū naturam ante triēniū deficere, &

iam quinquagesimum circiter annum mulier at-
tingeret (quo tempore etatis melancholici humo-
ris præcipua vis est in nostris corporibus, (ut
testatur Galenus lib. 6. aphorism. 5.) atque
hepatis calor in declinante etate magis intensus
nimirum siccior, melancholici humoris multum
ei, qui in corpore erat, continuo adiungeret,
causa data est variorum morborum generationi:
Vnde statim suppresis naturaliter mensibus sub-
sequuta est febris illa erraticæ, primum conti-
nua, post intermittens, & tertianæ typum repræ-
sentans: tandem (ut solet ferè omnibus erraticis
evenire) in quartanam desinens, quæ tum octo
menses continuos eam afflixit. Et quoniam illa
focus suum (ut Avicenna verbis utar) vel
subiectum habet lienem, illum egregie debilita-
vit, atque cum intemperie duriores reddidit.
Statim autem quartana curata, insequute sunt
huiusmodi pustule, de quibus hoc tempore no-
stra est disputatio. Neque id præter rationem:
nam materia quæ in venis accensa, aut ex eis præ-
cipitata putrescens, febrem quartanam causaret,
quum à natura corpus expurgante, ad cutem
(receptaculum excrementorum commune) ex-
truderetur, neque posset propter crassitiem dif-
flari, iamque esset magis adusta, pustulas eas,
quas videmus generavit, quæ eò plus molestia
adferunt, quò sunt ex melancholico sanguine
magis adusto: qui si etiam dicatur aliquid pri-
tuita

tuita putrescentis, & salsa admixtum habere non refragor. Pustulae hæc, ut plurimum circa extrema efflorescunt, nonnullæ circa manus, at plurimæ circa pedes & inferiora crura, quæ etiam egregiè intumescunt: atque præter huiusmodi tumorem varices denigrati in sinistro maximè supernè se ostendunt, quod etiam non est insimul humoris melancholici indicium, cum in ijs humor ater contineatur, atque inducitur illis cutis egregiè nigricet: quod solet solis ijs varicibus euenire, quos humor melancholicus progenerat, ut autor est Galenus in libro de atra bile. Melancholici etiam humoris indicium præbet, quod magis urgeant hi affectus in sinistro quam dextro crure, quod illud respondeat è directo lieni, qui sinistrum hypochondrium occupat. Vehemens ille pruritus ostendit quoque melancholicum sanguinem, sed adustum hos affectus excitare. Is enim tam pertinax est, ut sepe citius cutem & carnem de scalpæ, quam pruritus tollas. Colligere hoc est ex commento ephor. 9. lib. 6. Hinc est quod illa conqueratur vix dum cessare eum pruritus, cum scalpendo sanguinem prolecharit. Quandoquidem humor melancholicus maximè adustus ea natura est, ut commotus, & agitatius magis offendat quam sopitus, & quasi in loco conquiescens. Huc accedit tempus motionis eius humeris, quod circa principium noctis esse solet: quo tempore ea

γ δ vehē

vehementissime incalcescit, & grauitur cruciatur.
 Excrementa quoque quæ excernuntur, planè melancholicum sanguinem prædominantem ostendunt.
 Nam vrina aquea cum quadam glauccine, & humorem hunc, & obstructions ostendere solet:
 Alii excrementa limosa, non formata, sed diffluentia, nigra, ostendunt primam & principem humoris melancholici causam in hepate & venis mesentericis. Verùm de natura & causis huius dispositionis hæc dicta sufficiant. Inquirendum etiam dictis, quod huic præcipuæ dispositioni sit nomen. Quæ in re sciendum de scedationes catæ varias esse & multiplices, quarum nonnullæ ex humore pituitoso, quædam ex bilioso, aliquæ ex melancholico, nonnullæ ex horum mixtione, si ad cutem deferantur, sunt. De ijs quæ ex pituitoso, vel bilioso, hæc nihil dicam. Quare relinquo impetigines, vitiligines, herpetem, alteram albam. Venio ad eas quas fieri constat ex melancholico succo, in quibus apud medicos fere hæc recensentur, Albus nigra, psora, lepra, & elephantiasis. Et quoniam ostendimus humorem melancholicum adustum causam præbere in huius mulieris corpore egritudinis, videndum vtrum ex ijs iam dictis affectibus aliqui affliget. Quid sanè ex eorum natura, & proprijs notis facillè innotescet. Albus nigra species vitiliginis est, ex humore atro quidem generata, sed quæ ab huius dispositione mulieris longè distet. Etenim
 ea solet

ea solet locum affectum equaliter afficere, & quibusdam fursuribus nigris dehonestare. Lepra tam à pituita ipsa, quam melancholico succo causatur: sed hoc illi pathognomonicon est signū, quod squamæ decidat ex affecto loco. Vnde etiā creditur apud Græcos nomen inuenisse. At nihil tale in huius mulieris affectu inuenitur. Etenim partes affectæ inæqualiter tument, asperæ in quibusdam locis, in alijs minus, liuent cum nigrore quodam. Et pustulæ ubi exaruerunt, solent aliquid deijcere, sed parum fursuraceum. Quia affectus, si ex mitioribus aliquod nomen inuenire debet, sub psora omnino ponendus erit, quam nō simpliciter scabiem Latine nominabis. Nam scabies Latinis nomen latius patet, neque simpliciter Psoram Græcorum exprimit. Psora Græcis principium esse solet verendi illius morbi, quem elephantum vocant, vel elephantiasim, & facile in eum exorbitare: Atque ego in hoc proposito casus iam eius principium manifestum subesse existimo. Nam pedes & crura eo modo huc mulieri tument, quo Elephantiasii laborantibus tumere conspeximus. Est ista mor ex humore atro, unde ille morbus generatur, ut ostendimus. Vox magis est rauca facta quam soleat, quod ferè solet omnibus ijs euenire. Labra sunt magis tumida, & incipiunt pustulis per intervalla efflorescere. Nasus si non accepit aliam figuram, saltem habet subinde

subinde veluti lenticulas quasdam ibidē efflo-
 rescentes, quod Plinius lib. 26. cap. primo
 observauit in hoc morbo singulare. Denique to-
 ta cutis incipit maculis suffundi, ad id vt arbi-
 trer illam omnino lapsuram in hunc morbum, ni-
 si veniēti malo occursum fuerit. Nam quod hoc
 tempore eodem affligetur, & difficile & odio-
 sum foret ostendere. hoc quidem malum Arabes
 Leporam vocant. Nam elephantiasis Arabum
 leuior morbus est, nec contagiosus, aut ab homi-
 num consortio exterminandus: quo Auicenna,
 & item Rasis hanc mulierem laborare fateren-
 tur. Quandoquidem pedes, & crura tumentia ha-
 bet: idq; cum varicibus humore melancholico tur-
 gentibus: qualem Elephantiam suam describit
 Auicenna Fen 22. lib. 9. cap. 93. Verū ab
 ea Elephantiasi longe diuersa est Græcorum, &
 à Celso descripta. Est enim grauius omnino ma-
 lum: & si longius progrediatur, carnes depascens,
 & ossa subinde inuadens. Verū vt cumque sit
 morbus rehemens est, nec vnquam sponte sua,
 aut vi naturæ, in ea maximè ætate cessurus: ni-
 mirum quòd radices egerit, & hypochondria ipsa
 maximè sinistram tumescētia, causam habeat
 fouentem, conseruantem, continuòque suppedi-
 tantem materiam aptam huic morbo generando.
 An verò remedijs propelli possit, & sanitas in
 integrum restitui, de eo quaestio est. In qua re sa-
 ni, si humorem peccantem considero, si corporis

Et atatis dispositionem, & affectum hunc qua-
 si habitualem (ut dicunt) factum esse, profecto
 in eam opinionem venio, ut arbitrer incurabilem
 fore, aut saltem curatu perdifficillimum, tamen
 debitis & rite exhibitis, & applicitis remedijs,
 si non penitus curari, saltem tantopere infringi
 & refrenari possit, ut minimū sanē molestia ex-
 hibere queat, neque latius omnino serpere. Quod
 ut assequamur, providendum est ut corpus
 optima victus ratione foueatur, & remedijs
 exquisitis morbo occurratur. Quod ad victus
 rationem attinet, pauca quedam ascribam, quod
 ea vel idiotis ipsis sit egregiē cognita: quare ge-
 neraliora quedam addam. B Astinendum est ei
 igitur ab omni cibo humorem melancholicum
 generante, à viscido, salso, acuto, crassi quoque
 nutrimenti. In hoc numero sunt carnes magno-
 rum animalium, maxime sale, aut fumo asserva-
 te, qualis bubula, & ea paulo minus porcina,
 leporina, caprina, animalium victum partim in
 aquis, partim in terris quærentium. Legumi-
 na omnia, maxime lens & faba. In herbis ferè
 sola brassica. Tamen caloris ratione relinqui vo-
 lo quasdam alias, ut erucam, raphanum, &
 quam dragonem vulgò vocant, cepas, allia,
 porrum. Lacticinia ferè omnia, sed maxime
 caseum, atque in eo potissimum veterem. Axy-
 ma omnia: aromatibus condita: vina multi colo-
 ris, nigra, crassa, & generosa: Panis fursuraceus:
 fructus

fructus, aut herba muria condita, Pisces carne glutinosa, lacustres, & in fluminibus circa vrbes capii. Utendum potius elixis quàm asis, quòd illa sint his magis humida, & minus generando humore melancholico apta: nullo modo frixa, aut in cineribus cocta. Ex carnibus, animalium iuuenum, carnes vituli lactantis, hedi, veruecina, volucrum propè omnium: omnis vt plurimum. In sculis ex pane, hordeo, farre, aliquando in coctis prunis, cerasis adseruati, aliàs in tritis amygdalis, aut seminibus peponum, vel melonum. Ex herbis, lactuca egregiè valet, magis ea borrago tam cruda quàm cocta, malua, pimpinella, melissa, cichorium, &c. Fructus, poma quedam, sed egregiè maturi: fraga elota vino & insperso saccharo: vna sed maximè passa, pruna asseruata, ficus. Item pepones maturi, sed maximè vbi hypochondria sunt liberiora ab obstructione. Cibi non sint multum sale, vel aceto conditi. Vinum album tenue, limphatum egregiè, vel vermiculum diluti coloris, atque illud semper debet infudisse radices borraginis: vel vt plurimum vsus aqua hordeacea, in cocto cinamomo, prunis & passulis, idque maximè per hos calores aestiuos. Panis purus, qui aliquid fursuris admistum habeat, bene coctus, & fermentatus. Denique hic cibus, eligendus, qui egregiè humectet, & mediocriter refrigeret, nec tamen possit aut obstructio-

nes

nes parere, aut partas eas fouere. In his obseruandus ordo, modus, & debita quantitas, ne plus cibi assumatur, quàm concoqui possit, neque alius adnuitatur, priusquàm prior fuerit concoctus. In aëre quantum fieri potest, versetur temperato, puro, claro, perflabili & lucido. Et si talis non fuerit, cōcinnetur maximè his caloribus aspersione frigida aquæ, aceti, herbarum, & arborum quarundam admotione. Fugiat fœtidū, obscurum. Animi motiones sint moderatæ, sed maximè iram, & mœstitiā et curas euitet. Somnus meridianus, nisi visitatus sit & consuetus, fugiatur: nocturnus sit quātū consuetudinis & naturæ satis est. A quo statim querendum, ut corpus excrementa sua deponat, per os, nares, lotionē & gargarizationē: itē per urinā & aluū. Et si alius singulis diebus non responderit quod satis videatur, volo assumat eo die ante prandium per horæ spacium cochleare unum aut alterum uuarum passarū preparatarum eo quo diximus modo. Post reddita excrementa à somno, corpus leniter exercendum, donec incalēscat, ante cibum, eo in loco in quo calor aut ventus, aut alia aëris iniuria molesta esse nequit. Quod si quoque ante cœnam posset fieri lenis inambulatio, maximè circa aquas, flumen, vel fontes, summo opere laudarem. Hæc sunt quæ breuibz dicta volui in viuendi ratione obseruanda, quæ tanti sunt (credite mihi) ut si ritè adhibeantur.

beantur, vel satis esse possint his dispositionibus
 si non omnino curandis, saltem ne latius ser-
 pant retinendis: atque nisi ea obseruentur vix
 ullum remedium ex usu esse possit, quantum-
 que insigne illud sit, quod adhibeatur. Quod
 ad remedium usum spectat, rite prescriben-
 dum, iterum in memoriam sunt reuocandi af-
 fectus, qui præter naturam hanc mulierem
 affligunt. Pusiole sunt in extremo habitu
 corporis, calor totius urget, & obstructio hy-
 pochondriorum molestæ est, atque hi ita se ha-
 bent, ut alter alterius causa dici possit: tamen
 omnes ab humore melancholico dependent,
 quo refectam esse massam sanguineam osten-
 dimus. Quæ in cute sunt potissimum abster-
 gentibus opus habent, sed quia in humore ca-
 lor & siccitas est, adhibenda ea quæ hume-
 ctent, & refrigerant. Quæ in hypochon-
 drijs sunt obstructa, apertione egent, idque
 ijs quæ incidunt, attenuant, abstergunt, mol-
 liunt, atque hæc omnia sine euidenti, quate-
 nus fieri potest, & manifesto calore. Verum
 cum constet venosum genus hoc humore plu-
 rimo abundare, nullum ex prædictis recte fie-
 ri poterit, nisi primum euacuato & expurga-
 to corpore. Et quoniam hæ dispositiones pri-
 mum manifestè inualuerunt post mensium sup-
 pressionem, reuocandi forent: quemadmodum
 ab Hippocrate in aphorif. & Galeno passim
 doce

docetur. At cum etas in hac muliere euoca-
tioni eorum refragetur, alia quarenda eua-
cuatio, quæ eorum vicem supplere possit: quod
optimè factura est hoc tempore venæ sectio ex
brachio maxime sinistro, vena media aut in-
terna, quemadmodum Galenus rectè tertio de
loc. affect. cap. 6. & primo ad Glauc. de quar-
tana fieri docet in affectibus melancholicis. Ut
autem rectè hæc administretur, placet ut pri-
mum assumat hoc lenè medicamentum, quo
primæ venæ & viscera leniter expurgantur,
ne crudi, & crassi aliquid à venæ sectione
in habitum corporis rapiatur. A principio igitur
curæ, hoc quod sequitur assumat.

Rx. Cassiæ recens extractæ, Diacathol.
ana ℥ s. Electuarij lenit, quod qui-
dam Diasenæ non solutium vocant, ℥ iij.
cum pauco cinamomo, fiat bolus, capiat mane
quatuor horis ante cibum. Sequentibus ali-
quot multis diebus capiat ℥ iij.
infra scripti syrupo cum totidem vncijs deco-
ctionis borraginis & liquiritiæ. Syrupus hic
esto.

Rx. Endiuia, Lupuli, hepaticæ, Cetrach.
Capill. ven. recent. ana m. j.
fumiterre m. ij.
foliorum senæ, rad. tormentillæ, Epithymi
rad. polypodij ana ℥ j.
florum violarum, florum borraginis. S. com-
x mmm

354 REINERI SOLENANDRI

munium frig. maior. granorum berberis
 ana ℥ s. S. citri, aut arantiorum,
 Liquiritia, Cinamomi ana ℥ iij
 passul. p. i. coquantur in aqua q. s. se-
 cundum artem, & cum zaccharo fiat syru-
 pus in bona forma. Vbi per biduum eum
 syrupum assumpserit, aperiatur ei basilica,
 vel vena medi. sinistri brachij, & si san-
 guis, ut arbitramur, valde melancholicus
 fuerit, extrahantur circiter ℥ x.
 vel xij. sin. minus satis est ad ℥ vi.
 pervenisse. Nam tota hac aestate velim sin-
 gulis mensibus circa novilunium hirudines
 applicari hemorrhoidibus vocatis venis, ut in-
 de duæ aut tres sanguinem exugant, quoad
 sponte sua cadant. Etenim fere ex alio nul-
 lo remedio maius iuvamentum sperare de-
 bet: quod nimirum hac euacuatio mensibus
 respondeat: quod vena illæ partim in serat-
 carum, & porta vocata vena propago sint,
 quæ in hac muliere referta sunt, & obstru-
 ctæ ab humore melancholico: partim origi-
 nem ducant ex ramulis Causæ vena, quæ
 etiam non parum eius humoris habet. Ac-
 cedit ad hæc Hippocratis egregium testimo-
 nium. 6. aphorismorum: & Galenus expresse do-
 cet in libro de atra bile, quantopere harum a-
 pertio in omnibus melancholicis dispositio-
 bus

bus iuuat : quod etiam post eos, experientia
frequenti verum esse didicimus. Quare et au-
tor sum, ne vlllo modo hoc remedium post primam
purgationem intermittatur : sed hac estate, &
sequenti autumno etiam, singulis, vt dictum
est, mensibus reiteretur. Et hoc sibi persua-
deat, longum & vehementem morbum, &
qui in habitum quasi transitum fecerit, non
nisi insignibus, frequenter reiteratis, & conti-
nuis quasi remedijs curari, & tolli. Sed re-
deamus ad primam purgationem. Postquam
octo diebus ex ordine vsa fuerit illo syrupo,
placet vt hoc pharmacum assumat.

R². Confectionis hanech

Elect. ros. Mes.	3	s.
sol. sene	3	j. s.
Polypodij quercini	3	j.
Infusorum in decocto liquiri-	3	j.
tiae florum & fruct. cord. cum pauco ci-		
namomo q. s.		
Syrup. ros. sol.	3	j.

Misce, fiat potio, capiat manè in aurora, &
superdormiat si potest. Hunc ordinem in pur-
gatione corporis velim reiteraret aliquoties
priusquam Sol Leonem ingressus fuerit & Ca-
nicula emerferit, eisdem medicamentis, eo-
dem ordine & modo. Quandoquidem ea est na-
tura huius morbi (vt dixi) vt non cedat fa-
cile vni medicamento, sed frequenter reiteratum
& velit, & expetat. Deinde vbi Canicula vna

cum Sole emergere coeperit, eo tempore hæc paulo
 graviora medicamenta, quæ diximus, intermittere
 velim: tamē cōtinuū aliquid moliri quod naturā
 & corpus aggrauatum subleuare possit. Quā in-
 re maximopere laudo ut 3 iij. fol. senæ orient.
 cum paucis cinamomo & passulis infundat in
 ius pulli per noctem singulis septem diebus ma-
 ne epotādum, cui aliquando aut polypodium aut
 epithymum pro libito adycere poterit. Atque
 hæc sunt quæ arbitror sufficere pro corpore pur-
 gando. Verū a purgatione, & extirpatis hoc
 modo ut plurimum radicibus morbi, ad alia ve-
 niendum est, nec statim ab opere feriandum.
 Quapropter statim a purgatione volo utatur sin-
 gulis diebus mane hoc electuario, ad quantita-
 tem nucis singlandis, & post acceptum, &
 assumptum elect. illico conscendat in labrum
 plenum aqua dulci, egelida, atque in eo more-
 tur ad horæ spacium, post decumbat. Et post
 horam unam aut alteram absterse sudore, cru-
 ra, & ceteras partes infectas inungat subscri-
 bendo linimento. Balneum hoc mirum in mo-
 dum siccitatem illius humoris infringit, commo-
 de refrigerat, multa excrementa per cutem (quo
 natura in hoc morbo vergit) discutit, quæ aspe-
 riora, & dura sunt in cute, relaxat, & humo-
 res qui in venis sunt, ipsasque venas, & eorum
 principium hepar contemperat. Scio ego a
 Medicis laudari in hoc morbo balnea natura-
 lia, frā:

lia, frigida maximè, qualia ferrea sunt, & aliquantum aluminosa. Verum id ad externum cutis habitum restituendam faciunt solimodo & pustulas abolendas: quod in hac muliere nondum ex usu est: nam interim dum vehemēs illa caliditas cum siccitate adhuc in corpore viget, balnea illa medicata non possent non vehementer obesse, quod mihi in Lucensibus balneis medicinam facienti longo usu comprobatum est. Et etiam ferrea illa, & aluminosa balnea habitum corporis egregie inflammant, cutem densando, meatusque corporis occludendo, ut facultas corporis ea ratione excrementa fuliginosa diffilare minimè queat. Tamē illud ego non improbarim in hac muliere, ut tandem post primos balnei dies, in dulcem aquam aliquot candentia ferramenta extingueret: succoqueret etiam radices acetosæ, vel lapatij maioris, fumariam, lupinos contusos furfuribus mixtos, & ligatos in sindone vel panno lineo, quo in eodem balneo sordes abstergi velim. Electuarium assumendum ante ingressum balnei, vel in ipso balneo, hoc esto.

Rx. Conser. florum borraginis, Conser. rosarum ana ℥ j. s. Diarhod. abbat. Theriacæ optimæ ana ℥ j. cum syr. de pomis q. s. fiat electuarium, Linimentum verò quo velim affectas partes à balneo illi sic parato.

℞ 3

Rx.

R \acute{e} . Succ \bar{i} solatri, succ \bar{i} scabiosa, Ace-
 ti rosacei. ana \mathfrak{z} j. Succ \bar{i} rad.
 lapatij. Succ \bar{i} rad. enula ana \mathfrak{z} . vi.
 Olei rosacei \mathfrak{z} iiij.
 Cort. hellebri nigra \mathfrak{z} iiij.

ligatorum in petia. Coquantur omnia ad suc-
 corum fere cons. deinde helleborus abijciatur,
 & addantur bulgri recentis \mathfrak{z} j.

Pinguetinis viperæ, si haberi potest, si non, loco
 eius, Theriaca bona \mathfrak{z} j.

Plumbi vsti \mathfrak{z} s.

Lithargyr. Cerusa ana \mathfrak{z} ij.

Thuris \mathfrak{z} j. s.

Storacis calamita, Salis nitri ana \mathfrak{z} ij.

omnia misceantur, & cum succo limonum
 agitantur tandiu in mortario plumbeo, do-
 nec formam linimenti acceperint. Post ab-
 solutum hoc in balneo lotionis tempus, mo-
 deratè viuet, & per hanc æstatem subin-
 de interpositis aliquot semper diebus, bal-
 neum reiterabit. Interea temporis aliquando
 accipiat semina malorum arantiorum ad \mathfrak{z} ij.
 contundat, incoquat aqua vsque ad cons.
 tertie partis, & quod reliquum est aliquan-
 do mane sumat cum paucis Sacchara loco sy-
 rupi. Vbi fastidium huius obrepit, post
 balneum absolutum, placeret hoc remedium,
 quod apud quosdam pro experto secretè in
 hoc morbo conseruatur. Accipiunt milium
 de

deplumant, postea abscisso capite, pedibus, atque eo eviscerato, interiora omnia, caput, & pedes in ollam rudem coniungunt, quem tetum luto oblinunt, & in furnum calidum seponunt. Vbi omnia combusta sunt, extrahunt, quodque in eo inveniunt, puluerant, atque ex eo pulvere manè in aliquo liquore propinant: quod verò reliquum est avis, hoc partiuntur in partes tres, & quomodocunque coctum, edendum præbent agroto, eo ordine, ut tertia dies postremam partem avis absumat. Quo remedio testantur quidam hunc morbum aliàs novem dierum spatio per sanatum esse. Mihi verò hoc sequenti experimento aliàs in simili & graviori casu in Italia curatus est. Accipio duas aut tres viperas, si haberi nequeunt, totidem alios serpentes, conscindo vivos & adiecto multo hordeo decoquo in aqua, quoad hordeum tumeat aut crepet, hordeo eo, & ipsa serpentum carne pullos gallinaceos multos continuo alo, nec aliud alimentum supposito. Solent pulli postquam aliquot dies nutriti sunt, implumes evadere, & tandem rursus plumis vestiri. Vbi igitur per multos dies ita alti sunt, paulatim incipio agrum horum carne, & carniū eorum iusculis alere. Hoc remedium comprobatum est experientia. Item ratio hoc suadet, quemadmodum Galenus noster diligenter edocuit libro undecimo de

medicamentis simplicibus, ubi latissimè agis
de natura & facultatibus viperinae carnis.

Septembri mense iterum eam purgari velim
adhibito docto & prudente Medico, vel utatur
prima à nobis praescripta purgatione sine
Medici consilio. Deinde vere insequentem
circa Aprilem iterum alia velim vteretur,
nimirum assumeret apozema illud laxativum
quod subscribam, neque improbarem omnino, si
prius aut venam brachij sinistri mediam tunderet,
aut haemorrhoidibus sanguisugas, vel hirudines
duas aut tres applicaret. Horum omnium
causas foret longius explicare: nec opus est,
cum ea satis ex precedentibus pateant. Apozema
hoc esto.

Rx. fol. senae, Polypodij quercini ana ℥ i.
Cort. hellebori nigri infusorum per horas viginti
quatuor in aceto ℥ i.

Myrobalanorum Indorum ℥ s.

S. anisi, foeniculi, Cinamomi ana ℥ ij.

Liquiritiae ℥ v.

runa d. nascena numero xj. Herbarum

sumiterra Scabiosae, florum borraginis,

Hepaticae ana m. j.

Rad. enulae camp. lapatij acut. ana ℥ iiij.

florum violarum, passularum ana p. j. s.

Epithymi ℥ vj.

Misce, fiat infusio in aquae lib. j. s.

Coquatur ebullitione una, deinde adde vini
albi

albi lib. s. coletur, & saccharo q. s. est addito, fiat apozema, de quo accipiat ℥ ij. vel iij. in iure puli, singulis aut alternis diebus, ut visum fuerit. Absoluto hoc curationis modo, si forte crura non satis restituta fuerint, volo accipiantur gleba, vel argillae albae partes ij, ceru se pars una, subigantur albumine ouoru, atq; ex ea pasta inducatur cruribus crusta equaliter, quae ubi exiccata, & quasi percocta calore pedum fuerit, dematur, atque crura tum abluantur aceto, quod rosas, rumicem, & rad. althae incoxerit, atque tum ablutis cruribus alia iterum inducatur, atque rursus eadem repetantur.

Quod superius dictum oportuit hic adiungam. Statim à purgatione prima volo hypochondrium utrunque, sed maxime sinistrum, hoc sequenti linimento inungatur, singulis diebus absoluta ciborum in ventriculo coctione.

Rx. Succ. cyclaminis, Succ. cetrach. Succ. si capparum ana ℥ i.
Ol. capparum. Ol. amygd. dul. Butyri veteris an. ℥ vi.
Ammoniacy dissol. in aceto ℥ iij.
S. portulacae. S. acetosae, Tamaricis ana ℥ i.
cum pauco aceto coquantur secundum artem, & cum cera noua fiat unimentum.

Hac sunt quibus hanc mulierem sanitati pristinae restitutam iri (si recte fuerint administrata) arbitror: quod facile quiuis doctus

℞ ℥ &

362 REINERI SOLENANDRI

& exercitatus Medicus assequi poterit, qui
ea diligenter perpenderit quæ à nobis superius
scripta sunt. Cuius ego iudicio hæc omnia
libenter subijcio, optoque meliora in sa-
lutem huius egrotantis consulat.

Quapropter præter hæc abunde
scripta, multa reservo, quæ

ubi opus fuerit latius

& explicatius sum

declaraturus.

Luguduni.

FINIS.

Errata Typographorum sic cerrigito

Pag. 3.	lin. 6	pro puluent	lege pululent
4.	9.	folo	folo.
9.	8	circumnactū	circumnatum.
12.	23	quodammoda	quodammodo.
17.	14	pilula cochia	pilulas cochias.
18.	5.	tuo	tu.
26.	1.	pharamacop.	pharmacop.
26.	2	miste	misce.
27.		antepe.alterutri	alterutrinus.
28.	21.	florom	florum.
33.	7	pulueri	pulvere.
39.	20	fufis	fufis.
45.	10.	natura	natura.
49.	2.	mallum	malleum.
62.	11	temperatas	temperatus.
69.	10	potui	potu.
70.	14.	vnas	vuas.
72.	17.	frigidum	frigidus.
74.	14.	omniapermifl.	omniapermift.
78.	20.	aperant	aperiant.
97.	17.	vfu	vfus.
98.	22.	infractos	infarctos.
99.	1.	continue	continuo.
99.	13	pulmorum	Pulmonum.
101.	8.	fit	fit.
103.	9.	Cinamami	Cinamomi.
104.	8.	coloquintio	coloquintid.

Pag. 105. lin. 6. pro lib. 5. lege lib. s.		
110.	3. summo	somno.
114.	2. extirpare	extirpari.
115.	antep. auum	aluum.
116.	21. hypochondricā	hypochondriacā
117.	22. quosdam	quasdam.
119.	16. p. j. s. plant.	p. j. s. plant.
122.	22. expurpurgat	expurgat.
124.	21. abstract.	abstract.
125.	16. decent	docent.
125.	23. orificium	orificium.
126.	17. frigid.	frigid.
129.	19. somno	somno.
131.	12. habitu	halitu.
131.	20. nociuus	nociuus.
139.	11. vtaris	vtaris.
143.	6. haper	hepar.
146.	5. refectum	refertum.
148.	24. disint	desint.
152.	vt. Ansi	Anisi.
155.	10. promerid.	pomerid.
165.	7. oceldant	occludant.
165.	penul. hac	hac.
167.	2. cernicis	cervicis.
169.	3. somno	somno.
169.	17. dissolata	dissoluta.
171.	8. negotio	negotio.
179.	5. cyphum	scyphum.
181.	vt. mir	mira

pag. 192. linea 9. pro Lena lege Luna.

180.	16.	medicamenta	medicamenta.
211.	4.	3 y.	3 y.
214.	23.	prosthac	posthac.
216.	1.	perspicerem	prospicerem.
220.	7.	quicquid	quicquam.
223.	8.	resperi	vesperi.
223.	24.	egrelida	egelsida.
237.	12.	istus	istius.
239.	9.	arbitrar	arbitror.
243.	18.	albissimi	albißimi.
245.	1.	nobibilis	nobilis.
247.	8.	iuditium	inditium.
254.	6.	si qua	si qua.
255.		penult. oleum	olei.
258.	10.	principium	principum.
262.	24.	humores	humoris.
263.	18.	exuret	exurat.
256.	13.	humoris	humoris
256.	15.	defluent	defluent.
267.	13.	medicamenta	medicamento.
285.	28.	fiat	fiat.
286.	25.	hoc morbo	huic morbo.
290.	1.	febrè	ferè.
296.	6.	vehementiobus	vehementioribus.
298.	7.	In sequentib.	Insequentibus.
300.	4.	novum	novum.
309.	6.	vocare	varare.
399.	ult.	abicynam	abiegnam.

Pag. 310. lin. 20. pro paraxysmo lege paroxysmo.

316.	7. varie	varice.
331.	11. generantur	generatur.
333.	ult. confuderit	confuderit.
337.	4. tendinis	tendines.
348.	ante rem dijs	remedijs
349.	14. Astinend	Abstinend.
352.	14. refectam	refectam.
In	erratis varare	vacare.

